

ehu nehu  
'u nehu  
hu nehu  
hu nehu  
hu nehu  
ehu nehu  
hu nehu  
r u nehu  
-hu nehu  
ku nehu  
-hu nehu  
ehu nehu  
ehu -hu

bad

## Kiwei Kiwei de Ki Khana

S.J. DUNCAN



**North-Eastern Hill University Publications**  
**Shillong**

1. *nehu nehu nehu nehu nehu nehu nehu nehu nehu nehu nehu nehu nehu*  
 2. *nehu nehu nehu nehu nehu nehu nehu nehu nehu nehu nehu nehu nehu*  
 3. *nehu nehu nehu nehu nehu nehu nehu nehu nehu nehu nehu nehu nehu*



**PHUIT! KA SABU**

**bad**

**Kiwei Kiwei de Ki Khana**





University Library  
West Khasi Hills District  
Jongstole

# Phuit! Ka Sabuit!

BAD

Kiwei Kiwei de  
Ki Khana

S. J. DUNCAN



North-Eastern Hill University Publications  
Shillong

<b>First Edition</b>	<b>August</b>	<b>1968</b>
<b>Second Edition</b>	<b>June</b>	<b>1974</b>
<b>NEHU Edition</b>	<b>September</b>	<b>1987</b>
<b>Reprinted</b>	<b>January</b>	<b>1994</b>

© NEHU Publications

Rs 24 00

**Published by North-Eastern Hill University Publications, Shillong**  
**Printed at R1 Khasi Offset Printers, Umsohsun, Shillong**

## Shikyntien Arkyntien na u Nongthoh

(Sien shon kaba nyngkong)

Ha kaba nga thoh ia kine ki jingiathuh khana, ha la ki jong ki jong ki por, kawei kaba la pynkhuslai jingmut ia nga lynter ka long ba ym pat don ka jingpyniaid ryntih ia ka rukom spel ia ki ktien Khasi, kumjuh ruh ba ym pat don ka jingpynbeit kaba skhem la ngin pyniasoh ne pyniakhlad ia ki katto katne ki ktien.

Kumta, lada ki nongpule ki shem ba ka rukom spel ha kine ki jingiathuh khana ka pher, hangne hangtai, na kaba la ju iamlien, kin sngewbha ban shim ba kata ka jingiapher ka long tang ka jingpyrshang ban pyni ia ka rukom spel jong nga marwei shimet. La jar katta ruh, ki nongpule kin dang shem, ha kine ki jingiathuh khana hi, ba hawei la spel (ne shon, namar haba shon ruh ju mih teng teng ki jingbakla) ia kawei ka ktien da kumwei, hawei pat da kumwei; ne la pyniasoh hawei bad la pymakhlad hawei pat. Kane hi, nga ngeit bad nga kyrmen, kan ktik ia ka jingpyrkhat jong ngi ki Khasi baroh ba dei ban don noh kloi kloi ka jingpynbeit, khnang ba ka rukom thoh Khasi kan iaaid itynnat tang ha kawei ka dur.

Ym don ei ei kaba phylla ha kine ki jingiathuh khana. Baroh kiba nga la thoh ki long kiba ngi ju shem, ju iakynduh, ha ka imlang sahlang jong ngi kum ka jaitbynriew.

#### IV

Nga sngew nguh, sngew burom, ia i Bah Owen Rowie bad i Bah Frank M Pugh, ba ki la shumti ban pule lem ia kine ki jingiathuh khana shwa ban phah shon, bad ba ki la ai ruh shibun ki jingmut kiba kordor kiba la iarap ban pynbha pynsngewtynnat shuh shuh ia ki

Lada kine khyndiat tylli ki jingiathuh khana ki lah ban pynsngewtynnat ia ki nongpule, nga u nongthoh ngan sngew hun ba ka jingtrei jong nga kam shym long lehnohei

Shullong,  
The 5th April, 1968

S. J. Duncan.

## KA JINGSNGEW

Ha kaba pule tang shisien pule ia kane ka "Phuit! Ka Sabuit! bad kiwei de ki Khana," ka la pynlyngngoh ia u nongpule ban lap ba kane ka poetri ka pynsngew kumba pule biang ia ka poetri "OE none" ne 'Enoch Arden' jong u Lord Tennyson ha ka jinghikai ba ka a1 ne jingsngew-myllung ba ka shoh, lait noh ba ym shym la pyni ia ka thik ha ka rukom poetri.

Ka khana kaba dei shaphang "Ka Akor kaba tam" ruh ka long kaba sngewthiang shisha shisha ha kaba ki ktien Phareng ki sngew ktien Khasi bad ka jingkren Khasi da ki bym dei ki Khasi ka pynshngiam ia ka jingiakren.

Ka jingiathuhkhana shaphang "U Khynraw" ka long kaba sngewtynnat, sngewbiria bad ba pynsngew-myllung shisha shisha ha kaba kut. Hangne ka paw ka bor peit-thuh, ka sap bishar bniah, bad ka jingstad bad jinghang iathuh jong u nongthoh la kum u "inborn naturalist, innate psychologist and born story-teller."

Ka jingiathuhkhana jong ka "Bthei! Skei!" ka kham iadei bha ia ki khynnah samla, ka da don ruh bad ka jinghikai ba sngew-sammut de ha ka.

Ha ka jingiathuhkhana shaphang "U Men Mali" ka paw ka bor ringdur u nongthoh kum u nongdrodur bad nongairong airup ba stad ba tbit ban pyni ia u Men Mali ha ki nongkhmihkai kumba u long shisha, naduh ka riam ka beit jong u, ka rukom pynbeit iing pynbeit sem, naduh ka jingsngew ba rieh ba don shapoh ki jingmut jingpyr-khat bad ki khyllai ka dohnud ba marwei jong u.

Ha ka jingiathuhkhana "Phim Ngeit (I)" pat ka bynta kaba dei shaphang kaba lam ka kjat ka skei sha ka shyntur u khla uba la nang kdian ban kynrun bad aad

ha ka, kum ka miaw-thap-khnai, ka long kaba pynsgew syier mynsiem har-har ban pynkwah tip noh sa aüu ka ban bud nangta, kaba la siat jingmut sha ka buit thoh pynap syier mynsiem jong u Wilkie Collins ia ki nongpule.

Ka jingthuhkhana jong ka "Phim Ngeit (II)" ka long la kat i nobel rit. Ka jingbatai bniah ia ki jingiakren ha üing ha sem la ha kaba ha shuwa ne ha kane, ki thap ia-kynjoh ia ki jong u Charles Dickens ne jong ka George Eliot. Ngä lap ki ktien pynsgew sammut kum kine, "ka dei ban leh rangbah," "ka la pynheh ryndang," "ka la kren hynmen," ne "ka la kren tymmen," "shiliang ka kjat ka la kám sha khyndew," "pha iohsgew da ka shkor kamon, ne da ka shkor kadiang," "ka da pynkhih tyrpeng," "Ka mih na ka shyntur uwei u briew da kumwei, ka rung ha ka shkor ki nongsngap da kumwei, ka mih pat na ka shyntur jong ki da kumwei," bad kwei kiwei kiba kum kita ia kiba ym long pyni hangne.

Khatduh khatwai, "Ka Jingiathuhkhana Khrimas" la ka long kaba lyngkot, hynrei kane ruh kaba sngewmyllung mynsiem shu rukom bad ka pynkynmaw ia ki jingiathuhkhana ha ki "Christmas Books" jong u Charles Dickens la ka long ha la ka rukom pat. Ki kyrteng ki jaka ki puta kum ha kaba ha shuwa ki long kiba pynshoh jingmut shibun ha ki nongpule ban mutdur hi ha lade shaphang kita ki jaka, ki lynti iaid bad ia ka jingjlan ka por haba iaid nawei shawei.

Kiba kum kine ki jingthoh bad jingiathuhkhana, lada kim mih biang por, kin pynsgew sahnud bad pynpang-nud ia ki nongpule shadien; bad ngi ngeit kin plie lynti ia kiwei pat hadien habud ba kin ioh nuksa bad bud rukom na ka bynta ki pateng ki ban bud.

Jaiaw, Shillong.  
2nd July, 1968.

Frank M. Pugh

# Ki Ktien Lamkhmat

PHUIT! KA SABUIT!

bad

KIWEI DE KI KHANA.

I Bah S J Duncan, iba ngi ju iatip bad ju khot ha shnong ha thaw para Khasi, i Bah Jenkin, i long uba ka pyrthei khynnah skul bad nongpule kot khubor Khasi ka la tip bha—naduh “Ka Mynsiem ba Shynrang,” ka poem kaba da rangbah shisha, ym kaba dang lung ne dang lud—haduh ki jingthoh ha ki kot khubor Khasi, khamtam, ha kine ki snem ka jingiakhuh sañ hima sañ pyrthei. Ki jingthoh jong une u rangbah ha ki kot khubor ki pynpaw ia ka jingtrei kaba ni bad kaba bniah ban pynaid ia ka nia bad ka jingpyrkhat da ka jingjai-jai haduh ba kin da kup

Kitei ki jingthoh ki la lamkhmat bad lam jingmut hi ia kine ki jingathuh khana kiba kynthup ha kane ka “Phuit! Ka Sabuit! Bad kiwei de ki Khana,” kata, ba ki nongpule ki la lah ban khmih lynti ia ka jingtai ni bha ia ki ktien bad ia kawei pa kawei ka jingjia ha kine ki khana, bad ia ka jingpeit, ka jingbishar bad ka jingbatai bniah ia kito baroh kiba mih pyrthei ha ki haduh ba kin da paw ym tang kum ki tusbir kiba don tang ka lynter bad ka pangkiang, khlem jingim, hynrei haduh ba kin da kum kiba iaid ba khih, ba kren ba khana, bad kiba da im khrek ha khmat jong ki nongpule.

Nga ieh ha ki nongpule ba kin bishar ia ka jingnep ki khmat ban ieh bad ka jingbit ban buh ha ka ktien ka ban ktik da kito kiba dei ban sngew samrkhie—kum ha

**Ka Akor Kaba Tam bad Phim Ngeit?** Hynrei kaba jam tam ka jinghren kine ki khana ka long ia ka jingjylliew ka dohnud briew ba une u rangbah u pynnoh dong shanam bad ksai sawar ban twad bad ban thew. Kabı shisha ba ka jinglong riwshai riwshemphang phi lah ban thew da ka bor kaba kot ban sngewthuh, ban sngewlem ne ban buh dor kaba shisha— ka **compassion** bad ka **appreciation** —ban wad ia ki bin bin jong ka jingsngew ha ka dohnud briew

Ha kawei ka Art Gallery kaba khraw la don ki nongleit jngoh pyrthet kiba kren bad leh kumba kim da suitñew eh ia kita ki dur kiba la wah ha ki kynroh jong ka **U Guide**, uba long tang u nongkdew lynti ne pyniathuh kyrteng ha ki nongjngohkai u la ong—"Ia ka jingkdor kine ki dur la lah pynshong da ki pateng pateng briew kiba la iohi ia ki Mynta, kine ki dur ki thew ia ka jingdondor jong phi kiba wan jngoh ia ki."

Te kine ki khana, khamtam **U Khynraw**, **U Men Mali**, **Ka Jingiathuh** khana Khrimas, bad Phuit! **Ka Sabuit!** kin thew ia ki jingkhraw ka jabieng bad ka jingshemphang bad ka mynsiem ki nongpule, kaba jylliew ne kaba jyndong, kaba iar ne kaba khum

Shikyntien ka ktien ba pyndonkam ban sei ia ki syntiew ki skud kine ki khana ka long ka ktien kaba jlih bad kaba don akor bad don burom suda—ka mih na ka **refinement** ba ki ong ha ka ktien Phareng : u soh jong ka jingsngewthuh kaba iar, ka jingpvrkhat kaba la ih, bad ka jingbisha kaba hok ne kaba shisha khlem bakla.

Ka dur ka dar, ka shynruh ka shynrong jong ka **Phuit!** **Ka Sabuit!** ka long kaba mih thymmai ha ka ktien jong ngi, ka **Literature** jong ngi ki Khasi. **Ka khana** ka paw ha ka jingpyahap ia ka sur jong ka kynnoh kaba khatduh ha



ka lain, ka rhyme, kum ha ka Phawar, hynrei hangne kine  
 ki jingpyihap kim long kiba shu tam tang ban ioh kyn-  
 doh—em, ki da bteng ka jingmut ter ter na uwei u lain  
 sha uwei, katha ka dei ban kot, Ka jingtuid, jingtyllun  
 jong ka jingim bad jingsngew ka long kum ha ka poetry—  
 hynrei ka poem kaba khlem shah teh shah khum ha ka  
 aiñ briew, ka buh la la ka aiñ, ban iaid katha hap ka  
 jingthew jong ka jingmut bad jingsngew

Ia ka khana “Ki Mad ia ka Shillong,” la pyrshang ban  
 da jngoh bha ia kane ka **problem** jong ka bor ka Sor ban  
 ring ia ki nongkyndong, ban pynthame bad ban pynjot  
 ia ki Uwei u Syiem myn-arphe-w-sai snem ne u la pyr-  
 shang ban da synshar bha ia ka leit sor wan sor ki khun  
 ki hajar jong u Ka jingkot kyrdan ka long-rymeng bad  
 ka jingri kyndong ia ka burom long-briew kam shong ha  
 ki adong ne ki jingpynbor da ka aiñ, hynrei ha ka jing-  
 kyndit bynriew, ka jingpeitmat bad ha ka jingtip-briew  
 tip-blei u khun u hajar ka n.

Ki nongpule kin ioh shubun ka ngap kaba thiang bad  
 ki kpu ki skam kiba shugiam—hynrei to kin pule da  
 pyrkhat, ym shu kumba tda u thliem ne kumba shu beh  
 ka lyer kaba khlem tip na shano ka wan bad shano ka  
 leit

Ngì lah ban ong mynta sa shisien, bad da kaba skhem,  
 ba ia kine kiba la buh ha kane ka song—**Phuit ! Ka Sabuit !**  
**Bad Kiwei de Ki Khana**—ngì lah ban iathew ryngeng  
 bad ka ‘fiction’ ha ka Literature jong kiwei kiwei ki jaid  
 ktien bad ki jait bynriew ka pyrthei; da kano kano ka jing-  
 thew ruh kine ki khana ki la long ki **Literary Works of**  
**Art** ha ka ktien Khasi.

Shillong,  
 The 6th April, 1968.

**U Owen Rowie.**

SA SHIKYNTIEN AR KYNTIEN BIANG  
NA U NONGTHOH  
(Sien shon kaba ar)

Nyngkong eh nga kwah ban pynpaw ia ka jing-sngewnguh kaba khraw ia ki nongpule baroh kiba la ai mynsiem bad pynshngaiñ ia nga hadien ba ki la ia-10h ban pule ia kiue ki jungiathuh khana.

Ki kot na ka Sien shon kaba nyngkong ki la jan lut bad la donkam ban shon thymmai biang, hynrei shwa ban leh kumta nga la shim ia ka kabu ban pynbeit pynbha ia ki jingbakla, jingduna kat kiba nga lah ban shem, bad nga la bsuh shuh shuh sa lai tyll ki jungiathuh khana kiba thymmai ban nang pynkhraw ia ka jingsngewbha ki nongpule.

Ia ka "Phuit ! Ka Sabuit !" ruh nga la buh noh mynta ha ka dur kaba thymmai ban pynsuk ia ka jingpule.

Ha kane ka Sien shon kaba ar la pyndonkam da ki dak kiba kham shai ban kham suk ka pule.

Nga kyrmen ba kine ki jingiathuh khana kin iai pyn-sngewtynnat ia ki nongpule baroh

# **J i n g k d e w**

	<b>PEIJ</b>
<b>PHUIT ! KA SABUIT !</b>	<b>1</b>
<b>KIWEI DE KI KHANA :</b>	
(1) KA AKOR KABA TAM	53
(2) U KHYNRAW	62
(3) BTHEI ! SKEI !	80
(4) NGA KYRTENG U SKEI SA LEI ?	84
(5) U MEN MALI	98
(6) WAT AI NISHAN YA KIWEI	109
(7) PIIM NGEIT ? (I)	125
(8) KI MAD YA KA SHILLONG	141
(9) PHIM NGEIT ? (II)	176
(10) KA JINGIATHUH KHANA KHRISMAS (I)	208
(11) KA JINGIATHUH KHANA KHRISMAS (II)	214



**PHUIT! KA SABUIT!**

**bad**

**Kiwei Kiwei de Ki Khana**



# Phuit ! Ka Sabuit !

Ha kane ka khana  
Ba ki ong kein, hana,  
Kum kane ym pat don ha pyrthei,  
Ngan iathuh ia kawei ka kynthei,  
Ia u khun jong ka u Stein,  
Ia ka shnong jong ki ruh kein

Ka kyrteng jong ki briew  
Bad ka shnong ngam pynpaw,  
Kiba paw ha kane  
Dei kiba nga shu thaw,  
Ki bym don jingadei  
Bad ki briew ba dang im,  
Te kumjuh ka kyrteng  
Kiba iap ngam shym shum

Ka Khriang phin sa shem  
Kam iaid beit iaid ryntih,  
Hawei ka ryngkoh  
Bad hawei ka kyrsih  
Lada phi la hun  
Ia kaba nga iathuh,  
Tang katta nga la hun  
Ngam kwah ei ei shuh

## I

### KA JINGIM HA SHNONG

Marwei ka riewkynthei ka shong,  
Marwei ka trei ka ktah,  
Naduh ba iap u lok, ha shnong  
Sa tang marwei ka sah

Y'u khun marwei, u Stein,  
 Sha Sor Shillong ka phah  
 Ba un shong skul,  
 Ka trei shitom katba ka lah  
 Ka bun ki jingsngewsih,  
 Ka dap tang ka khuslai,  
 Hynrei ka eh jingmut,  
 Ka ieng la ka kamai  
 U phan, ka shriew, u krai,  
 Rymbai, u jhur u jhep,  
 Katba lah ei i bor  
 Kynthei ka thung ka tep  
 Ka shong marwei, ka trei  
 Marwei, ka laid marwei,  
 Ban thad than eh ia ka  
 Jingshitom kam mon—bym dei  
 (Kane ka niewkynthei  
 Ki jer kyrteng Shailat  
 Ynnai tohmet, ngin khot  
 Ka Kong Shailat, Kong Lat)  
 Saw ngut san ngut ha shnong  
 Ki niewkynriang pyrkhat,  
 Ki sdang kren sniew pynban  
 Khlem daw ia ka Kong Lat  
 Ha lynti ha syngkien ki tang  
 La iohi ki wad ban kiar,  
 Mynmied mynsngi shano  
 Ka laid ki iapeit ap siar  
 Khatduh la ka sngi, ka Kong  
 Shailat ka nang peh khaw  
 Ha kawei ka janmied,  
 Ki rang-bat-bor ha shnong  
 Ki wan hapoh phyllaw,  
 Ki byrngem, ki kynhied



"Ma pha," ki ong, "kaba ai  
 Ka sabuit ka skai,  
 Y'u khyllung u khynnah uba pang,  
 Uba jhia, uba swai,  
 Pham bit shuh ban shong  
 Ha kane ka shnong"  
 Ka Kong Lat ka shaiong ka baiong ngit lyngit,  
 Kumba pom u pyrthat ja-ra-ram dit-kyndit!  
 Ynda ka la wan ka mynsiem  
 Ka peit sha ki nonghyrthen,  
 Shisyneit ka peit lieb, ka ang ka shyntur,  
 Ka pyrshang ban kren,  
 Shano kn leit shah? Shano kn ai lad?  
 Ki tim, ki kynnoh, ki bynthiew,  
 Ka sngew ia lade la kum ka mrad,  
 Kam sngew shuh ba dei ka briew  
 Ynda ki la leit, ka shong marwei ka pyrkat  
 "Wow, la sang! balei san-kynsan kat kane ka sat?"  
 Ynda la shai, tang dep ai ja sniang,  
 Ka mih na la ung ka leit sha Mawthang  
 Kan leit sha u khun shaduh Shillong,  
 U dei ban tip u Stein,  
 Kumno ki kynnoh, ki byrngem ki shnong,  
 Kumno ba ki kren bein

## II

## KA JINGLEH SAT HA SHNONG

Ha shnong pat haba ki iohi  
 Ba la khang ka tala ia ka ung  
 Ki don kiba kmen, te hynrei  
 Ki don pat ruh kiba teng.  
 Tip au pat kan leh?  
 Tip shano ka la leit?  
 Ka phet shnong, phi tharai,  
 Ne ka leit ban ap phreit?

Em phi, ki ia-ong, imat  
 Ka la leit ban bret ia ka skai,  
 Ka la tieng tharai, ba la shah  
 Byrngem, kynhied, shah mai  
 Uwei u samla uba paw  
 Ka nam ha shnong ha ka khlam,  
 U kren ki ktien jakhla  
 Ban iathuh ruh sngew lehrañ,  
 "Ya ka briew kum kane," u ong,  
 "Ngan shu kyt syndon ka mynsiem"  
 Ani, wow ko mei ! u byrngem  
 U byrthen ban sngap ruh sngew triem  
 "Yapait ia nga, ka la ham ka Shailat  
 Ia ka doh ia ka ksah,  
 Ngan dang don aiu pat ?  
 Sa tang ka snep, ka shyieng,  
 Ban khih than ruh nga tieng  
 Nga hi ngam pat hun," u ong,  
 "Khlem da ioh pynhiar kput,  
 Ia ki snang, ki syiar," u iathuh,  
 "Ngan leit pyniap lut"  
 U leit, u rah la ki klnam,  
 Ka ryntueh sha ung ka Kong Lat  
 "Ma pha kein," thlap ! shukhnam  
 Ha jyngkhang u siat artat

"Shano phan leit ioh  
 Ka mvnsiem jong nga ?  
 Pham pat hun ba pha kyt  
 Ka mynsiem u tnga ?  
 Phuut ka khlem rain ! Pohjait !  
 Nongaiksud ! Nongbambriew !"  
 U tim bad u tla, u byrngem,  
 U kyrkhah, u bynthiew  
 "Ngan kyt ia pha mynta," u ong,  
 "Phan da duh syndon bad jait bad khong."

K1 sniang k1 la sdang ban iakh1h lyngkhum,  
 Kuh kuh ! keh keh ! hapoh phyllaw,  
 K1 syiar ha kyndong ka kper harum,  
 K1 rich kumba tieng, k1 iapait sah klaw.  
 Ngam kwah ban iathuh ia ka ban  
 Pyntieng pynher syrngiew,  
 Hynrei kumuo phin tip  
 Ka jingrunar u briew ?  
 Ka mynsiem runar u briew  
 Teng teng ka palat ia u mrad,  
 Phin thngad, phin bat artat  
 K1 shko1, wei shisien phi la mad  
 Thlap shi thlap ! Thlap shi thlap !  
 La u khnam shi ryngkap,  
 U siat pynluar kput khlem map  
 Haduh ban da iap lut phar,  
 "Hoi, kiw ! Hoi, kiw !" u pyrta  
 Kdang kput, u mih shabar  
 "La eh biang ka rngiew u Shylluit,  
 La lait lut ka skai ka sabuit "

K1 briew ha shnong k1 la dum la ka buit,  
 K1 sngap ba la lap ka lyngngoh,  
 Kim nud ban bein ban khoh i'u Shylluit,  
 Kim don ruh ka mon ban iaroh

### III

#### KA KMIE KA THEH MYNSIEM HA U KHUN

Ha ka por janmiet ka Kong Lat ka poi ha Jaiaw,  
 Ka leit beit beit sha ka ung i Kong Phir Myriaw;  
 Ka wad la u khun, ba khlem iohi la slem,  
 Sngew iait hir hir, ka kwah ban kdup ha shadem.  
 Hynrei um don, u leit kynjat bol, ki ong,  
 Ka shong, ka ap, ka buh la ka pla ha kyndong.

"Ew phi," ki kren pynroh ki trai ung,  
 "Ka kti ka kjat kaba eh kum u dieng,  
 Ka jingheh ka met u Stein, ka jingkhlan  
 Ynda phi iohi phin lyngngoh hi ngain  
 Ioh khun kum ma u te da hun hi jai,  
 Shisha te," ki ong, "ngim shym kren kai"

Hadien katto katne utei u Stein u la wan,  
 Ki ksah ha ka met la kum ba tynsah shisha hi mlan

Ka kmie ka shu bieit, ka la dei hi kein—  
 Ba iohi u bhabriew u phuh  
 U khun shynrang marwei, u Stein,—  
 Ka peit sah—kam lait kren shuh

Ki trai ung ki tharai ba lehse kam pat ithuh !  
 Kano ka kmie, la u khun ka byin tip shuh ?  
 Ka kmie kaba kha, ju don ka ban artatien ?  
 Shisyneit la biang, ym donkam ban kren da ka kten  
 Ka jingieit ka kmie ym lah ban pynshong tarajur,  
 Ym don ki mawser ki ban iaryngkat ka dur  
 Lashubit ka sa ong "Ko khun ! ko kynrad ! ko Stein !"  
 Bad "bhuk" ka iam artat, kam lah shuh kein  
 Ki ummat ki kyrsoi napoh dohnud haba la shlei  
 Ki tuud wah-bah shisyntuud, ka rngat artat ka thwei,  
 Kumba klang u dieng ympruud shisyngklang de jar !  
 Kumta ruh ka kmie u Stein ka pyngngad de phar !  
 Ka shadem ka la sting,  
 Kam kyndeh, kam kynting.

Aiu ki iakren shi-kmie shi-khun ynnai kylli shuh,  
 Ngi tip balei ka wan, ngi tip kaei ka iathuh.  
 Ka iathuh lut khoit ha u Stein nadong shadong—  
 Jingkynnoh kren bein, jingbyrngem, jingbeh ki shaong  
 Ynda la dep iathuh, sha u khun ka peit

"Kumta kem khun," ka ong, "dang phyrngab nga la leit,  
 Ban poi dang step, ioh thngan ki syiar, ki sniang"  
 "To, mei," u ong, "nga sngewthuh,  
 Ngau kynmaw kyndiang '

Dang step ka la leit, kaba pli sngewsynei,  
 Kan beh pat iano ? La shu beh lehnohei !  
 Kumno kan shu tip ba ki syiar bad ki sniang  
 Kim tip shuh mynta ia ka thngan ia ka shiang ?

## IV

## KA JINGKTHANG KABA AP

Ki khnam wad kput u Shylluit  
 Ki la trei la ka kam,  
 Ka jingim ban pynduh, ki dung,  
 Lyngba ki sam  
 Suki, ko kmie u Stein !  
 Wat kyrkieh, ynnai march,  
 Kham jur ka jingkthang kaba ap  
 Ya phi, wat kloï than eh !

Ha shuong ka poi Balei kynjah jlang jlang ?  
 Ki kvnthei khynnah ki shu peit tuli na jyangkhang !  
 Hamar ba ka jam phalor,  
 Shu thret kumba rah syrngiew !  
 "Ka sang aui kum kane ?"  
 Ka kylli ia lade, "nga phohsniew ?"  
 Em, phi peitmat, ym dei ba phohsniew, Kong Lat !  
 Ka jingkthang kaba ap, mynta phi iohi mar khmat.

Ka 'niang kmie bad ki khun lyngkrang ha phyllaw,  
 Peit seh tang ki khmat war pyllaw, war pyllaw !  
 Ki khnam kitai ki sah ha ki met kiba iap,  
 U dusmon shongksuid aui kum une khlem map ?

Ki syiar ruh lyngktop, kithie  
 Ki ap hi hajuh,  
 La ki khnam sam lyngba, shu hajuh,  
 Khlem nang kuh shuh.

Ka kyndit rah syrngiew ka wallam ka jingtnem,  
 La wan par u ñiangkhriat, la shyrkhei ka mynsiem.  
 "Na shnong ki la beh, ki jingri la pyniap,  
 Lashai sa kaei pat ki dang pynap?"

A! Blei kynrad! Balei kumne ka wan hap?  
 Haei ba nga lait, nga bakla,  
 Trai Kynrad, waw to map!"  
 Ka shadem ka tyrha, bad kam nang shuh ban iam  
 Hapoh ung ka rung, ka kyllon artat kram  
 Ynda kham shubit ka par sha jynthiah,  
 Ar mied bad ar sngi ka khlem kynriah,

Khlem bam, khlem dih,  
 Lait tang ban mih,  
 Haba donkam,  
 Ka khang kut tdam

## V.

## U SHYLLUIT.

Ym don ka dohnud,  
 To eh laiphew ba eh,  
 Kaba lah khlem da um  
 Hin lyhin ba iohi ki jingleh,—  
 Jingleh than, jingleh bor  
 Ia ki kup ia ki sem shiliang,  
 Ki rit bor, niewkynthei,  
 Ki bym lah ban ialeh kylliang.

Kí para marjan  
 Kí íajaw ummat sngewlem,  
 Kim nud leit jan,  
     B'u Shylluit u lah byrngem  
 Mynshwa kí dang nud,  
 Iwei ar ngut, ban íakren íakylli,  
 Mynta pat jar jar,  
 La kum ka poi-ei ha ung thylli  
     Kí sniang kí syiar kí íasah  
     Kumto haba íap,  
     Ym don ha pynweng, pyntep,  
     Ym don ba íarap  
     Ym dei ba kí tieng kham palat  
     Ía ka skai ka sabuit,  
     Kí kham tieng pynban ía ka khmat,  
     Ía kí kam, u Shylluit  
 Kí tip kí rangbah ka shnong  
 Kí íarit mynsiem thit thit  
 Ha khmat u Shylluit, kim nud  
 Ban kyrngah, kim nud ban pynwit  
 Balei ka wan ía khyllah  
 Kumne ha kane ka shnong?  
 Ha shnong, kí briew kí íadon  
 La kí jong kí jong kí jngong  
 Kí don kiba ong  
 La wan rung ka raibi aiur(e),  
 Ka pyndom pynrunar  
 Íu Shylluit kumba sat jaiur,  
 Haduh b'u la nud khlem rañ,  
 Íu kpanah ban kynjat  
 Haba shong, da kí but shipai  
 Na ka shyllangmat,  
 Kí don kiba ong u la jur  
 Than eh ka sarong,  
 B'u la khlain palat, ym pat don  
 Kum ma u ha shnong

Shisha, ha shnong ym don  
 Ba nud ban iakob i'u Shylluit,  
 Ym tang ba u khlain, hynrei  
 U palat ka jngtbit, ka buit

Phin ong tang kaei ban iakob ?  
 Ka shad, ka put, ne ka rwai ?  
 Ka iasiat, ialympat, beh mrad,  
 Lane sha wah ban iakhwai ?

Katba dang im u kñi,  
 Kí ong, u dang tip ka shynraiñ,  
 Ka shnong ruh te, la u rangdajed  
 Ka sarong sngew shngaiñ

Naduh ba la iap u kñi,  
 Mynta la saw san snem,  
 U la leh kulmar, um tip  
 Ka akor, ne ka raiñ ka rem

Haba khein ia ka rta jong u,  
 Kí shem ba um pat da slem,  
 Um palat lehse, kí ong,  
 Arphewlai tylli kí snem

Hynrei u leh kob,  
 U sarong, hangamei, u leh bein  
 I'uba rit uba tlot,  
 Ka kynthei khynnah, khlem khein

Ynda u la dih lei lei,  
 Ba la shong kulai ka buaid,  
 Shajan jong u kí tieng,  
 Ym ju don kiba nud ban iaid

U kren kynroi, u thaw  
 Iamai, u patom, u khynñuat,  
 Haba thut ba u kren phi kum  
 Aí ktien, u rah u lympat.



Ar ngut ha shnong ki da khein  
 Ki shyieng, ki shah shitom  
 Kine kiba pli, lehse,  
 La shu dkoh kumto junom

## VI

## KA MYNSIEM SNGEWLEM

Ka Kong Shailat naduh  
 Kato ka sngi shyrkhei,  
 Ka khang ia lade, ki shong  
 Poh-ung khlem mih pyithe, ,

Ka sngew kumba u dohnud  
 U kylla hi khlek,  
 Ka shadem ruh ka suh, ka thar,  
 Kumba dung ki prek  
 Bad mied bad sngi ka dwai  
 Ia u Trai Kynrad,  
 Ban ioh jingshai ha kane  
 Ka apot ba ka mad

Ha ka step kaba lai ka sngew  
 Hapoh mynsiem, ba ong  
 'To pdiang ia kine ki jingja  
 Baroh kumba ki long,  
     Kine, to ithuh,  
     Ki wan ban tynjuh "

'Lada kumta, nga ruh hajuh," ka ong,  
 "Ngan long kumjuh kumba nga long"  
 Wat la ka sngew la kum ba pang eh,  
 Kumjuh artat la shiang la thrang eh,

Ka khie ka leit dih um,  
 Ka shiew ka ding ka theh,  
 H'u khiew ka tieu um sum,  
 Ka dei ban sum ban sleh  
 Ka phie jyngkhang shapoh shabar,  
 Ka 'er pynggad ka rung de har

Ynda ka la kham sngew khlain  
 Kan sa peit ka phyllaw ka mynshem,  
 Mynta ka dang tlot kam lah,  
 Ka pynbeit tang ka ung ka sem

Ki sniang ki syiar kim sma  
 Ba dei u Nohprah,  
 Ban da dei ka pyrem  
 Ym long shuh ban shong ban sah

Lai sngi hadien, dang step  
 Ka khreh ban leit tong um,  
 Hynrei mar iajam shahksew  
 Kine lah don—ktang um !  
 Ba pynshamah ki brieu  
 Ha ka biar—ki dap mam mam  
 Mano ba wan pynbuh  
 Synei ha ka por donkam ?  
 Ynda ka peit sha phyllaw,  
 Sha kper, nang jur ka lyngngoh,  
 Shano ki sniang, ki syiar ?  
 Mano ba pynweng baroh ?

Ka ju long hapdeng kaba sniew  
 Ym ju duh kaba bha  
 Ba ha shnong ym dei baroh  
 Ki Shylluit kynsha !  
 Haba ki iohi ka jingshah  
 Leh bein ka Kong Lat,  
 Ba kan mih, ba kan iaid, kan ieng,  
 Ba kim iohi pat,

La ki tieng tynggeh i'u Shylluit  
 Kumba tieng ia u ksuid,  
 Ka mynsiem para briew  
 Sha ka riewkynthei ka tuid

Kumta, teng teng u jhui,  
 Teng teng ka kait,  
 Ka lap ha rynsan ba buh  
 Mohkhew, buh wait,  
 Harud jyangkhang, ki buh  
 Mynmied, imat,  
 Ba ioh u Shylluit u iohi  
 Da la ki khmat

Ka mynsiem ka K'ong Lat ka dap,  
 Kam nang shuh ban ong,  
 Katne ba ki iet, pyrkhat sngewlem  
 Ki briew ha shnong

Kam tip ki dei kiei, hynrei,  
 Ka dwai kin ioh kyrkhu na u Blei

## VII

### U ROLIN U WAN POI

Ka pang shadem ka kmie  
 U Stem kam long kaba kai,  
 Jan man ka sngi ka suh,  
 Ka sngew kumba pang swai,  
 Ban ioh ban thuah kan bha  
 Ka bam mano ban ai?  
 U Stem kam kwah un tip,  
 Ki kur ki shong sha jngai,  
 San mail palat, ym don  
 Ban leit iathuh na shnong,

"Ngam lei lei," ka kien pynshngaiñ  
 Lade, "lashai nga la shong"  
 Shu sngew phylla ba kum  
 Lashai u Rolin u poi,  
 "Meisan, meisan," u pyrta  
 Na jyngkhang, "ma nga, plie kloi"  
 U Rolin, ka sngewthuh, ka leit,  
 "To, to, ngan plie," ka ong,  
 Ka kmen, ka plie, "u Rolin,  
 Ko khun, me dang poi na Shillong?"  
 "Hooi," u ong, ka shithi  
 U Stein ruh u ai artat,  
 "U Stein un wan ha ka sngi  
 Saitjaiñ ngi wan ryngkat  
 I Kong Phira," u ong,  
 I khlad narum Mawthang  
 I la leit sha shnong, in sa wan  
 Ban sah baroh shitlaug"  
 Ka Phira ka dei ka khun  
 Ka para ka Kong Shailat,  
 Ka dei na kito ki kur  
 Kiba shong san mail palat  
 U Kolin, Rolin, shipara,  
 Ki loh shuti por tlang,  
 Ki kmie ki kpa hadien  
 Shutaiew kin wan kai lang  
 Ki don ka ung la jong,  
 Kaba heh, ha khleh ka shnong,  
 La bun bun snem, ba kim don,  
 Ka briew ap-ung ka shong  
 Ki kmie ki kpa ki mut  
 Ban shna pynbha ia ka ung,  
 La ar lai bnai mynshwa  
 Ki la pynkhreh ki dieng  
 Ia ka Kong Shailat ki jong  
 U Kolin ki khot, "meisan"

Hynrei ym don jingadei  
 Ei ei, kur jngai ne kur jan  
 Kí shu khot "meisan" ba u kpa  
 Jong kí bad u kpa u Stein,  
 Ka shnong ruh, kí trei ruh, hajuh,  
 La kum shipara kí khein,  
 Sa kawei pat ruh, ha shwa  
 Ba kí leit sha sor Shillong  
 Kí wan shongkha baroh  
 Ar ngut hangne ha shnong

Kaba pli ka Kong Lat,  
 Ka sngewbha sngewtynnai,  
 Ka la kmen katba lah,  
 Kumba kmen ka khynnah,

Ban iohsngew ba u khun un sa wan,  
 U Rolin ruh une u hajan,  
 Ka Phira ruh kata, khlem da phah,  
 Da lade hí ka ong kan wan sah,  
 Shipor ka klet lut phar  
 Ba pang, ba suh, ba thar

### VIII

#### U SHYLLUIT U LEIT BYRNGEM

Ar mied hadien, ka Kong Lat  
 Ka suh shadem, jan iap .  
 Ha kajuh ka mied, ka Brit,  
 Ka nongap-ling, ka ialap,  
 Ba kí sniang kí syiar ha üng  
 Ka Kong Lat kí la iap lut phar,  
 "Ba pyniap," ka ong, "tang ba  
 Wat ialap, u Shylluit runar."

District 111 111  
 Sent Khuei Hill. 111 111

U Kolin u ong, "nga don  
 Ka suloi, ngan ai jingsneng,  
 Lada kato ka Shyllut  
 Ka sarong, ka wan leh meng"  
 U Rolin u ong, "em, Bah,  
 Kin iohsngew ki briew, ym bit"  
 Ngam tieng," u ong u Kolin,  
 Mar kumta de iohsngew, 'ko Brit,  
 Plie kloi ka ung" U dei  
 U Shyllut, u wan tied jyngkhang  
 Ki la tieng, u Kolin um nud  
 Ban kren, ka Brit ka shu ang  
 'Pham plie?" u kynhied, u kyrhuh  
 La kum u masi kyrtong,  
 U Kolin bad ka Brit ki phet  
 Kloi lau, ki rieh sha kyndong  
 U Rolin u plie, hamar  
 Kumta, sakyiah na kyndong,  
 U tip mano ba sakyiah,  
 Hynrei u shu peit matdong  
 U Shyllut u kyli, "kaei  
 Kata nga iohsngew kumba pah?"  
 U Rolin u pyrkhath shiphang,  
 U ong, 'ka miaw phi Bah"  
 "Ka miaw-tuh, pynap," u ong  
 U Shyllut, "me wan marwei?"  
 "Nga wan bad i Bah," u ong,  
 "Kin sa wan i pa bad i mei"  
 "Sumar ka laid ka ieng,  
 Me iohsngew ba ioh nga khyrwait,"  
 U byrngem thew kti u Shyllut,  
 U mih artat sha lait.  
 Ka Brit, u Kolin, ki iamih  
 Baroh ar ngut na kyndong,  
 U Kolin u bat suloi,  
 "Ngam tieng, ngam ju tieng," u ong,

"Nga iohsngew ia me u khot  
 Miaw-tuh, kumno me shah?"  
 "Em, Bah, u khot miaw-tuh  
 Ia i mynsakyrach phi, Bah"



Lashai dang step, u Rolin,  
 Kat ban da khie u hynmen,  
 U shim ka suloi, u leit  
 U siat ia ka shyah tymmen.  
 Ba riew ka suloi, u Kolin  
 U mih, u kyllh balei,  
 "Nga shu siat ban riew phi, Bah,  
 Ban tieng u ksuid u khrei"  
 "Me, pleng, u khyannah uba dang  
 Ngeit bieit," u ong u Kolin,  
 "U Shylluit katto u la thngad  
 Mynmied," u jubab u Rolin,  
 "Da peit ho, Bah, u Shylluit  
 Un kham tieng ia kato ka jingriew,  
 Ym dei ba byrngem, kum ma phi  
 Mynmied, ban siat i'u briew"  
 U Kolin, la u kren bitar  
 Makna, um ju don nia,  
 U shait pynkut jubor,  
 U ong, "ia me nga salia"  
 Ki briew ruh ha shnong ki la mih  
 Ha la ha la phyllaw,  
 Wei la riew ka suloi ki kwah  
 Ban da tip kaei ka daw,  
 Bad don kiba leit shaduh  
 Ka iing, ba ki sin, "ki nongsor,"  
 Ban kylli; hynrei kim nud  
 Ban rung, ki shu ieng na phalor.

Kí íohí u Kolin, Rolin,  
 Kí shong kí pynkhuid suloi,  
 Kí teh d'í jaiñjot ha khmut  
 U dieng uba í kum u noi  
 "Ngí shu siat kai," u íathuh  
 U Rolin, "ban khuid ka ktang,  
 Ba shu buh kumto la slem,  
 La thap ban kem ka sarang"  
 Ym tang ba kí long "nongsor"  
 Hynrei kí dei ruh artat  
 Kí Khristan ha khlíeh ka shnong,  
 Bad kumjuh sha kjat, ka Kong Lat

## IX

## KA KONG LAT KA PANG EH

U Stein, ka Phíra, kí la wan  
 Mynta la dap taiew,  
 Hynrei ka jingwan kam shym  
 Jia long kumba kí thew.  
 Kí nang khmih lyntí ban íakmen  
 Sngewbha shí-ung shísem,  
 Hynrei ynda poi ha ung  
 Da khongpong pynban kí shem  
 Ka kmie, bad ka kmen ba kí wan,  
 Nang jur ka jingpang shadem  
 Donbok ba don u Kolin,  
 Rolin, ban íarap peit lem.  
 U Stein u íohsngew na kí lok  
 Aíu ba la jia ha phyllaw,  
 Mynba ka kmie ka nang wan  
 Íakynduh ía u ha Jaiaw.  
 U khnam, ba siat u Shylluit  
 Ha jyingkhang, ka kmie ka la phut,



Hynrei ba la ngam jylliew  
 Ha ka dieng, u sop u sahikut  
 U Stein u sngewthuh naduli  
 Kato hi ka sngi ka la pang,  
 Hynrei kam iathuh, kam kwah  
 Ba un tip kumno ka sdang  
 Te kumta, u Stein, ka Phira,  
 Ki diaw sngewsih ban shein  
 Ba ka kmie ka nang jur nang jur  
 Ka jingpang kyndeli shadein  
 Bad dei mynta ia ki jingklusai  
 Ki ioh ban mad,  
 Kumno ban sumar, nangno ka dawai,  
 Hangno ki lad,  
 Yu Kolin ki phah sha shnong,  
 Ka Phira ban khot ia ki kun,  
 U Rolin pat u leit bran bran  
 Sha Mawthang ban khot "babu skur,"  
 Ban ai dawai ynda  
 U la peit, kumba u ju leh,  
 Hynrei ynda u la peit,  
 U ithuh kaba jur, um treli  
 "Kaba jur," u ong, "ngam lah,  
 Sha Laban leit kit mar mar,"  
 U bthah, u ai ki dawai  
 Ban palei haba suh ba thar  
 Sngewsyncei, sngewsih ba iulu  
 Kum kane ka jingshoh kynsan  
 Ia ka niewkynthei, haba peit  
 Bym i don nongrim ban pynksan  
 Ka khmat kaba phuh sngewbha  
 La kylla sha ka dur sngewsih,  
 La kum u syntiew ba phi khñiot  
 Pynlwit, ba la jah ka iewbih.

## LA KII SHA SHILLONG.

Balei ki kynthei kim iatieng  
 Shylluit mynta ka step ?  
 Ia ka Kong Shailat kin kit  
 Sha Laban shu long hi ban pep ?  
 Kim sngew dei ban shong ha iing  
 Khlem wan ban kyrkhu kyrdoh,  
 Ki sngew dei ban da kren, ba kan  
 Pyngngad, ba kan koit noh  
 Ym don shuh ki khmat kiba rkhiang,  
 Baroh ki iajaw ummat lut  
 Balei ? Ba la sngew kynduh  
 Ka mynsiem ? Ba la shon ka jingmut ?  
 Ba la kiar baroh shikatta,  
 Kaba pli, la kuin ka nongwei ?  
 To long katba long mynta hi  
 Ka paw ki iasngewsynei  
 Iwei i tymmen i ong  
 "To khie, Shailat, leit suk,  
 Ngam don ei ei ia pha  
 Ban ai, ma nga kaba duk,  
 Khie leit, leit suk, ha lynti  
 Ha syngkien wat sngewsih bukhoh,  
 Ngin kit hi ma ngi ia ka bok  
 Ka rwiang baroh baroh,  
 Wat sngewsih wat diaw, phan khie  
 Pa khie lung kumba khie ka lakait,  
 U Trai Nongthaw un kyrkhu  
 Phan nang heh la ka kur ka jait,  
 Ban khlain ka tyrpeng, ban bat  
 Ka tiehbah, ban ri ban dup,  
 Ban khyllie pynshong ia ki briew  
 Ba kyllon lyndang pyllup"  
 Ka Kong Lat ka lung ka mynsiem  
 Ba iohi da la ki khmat

Ka jungbha ki shnong; ka shu phuh  
 Samrkhie, ka shu jaw ki ummat.  
 "Khublei," ka ong, "khublei,  
 Kadiang, kamon, khublei."

## X.

## U SHYLLUIT BAD U ROLIN.

Ka Phira, u hynmen, kim leit,  
 Ban ap ia ka ung ki sah,  
 U Stein, la u dang khynnah,  
 Ka pyrkhat pat la kum u rangbah,  
 Ryngkat ka kmie u ialeit,  
 Um banse, sha sor Shillong,  
 Ka kmie sha hospital,  
 Ma u pat haba u ju shong  
 U Kolin, Rolin ki ialeit  
 Pynshngaiñ kylliang kylliang,  
 Ia ka Kong Phira, i'u hynmen,  
 Ioh kynjah, ban pynbeit pynbiang  
 Ia ine bad itai, kat kaba  
 Ki donkam, ba ki dang wan thymmai  
 Ha shnong ki briew, ki dang  
 Lehraiñ ka leit kai iaid kai

☆ ☆ ☆

Naduh kato hi ka mied  
 Sakyah ba wan u Shylluit,  
 U Kolin u tieng sah, ba ioh,  
 Khlem da tip, kynsan un mih bluit;  
 Ba un iaid marwei ruh u tieng  
 That that ba ioh iakynduh,  
 U sngew ba mar iakynduh,  
 Khlem kren, u Shylluit un shu pduh.

U Rolin u kylli, "balei, Bah,  
 Kumne phi shu tieng palat?"  
 "Ym dei te me ba nga tieng,  
 Nga iji eh ban peit mar khmat,"  
 U jubab u Kolin, ka shu kut noh  
 Kumta ka jingiakren

Dei tang u Rolin uba lah  
 Ban sngewthuh ia la u hynmen  
 U Rolin, pynban, u iashem i'u  
 Shylluit ha shnong teng teng,  
 Mynsngi, janmied, ha khlieh  
 Ka shnong, sha kjat ne hapdeng,  
 Mynshai myniong ki tang  
 La iashem u pyndom u thlia kai,  
 "Ieh, ioh u dat," ki maham  
 Ha shuiong, ki pynsneng pynmai  
 Hynrei shano un leit sngap,  
 Khyndiat ruh um tieng, um salia,  
 Ba u tip ia ki kam, u smat  
 Ban pyndom, pynbitar, ban thlia  
 Katno phewsien u Shylluit  
 U la thap kynrup, lehnohei,  
 U beh han kem, um lap,  
 U Rolin u rynsied kum u skei

Teng teng pat u thlia  
 "Ko 'tiew-eit, balei mem phuh?  
 Phuh te ngan phuh,  
 Ap shwa ba nga dang shylluit.  
 Ghuh klo, ko Shylluit,  
 Ngin iawan peit kai"  
 Um ju pynjan,  
 U kren na jngai na jngai

Teng teng ba la jur than eh  
 Ka dom, u Shylluit u byrngem .  
 "Ngan siat da u khnam phan jah  
 Ka kwah, la ka kmie phan shem"  
 U Rolin u jubab, "kham beit  
 Ka suloi, ne beit u khnam ?  
 Kham beit ma phi ne beit  
 U dyngkhued ban siat soh khyllam ?  
 Ynda heh ka skum kat ka kjat  
 Hati, ym dei, kham ksaw ?"  
 Bym lah shuh ka ma, u Shylluit  
 U shu ther, u kawang da ki maw  
 Hadien ba ki kmie ki kpa  
 Ki la leit phai noh sha Shillong,  
 U Kolin, Rolin, ki iasah,  
 Bym pat ngiah ban shong ha shnong  
 Ha kawei ka sngi u Rolin  
 U don ha iing u Song,  
 U rangbah ka shnong ba la jied  
 Kyrpang na ka dong khlieh shnong;  
 U wan rung u Shylluit, mar iarung  
 U ong, " ka khun ka pohjait,"  
 U mut iano ym pat tip,  
 Hynrei sngewthuh u kren dait.  
 'Khun ka pohjait," sa shisien,  
 Yu Rolin u peit artat;  
 U Rolin ruh, "khun ka pohjait,"  
 U ong, u peit ki khmat  
 Yu Shylluit, u ieng de artat  
 Ban mih noh bran shabar,  
 Hamar ba u kam, u Shylluit  
 U woh da u tdong synshar,  
 U Rolin u ur da pyllup,  
 Da kum ba lympat ha phyllaw,  
 U khie kloi lan, bran bran  
 U phet, khlem mong, khlem mynsaw.

U Shylluit ruh u ieng u mut  
 Ban leit shoh ne tip ban lei,  
 U kum iuh ia ka miaw, ka trud  
 Na khohwah, bad ka snam ka phlei.  
 Ka jingdom i'u Rolin khuk khak  
 Sha ka miaw mynta ka phai  
 Ka miaw ruh ka phet, u dom  
 U mai wad kput ia ki trai,

Ha kawei pat ka por u Rolin  
 U don ha ung ka Kong Lat,  
 U shong ha phyllaw u pynshut  
 Ia ka wait, bad ka rwai artat,  
 U Shylluit u wan iaid lynti  
 Najan, u kit la ka dieng,  
 "Kaba shong ki nongaksuid,"  
 U ong, "ha kane kein ka ung"  
 U Rolin u iohsngew, u sngew  
 Bitar, u ieng bad u ong,  
 "Kum ma me u Shylluit shongksuid,  
 Kumno te me nud ban sarong?  
 Mauo kein ba bam ia ki sniang  
 Bad ki syiar na kane ka ung?  
 Ym dei ma me u Shylluit  
 Shongksuid uba kit la ka dieng?"  
 U Shylluit u khie dom kynsan,  
 U pynshet la ka dieng ha tbian,  
 U tam da ki maw, u kawang  
 Tynggeh, u Rolin u sian,  
 U kynthih u kiar, u Shylluit  
 U nang dom bad nang dom, nang i tieng,  
 U kawang phak shi phak; u Rolin  
 U thap ban rung noh sha ung,  
 Bad hamar ba u rung wan dei  
 Salit u maw na khongdong,  
 Ka pang tang shiphang, "shuh me,

Ynda wan u Stein," u ong,  
 "Un sa a jingsneng ia me,  
 U khun ka sarong leh bein"  
 U Shylluit u nang dom shuh shuh  
 Ba iohsngew ka kyrteng u Stein  
 Haduh katno sng hadien  
 U byrngem i'u Rolin sit shi sit  
 "Ngan da ioh, ka khynnah khun ka,"  
 U ong, "ngan lympat pynlwit"  
 Ki shnong ki pynong i'u Rolin,  
 Da sumar ho sharum shaneng,  
 U Rolin um da tieng, hynrei  
 U sumar la ka iaid ka ieng.  
 Shusien ruh u Shylluit u dom  
 Bad u ong, "ngan siat da u khnam;"  
 Ki rangbah kiba don, ki ong,  
 "Kaba sang kum kata ka kam ;  
 Para shnong, ba iadom, ka kt  
 U thylliej ym ju lah ban biang,  
 Ki longshwa ki sneng wei la bat  
 Ka ryntieh bad u khnam, la sang."

# XI

## U TIEWKULAB IEWBIH U TLOR NOH.

U dohnud uba pait, da kumno  
 Yn pyndait? Dang lah ban pyngngad?  
 Ki doktor bad ki nors ki ialeh,  
 Ki sumar, ia ki lad ki iawad.  
 Ka Kong Lat kam pynpaw katno  
 Ka shitom, ar taew ka la thiah;  
 U Stein u leit peit man ka sngi;  
 Ba kan koit u kyrmen u shaniah.

Sha shnong ki khubor kiba poi  
 Ym sngewthuh, ia kano yn iangeit ?  
 Ka Phira ka lynga, ka leit  
 Da lade, ka la kwah eh ban peit.  
 Ha ka sngi ba ka poi, ka Kong Lat  
 Ka tlot, kim shah ban shong slem,  
 Ki nors ki iathuh ka jingpang  
 Kaba jwat, kan shim por ban jem.  
 Kum lashai ka Kong Lat ka ong :  
 "Sa sumar ma pha ia ka iing"  
 "Hooïd," ka shu ong, hynrei  
 Mar kumta de wan kem ka jingtueng  
 Ha kawei pat ka sngi, u Stein  
 U lap ba ka jaw ummat,  
 U la diaw, u kylli, "Mei, balei ?"  
 Ka shu rkhië, ka niad la ki khmat  
 Ha kawei ruh ka sngi ka ong,  
 "Ko khun, wat wad ia ka kput,"  
 Ba kim shah ban iakren, um ioh lad  
 Ban kyli kumno ka mut.  
 Ka Phira ka la leit phai noh  
 Sha shnong, ka diaw sngewsih,  
 Ka kynmaw ia ka khmat ka meisan,  
 Ia ki ktien — ki ummat ki mih  
 U Stein u pyrkhat sngewsih,  
 U sngew synei la ka kmie;  
 Bad man ba u leit, ka ialeh  
 Katba lah ban puh samrkhië  
 Ka jingpang jingshitom, kum ka ding,  
 Ia ka jinglong briew ka phrang  
 Ka jinglong kaba bha shabar  
 Ka pynpaw, kaba sniew ka thang,  
 Kiba peit ia ka kmie u Stein,  
 Baroh baroh ki ia-ong,  
 Ha ka khmat jong ka ka jingbha  
 Ka puh itynnat la ka rong.



Ki sngi ki nang iaid, bad ki iai  
 Kyrmen ba kan koit kan pyngngad ,  
 U Stein ruh bad mied bad sngi  
 U dwai ia u Trai Kynrad  
 Ha kawei ka sngi, ha ka por  
 Lai baje, i briew i wan khot  
 Ia u Stein, "i kmie i shitom,"  
 I ong, "ba la jur ka jingtlot,"  
 U Stein uba pli u kyndit,  
 U'm nang kren, u mareh bran bran;  
 U doktor bad ki nors ki iadon  
 Ha kamra, u leit hajan,  
 Ka mynsiem ka kmie kane  
 La phia phia, kam tip briew shuh,  
 U Stein u pyneh, u leit  
 Ha syndah ka jynthiah bad khatduh  
 "Ko Mei, ko Mei," u pyrta,  
 U iam u lynñiar artat,  
 Ha kata kein ka por ka kmie  
 Ruh ka peit sha u ki khmat,  
 Khlem kren shikyntien, ka rah  
 La ka kti ka bat ia u khun,  
 Bad mar kumta ka dkut  
 Ka mynsiem da ka khmat kaba hun

Ka jingim, ba kum ka sharak,  
 Ka meh, bym pat don ba pynlip.  
 Ka jingiap ha kano ma ka por,  
 Kan wan, ym ju don ba tip  
 U tiewkulab iewbih ha u dieng,  
 Biang por, un sa tlor,  
 U tiewkulab ba nga deng  
 Ha shadem u iap shwa ka por ;

Hynrei u la puh iewbih,  
 La ki sngi kim shym long kiba jrong,  
 Ka Kong Lat ruh kumjuh ka la puh  
 Iewbih ha ka por la ka jong  
 Naduh ka sngi ba ka leit  
 Sha Jaiaw ban iathuh ha u khun,  
 Haduh ka sngi ka jingiap,  
 Ki sngi kim pat shym da bun,  
 Hynrei ki jingjia ia ka Kong  
 Shailat ki la stet palat,  
 Dang mynno ki sdang ba kin kut  
 Kumne, ym sngew nang pyrkhat !  
 Kaei ka daw ka jingiap kyrkieh  
 Ka Kong Lat ? U Shylluit ?  
 Lada dei u Shylluit, balei ?  
 Ba u ngeit ia ka skai ka sabuit ?  
 Ban da um shym long uba ngeit  
 Kumta, un nym da la leit  
 Ban siat ia ki sniang, ia ki syiar  
 Ha ban da iap da kyrbeit ;  
 Ban da um shym la pyniap  
 Wad kput ia ki sniang ia ki syiar,  
 Ka Kong Lat kan nym da la her  
 Ka syrngiew haduh ban da btar  
 U dohnud, ba un suh un thar,  
 Ban pang, ban da thiah hi khop;  
 Ka jingtriem ka s. n i'u dohnud,  
 Kumba ngam ha jyngkhang u sop,  
 Ki doctor kin ong ka iap  
 Ba u klong um kynshait snam shuh,  
 Ba pait u dohnud, kumba ngeit  
 Ma ngi, lehse kim kohnguh.

## U STEIN U LEIT PHAI SHA SHNONG

U Stein um kwah ba kin rah  
 Ya ka kmie ban tep sha shnong,  
 U kwah ban tep ha syndah  
 Ka jingtep u kpa ha Shillong

Ka Phura ruh ka wan, ka la iam  
 Pangnud ba ka leit kmie-san  
 K1 kur ruh k1 poi, katba lah  
 Ban pyntip, na jngai bad najan

Na shnong ruh k1 briew khlem khmih  
 Lynti k1 iawan shibun !  
 Ha ka iap ka im ym don  
 Kiba kwah ban sahjit sah shun

Hadien ba la tep, bad hadien  
 Ba la dep k1 kam baroh,  
 Ka jinglah u Stein ban pyneh  
 Ya lade la dei ban iaroh

Khlem kmie khlem kpa hynrei  
 U triem ka kyrteng khunswet !  
 Ya kata ka kyrteng bad mied  
 Bad sngi u kwah ban klet

Hadien shitaiew u Stein  
 U la kwah ban leit sha shnong,  
 Un poi ha ka iing kynjah,  
 Bym don shuh ka kmie la jong.

Wan dung ka sngewsih sngew kthang  
 Haba u pyrkhath ia kane,  
 U tieng ioh kynjah,  
 Hynrei u tmang hi kumjuh shane.

Ka Phura ka don, un iakren  
 Pynbeit ia ka shong ka sah,  
 Ma u hi um kwah ba ka iing  
 Ka kmie kan shu sah iing-jah.

U Kolm, Rolin ba ki wan  
 On tep, ki iadon ha Shillong,  
 K1 leit iathiah pynshngaiñ  
 Ia u Stein ha ka ñng ba u shong  
 K1 sngew sarong ba u khlain  
 Ym dei ba ki kwah ban kynshuit,  
 Jan man ka mied ki iathuh  
 Khana ia ki kam u Shylluit,  
 Ka rukom khynnah, hangne  
 Hangtai ki pynheh pynjrang,  
 "Ynda phi la wan, u Shylluit  
 Un nym nud ban kob sarong"  
 Dang bun ka shuti, lai taiew,  
 Kim kwah ban pynlut ha Shillong,  
 Rynkat bad u Stien ba un shngaiñ  
 K1 ialeit sa shisien sha shnong.

## XII

### U STEIN U PYNKHREH IALADE

Ka jingiap ka ktah dohnud  
 K1 briew da ka bor phylla,  
 Ka pynsngew ba ym dei tang ma ki,  
 Ka pyrthei ruh ka dei ban kylla  
 Ki khmat sngewsih kim iohi  
 Sha palat ka jylli la ka jong,  
 Da kita ki khmat ym iohi  
 Sha jngai, ka pyrthei sawdong.  
 Da kita ki khmat lyngkot  
 U Stein u leit sha la shnong,  
 U Kolin, Rolin ki pynshngaiñ  
 Ha lynti ka dohnud kaba mong.

U Stein u shem ka shnong  
 Bad ki briew kijuh hi khlem pher !  
 Ha ung, ñuma, ka la long  
 Da kumwei, ka la pher ka lyer,  
 U peit sha kadiang sha kamon  
 U iohi ki matti ka kmie,  
 U shu sngew, kum ki por mynshwa,  
 Kan wan hi ban kren ban rkhié,  
 Ar sngi lai sngi u lung  
 Ka mynsiem, kulmar ka pyrkhat  
 Ba la stet ki jingja, kiba wan  
 Kyndit kumba tied u pyrthat,  
 Iohsngew hynrei ym tip,  
 Haba tip ym lap ba sngewthuh,  
 Hadien khyndiat sngi u sa sngew  
 Kumba u ju long kumjuh  
 Bad sukí, ki jingja sawdong  
 Ki ring pynphalang jingpyrkhat.  
 U Kolin, u Rolin ruh kim shah  
 Ka jingmut tang hajuh ba un shat  
 Ki kur ki la wan, ka kam ung  
 Kam sem ki iakren pynbeit;  
 U Stein un pyndep la ka skul,  
 Ka Phira ia ka ung kan nang peit,  
 Kumba kwah ka meisan  
 "Sa sumar ma pha ia ka iing," ba ka ong  
 U hynmen un wan sah ba kan shngaiñ  
 Ynda leit u Stein sha Shillong

Ha kawei ka step u Stein  
 U iohi ia u sop ha jyngkhang,  
 —U sop u Shylluit—ka wan  
 Ka jingdom, ka mynsiem ka kthang,  
 U kynmaw ia ki sniang ki syiar,  
 U kynmaw ia ka kmie kaba pang,  
 Kat kane ka leh bein leh sat,  
 Ka mynsiem ia ka kput ka thrang ;

U Rolin u iathuh shuh shuh  
 Ya ki kam leh bein leh khoh,  
 U Stein u nang ing ka mynsiem,  
 Da kumno ia ka kput un ioh,  
 U pynkhreh ia lade ha ka ktien  
 Ka thylliej, ia ka met u pynsmat,  
 Ynda ioh ka kabu ban nym don  
 Ka duna ha ka kti ka kjat

U Rolin, ba la shah ka leh bein,  
 La ki buit u tyrwa bun jait,  
 Kumba riam bun jaka, la ym ngat  
 Ha baroh, ha kawei yn nym lait.  
 Ka pynkhreh ka la dep ka la biang  
 Baroh, sa tang ban shu buh  
 Ia ka sngi bad ka ktem ban ap  
 I'u Shylluit ban ioh iatyngkhuh

U Kolin u ia ai buit lem,  
 Wat la kim pdiang baroh,  
 Ha kawei ki iahap ka jingmut,  
 Ki sngew dei i'u Kolin ban iarah,  
 Bad kata ka long kumne, —  
 Ha ka sngi ba iabuh ban iashem,  
 U Kolin ka kham bha un shu shong  
 Ha ung, un nai wan sha ka ktem.

"Lada u Shylluit u pynliem  
 Ia me baroh ar ngut,"  
 U ong, "un tip ba dang don  
 Sa ma nga, ba um pat jop lut;  
 Lada u nud, u thew  
 Wan wad sa ia nga sha iing,  
 Nga tang shu iohi, ka suloi  
 Kan bthei, un phet ba u tieng."

Un pynlehrañ tang i  
 I'u Shylluit ba u wan ban iashem,  
 U Stein, u Rolin ki lah tip;  
 Ka kham bha un nym wan sha ka ktem.  
 Ka jinglong u Kolin, uba syier  
 That that, uba jur tang ka ktien,  
 Haba lap ka jingtieng ym ju lah  
 Ban shaniah, ki la lap bun sien  
 Ha kiwei pat ki por, bym pat wan  
 Ka jingtieng, dei ma u ba hikai,  
 Dei ma u u ban iaid ha khmat,  
 U ban leh kumne kumtai;  
 Tang la wan pat ka tieng, ka syrngiew  
 Jong u shano phin leit lap?  
 U lah kylla dien, khlem kren  
 U la phet, to ia-im, to ia-iap.  
 Lait noh tang kane ka tieng pud,  
 U khynnah uba bha ka jinglong,  
 U bha ka akor, ka ktien  
 Ka thylliej, nadong hi shadong.  
 Kawei ka jingmlen ruh u don,  
 U pynroh pynkhyllew katba lah  
 Ia lade, ban shu sngap la sngew  
 Shisha la kat u ramhah.  
 Ym don ki lar-en ha khmat  
 Jong u, ym don ki Shylluit,  
 Kiba kum ma u, ban kham  
 Palat ha ka bor ha ka buit,  
 U pnah ban shu thaw ban pynngeit  
 Ia ki briew ba ka long shisha,  
 Kiba tip pat ia u ki sngewthuh  
 Ba ka long tang ka ktien thawsha.  
 Lada u iathuh kumno  
 Ba u leit ban iabeh hati,  
 Ka lah ban mut kumno  
 U phet iap ba beh ka masi.

Teng teng u iabud ia u kpa  
 Ban ialeit siat sim sha khlaw,  
 Un iathuh ba dei pat ma u  
 Uba siat ia ki langbyrkaw

## XIII

## WAT WAD IA KA KPUT

Sha iing u Stein, u Rolin  
 Janmied u leit ban iabuh,  
 Ha shwa ban kut ka shuti,  
 Ia ka sngi ba dei ban pynduh  
 Syndon ka leh bein, kren bein  
 U Shylluit khlem nia khlem daw,  
 Ia u rit u ria, u rit bor,  
 U khlem bor, ha shnong ha thaw.  
 U iathuh u iohsngew b'u Shylluit  
 U pyrta na ka iing ki briew,  
 Sngewmat u la dih, u byrngem  
 U byrsit, u ong, "ngan thiew  
 Kumba thiew kynbat ia ki nongaiksuid  
 Ha kane ka shnong,  
 Ha kathie ka iing aiksuid sa u khun  
 Mynta u la shong;  
 Hana, u stet kum ka lyer, ki ong,  
 Bad u khlain ialympat;  
 Ka khynnah jatmat kan wan ban kob,  
 D'u jaiaw ngan sympat."  
 U kren sarong, u Rolin  
 U ong, "ngi dei ban pynstet;"  
 Ka jingkyrkieh u Rolin,  
 Ithuh, ka la kiew ar'et.



U Stein u shu sngap, um kren  
 Shikyntien, u kyrngah la ka khueh,  
 U Rolin u kyndit, u lyngngoh,  
 Kane ka kam kyrkieh !  
 Ia ka sngi la dei ban iabuh,  
 Ban iabuh pynkloi katba lah !  
 Um lah ban sngewthuh ka jungmut  
 U Stein, balei u kyrngah.  
 "Mynta," u ong, "ngi la dei .  
 Ban iabuh noh kloi ia ka sngi,  
 Ba katba nang slem, u Shylluit  
 U nang ioh ban leh bein ia ngi."  
 U Stein u pynhiar ka mynsiem jylliew,  
 Da ithuh ba u diaw.  
 "Ia ka sngi ban ioh i'u Shylluit  
 Nga khmih lynti hi khaw,"  
 U ong, "ban pynkit kylla  
 Ha u ia ka sang ma syrngiew,  
 Ba ki shnong kin ioh ban im suk  
 Im sain, tip blei tip bnew ;  
 Nga pynkhreh pynbit ia lade  
 Ba nga ap ia kata ka sngi,  
 Ym don ka jingjia jingbyrngem  
 Kaba wan ban pyntieng ia ngi.  
 Nga tip u Shylluit uba khlain,  
 U kham heh u kham iaw ban ia nga,  
 Hynrei ka jingthrang ia ka kput  
 Ka rhem ha nga kum u rnga.  
 Nga la skhem ban iakhun  
 Haduh ban da tip ia ka lup ka liem,  
 Bad kat bym pat ioh ia ka kput,  
 Ngam lah ban suk ka mynsiem;  
 Hynrei hynne pat mynmied  
 Nga kynmaw ia ki ktien kiba kut  
 Ba i Mei i kren ha nga :  
 'Ko khun, wat wad ia ka kput;'

Ya ka kput nga da kwah hir hir  
 Mynta pat ngam nud ban shim;  
 Ban leh bym suitkhia ia ka ktien  
 I Mei kan long ka jingtm"  
 U Rolin, kumba dung ka kura  
 Na budlum, u lyngngoh kyndheng,  
 La pulom lut baroh ki buit,  
 Y'u Shylluit ban ai jingsneng  
 Um lah shah, u kylli "kumno  
 Phin shu hun kumto kan shu kut?  
 Ym dei tang ma phi, ma ngi  
 Ruh hynrei ngi wad ia ka kput,  
 Phi la leh ka kam tip hok  
 Ia ka ktien i kimie phi rakhe,  
 Hynrei ba i khang ia ka kput  
 U Shylluit, hangno ka sakhi?  
 Katto u la leh, ba i iap  
 Ruh ka dei na kata hi ngi ngeit,  
 Haleh i mut ia kawei  
 Pat ka kput ngi dei ban da peit."  
 U Rolin u kren u iasaid  
 Kum u ksiang uba bam ia ka kam,  
 Ha kata hi ka por ki iohsngew  
 Ia ka ktien u Shylluit kaba jam  
 "Ha kane ka shnong ngam kwah  
 Ba kin shong ki nongaiksuid  
 Ngan shim ia iwei pa iwei  
 Bad ngan shna haduh ban da khuid"  
 "Ha sngap kem," u ong u Rolin,  
 "Ya nga bad ia phi u byrngem,  
 Hato phi la hun ban shu ksan  
 Ha rympei, ha madan pat ban rem?"  
 Sa shisien pat u Stein u kyrngah  
 La ka khlieh bad u ong hi, "Em,  
 Ba i Mei i la khang ia ka kput  
 U Shylluit, ha kata nga la skhem."

"Lada ia ka kput u Shylluit  
Phin nym wad, phi la skhem hangta,  
Phi sngewthuh katuo ka jungshah  
Leh bein ka ban mih nangta?"

"Kata ka iaid da kawei  
Ka lynti," u jubab u Stein,  
"Wat wad ia ka kput kam mut  
Ba ngi dei ban shu shah leh bein,  
Da lade ngan nym wad ban thaw  
Yakajia, ia kata phi wat klot,  
Lada u Shylluit hi u sdang,  
Ngam hanse ban iada la ka met"

"Lada u Shylluit u wan shoh  
Ia nga, ne katba u lap,  
Ngan wan ban iathuli ha phi,  
Phin wan ne em ban iarp?"  
Ia kata ruh, "em," u ong  
U Stein, "ngam lah ban wan,  
Lada ngim pat lah ban ialeh,  
Ngim dei hi ban tur shajan"

Ka Phira ka wan ka kylli.  
"Uto u briew nga iohsngew  
U pyita u byingem  
Ia ki nongaksud, iano u thew?  
Ym dei ia ngi? Ha kato  
Ruh shisien u Rolin na phyllaw  
U iohsngew ia kaju; la kum  
Ba tynruh da ka dieng tyllaw,  
Ha ung ki briew u la nud  
Wan bein, u kawang da ki maw,  
Hato ngi dei ki pohjait  
Ban shu sngap tiw tiw kum ki mraw?"  
Ka Phira, ka thei samla,  
Ka dom ia ki tien kynnoh,  
Kam sngew shong hok ban pynlong  
Ia lade ka dieng shain-doh

"Kumno phi pyrkhat," ka kylli  
 Ia u Stein, "phin shu sngap jar jar ?  
 Ne pyneh la ka rngiew, da ki kam  
 Da ki ktien ban ai dar dar ?"  
 U Rolin u sngew dei. U Stein  
 U peit sha la ka hynmen,  
 "Ia kata," u ong, "mynta  
 Mynta hi dang dep iakren;  
 Nga ong ba ngam lah wad kput  
 Pyrshah ia ka ktien i Mei,  
 Hynrei kata kam mut  
 Ban shu shah leh bein ha kiwei."  
 "I meisan i ong wat wad  
 Ia ka kput ki syiar bad ki sniang,  
 I la hun ban shu ieh kan dep  
 La ka dep kumto, ka la biang,  
 Ka kynnoh pat mynta, la kum  
 Ia u khi-lai-nuud sam khmut,  
 Kam iasnoh ei ei ha ka ktien  
 I meisan ba i khang ia ka kput"  
 U Stein u jubab "ia la  
 Ka jingmut nga la dep pynbeit,  
 Kein noh, ka nia wad kput,  
 Ha kine ki sngi ngin sa peit  
 Kumjuh kumba ka ktah  
 Ia phi, ka ktah ia nga ruh,  
 Yu Rolin kumjuh, hynrei  
 Ngin ia-ap, la ngi lynga ruh."

## XIV

## KA JINGIALEH KA LA SDANG

U Stein u leit kai sha ung  
 U Stong, ki iapur iakren,  
 Ia kane ia katai ha shnong,  
 Khamtam ki jingjia ba dang shen,

Nangne pat u mut ban leit  
 Sa sha ung u Rolin shiphang,  
 Shu mied khlem da tip, ba lyngkot  
 Ki sngi ha ka por myntlang,  
 U bnai u la iaid sngewbhi  
 Bad u ai pahuh ka jingshai,  
 Ki khynnah ha phyllaw ki leh kai,  
 "La dikut u sai tyllai"

U tang shu mih, u iohi  
 Yu Shylluit ba u wan na shaneng,  
 Ynda iakynduh, u Shylluit  
 U lymbub pynban na tyrpeng  
 U Stein um pynsngew, u iaid  
 La ka iaid saw jam san jam,  
 U pyrkhat lehse u Shylluit  
 U leh kumto ban maham,  
 Hynrei u Shylluit u la phai,  
 U wan bud pynstet nadien,  
 Ynda u la lap u lymbub  
 Tyngeh nadien sa shusien,  
 U Stein u ieng uoh, um tip  
 Au u Shylluit un leh,  
 Bad mar kumta u Shylluit  
 U ong, "pha nud ban pyneh?"  
 Da ki kti baroh ar u la thew  
 Ban niat ia u Stein da lyndang,  
 U Stein u kiar, ka ki  
 U Shylluit ka la wad sha ryndang,  
 Sa kawei pat ka kti u kner,  
 Imat, ban shu khñiot hi thrait,  
 U Stein u dem pynstet,  
 Na ki kti baroh ar u lait,  
 U kynriah artat khyndiat,  
 Hynrei u Shylluit u la ksoh  
 Da kamon na tyrpeng, da kadiang  
 U la piam naneng ka kpoh,

U Stein ruh mynta u la piam  
 Ia ka met u Shylluit na syngkai,  
 La kum ki kyrntong ki iakhun  
 U bnai ruh na bneng u nang shai  
 Ki khyannah ki sangeh ka leh kai,  
 Ki lynñiar, ki iaphet ba ki tieng,  
 Ki kmie ki kpa ki iohsngew,  
 Ki iamih pynkloi na ki iing.  
 U Rolin ruh u tang la iohsngew,  
 Bran bran u mareh u wan peit,  
 U Stong bad kiwei ki rangbah,  
 Ban khang ban mai ki ialeit  
 Sia shi sia ki pyisad ka mynsiem,  
 Ha khyndew ki pynskhem la ki kjat,  
 Shane bad shatai ki iatan,  
 Ym pat don uba lah ban lympat  
 Ba shu peit te la i kum ba thom  
 U Shylluit ba u ñiom u pynshad,  
 Hynrei ki tyngkai, uwei  
 Ia uwei, ia ka bor ka iatwad.  
 Bym lah da ka ktien, ki rangbah  
 Ki ring da ka bor ban pynkhlad,  
 U Shylluit bad u Stein ki shu peit  
 Ban tynjuh ki la ioh ia ka lad  
 U Stong u sneng bad u ong  
 "Khie ialeit la ki kam sha la iing,  
 Kum kane ka rukom ym ju bit  
 Ha shnong ban pynma pyntieng,  
 Shishnong shithaw, ngin im lang  
 Sah lang, la iap ne la im,"  
 "To iasngap me khun ka—," u Shylluit  
 U kynhied pynban, u tim  
 U Rolin ia u Stein u ialam  
 Sha la iing, u ialeit ryngkat;  
 Ba la jia kumne shisien  
 Ki sngew ba la dei ban pyrkhath.

U Kolin u kylli . "U lei ia me ?"  
 U da dom shisha,  
 "U lympat ia me ?" u kylli  
 Ka sa wan pat ka 'mat sngewbha  
 Ynda u Stein u iathuh,  
 U kyrugah, bad ka rkhié artat  
 Ba khuslai, u Kolin u khuslai  
 Shisha, ithuh na ka khmat.  
 U Stein u pynthlia, "Me la sei  
 Ka suloi, ne me shong ha kyndong.  
 Ban pyrkhath jylliew kumno  
 Ia ngi ka la pia ka la lung ?"  
 "Ngam kynmaw shuh me  
 Ka suloi, ba la poi ka huri hura,  
 Nga la mut ban shu wan la ka wan  
 Shathie ban shu dung kura,"  
 U jubab u Kolin. Mano  
 Ban tip ? Lehse u da mut !  
 Bym don shuh ban ong da kumwei,  
 Ha ka dung kura ka shu kut

## KA BOR KA HOK KA JOP

(Shitaiew hadien)

Ha ung i meisan u Kolin  
 Mynta ka janmied la pynbeit,  
 Ka Phira, u Stein, u Kolin,  
 Rolin, saw ngut kin ialeit,  
 Ba i khot bam ja i meisan  
 U Kolin, hynrei la iohsngew  
 U Shylluit bad u Stein ki lah  
 Yakynrup, la tдем ka khyndew,  
 Ki ong, ka Phira bad u Stein  
 Ki lah mih na phyllaw ban iawan,

Wan mih u Shylluit kynsan kynsan,  
 U wan ieng hajan,  
 U khang lynti, "ka nongaiksuid,  
 Shano phan iashang?"  
 U kren khlem raifi, u Stein  
 U la dom, u la saw kyrang  
 Haduh katno ka Jingsniew  
 Kan thom shi thom ia ka Hok?  
 Hato tang ka Hok ka ban shah  
 Leh bein, ban shah kynkok?  
 Ka Hok kaba tam, ngi pyrta  
 Mied step, ka Hok kaba tam!  
 Kumno kan shu tam, ia ka bor  
 Ka Jingsniew kam lah ban pyndam?  
 Kita ki jingmut ki wan ktik  
 Ia u Stein ha kane ka por,  
 U sngew ba ka Hok ka la dei  
 Ban ialeh tynggeh da ka bor  
 U tur kynsan, i'u Shylluit  
 Na shadem shikura u ai,  
 U Shylluit u kyndit, ka jingjur  
 La kum ba kynjat u kulai  
 Bad mar kumta ki lah  
 Yakynrup, iakhing ki tyrpeng,  
 Itynnat ban peit kai, para  
 Ba eh ki iakhun ia-ai reng.  
 Ki iakhun, ki pyrsad ka mynsiem,  
 La kum ki kynwo, na ki khmut,  
 Ban da jop syndon, uwei  
 Ia uwei, kata ka jingmut.  
 U Shylluit ba u ioh ban kynrup  
 Nyngkong, u ñioin kynsan,  
 Bad suki u la ñiat ia u Stein  
 Sha kynroh, bad hangta u ban.



Sha kadiang ka lynti ka don  
 Ka kynroh ka ung jong ki briew,  
 Sha kamon pat ka don ka hewsboh  
 Ha lyndet u mawsohriew  
 Ha katei ka kynroh u Shyllut  
 U ban u kyrshon ia u Stein,  
 Ka Phira ka la kwah ban iarap  
 Ba ka i ba la kum ba leh bein  
 U Stein u pyllait baroh ar  
 Ki kti na ka met u Shyllut,  
 Bad u twad shadien sha kynroh  
 Da ki kti, u don la ka buit,  
 Um pyneh shiphang ne ar phang,  
 Ban jah thait ka pynhiar mynsiem,  
 U Shyllut pat de u thara  
 Ba katto u la lah ban pynliem.  
 Te shwa ban pynliem, ban skhem  
 La ka kjat, u kynriah khyndiat,  
 Mar kumta, u Stein u kyrshan  
 Ki kjat ha kynroh, u khynfiat  
 Kynsan da ki kti i'u Shyllut,  
 U pyllait ia lade na kynroh;  
 Ka kabu ba u ioh u Shyllut,  
 Mynta u Stein u la ioh  
 Ka met u Shyllut ka la noh  
 Shadien ba um ioh kyrshan,  
 Bad la u pyneh, shadien  
 U nang ran nang ran pynban.  
 Ynda u la poi ha u mawsohriew  
 U la her ka syrngiew,  
 Ba u tip tang shu lait ia u maw  
 U la hap shapoh ka thliew.  
 U iuh u kyrshan ha u maw,  
 Sa sangeh ka jingiaid da dien;  
 U sei bor bah u pyneh,  
 Ki iathaiñ ki iakhun sa shisien.

K1 kynthei ki shynrang kiba wan  
 Peit kai ki la dap hi mam;  
 Mano ban sngew hun khlem da wan  
 Hi ban peit? U Rolin khamtam?  
 Dei ma ki pynban, ki kti  
 Bad ki kjat ki la nang tyrsain,  
 Ba skuin, mano ban lah,  
 Ar ngut para ba khlain?  
 K1 tymmen ha shnong, kumba  
 K1 ju leh, ki kwah ban pynkhlad,  
 Hynrei u Stein um kwah  
 Ban duh ei kum kane ka lad  
 U Shylluit u la tip mynta  
 Ia ka bor u "khynnah jatmat"  
 U la syier artatien pynban  
 Ia lade ioh u shah lympat,  
 Ka nam ka kyrteng u Lahduh, Khlainduh,  
 Ha shnong ha thaw,  
 Kam pat ju syiei kumba syier mynta,  
 Katba u kynmaw,  
 Shaneng sharum, sha kadiang  
 Sha kamon, kum ba shad kyrsih,  
 K1 iakhing ki iaring uwei  
 Ia uwei ban ioh ban pynkhih.  
 Shisien ar sien u Shylluit  
 U la rah ia u Stein ban lympat,  
 Hynrei u Stein u hap  
 Hi kumjuh ha la ki kjat  
 U Shylluit, da kumne da kumtai  
 Ban lympat, ki buit u la sei;  
 Ba shu peit, iohi kumba  
 U Stein um don ei ei,  
 La don kiba ong, "ba u dang  
 Khynnah," ki iasngew synei,  
 Uba shngaiñ ia u Stein, mynta,  
 Sa tang u Rolin marwei.

Mynta ki la poi sa shisien  
 Hajin u mawsohriew,  
 La ithuh u Shyllut u don  
 Ha lade ki jingmut kaba sniew,  
 Ban kimpit shapoh thiew,  
 U Shyllut u la rah ia u Stem sa shisien  
 Ki shnong ki ruing mynsiem synei  
 Ki raphu noh shadien,  
 Hynce u Stem u khlem  
 Kyl'ou kumjuh hi u ieng  
 Ka poi ka lu nung iaid,  
 Ia sdang ban dum ka bneng  
 U Shyllut da ka kjit kamon  
 Ia ka kjit u Stem u woh,  
 U khun tvngch artat  
 U da mut shi thiew ban pynnoh  
 Ka huit pynap pynhan  
 U Shyllut kane ka jingwoh,  
 Ka u ka lad ia u Stem  
 Kaba u la ap ban ioh  
 Ka jingskhem u Shyllut mynta  
 Ka sah lia shuhang ka kjit  
 Kaba po hadien ka stet  
 Kumba khvllip ka khmat  
 Da kummo ba u Stem u nuh  
 Ha u maw ban skhem la ka met  
 Da kummo ba u shap r'u Shyllut  
 Sha ka liang kaba tlot ban bict  
 Syndon ia u shapoh thiew—  
 Ka jingstet la kum ka khlieh—  
 Ba kiba iohi lim neng  
 Ban batat la king sa ka khlieh '

U Shylluit um pat ju shah jop  
 Mynshwa, katba u la san,  
 Ym pat don ruh u briew uba lah  
 Ban lympat ia u ha madan,  
 Hynrei mynta u la dem  
 Da pyllup hapoh hewshoh !  
 U Stein u shu peit, U Rolin  
 Uba kmen palat ia baroh !  
 U shlei ka mynsiem haduh  
 Ba da poi sha ba iam artat !  
 Haba kmen ne sngewsih palat  
 Ka ju kut ha ka mih ummat !  
 La jem ka mgiew u papun,  
 Ka mynsiem ka la meh ding laiñ,  
 Ka jingdom ka la kiew sha ka khlieh,  
 Ka khmat ka la saw hi haiñ  
 U dom, u shla, u kiew  
 Na thliew, un ai jingsneng,  
 U shim, u kynrup ban lympat  
 Ia u Stein kumba shat pylleng.  
 Hynre: mar iapiam, u Stein  
 U lympat sa shisien sha ka sboh,  
 Kat kane ka jingjah burom  
 Ha la shnong um pat ju loh !  
 Ka jingdom meh ding u Shylluit  
 La kum ban shu thang lut khoit  
 Na ba thiah da lyndang u peit  
 Ki mat dom, u khie de joit.  
 U tam artat narud  
 Ka liewboh ia u dieng shain sboh,  
 Ym tang da ki kt, mynta  
 Da u dieng u la mut ban shoh.  
 "Phet noh, wow ko Stein, phet noh,  
 Ki pyrta kein baroh baroh;  
 Ka Phira, u Rolin ki la tieng,  
 Ma ki ruh ki khot, "Ale noh."

U Stein um pynsngap, u skhem  
 Ha ba ieng, um tieng ia u dieng,  
 Khyllipmat ba khatduh ha shwa  
 Ka jingjop um ithuh ia ka tieng

U Shylluit u la kiew na liewsboh,  
 Bad u jam ha u mawsohriew,  
 Bakla ka jingjam, u ur  
 Ha u maw, takhuh ka khohsiew.

Leit dei na ka nub, la mong  
 Mih snam, un khie ruh um nang,  
 Ka bor ban ialeh ka la kut  
 Ha u maw khlem dohnud tang-tang !  
 Ka bor ban leh bein kaba eh satar  
 Ka la jem kum u wang !  
 U Stein u peit shiphang; u sa leit,  
 Ban pynkhie u pyrshang,  
 Hynrei um lah, ym long rah marwei,  
 U Shylluit u la ud,  
 Bad haba u iohsngew ka jingud,  
 U Stein u um ka dohnud

Ki rangbah ki iawan, ki pynkhie,  
 Ki iabtin noh artat sha ung.

Mano ba lah ba rem ?  
 Kan iathuh ka tyngab bad ka khlieng !  
 Ka Bor jong ka Hok khatduh  
 Khatwai ka la ksan bad ka jop,  
 Ia ki Bor ka Jingsniew ka kynther,  
 Ka pynher ha ka lyer kum u skop !

## XVI

## KA JINGKYLLA U SHYLLUIT

U Shylluit u khuslai, naduh  
 Ba mynsaw la palat shitaiew,  
 Un khie ruh um lah, ki sngi  
 Ba u thiah um ju klet ban ñiew  
 Ka sop, ka khem, ka pyrsad,  
 Ha ung kam iarap, ka pynsiew,  
 Khyndiat ruh um lah ban rah  
 Ban pynkhih, ban pynдор kliohsiew  
 U tieng ioh u dkoh, u tieng  
 Yoh um nang shuh ban tiei ban ktah  
 Najan, na sha jngai, ki la wan  
 Kiba nang ban pynsop pyntah  
 U kwah ban phah ki briew  
 Ban leit khot 'babu skur' Mawthang,  
 Haba kheim ka shyieng ka shruh,  
 Ki iaroh, ki ia-ong uba nang  
 Dano un phah? U pyrkiat  
 Ki samla kiba don ha shnong,  
 "Un leit u Rolin," u ong  
 Ha ka tnga, 'khie leit pynong"  
 U Rolin u lyngngoh kat lah kat iar,  
 Um sngew nang ngeit,  
 Ryngkat ka mynsiem artatien,  
 Sha ung u Shylluit u leit.  
 "Ia me nga shaniah, u 'babu'  
 Mawthang ruh ia me un sngap,  
 Nga tip," u ong u Shylluit,  
 "Me long uba kloi ban iarap."  
 U Rolin u ong un faleit  
 Bad u Stein ban shngaiñ ha lynti

Ka kyrteŋg u Stein kam pyndom  
 I'u Shylluit mynta ka kynti !  
 Balei um dom ? U Stein  
 Da lade, u la leit shisien,  
 Ar ngut ki la ioh ban iakren  
 Sngewthuh shibun ki ktien.

### BALEI U KYLLA ?

U 'babu' u la wan, u la peit;  
 Ha ba kut u kylli, "phi falei ?"  
 U Shylluit u iathuh kumno  
 Ka la jia, kumjuh ruh balei

"U Stein u la wan," u ong,  
 "Bad nangta nga kylla kaba mut,  
 Ma nga, u bym ju pyndem,  
 Uba ioh la ka mon khlem thut,  
 Nga iohi . ym dei pleng ka bor,  
 Ka sarong, ban pyndem ia kiwei,  
 Hynrei ka mynsiem para briew  
 Uba khlain kaba jop pyrthei.

U Stein u la ong um buh sni  
 Ia ki kam leh bein leh sat,  
 Bad hangta nga kylla kaba mut,  
 Nga kylla pyrdet ka pyrkhat."

"Kam lei lei, phin sa jem," u ong u 'babu',  
 "Kan sa bha kan sa jem,  
 Na u maw phi la lap ka nuksa  
 Kaba bha—ban pyndem;  
 Bad kata dei ka daw ba ka nub  
 Jong phi ka dang sah, dang shem;  
 Uba nang ban pyndem da ka  
 Jingstad um ju long uba rem."

## KA JINGNGEIT KABA PHYLLA.

Mynmied u 'babu' Mawthang  
 U leit sah ha iing u Stein;  
 Ki iakren ia ki kam u Shylluit,  
 Ym dei ban kynnoh, ban bein,  
 Hynrei da lade ba u ong  
 U la phai, la kylla kaba mut,  
 Ka Phira ka tharai ba katto  
 Ka leh bein ha shnong ka la kut,  
 "Ba bud dien ki jingjia baroh,  
 Ki sdang na kaba u Shylluit  
 U ngeit ba ha shnong, i meisan  
 Jong ngi iba ai sabuit;  
 Ka jingngeit sabuit katto  
 Ka la duh," ka Phira ka ong  
 "Phi tharai?" u kylli u 'babu',  
 "Peit shwa ka jingngeit la jong.  
 Mynta phi la nang la stad,  
 Phi ngeit ba don ka sabuit?"  
 Ka Phira kam jubab, ka ong  
 Ba iakren tang shaphang u Shylluit.  
 "Ba phim kren la ka jong ka jingngeit,  
 Ia phi ngam kwah ban pynrem,  
 Te u mawjynthut nyngkong  
 Ha ka met la jong ngi shem.  
 Ka jingngeit jong ngi ka kham  
 Phylla ia ki jingphylla,  
 Kam pher wat lada la slem  
 Sha kawei pat ka niam ngi kylla.  
 Ngii ngeit ka sabuit; ngi ngeit  
 Ia u thlen, ngi ngeit ka aiksuid,  
 Ngii ngeit ia ka shwar ka taro,  
 Ia lade ngi khein ki riewkhuid.



Ki para marjan, ba ithuh  
 Ithaw, ba ngi khein ba ha iing,  
 Ka ktien te ka thiang ngai ngai,  
 Hapoh ka mynsiem ngi tieng!  
 "To iet i'u para marjan,"  
 Ngi pyrtá na tnum ki iing,  
 Tang shu hiar nator tnum,  
 I'u para marjan ngim iet, ngi la tieng!"  
 "Da kumno heit, Bah, ngin lait?"  
 Ka Phira ka kwah un pynshai.  
 "Kaba eh ban pynshai ne pynhun,  
 Ka kham eh ban tih sha tynrai.  
 Ngan ong tang kawei kaba kham  
 Kongsan : ka jingngeit ha u Blei  
 Lada ha kane ngi la skhem,  
 Ka pyndam lut phar ía kiwei.  
 Ka jingngeit ha u Blei kam dei  
 Ka jingngeit ía u Blei; ki íapher.  
 Ka jingngeit ía u Blei kam skhem  
 Ka nongrim, lah ban ong kaba per.  
 Haba ngeit ía u Blei ka shu long  
 Kum ba ngeit ba u Blei u don,  
 Ka jingngeit ka sting thor thor,  
 Kam long kaba khua ba shon.  
 Ka jingngeit ha u Blei ka íapher  
 Bak lybak, ngi pynshong lyngngeit  
 Ía ía ka jingim ha u Blei,  
 Ym don lad ía kiwei ki jingngeit.  
 Katto shwa mynta, ngin sa nang  
 Yakren shuh shuh hadien,  
 Ka jingmlen ban leh bha ka nang pur  
 Nang san, wei la sdang shisien,  
 Nang pynjan, kham pynjan shuh shuh  
 Sha iing u Shylluit; wat ran,  
 Un íohi ka jingkhraw ka mynsiem  
 Kam long ba shu tam na madan."

## KA JINGNGEIT HA U BLEI KABA TAM.

Ka khana jong nga ka la kut hangne,  
 Ym don ei ei shuh,  
 Tang ban ong ha k1 snem kiba bud hadien,  
 Sngewtynnat ban iathuh  
 U Shylluit ryngkat ryngkat  
 Bad u Stein, ki iakit iabah  
 Ia ka kam ban bha ka shnong,  
 Ban shngaiñ ki kynthci khynnah  
 K1 iaeit la kum shipara  
 Kiba kha kawer don ka kmie;  
 Ka mynsiem bau iarap ka la par  
 Kylleng shatei bad shathie,  
 Ka shnong ruh ka suk ka sain  
 Ia ka rep la ka riang kyrhai,  
 Ia u soh la u pai, la u kba  
 U sohriew, pahuh pahai,  
 K1 la thung ruh kawer ka skul,  
 K1 khynnah k1 iaroi iastad  
 Ha ka thoh ka pule, k1 iakhlain  
 Iashait ha ka met ka phad

Bad ka tien-alam jong ka skul  
 Ka long kaba mih na ka khlieh  
 U Shylluit bad u Stein, ban iada  
 Pyrshah ka Jingsniew kum ka Stieh

"Ka Jingngeit Ha U Blei  
 Kaba Tam Ha Pyrthei."

## Ka Akor kaba Tam

Nga tyrwa die ia ka jeep. U wan pan thied uwei u briew. Phi uba naei, phi uei, nga kylli, namar ha ka iadie iathied dei ban da kylli kumne. Nga u Haripod, u iathuh, maphi die kali, u kylli. Hooid, nga ong. Manga peit kali, u ong. Khie peit, nga ong. Ynda u la peit, manga leit pyrshang, u ong, khlem pyrshang basniw babba em tip. To, nga ong, namar ha ka iadie iathied dei ban pynpaw ba phi shaniah. Manga jingjang la wan, u ong. To, nga ong. Ur-r-r, ka kyrhuh ka jeep. Bak u leit, nga iohi sa tang ka tдем ba ka lynguh. Hynrei kata ka jingjang jong u kaba la jlang sat du. Kpa u Bor, nga ong ia lade, wat ju shaniah than, hynrei hamar kumta de katei ka jeep ka wan poi, ir-r-r-jak. Kam long, u ong, um treh thied To, nga ong. La dep kumto. Lashai mynstep ynda nga leit pynkhuid ia ka jeep (namar nga shait pynsum pynsleh, pynsad pynbhabriew, man ka sngi ban kham lah dor) nga iohi ki taiar kiba shadien kim dei du ki jong nga. Ki jong nga kiba nga dang thied dang mynno, kine pat kiba lah jrot lah khuid plin. Wa, nga kyndit bynriew. Ka la thok, nga ong, ka ban iap, pleng, ban shu leit ai pyrshang ia ka kali ha u briew khlem da leit ryngkat da lade. Shano yn leit wad pat ia uto u khun ka nongtuh. Kpa u Bor, nga sneng ia lade, naduh mynta da bat shkor noh. Nga bat artat ia ka kor kadiang kding kdang naduh mynta, nga ong.

Lai sngi hadien, u wan sa uwei pat u briew. U ruh u kwah thied ia ka jeep. Nga twad ia ka shkor kadiang. Nga bat. Phi uei, phi naei, nga kylli. Dei ban bniah kumne man ka por, hynrei te poi sha ba iap kein. Nga u Holira, u ong, nga shong ha Nongthymmai. O, u para

marjan du khat-ei, nga ong ha lade. Ynda u la peit ia ka jeep shiphang u ong ngan da leit ñiah hi da lade ban trai. Kpa u Bor, nga kynhied ia lade ñapoh mynsiem, da kynmaw. Nga jyrwait ia ka 'kor kadiang haduh ban da pang Nga kynmaw ia u Haripod. Phin leit trai, nga kylli, ia ngin ialeit lang. Ha ka iadie iathied dei ban da pynshutom ia lade khyndiat khyonsoit, lynda kumta ym ju lah ban iohngong. Tang shu iakiew ha ka jeep, i kumba um lap-lieng shuh Anu phi ba u pynher! haduh ba nga uba ia ñiah kali da ki snem ruh ngam sngewthuh shuh nga shong ha ka jeep ne nga her da ka jet. Nga sngew kita ki snier kumba kim treh shuh ban shong hapoh kpoh. Shiliangti nga bat ia ka kpoh ioh ki phet ki snier, shiliangti pat nga bat snoh ha ka jeep ioh hap ei. Don bok ba lap ba poi noh ha Motor ophis, hynrei te, tip ngan dang sah snier shuh ne em. Une u erlangthari pat, u Holira kein nga mut, une pat i kumba um shym lei lei, u hiar kloi lan na ka jeep, ap ho jingjang, u ong, ngan leit donkam hangne khyndiat. Dei hamar ka por ba ki bos ki la iakhreh ban mih ban leit sha Kiewhati. Nga la ap kumba 15 minit, um pat wan. U para Nongthymmai te un lei, nga pynshngaiñ ia lade, namar shu kumno re kumno nga kum jyrwait ia ka 'kor kadiang. Nga ap shiteng kynta ruh um pat wan. Ka ktien Khasi ruh tiak tiak kum u Khasi, un lei phi, uha i shida te u briew, nga nang pynshngaiñ shuh shuh ia lade namar katno katno ruh una man wan shuh. Kitei ki bos Kiewhati ruh ki lah ialeit ir shi ir, ter shi ter, naduh hynne. Lah poi sha ka shikynta, khat-ei la slem du, nga ong ia lade. Wa, shano kumne u jah. Ha phyllaw Motor ophis ruh nga leit khongngoid, ym don briew shuh lait sa tang u khardaju uwei ar ngut. Kane te ka bym long. Ha ka iadie iathied, dei ban da leh shitom, ban wad shitom khyndiat khyonsoit, hynrei te phim lah ban pynieng la ka kham ka pateng. Nga leit rung sha Motor ophis, nga peit shane shatai, nga wad. Iano phi wad kumne, u kylli uwei u Babu. Nga wad ia u Holira phi, u ong ngan leit donkam

hangne jingjang naduh hynne hynrei la palat kynta ruh um wan mih shuh. O, phi wad ia u Holira, u kylli, uto ei naduh hynne u lah leit sha Kiewhati da ka bos. Nga jan kylla lyndang, ba nga kyndit, hynrei nga pyneh doh-iap la ki khohwah. Kpa u Bor, nga ong ia lade, wat leh bieit, da la ka burom. Ha ka iadie iathied ym bit ban pynpaw bieit eh ia lade, hynrei te la shu shah thok ei. Te hynrei balei kumne, kat nga, nga dang shah jem rogiw ha kito ki thok baiikor ar ngut. Kpa u Bor, nga ong, da bat noh baroh ar tylli ki shkor naduh mynta. Ka kti kadiang ba ka la mlien, beit soia ka poi ha ka kor kadiang. Ka kti kamon pat ba kam pat ju mlien, ka thap pajut pyn-ban ia ka khmut. Ynda nga shri laia ka sa pyllait, ka sa kynrup ia ka kor kamon.

Ha kawei ka sng pat wan poi sa uwei uba la adie-die die kat u pongding-karai shisha Shano kumne nga la jan kum ong pongding, hynrei nga kynmaw khliak ba ha ka iadie iathied ym ju bit ban kren tohmet iano iano, nga sa shu leh mynjyrhoh noh jham, bad nga sa kylli, phi uei, phi naei, balei phi wan. Maphi em ithuh ia nga, manga ithuh ia phi, u ong Bhakhwandew maphi em ithuh, u kylli. O, hooid, nga shu ong, hynrei shano ngan leit ithuh ia uta u Khakliwan ne u Khabyrui. Maphi die kali, u kylli. Mai kumta de thrait ki kti baroh ar ki iakynrup mar mar la ka shkor. Balei, maphi kyllut, u kylli, namar u iohi ba nga shu bat sah ia ki shkor. U tharai nga kyllut, hynrei um tip ia ka jngmut jylliew jong nga haba nga jyrwait la ki jong ki shkor. Hooid, ngan die ka jeep jong nga, nga ong, ngam shym kyllut, nga ong, nga da kham pynjam artat, phi kwah ban leit pyrshang, nga kylli (nga iohi kumba utei u Haripod u wan peit pyllain), ne phiin da leit trai shwa (nga kynmaw ia uto u erlangthari pyn-kynting smer), nga kylli lypa noh. Dei ban leh sian bad kiba kum kine ki briew. Ki kti ki dang iabat hi la la ka shkor. Em, u ong, manga peit tang kali ruh la tip. Kdom-ka wan hiar noh ka kti kamon na ka kor kamon. Katno

ong maphi ka dor, u kylli. Lai hajar, nga ong, nga leh mynjyllud tmaif artat ban pyni ba nga ruh uba la ju mlien ha ki hajar. Ka kti kadiang ruh ynda ka iohi ia ka kti kamon ba ka jyllud tmaif, ka wan hiar noh na ka shkor, ka leit tyrsuh sha ka pla sopti ban sei sikret nebikot. Hamar ba nga la bat iwei i sikret ha ka kti, shwa ba ngan kyntiew sha shyntur, u shu ong pynban kynsan kynsan, shi-shi-shi. Nga ruh nga kyndit thret, nga kum pynhap noh ia u sikret. Lai hajar kum kane kali, u kylli, u da peit artat kum ban bam doh. Manga tip kane kali barim bha. Manga ai phra spah, u ong, u bsuh artat ka kti kamon sha la ka pla ban sei tyngka, imat, bad da ka kti kadiang pat u tam ia u sikret nebikot jong nga uba nga kum pynhap myntan. Em phi, nga ong, ym duna ia ka lai hajar. Ka kti kamon jong u ka mih noh napoh pla, ka leh mynsei noh da ka jympruid. Balei maphi kren kumta, u ong, u kynthah sikret artat. Em phi, iehnoh phi mahajon, nga ong, nga kyrngah artat shisien. Shim khyndaï spah, u ong. Ka kti kamon jong u ka la wad biang sha ka pla tyngka. Em, ngam treh, nga ong, nga da kham pynjur ka kyrngah. Tang shibnai maphi pymaid kane kali em long shuh, u ong, shim shihajar, u ong. Mynta te u da tyrsuh lut ka kti kamon shapoh pla. Em, nga ong, bad ka kyrngah artat haduh ba da jan kyllon na ba shong. Maphi em tip shaphang kali, u ong, peit uto ispring la khein noh shi-taew, manga tip kane kali, u ong, enjin shapoh la sniw, piston ruh bujli, carbetar ruh bujli, kalatch ruh la sniw, birek ruh em bat shuh, manga ai shihajar shispah, u ong. Em phi, nga ong. Mynta te ngam shym kyrngah khlieh shuh, nga shu peit noh ia ka khmat u briew. Tip haleh uba lamwir pynban ne une u pongding, uba shu kren tip lut ia ka jeep jong nga. Ngam ju tip, ngam ju phohsniew ba ka jeep jong nga kan jot, kan sniew haduh katta katta. Sngap manga ong, u ong biang, diphrenshal ruh balut shibun peisa, kato ruh em bha shuh, nubersal join ruh basniw, bering bathimai em ioh shuh mynta, shim shihajar

san spah, u ong u sei artat ki lut shisong. Mynta te nga la bitar lep. Tip haleh ka iawan plie tuh shisha mo ka dakaid ia ka sem kali mynmied. Shuh, ngan da leit peit noh ioh ka la iawan tuh wan pynjot ia ki tiar ki tar khlem da tip. Nga khyllied ka bonet, nga peit. Biang lut baroh. Nga iuh u brek, nga peit ia kiwei kiwei ruh ki bynta. Khat ym shym lei lei du, kumba ka ju long kumta hi. Lep, lep, ka mih ka jungbitar ba u la kren bein than eh ia ka kali jong nga. Nga la mut ban ther ia u da ki ktien kiba un kynmaw sah junom, hynrei haba nga peit ia u ynda nga la poi hajar, utai lbing, i kumba u dainamait ruh un nym lah ban pynkhih. Kpa u Bor, nga sneng biang ia lade, da sumar ho. Kumta kumta hi thrait ki kti ki iakynrup biang ia ki shkor. Ka 'ti kamon ruh kam shym phut bakla shuh ia ka khmut. Hynrei kane ka kam bad une u pongding-kara, kam dei ka kam Holira Haripod. Kane kaba iaid da uwei pat u tar. Da kumno ngan ia-ai reng bad une u pongding. Hapdeng ki jingpyrkhat jylliew (namar ha ka iadie iathued dei ban da pyrkhat jylliew lym kumta la poi ei sha khlaw sha ba sep ei), uta u la ong biang, to, to, shum kane ar hajar, u sei artat sa shisong ki lut. Kata ka jingbitar ka la thap ban kiew biang sha ka khlieh, te hynrei shwa ba ngan ioh sneng ia lade, nga la lap ba kren noh la ka kren plak. Mahajon, nga ong, ynda ka jeep jong nga ka la dkoh, ynda ka la kyllut, ynda ka la matlah ynda ka la khem lut ki shyieng ki shruh, ynda ka la sah tang ka nar-jot nar-tasam sa wan pan thied biang, wallam artat ar hajar san spah, ngan sa die ha phi, hano hano ruh em. Ew phi, nga da mih sa ka syep te phi. Ynda u la leit u pongding-kari, nga rung sha iing. Kmie u Bor, nga ong, naduh ba nga la bat baroh ar tylli ki shkor, nga la sian, hynrei haba wan pat ki nongpanthied kiba kum uto u pongding ngan leh kumno ban nym kiew than ka jingbitar sha ka khlieh. Dait la i khmut thylliej kein, i ong. Im ju bun ktien i kmie u Bor. Shisha kein, balei nga leit klet bap dait la i khmut thylliej. Ynda kham shibit, i kmie

u Bor i ong, kpa u Bor, ban bad phi te lashai kathie ka jeep kan sa kha sa u khun. Nga shu rkhié ha-ha-ha. Wat rkhié seh kum u bieit, i ong. I kmie u Bor i shait mien ban kren danda kumne. Kpa u Bor, i ong, ynda wan pan thied biang Ki briew, sa khot ia nga. I kmie u Bor iba pyrkhath lut nadong shadong. Im ju kwah ba kin shitom ki briew. I la iohi katno ba nga la leh shitom ban die ia kane ka jeep I la sngewsynei imat ia ka jingleh shitom jong nga.

Shipor la kynjah jar ki nongthied jeep Hynrei ha kawei ka step ha mar ba nga dang pynsad, pynkhyllong ia ka jeep ha sem nga iohsngew kumba jyrhoh khlur mano re nadien jong nga Nga phai dien, nga peit Phi uei, phi nanguo, phi wan thied jeep, nga kylli kloil lan. Ki kti ki lah thap ban leit jyrwait ia ki shkor, i khmut thyllieij ruh nga lah pynmih sa ban dait. Nga wan ba nga iohsngew ba phi tyrwa die ia ka jeep kein Nga u Horshon, phim kymaw shuh, u kylli Ki kti baroh ar ki la iabat la ki shkor. Ya i khmut thyllieij ruh nga la dait tang ba nga pyllait noh biang ba pang, bad ba nga han jubah ia u Horshon Hood kein, nga ong, nga tyrwa die ia ka jeep (ka 'ti kadiang ka la ai tia ia ka 'kor kadiang) Phi kwah leit pyrshang, nga kylli, (ka ti kamon ruh tia ka ai) Ya ngin ialeit lang Nga te nga kwah sau hajar, nga ong phi pat phin pan katno san spah, nga kylli, nga dait artat ia i khmut thyllieij ba nga kymaw ia u pongding-kara U Horshon u shu peit lyngngoh Nga imat ki ktien jong nga ki la ktah jur ia ka dohnud jong u Ha ka iadie ia-thied haba la ishankhmat ia u briew dei bān kren ha doh hi pum ) Ki tharai bieit ba kin wan hikar ia nga ! Kumno phi pyrkhath, nga kylli, nga weng noh ka 'ti kamon na ka shkor bad nga jyllud tmaifi, ban pyni ba ngam dei u briew uba kin shu tharai kai Nga wan peit ia ka kah jong phi ban thied lada iadei ka dor ka mur, u ong, hynrei phi pat phi lah da kren noh kumta, bad ka bein thyllieij artat, te ngan shu leit noh kein. Ngam shym wan wad tuh, u ong Em.



em, nga ong, wat leit thut, nga dait artat ia i khmut thyllieij, namar nga iohi kumba u la thut shisha. Ngam pat ju lap, u ong, hangno hangno ruh ki briew ki ban bein thyllieij khah khah kum phi, bad ki ban kren kumba kren ma phi shwa ban iasdang ka ktien ka thyllieij. Nga ruh uba iaid la ka khan ka pateng Nga ruh uba don la ka seng ka dang Para ba iadie iathied, u ong, ynda la ia-peit ia ka mar ngi sa iakren ia ka dor ka mur. Ngam tip phi tharai ia nga ba nga dei uei, u kylli. Ham, um kut shuh Nga la dait la i khmut thyllieij tdan shi tdan ba in tarap kum ha kane ka khim, ym dei ba nga bein thyllieij, hynrei i mih snam pynban Ki ktien jong u ki dung ia ka dohnud jong nga kumba dung ki nar-saw. Ha mar ba nga la sngew kum ban rung noh hapoh khrum ka jeep ban peit ia u diphrenshal, ha mar kumta de i wan i kmie u Bor. Wa, i Bah Horshon du, nga khlem da tip, i ong. Ki iakren ithuh ithaw bha jai Nga pat nga nang kmian noh shadien ba la tud ka syep ka syar shaid shi shaid kumba theh na ka ktang Shishi nga ong ia lade, mano ba wan pynshad khaw-rang ia nga ban leit kren kumta ia u Bah Horshon Nga rung noh sha ung, ban leit diu um, ym dei ban buhreh la ka jinglehraiñ kumba tharai bakla ki briew Kpa u Bor, nga ong pynthanda ia lade Hynrei nga shu iohi sah ia u Hohra, ia u Haripod bad ia u Bhaknwandew Kito hi ki lyndet-akor, ki kwah-lalot, ki thok-baqkor, kiba la pynsmiew jingmut ia nga haduh ba nga la poi kren sa da ki ktien khlem akor ia u Bah Horshon Kham katto katne, nga iohsngew ur-r-r-r, riew ka jeep ha sem Nga khongngoid na jyngkhang-üt Utai u Bah Horshon u dem, u peit ia ka enjin. Shibit pat u la peit shapoh shalor, shibit pat u la iaid sawdong u peit ia ki shakka, imat Nangta pat nga iohi ba u iashong harid ka jeep bad i kmie u Bor Wa, u leh aiu kumtai Nga peit pynheh bha ki khmat, nga iohi ba u sei ki tyngka, u ñiew bad u ai ha i kmie u Bor I ruh i shim ia ki tyngka Katba u dang ñiew hynne, nga ruh nga iañiew lang na

ingai haduh ar song ki lut shuphew. Hadien nangta te ngam shym ioh fiiew shuh ba i peit noh i kmie u Bor sha ba don ma nga, nga rieh noh khop, Ynda ki la iakren shiphang, nga iohsngew kumba khot i kmie u Bor. Ko kpa u Bor, i pyrtā. Oi, nga thie pynkloi napoh iing. Alle seh, wa, i Bah Hor i ong in leit noh. Ngā mih brān bran na iing, nga leit. Ki khmat nga shu peit sah sha tbian ba ioh jynthut. (Ki briew pat ki iakren bein te phi ia nga, ki ong, hana, ba ngam nud ban peit pyrshah ia u Bah Horshon). To mo Um, u ong, ngan shu leit noh Nga pat nga shu sngap namar ba nga dait sah la i khmut thylliej. Kynmaw la ka akor, kpa u Bor, nga ong ia lade Balei phim kren, i kylli i kmie u Bor, i peit artat sha nga Hei, khublei, Um, nga ong, nga pyllait noh ia i thylliej. Ngan leit sha Mawsynram mynta ka sngi, u ong, nga tharai kine ki taiar kiba shadien kim lei lei mo Um, u kylli Khliak, nga kynmaw ia u Haripod. Khun ka nongtuh, nga ong, da ka sur kaba jam, ba nga la sngew ingkhong eh ka mynsiem Wa, balei phi kren kumta ia i Bah Hor, i ong i kmie u Bor Hei, khublei, Um, nga ong pynkloi, kine ki taiar kiba shadien kiba dang bha (nga sdang ban batai), hynrei, khun ka nongtuh Wa, balei kumta kpa u Bor, i knieh ktien biang i kmie u Bor, balei phi kren lamwir kumta ia i Bah Hor Khublei, Um kynrad, nga ong, ban pynpaw ba ngam shym kren ia u, bad ba ngam shym khot nongtuh ia u, hynrei kata ka mynsiem ka dang ing hi ia kito ki thok-bajikor Nga la ang ka shyntur ban kren biang, hynrei i kmie u Bor i wan tynruh noh da ki tyngka hajan shyntur. Hih kine ki tyngka, lai hajar, ba i ai i Bah Hor, i ong Ki khmat jong nga ki heh bad ki peit seh. Lai hajar, nga ong, bad ka kmen bad ka lyngngoh. Em, nga ong, khun ka nongtuh, yr dei ia phi, Um (nga pynbud kloī lan noh ioh u tharai ba nga mut ia u), kato ka poi-ei ha kato ka sngi kein, phi i, Um, . .

Ur-r-r, lap ba riew noh ka jeep. To nga la leit ho Kong, u khublei ia i kmie u Bor, u fiiah artat ia ka jeep,

nga khlem da ioh pynkut ia ka jingbitar jong nga. Ynda u la lait na phyllaw iing, utai u shu phai ngoid sha nga. To ho Um, u ong, tang kumta u leit bak.

Ynda u la leit nga kylli ia i kmie u Bor i leh kumno ba shu bad khuk bad khak i lah da die lai hajar ia ka jeep ha u Bah Horshon. Ngan leit leh aiu ma nga, i ong. I Bah Hor i peit ia ka kali. Palat ia ka lai hajar te ngam lah, i ong. Nga pat ruh ngam shym da buh dor katno katno. Nga ong haba phi la peit ia ka mar, Bah Hor, bad phi la buh dor ma phi te, kumta kein. Tang kumta, ym shym iabun kyntien

Kpa u Bor, i ong, ynda i iohi ba nga shu bat sah ia ki lai hajar, ha ka iadie iathied ka akor kaba tam, ka siew la ka bai iohnong, i kner artat ka kti, i shim ia ki lai hajar suki jai na ki kti jong nga. Haba shim ei ei na ka kti kiwei pat dei ban shim da ka akor, i shait ong i kmie u Bor.

Ka akor kaba tam, nga ong ha lade, bad nga pynhiar mynsiem jylliew artat haba nga iohi kitai ki lai hajar ki lah leit shong suk ha ka kti i kmie u Bor.

# U Khynraw

"Khynraw !"

"Ow-wow-ow-wu-oww !" u thie u Khynraw

"Khynraw !"

'Ow-wow-ow-wu-oww !' u thie kein Man ba khot u thie kumta Ngi ngi thie "Oi," hynrei u Khynraw u thie kumtei kumba la ong haneng Yoh phi thara ba uba bieit ne uba lamwir, em Uba tip biew biang, biang tang ba, phi i, u Khynraw u dei u ksew

Ki biew, bad ki lok lo ruh, kiba ym pat ju wan ha ung jong ngi, kim ugeit ba nga ong u Khynraw jong ngi, tang shu khot, u la thie Ka bym lah ban long, ki ong Don iwei, ar, ki lok pat kiba kham kren phulia ki ong vn leit phylla lei ? Lada um thie haba khot, te, la dei sa tang uba kvllut slang slang lane uba sngap mynthi kein, ki ong

Nga wan talam kai sha ung ta kine ki lok sursien ba kin iohi bad ba kin iohsngew hi da la ki shkor Ynda la poi ha phaloi nga iohi uthie u Khynraw u dem hajan ki mawkyndon

"Khynraw !" nga khot

"Ow-wow-ow-wu-oww !" u thie Nga peit sha ki lok, nga rkhe shdai

"Em," ki ong, 'ba shu leit ja ryngkhat Hato khot biang,' ki phah ia nga Kim pat ngeit

"Khynraw !" nga khot biang

"Ow-wow-ow-wu-ow!" u thie biang. Ki para lok ki la shu sapet lyngngoh, uwei ia uwei. Uwei na ki u leh mynpyrta lein "Khyndraw!" hynrei u Khyndraw u sngap jar jar u shu peit samsia.

"Ha khot biang ma phi," u ong ia nga, u la sngew lehraiñ. Sa shisien nga khot, u Khyndraw ruh u jubab hi kum mynshwa. Jar ki iasngap, kim nud shuh ban ong ngim ngeit

U Khyndraw uba da phylla shisha. Bun ki kam kiba u leh, ngim shym da hukai shisien ruh U leh hi, u nang hi

Haba iadon hapoh ung, lada ngi ong "Shu," un mareh bak bak sha khyndew, un peit artat shane shatai don mano ba un beh. Ia ki briew hi, lynda ngi la ong, "Dait," un nym dait, lait sa tang tengkhat lano haba u la sngew dei ban dait ha la ka jong ka jingbishar.

Ia ki briew kiba na shabar, u ithuh kino kiba ju wan kino ki bym pat ju wan. Ia kiba la ju wan, haba u iohi ba ki wan, u shu jyrhoh, "bhub-bhub, bhub-bhub," kat na ba u don, shu khih tang ki rmiang shyntur. Ngiruh, napoh ung, haba iohsngew ia ka "bhub-bhub" jong u, ngi shu ong, "O, tharai la wan ita, ita," kiba ju wan kai. Ia ki bym ju wan ia ki riwphylla, te, lehse kumba ju wiar lem ki ksew baroh, u Khyndraw ruh u wiar hait shi hait, hew shi hew, haduh ban da mih ki trai-ung shabar

## II

U Khyndraw um dei u ksew trai jong ngi. U dei u ksew kiba ha syndah ung. Kumno u wan juh noh ha ung jong ngi, ka leit jia ha kawei ka synrai hadien ka thma sew-synrai, bad u la shah dait la jhor na ryndang hajan siang-tyrpeng kaba sha kamon. Leit dei ha mar ka jaka kaba um ioh ban jliah ban sumar hi. Khyndiat pa khyndiat ka nang lhih, nang biah phongrai sa u skaiñ, haduh

ba ynda ka la nang heh nang heh, ka la shu saw byrnep hani, ban peit ruh la yli shisha. Ki briew, ki trai ksew ne kiba ym trai ruh, tang shu iohi ba u wan iaid shajan, ki la beh da ka maw ka dieng katba ioh. Un dem, un rieh tngen ha shakiar iing jongno jongno ruh um ioh, ba sma iewtung, ba sma iewkhong, ki iabeh pynher krad klo! lan baroh baroh. Hangno u thiah u dem, kumno u ioh ka bam ka di, ym lah tip shuh. Ki trai ki leit pyubuh ja sha kper kham sha jngai, hynrei bun ba lap ha bam noh kiwei kiwei pat ki ksew. U la raikhoh niang-truid

Ha kawei ka step, dang phyrngab, ym pat khie thiah lut ki briew, nga iohi u Khynraw u mih na ka thlew khrum ha iing jong ngi. Pleng! hapoh khrum iing jong ngi u leit rieh tngen mynmied, mynsngi ruh imat, haba ym don ba iohi. U la jied da ka jaka kaba la bit bha Hapoh khrum u lait na ki skaiñ kiba wan boi

U tang shu iohi ia nga u phet pynkloi, u tieng ioh shah shoh, shah kawang, kumba la ju jia ia uba pli, kat ha ba u iakynduh briew. Ka wan ka mynsiem sngewsynei, ka da ktah ia ka shyllipnud. Nga pyrkhath baroh shisngi Lada nga ai jaka ia u Khynraw harud ung, khlem pep ngan shah mai. Ka jingsma na ka met jong u mynta kaba la palat shisha. Man ba u kynther ia ka ryndang—(to ieh ngan nai da iathuh lut, phi la iasngewthuh hi). Wat lada ngam shah mai ruh, kumno yn pynjah ia ka jingsma iewtung kaba la kiew shaduh ka jabieng? Kumno yn pynkoit kat kane ka jingmong ha ka ryndang?

Ngam shym iathuh hano hano ruh ba u Khynraw u mih na khrum ung jong ngi. Mynmied haba thiah ruh nga pyrkhath. Kum lashai nga leit sha u Doktor-briew ha dispensari ban wad jingiarap "Theh da ka phinail," u ong. Ng don ka phinail ha iing. Lada nga nud hi ban pyntheh phinail halor ka jingmong, nga ngeit u ksew uba pli un koit. Tip ngan nud, ne ngan nym nud? Ngan lah ne ngan nym lah ban shah ia ka jingsma?

Ha kawei pat ka step nga khleh um ia ka phinail ha uwei u bilor, bad nga leit ap ia u Khyraw ha thliew khrom. Shusien ar sien u la thap ban mih, hynrei u rung noh ynda u iohi ia nga. Um shaniah ia ki mrad ar-kjat kiba la shu shoh shu kawang ia u kat ha ba ki iohi. Nga khot mian mian, "Khyraw, Khyraw . . ." ba ioh ki ioh-sngew ha ung, nga khroh hor shi hor. Khatduh khatwai u mih, nga bat nga syrpuh ia ka met sharum ka jingmong, bad ka bym kwah de ban peit ia ka jingmong. U Khyraw u sdang pynkhih ia i tdong tmoiñ iba jrong tang kat i 'tikmie. Bad ka khroh bad ka kyor artat la artat, nga pyntheh phinail khyndiat khyndiat halor ka jingmong, nga kun mynsiem katba lah. Dang nyngkong um shah, u ksaid ban lait noh. Shu don bok ba nga la ju ktah ia u mynshwa ruh, ba nga la ju ialeh kai, hynrei la shitom shisha, imat ha ka pynsat ka phinail. Nga khroh shi khroh, bad suki suki u jem ka jungsaid ban lait noh. Ka met jong u ka da khyndiuh kumba triem, imat ba la sat syllang eh ka phinail.

Man ka step nga ap ha thliew khrom. Tang shu khot u la wan, bad nga pyntheh phinail. Um da pyneh shuh kum mynnyngkong. Katba nang mih kawei pa kawei ka sngi, ka jinglhieh, ka jingtriem ka nang jah, ka jingsma jingiew ka nang duna, bad ka jingmong ruh ka nang rit nang rit. Hadien kumba lai taiew ka lah dap doh, ym shym lei lei shuh, sa tang ban mih biang u shiuh.

Naduh kata ka por u Khyraw u sa juh noh ha ung jong ngi, bad kiba ha ung jong nga ruh baroh baroh, ynda ki la iatip hadien, ki kylla leit noh ia u kum la u jong. Ki trai ruh ki iakmen iasngewbha lang noh kumto. Ki hun ba u la sah noh bad ngi. Dei ha kane ka por, ba nga tang shu la khot kyrteng ia u, u sdang ban kren ne ban thie, "Ow-wow-ow-wu-oow," ban pynpaw la ka jingsngewnguh, nga tharai, ne tip u mut kumno ha ka ktien ksew, ngam tip.

## III.

Ym don ei ei ha ka dur, ne ha ka jingheh u Khynraw, ban ioh ong ba la thaw phylla soi ia u Shisynpeit, u ia-para ksew hi nadong shadong kum kiwei kiwei pat ki ksew. Ia u sdong ki lah dain lyngkot naduh ba u dang rit, tang ba u tdong u Khynraw u kham lyngkot shuh shuh ba ki hap dain ar sien kham naneng, ba ha kaba ki dain nyngkong ka leit sa khñiang noh, katno katno ruh kam jem shuh.

Ka met baroh kawei kaba iong ngain ngain, lait noh tang ka jingthoh lieh u shñiuh naduh u pdot haduh pdeng shadem Ki shkor kiba ieng tang ba ki la lyngkot tmuin ba la shah ot noh kumba ju leh ia ki 'sew-beh, ki ong

Ka jingkhlain bad ka jinglong doh-satar u Khynraw kaba la ioh iathuh khana lut kat ha ba leit Ka rta, un dang katno eh, tharai ar snem ei ei, hynrei hapoh ine i rta u la jop thma lut ia ki 'sew-shynrang baroh kaba hajan hajan. Don tang uwei u ksew uba um pat nud ban iakob, bad uta u dei u kpa jong u hi, u Daloi Ka ung shong u Daloi ka kham sha jngai. Tip ba u burom kpa, ne, ba um pat lah kot hi sha ka jingkhlain u kpa, ym lah ban ong. Teng teng ha ka por synrai, haba ki iakynduh lang ha kawei ka jingthmu, ki iabyrngem, ki iashri la ki bniat, ki iakynrup, ki iatalon shiphang, hynrei u Khynraw u stad, u pyllait noh kloï lan, u phet noh, u shu peit na sha jngai Shikpa shikhun ki iabit bha ka dur ka dar, naduh ka jingthoh dak na u pdot sha ka shadem, naduh ka jingheh, haduh ka jingsmat beh mrad. Tang ha ka jingstad bad ka jingsngewthuh, te, imat, u la palat hi u Khynraw.

Harud shnong ka don kawei ka khlaw kaba bun bha ki iarkhiar. Tang shu la iohsngew ba pah ki iarkhiar, u Khynraw um ju nang shong nang dem shuh. Ngï shait ialeit beh iarkhiar bad u Khynraw bad kiwei kiwei ruh ki ksew ha kane ka khlaw. Ka pyrthei bad ka bneng u



Khyndaw dei ha khlaw. Ka jingkmén jong u kaba la kein noh ! I kumba u da kylla bad dur bad dar. Bun ki iarkhiar kiba ngi ia-ioh, dei u Khyndaw uba kem haba ki la thait hob.

Teng teng haba ngim laut ban leit iabeh iarkhiar, u Khyndaw u ialeit hi bad la ki para ksew, para ba iasmat. Shwa ban leit, u da pyrtá shnong hew shi hew, haduh ban da sawa ka shnong ka thaw baroh. Ki ksew kiba najan najan, haba la iohsngew ia ka byrtá u Khyndaw, ki iawan lut baroh baroh. Tang uwei u ksew jong u kharbabu um ju wan. Ia une ngan sa iathuh khana kham shibit. Kat kiba iawan, kim ju iabishni, kim ju iadom, kum ha kine ki por. Ki sngewthuh ba la khot, bad ki iabud ia u Khyndaw kat sha ba u ialam, sha khlaw, ne shano shano.

#### IV

Ki ksew ruh, ha la ka rukom, ki don la ka jingsngew long trai long kynrad ha la i jong i jong, khamtam eh ha la phyllaw ha ki iing ba ki shong. Kham fiar ba kin leit thom bor ia ka hok jong kiwei pat. Wat u Khyndaw, uba la long lahduh, um pat ju nud ban thom bor ia ka 'hok' jong kiwei pat. Haba ki ksew-long-trai ki la beli, um ju nud ban ieng ialeh pyrshah. I danda teng teng ban iohi ba u Khyndaw u phet pynkloi na ka phyllaw kiwei pat, wat la i nongbyrngem nongbeh i dei táng i sew-rit ! Um ju pyneh, tang ba ynda la poi sha surok-bah u phai dien, u wiar kylla, kum ban ong, "khunka, alle me hangne, me da nud !"

Tang ha kawei ka step te ngam tip shuh da kano ka aiñ ksew ba ki ksew kiba bun ki leit iathom bor ia ka phyllaw u ksew jong u kharbabu. Une u ksew uba kham kynsha ka jinglong, uba domriang, bad uba la dait ruh la bun ki nongkyndong kiba wan die dieng ne die jhur.

Ki ksew ruh kim ju kham leit tur shajan ka ung une u ksew. Ha kane ka step, tip kaei kein ka daw, u Khyraw na la phalor la jong u la pyrta shnong hew shi hew. Ki ksew ruh ki la iawan, bad ki ruh ki iawiar pynbud haduh ba la khywin hi jhang Ki da tip ne kim tip ia ka bneng ka khyndew, ngam lah ban ong Ynda la biang ma la biang la ka por, u Khyraw u ialam thiaw ia la ka kynhun Shano kumtei kin ialeit? Nga mareh sha surok' ban peit Kitai ki la ia-ieng, iabyrngem ia u ksew u kharbabu Hadien shipor ar por ki iarung lut baroh baroh ha phyllaw une u ksew, bad ki iadait ia u haduh ba la isynei shisha Kaei ka daw? Da kano ka aiñ ba ki ialeh kumne? Nga hi ia lade ngam tip shuh Nga leit rung ha phyllaw une u kharbabu, nga kynhied, nga mai, nga beh lut ia ki ksew baroh, bad suki suki ki sa iapyllait bad ki ialeit noh la ka leit ka leit

U kharbabu pat u tharai ba dei ma nga uba leit pyniadait. U mai ia nga, u kyrbleh la kum uba khie lamwir La nga iathuh ia ka hok ruh um sugap shuh, u beh shoh pynban ia ngà da u dieng Nga ruh, bad ka sngew bitar bad ka i shrai artat ia une u briew, nga phet noh

Kumba ar bnai hadien, u khun jong une u kharbabu u kawang ia u Khyraw ha surok na ka khlieh da u mawria uba la heh U Khyraw, ba la pang eh, u lynñiar hiang shi hiang Nga mih pynkloi na ung bad nga shu rohi liak ia utei u khynnah dkhar ba u phet Nga leit khroh leit kjor ia uba pli u Khyraw Ka khmat shiliang u la khapbrip, bad ka la sdang at ruh na rengmat. "To me, ym lei lei," nga ong, "yn sa ia-ai jingsneng ia uto u dkhar, mo?" nga kren pynshngaiñ "Khyraw!" nga khot artat. "Ow-wow-hiang, ow-wow-hiang," u pyrshang thie, tang ba la khleh lang bad ka ud pang artat, ba ka dang pang hi, umat. Uba pli!

Hadien lai saw sngi, u Khyraw bad nga, nga ialap ngong ia une u khun kharbabu ha surok, hajan iung jong

u hi "Tum Khyndraw mara kaiku?" nga kren katba nang da ka dkhar. Une u khyndraw dkhar u iaryngkat rta bad nga, lane nga lah ruh ban shwa ma nga khyndiat khyndsoit. Ha ka ryndieng te u la jrong une haduh shitda ei ei.

"Kaiku mara Khyndraw?" nga kylli biang, bad ka shoh artat, nga dung shikura na ka ngab, "ba me kawang bein ia u Khyndraw jong nga te me," nga ong U Khyndraw ruh u wiar, i kumba u ruh u la kwah ban dait lem. Une u khyndraw dkhar u iam u lynnaiar la kum uba shah pom da ka wait U bat la ka ngab, u mareh sha la ung, "ba-wa-ba-wa-ba-wa," u leh mynleh kumba um nang kren shuh. U iathuh ha u kpa U kpa u mih kysan hlut na ung, u rah la u dieng thynram, u wan beit beit ban pduh ia nga. Imat u la iabuh lypa ki dieng thynram ha ung ban shoh briew, ne, nangno u leit ioh ia une u dieng thynram khuk khak, ngam tip shuh U la talaiñ bha ia une u dieng thynram ban pyntieng ia nga, bad nga ruh nga la i tieng shi-sha, hynrei shwa ba un poi ha nga, u Khyndraw u lah da tur sha khmat, u lah kiew ryngkeh ia une u khar-kpa haduh syngkai da ki kt, u wiar byrngem artat, Lynnaiar sa u kpa kaw, "waw, la dait u sew-lamwir," u ong. U kynnoh ba nga kynshu ma nga Hynrei u Khyndraw um pat shym dait Lada u dei pat u sew-lamwir ruh, shu nang hi ban kynshu ia u sew-lamwir? Ban da ym wan poi noh kloi kloi kiwei pat ki briew, ngam tip shuh kan jia au ia nga na une u kharbabu, ne ia une u kharbabu na u Khyndraw.

## V

Kawei kaba nga hi nga ngeit bha, ka long ka bor ne ka sap ki ksew ban ithuh ne sngewthuh ia ki briew kiba don ka jngmut sniew. Kum ha ka jngthmu une u kharbabu ban pduh ia nga da u dieng thynram Ban da ym don u Khyndraw nga la shu shah pduh ei

Shisien pat, mynstep ha ka por 9 bajé ne, uwei u dkhar aui re u wan ieng ha phalor U la kám ia ka phalor, hynrei lap ba iohi noh u Khynraw, u leit u wiar hew shi hew, um ai lad ia une u dkhar ban kám sa shijam ruh Wow shi wow, hew shi hew, la khynwín hi jlang. Ynda la iamih sha phyllaw ruh um sangeh ka wiar, i kumba u kwah noh hi kein ban dart Ngí iakren, iakylí ía une u dkhar, u wan leh aui, u kwah aui, hynrei ym íapei ka ktien ka thylliej. Tip u kren da ka ktien dkhar aui kaba ngim pat ju iohsngew, ne, tip u shu kren kulmar khnang kat sha ba lap ba ngin nym sngewthuh ruh, ym lah tip shuh, tang ba la ía-ishankhmat lut baroh baroh

U Khynraw lei lei kham palat, u wiar la kumba wiar pynhiar kput. Bym long iakren shuh da ka ktien, ngí ía-kdew íapyni da ka kti, khie leit noh, ngí ong U Khynraw u leit bud, bad ka wiar hew shi hew shaduh sha jngai.

Lai mied hadien, ngí íashong kai ha íingshatja dang kumba 8 bajé ne. Ngí íohsngew u Khynraw u wiar dom bha sha phyllaw Ka jingwiar kaba sngew kumba u da kahait artat. Ngí iamih bran bran ban leit peit. Ba dum, ym íohi, hynrei íohsngew kum ba mareh u briew ping ping, u Khynraw ruh uta, sngewmat, ha kjat ha kjat hi Ngí íabeh nadien nadien shaduh surok-bah, bad mar kumta de ngí íohsngew ka jinglynfiar teng íap u briew kum ban sa dkut noh ka mynsiem Ngí íaleit pyinkloi, bad ngí lap u Khynraw u lah bat da ka shyntur trait na ka kti une u briew Ynda íapest bha, u dei uto ujuh u dkhar uba wan ha kato ka step Ka kti ka la mong khyndiat Ba ym don sabut ei ei kaba sniew, lait tang ba u wan rung sha phyllaw mynmied, ngí pyllait noh kumto, tang ba ngí ong um bit shuh ban wan shane

Ym slem hadien kane, kumba shítawew ei ei, kí para marjan kiba íashong kumba san hynriew íing pajih, kí íoh kem uwei u briew uba wan prong ía ka kamra thiah ha ka por kynih syiar nyngkong. Ynda la shai, ngí leit

iapeit. U dei uto hi u briew uba wan swait ia ka ũng jong ngi! Ki dak bniat u Khynraw ruh ki dang paw ha ka kti jong u tyngkrein!

## VI.

Ka jingshngaiñ kaba ym nang ong shuh haba don u Khynraw ha ung, mynsngi ne mynmied. Don kawei ka sngi kaba da shit bha U Khynraw u iohthiah lyngngai ha baranda ha ba dum tngen. Ki ong ba ki ksew, la ki iohthiah katno katno ruh, tang shu wan beh ka jingsma kaba pher ha ka khmut ki la kyndit noh. Ha kane ka sngi ki lang-tuh-kper ki iawan rung ha phyllaw, ki lah da iabam syntiew bad jkap bad jkap U Khynraw pat ngai ngai tip ba la bang eh ka jingphohsniew, ne, ba u set ka khmut, kum uba iap u khlem da tip shuh ba wan ki blang ruh. Ha kane ka por i Mei i wan kiew na sha ũngshetja, i wan rah artat ka ja u Khynraw ha ka pliang. Shwa ban lait na ki mawkyndon i iohi ki blang kiba iabam syntiew. "Shuh!" i ong, "la lut khait u syntiew." I peit sha u Khynraw ha baranda, "me pat dhai dhai hangto la ka thiah kum u sniang, khie me, 'shu' kloi kitei ki blang," i ong, i mai artat Tang shu mar iakren hi i Mei, u Khynraw u lah da khie joit, u shri ba u la lehraiñ, u leit beh ia ki blang shaduh sha jngai U da dait artat, ne u shu beh kumto ym lah tip

Ynda u wan phai la shubit u leit sma huin huin shane, huin huin shatai, ia ki syntiew, i kumba u da peit khang-khai haduh katno ki blang ki la pynjulor ia ki syntiew. Ne, ka lah ruh ban long ba u da tohkit khnang kaba kumno eh ka jingsma kito ki lang-tuh-kper ba u khlem da ioh kem ia ka jingsma ha ka por ba ki wan!

Ia ka ja ba i Mei i la pynbuh ha baranda ha ka jaka ba ju buh ba un bam, um treh bam shuh. La ap shiteng kynta ruh um bam. U shu dem, u shu peit sah sha phalor.

Ya nga, u kham kohnguh, hynrei la nga khroh da kumno kumno ruh um bam Wat u ksew ruh u nang, imat, ban sngewsih haba la bakla la i jingtrei kam, khamtam lei lei haba ka leit long kumba u la leh bym suitñiew ia la ka kamram Nga shu ngeit ba u Khyndraw, ha la ka jingpyrkhat ksew, u sngew ba um shym la kamai hok ia ka jastep kaba la wan ai ha u ban bam

## VII.

Nga la iathuh hynne khyndiat ba u Khyndraw u kmen haba leit sha khlaw Ka jingkmén kaba da i hun lu jai U tang shu la iohi ia nga ba nga bat tuel-batur, u la shad la kynthih, bad ka rwai ka sngewbha artat Nga ong "rwai," namar ki jingsawa kaba mih na ka shyntur jong u kim dei shuh tang ka jingwar dep rukom, ym dei tang ba shu jlew, ne ba shu jaw Ki jait jingsawa ki la iakhleh lut, la lam syiem ia ka sur rwai iwei i rangbah iba nga ithuh bun snem hadien! Tang ki jingsawa khlem sur! Haba la rung pat hapoh khlaw, u la sma huin shane, huin huin shatai Ki iarkhiar, ki iartung, ki simpuihwieh, lada ki don, u la lap ka jingsma, bad tang shiphang ar phang u la pynkhie thur Ya ka sañium, ka bñiap, u ngam marwei marwei, bad teng teng u wan mih ynda la slem bha

Shisien hajan law-sorkari u jah jlang U leit bud dien ia ka jingsma jongno re jongno Katno katno ruh um mau wan shuh. La iakhot, la iapyrta, la iasiaw, hynrei ym iohi Khyndraw shano shano ruh. Ba la dei ka por ban leit phai noh sha iing, ngi iawan noh sha ung. Sngew te sngewsynei ba hap iehnoh marwei hapoh khlaw, hynrei ka la ju jia mynshwa ruh, ngim ju tieng lane syier ba un jah Kumba shiteng kynta ne tam hadien ba ngi la poi ung. u Khyndraw u wan poi, u da leh kumba tieng ba ioh shah mai ba u la wan slem. Ban da u nang hi ban kren, un jin

da la iathuh khlem pep kumno ba u leit bud dien ia ka skei, ne ia ka sim aui re, bad shaduh shano Tang shisien, nga kynmaw u da wan rah artat i tyut ba u ioh kem

Nga ju pyrkhath teng teng, hato kham jur ka jungkmen u' Khynraw haba leit khlaw, ne, kham jur ka jungkmen jong ngi haba ngi ioh ban leit shoh dolikha, ne tong sher, ha ka por synrai? Kaba eh ban bishar!

Tang haba khie lyer, haba la riew saw saw ha khlaw, la khie ki dieng ki sla kum kaba iashad buaid, u Khynraw ithuh ba u da tieng, u shu bud noh nadien nadien jong nga, bad ka pyndem tdong artat i tlong iba tang kat iei, i dem ne im dem ruh ym da kham ithuh bha teng teng! Um ju nud ban iaid sha khmat, um shang shane shatai kumba u ju leh Phin da kynhied, phin da mai, phin da leh kumno kumno ruh, un nym iaid sha khmat Tip balei u tieng haduh katne haba khie lyer, ngam tip Ka lah ban long, haba la sawa eh ka lyer baioh sawdong um sngewthuh um tip shuh, dei ka mrad ne ka lyer, ne kaei Lane ka lah ban long ba u tieng ioh kyllon ki dieng.

Nga kynmaw ha kawei pat ka por ba ialeit sha khlaw, shwa ba ngin poi ha ka jaka kaba ngi mut bau rung hapoh khlaw, u Khynraw u lah da sma aui re aui harud lynti, u rung pynstet bad ka sma artat sha sañium tiw-pangkhlieh, u bud dien sia. Ngı ruh ngi iarung hapoh sañium, la iatharaı ba dei hi ka iarkhuar ne ka iartung Shubit riew pynban phrad phrad shatei sha khmat kumba mareh ki mrad jait heli Ngı la iatieng. Ngı iamih pynkloi noh na sañium, iakiew noh ha i jaka iba long lum, ngı ap. ngı peit shaphang ba iohsngew ia kato ka jingriew phrad phrad Ha pyrshah jong ngı, ha uwei pat u lum kitai ar ngut ki briew, ka kynthei bad u shyniang, ki iaphet pynstet Ki iawan kheit tit ne ki wan iawad hur-khlaw imat, hynrei ki ruh, haba ki iohsngew ia ka jingwan tur kynsan u Khynraw ki la kum pyrkhath ba la dei hi u khla ne u mrad aui re uba heh, ki iaphet pynkloi.

## VIII

Nga ju smat ban leit khwai kha-shalynnai, kha-roifi, na Umshyrpi harum ka kshaid Noh-Wahrisa. U Khynraw ruh u lah ban shong hajan jong nga khlem khih, un peit hi kliaw ia u saikhwai kumba peit ma nga. Man ba nga kynjut dohkha, ithuh ba u ruh u da iakmen lang. U da khih ka khlieh, ka met, u peit ba nga law ia u khwai na ki dohkha. Teng teng, haba shu woh u khwai tang malu mala ki dohkha ki sied shadien sha u phlang U Khynraw u smat ban leit pynwad

Ha kawei ka sngi, ki dohkha kim dait shuh ha kawei ka thwei Nga kiew noh sha ka thwei kaba kham shaneng, kaba don ha mar ba khongdong ka wah. Ba leit don u dieng-tiew saw uba noh tnat sha thwei, kham shitom ban bret khwai hangne Shusien u saikhwai u leit woh ha u tnat bad u saikut I kber ha u khwai i sdien ldoi, i pynkhih tang ki thapnuang khliak khliak Katba ngan da pyrkhat kumno ban pyllait ia u ksai na ba woh, ka wan kem pynban ka khaptu (khapsnem) trait ia i kber, bad ka ngat artat ia lade ha u khwai Ba leit dei haba khun ka wah, imat ka khaptu kam shym iohi ia nga ha kyndong u maw, ka iohi tang ia i kber Ngan lyngngoh ne ngan kmen, haba ngat pynban da ka sim? Sngew phylla bad ka kmen artat! Ynda ka la sangeh kyrthlab, nga shum ha ka kti, nga sdang ban khlong ia u khwai na ka shyntur Kam long kaba suk ban law ia u khwai na ka shyntur ka sim U Khynraw, nga iohi, u lah ieng joit, u leit shong noh kham sha jngai. Da i kumba um kwah peit, um sngew-bha Balei yn khwai da ka sim haba wan khwai dohkha? I kumba u pyrkhat kumta

Khatduh, ba bha bok ka khaptu, ne, ba sniew bok ma nga, ne, ba u la peit bynñiaw eh u Khynraw, ngam tip, ha mar ban sa lait u khwai na ka shyntur, ka khaptu ruh ka lait bran na ka kti, ka her laitulid bak sha ba ka ju



her. Nga shu ang ka shyntur, ba la sngew bynnud. Na sha jngai, nga iohsngew kawei pat ka khaptu; nga sngew kumba ka ong, kok-khai, kok-khai .katno katno ruh kam sangeh shuh. Nga ruh ba nga la sngew ingkhong eh, nga bein kylla, nga ong, "kok-khai ia pha." Ngam tip u Khyndraw u sngew kumno!

## IX

Hato ka long pap ne em ban beh thong, ban thwet ha tdong ha tdong ia ka miaw haduh ban da ioh pyniap syndon? Nga la ju pyrkhat ia kane ha ki snem kiba hadien, hynrei nga sngew ba kam da long eh ka kam kaba pap, haba ki jingua bad ki jinglong ha kata ka por ki pynksan ia kata ka jingbeh thong

Ka leit jia ha ka por ba ka Sorkar Phareng ka la pyniasoh lang noh ia ka Assam bad ka East Bengal kum kawei ka huma (Eastern Bengal and Assam), bad ia ka sor ruh ki pynkynriah noh na Shillong sha Dhaka (Dacca). Baroh ki kharbabu kiba trei ophis sorkar ki la ialeit sha Dhaka, ki ia-ieh ungjah lut ia ki iing jong ki baroh ha Laban. Ban da don ba nud thued iing ha kato ka por, tang sawphew sanphew tyngka ruh la ioh bad iing bad kper Ki iing te ki dang long tang ki iing sop phlang suda. Hynrei ngam kynmaw ba don napdeng jong ngi kiba kwah thied!

Ia ka mar ka mata, ka snap ka skor baroh ki lah iakit lut, ki ia-iehnoh tang ki miaw ha ki iingjah. Ym dei, kein, man ka iing u kharbabu kaba ri miaw. Katba don ei kine ki maw, haba ym ioh shuh ka bam kaba thukna na la iing kumba ju ioh, ki iakrih ia ka shnong baroh kawei bad ki shang leit tuh bam na iing shong briew kyllong. Yn buh ka bam hangno hangno ruh ym ju sah. Ka doh kaba dang shu wan thied na iew, la tir, la thad ha tyngier mynte, lashai mynstep tang shidkhot ruh ym sah snap shuh. Ka

ja ka jyntah ha ki khiew, lymda ban da ki maw kiba heh, ka khuid phoifi phoifi Ha shnong ha thaw ki la ia-ud baroh baroh ia ka jingwan pynkhulwia ki miaw ia ka bam ka dih. Don kiba la siat da u khnam ruh haba iohi ia kine ki miaw sha kper

Teng teng haba iohsngew mynmied ba la wan khura ki miaw ha ungshetja, ngi iakhie ban leit thap da ki dieng, bad tang shu ioh ban shu pduh iap noh hi ba la sngew ingkhong khait ka mynsiem, hynrei shano phin leit ioh? Mar iaplie ka jynghang, ki lah kynthuh, ki lah kiew bran bran na ka biar ban phet na ki thlew kiba don ha khlieh ka biar ha ba iakynduh bad ka tnum

Mynsngi ki iathiah ha ki ungjah, lane ha ki sañium hajan ki ungjah. Bunsien, haba ialeit siat sim, ba la ioh iaid mon sha ki ung ki kharbabu, ngi ju lap ia kine ki maw, hynrei tang shu iohi ia ki briew ki la phet ki la rieh U Khynraw bad u Thohmut, haba la sma miaw, ki la thwet bran bran Haba don ki ksew, ki miaw shibuit ki stad, ki kiew joit joit sha ki ung ne sha ki dieng kat kaba ki lap nyngkong.

Une u Thohmut u dei u khun u Khynraw, tang ba u ksew jong ki para marjan Une u ksew u shun thlong-mluh thlong-sying ia ki miaw Kiwei kiwei ki ksew, ki dang syier ban tur pyrshah ia ka miaw haba ka la pyrkhung ka met, bad haba ka la bynthiew phlak shi phlak U Thohmut te, em, um ju tieng. U khapbrip bria bria ki khmat, u kynrup la ka kynrup trait trait, bad haba u la ioh dait um ju pyllait shuh haduh ba kan da iap syndon

U Thohmut u sni ia ki miaw kumne naduh ba u shah trud ha ka miaw ki para marjan shisien, ha ka por ba u dang rit. La ka rukom 'sew-khun, u leit khroh ialeh kai ia kane ka miaw, hynrei ka thap pynban bad sbak bad sbak, ka trud da ki tyrsim na ka khmat, haduh ba u da matlah syndon shiliang ka khmat. Naduh kata, u shun ia

ki miaw, u buh sui sah. Tang shu iohi u la beh sia sia ban dait noh.

U Khynraw ruh haba u iohi ia ka jingleh dukhu u Thohmut ia ki miaw, u iabud lang noh Katno tylli ki miaw-tuh, u Khynraw had u Thohmut, shikpa shikhun, ki la iapyniap ngam shym da buh jingkhein, tang ba ym duna shuh ia ka hynñiew tylli

Haba iohi ia kine ki ksew ba ki iathwet ia ki miaw, iatip shai ia ka jingthmu jong ki kaba shyrkhei, ba ki wad ban pyniap, hynrei la katta ruh shu i thamula teng teng, haba ka miaw ka la kiew noh sha ki dieng ban lait im, kine ki ksew u Khynraw had u Thohmut ruh ki ia tyn-neng kiew dieng lem! Haba leit iohi u dieng uba kham thiah, uba la don lypa ki tuat naduh kham sharum, ki da lah shisha ban kiew shaduh shajrong, teng teng haduh ba la jan poi hi ha ba don ka miaw Ban hiar te kim nang! Ki shu hap! Ba shu dei ki dieng kiba ym shym da jrong eh, kim da iapangmet than

## X

Ka Sorkar (ha ka jingslusa ka dei ka Municipal, hynrei ngi ioh kynnoh ia ka Sorkar, nainar ba u Saheb-bishar kumba ngi ju khot ia u D C ha kato ka por—u pyniaid ia ka Municipal) ka pynmih hukum hā yn siat lut ia ki ksew baroh kiba iaud ha surok, lynda ki deng tiket. Ia kane ka tiket dei ban thied na Municipal ha ka dor shi-tyngka kawer Mynta, hadien samphew hynriewphew suern, ngi lah ban sugew phylla, hynrei kam long kaba suk ia kiba hui ban ioh shi-tyngka ban thied tiket ksew. Sa kawer pat ruh, don kiba da sugew pyrshah tynggeh balei yn da siaw khayna sa ia u ksew Ki sngap mynthi, kim treh thued tiket

Ia u Khynraw ngi la iapyndeng tiket. U Thohmut ruh u la deng la ka tiket. Katto katne ki ksew kiba ngi ju iohi

bad ithuh bha ki la shah siat noh. Sngew pangnud, ba ki dei ki ksew kiba bha, ba la shu shah siat tang namar ba kim shym deng tiket. U nongsiat-ksew u wan iaid shisien ar sien shitaiew. Ka jingshrai ia u ka bym lah ong shuh. Tang la iohsngew ba riew ka suloi shajan, ne tang shu la iohi ia une u nongsiat-ksew ba u wan iaid, kat kiba don ksew ki la iakhot iating la ki jong ki jong ki ksew ban teh noh shipor hapoh ung, ba tieng ioh shu shah siat ei, wat la ki la deng la ka tiket

Kumba hynriew hynriew bnai hadien ba la iapyndeng tiket ia u Khyndraw, ha kawei ka Sngi-saitjaiñ, nga dang shu lah bam ja ynda la wan skul, ia-iohsngew ba riew ka suloi shajan Kumba ju leh, la iating la la ki ksew Mar kumta de, wan mareh uwei u para khynnah, u ong, "la shah siat u Khyndraw." Ia nga ruh la kum ba shah siat ha kata ka khyllipmat Ngam sngew lah ngeit Kam lah ban long. Kumno un shu siat ia u Khyndraw uba deng la ka tiket? Balei kun siat ia u Khyndraw? Ki jingpyrkhat ki la shu thnam shaid hapoh dohnud Nga mareh bran bran sha surok Dei shisha u Khyndraw, kham ha pajih, u thiah litar ha surok, bad u nongsiat-ksew ruh u ieng hajan

Nga da sngew shisha kumba la pait ka dohnud Ngam tip briew shuh Balei un siat ia u Khyndraw jong nga? U dait iano? U khlem lamwir, balei un siat? Ha katp ka khyllipmat nga sngew kumba meh ka ding hapoh mynsiem. Ka jingdom, ka jingbitar ka la kiew sha ka khlieh, ngam lah kun shuh. Nga tam u maw, nga kawang ia u nongsiat-ksew. Dei ne lait ngam tip. Nga phut uwei u dieng kper, nga mareh beit beit sha u nongsiat-ksew ban shu tied pyniap noh ia u U bat suloi ne um bat suloi, kam rung shuh hapoh ka jingpyrkhat jong nga. Ka jingdom, ka jingmeh ding, ka jingsngewsih pangnud ia u Khyndraw ka la pynlamwir thlam ia nga. U nongsiat-ksew, haba u iohi ia ka jingdom jong nga, u phet Nga beh nadien nadien, tang ba ngam lap Nga ngeit ba la shu siat

bein ia u Khynraw uba don tiket Nga'ngait ba, wat lada um don tiket ruh, u long u ksew uba bha, bad ka jingsiat ka la long ka jingsiat bein ia uba pli u ksew

Nga wan phai noh sha u Khynraw, nga iam pangnud pangnam, haduh ba kiba iohi—sa ba ki ruh ki iaieit bha ia u Khynraw—ki iajaw ummat lang Ka snam ka la tuid, la saw haiñ ka surok ha ba u thiah Shiphang ngam sngew lah peit, hynrei nga shong hajan U dang pynhiar mynsiem Nga shim ia ka khlieh nga syrpuð kumba ju leh I kumba u dang sngewthuh ba dei ma nga uba wan ktah U peit khyndiat ki khmat Bad ka iam artat, nga khot iet “Khynraw!”

“Ow-wow-o ” u thie kumba ju thie hynrei tang shiteng, u sngap artat jar Nga ruh kumba dung ngak na u dohnud, nga iam lynfiar Ka mynsiem u Khynraw ka miñ ha kata hi ka khyllipmat ban iaid mon iaid sngewbha ha ki lynti thymmai kiba yin ju don nongsiat-ksew U Khynraw, uba shlei phluk phluk da ka jingim, uba khiih uba ksar da ka jingkmien, jingsngewbha, uba smat uba sting, mynta u la sngap jar La pynsngap jar ia u da ka buit bad da ka bor u ar-kjat Ki khlaw kiba u iet u kinen ban iaid sngewhba, kin nym iohi shuh ia u Ki para ksew, kat kiba dang lait im na ka suloi-bam-ksew ka Municipal, kin nym iohsngew shuh ia ka jingpyrtta shnong jong u. U Khynraw, uba ngi la sngew la kum u briew, bad ngi la kheiñ ruh kum uba ha ung hi, ha ka khyllipmat kaba khatduh ha ka jingim jong u, u dang tip la ka, akor ksew ban thie haba nga khot.

“Ow-wow-o ” u thie khatduh Un jin da la hun jai ka mynsiem ban iap hapdeng ka jingialeh para ba khlain Hynrei u kuli u nongpyniap u la pyniap klop ia u

“Ow-wow-o !” ka ktien kaba khatduh na u Khynraw kum ban ong artat ia nga, “Khublei, Kynrad!”

Khublei, Khynraw !

## Bthei ! Skei !

"Kaei kato, Bah ?" u kylli u Rolin (13 snem ka rta) ia u hynmen, u da wan ieng artat ha syndah U la shong-shit bha, ka mynsiem ruh ka da kynthih tik, tik. Dei kane kaba nyngkong eh ba u iohsngew ia ka mrad ba ka mareh ha khlaw najan jong u hi !

"Ka-a-a rabbit, me," u jubab suki jai u Kolin, u hynmen, kum u briew uba la ju iohi ia ki rabbit ha khlaw kumba iohi ia ki saro, ki simkhar ha shnong U la palat 17 snem Na ka sur kren jong u bad na ka rukom bat jong u ia ka suloi, i kumba um kwah, bad um mon hi ruh ban siat

"Siat seh, Bah Siat seh," u khroh u Rolin Kat kane ka kabu ! Um lah pyrkhat bad um sngew nang pyrkhat ba kan shu lehnohi

"Shish me, ia rat ka rabbit ruh ! Ap me ong, ynda lap da ka mrad kaba kham heh shibit, ngan sa siat," u ong u Kolin, ka sur la kum uba la im tang ban siat mrad

Suin, lip ka khmat u Rolin Slam, jew ka mynsiem Wat la um shym iohi ia ka rabbit da la ki khmat ruh, u sngew ha lade ba ka la biang kein ban leit kob sha iing, ban iathuh khana kumno i siat rabbit i Bah. U lah da-pyrkhat ha la ka jungmut, tang shu iohsngew hynne ba ka mareh kato kaei re kaei, ba un rypsied kloi kloi sha iing tang shu hiar na ka jeep shibit ban pyrtat, "Peit, Mei ! Peit, Kong ! Kaei kane ngi wan siat !"

Ka dei ka sngi shuti, bad kaba nyngkong eh ba u kpa u leit ialam ia u Rolin sha Umran ban leit peit kper sohtrun. U kpa u nang peit sohtrun, ki pat baroh shipara

ki iangam jliang shapoh khlaw U Kolin u bah ia ka suloi ar-ktang jong u kpa

Wow, ka jingbha bok bha nusip! Tang shiphang, hadien ba ki la iarung shapoh khlaw, lah da iakvnduh mrad! Hynrei u Bah pat u ong pynban, "Shish me, ia rat ka rabbit ruh!" U kynmaw ia ki jingathuh khana u hynmen shaphang ki dngiem, ki khla bad ki hatu U shait sngew kob, sngew sarong ia la u hynmen haba u la iathuh khana ia ka jingbeit siat suloi bad ka jingshlur jong u Te balei kein i Bah im siat ia kato ka rabbit? U pyrkhat Imat ki nongsiat mrad kiba kum i Bah ki wad shisha tang da ka mrad kaba heh mo? U kynmaw pat ruh hynne hamar ba riew saw saw u tyrkhang, ba ka mih kato ka rabbit, u iohi na shadien ba u Bah u kyndit kynsan thret, u da khiih ka met baroh shi rymeng Imat ki nongsiat mrad ki leh kumto mo, haba mih ka mrad ha khlaw? U kynmaw biang ia ka jingong u hynmen "Ap me ong, vnda lap da ka mrad kaba kham heh shibit" Hapoli la ka mynsiem u ong, To, ngan don bok haduh ban da iakvnduh da ka mrad kaba kham heh U sngap u pyrkhat U bud nadien nadien u hynmen U bun ki jingpyrkhat Ki la iaiaid kham slem U Kolin u la iathuh khana iaiaid artat U la iathuh bun, bad mvnta u la sdang sa da ka-wei pat

"Ha kato shisien ba nga leit sha Lum Diengiei te me, ish me! Ban da kiwei kiwei ki briew te ki la shu iap ei ha ka dngiem, hynrei nga pat "

Shwa ba un pynkut ia ka jingkren, khiih kynsan ka sa-nium ha svndah hi Kumta kumta de phrad, phrad, jam jam, mih da ka skei kaba la klai ka jingheh U Kolin u beh pat lyndang Hap bad suloi, hap bad tupia baroh sha thian "Bthei! Skei!" ki shu mih ruma kita ki ktien na ka shvntur jong u Tip, u mut ban ong auu, ym lah tip shuh U Kolin, nadien, u iohi lut, bad u iohsngew lut U la poi ha ka lyngngoh

" Balei kumto, Bah ? Phi tieng ne ?" um banse bun kylli ia la u hynmen

"Dit khunka ! Ngan tieng ma nga sa ia ka skei ?" u jubah kynteit ia u Rolin, u tam artat ia ka suloi bad ka tupia na khyndew

Hooid kein, u pyrkhat u Rolin, balei i Bah in shu leit tieng sa ia ka skei U kynmaw biang ia ki dngiem, ki khla, ki hati ba u hynmen u shaat iathuh khana

"Te, siat seh, Bah ! Katai ka dang ieng ha trai utai u dieng," u khroh biang mian mian ia u hynmen Mynhyn-ne ka rabbit Mynta pat ka skei Shish ! Yn duh sa kane te ym long mih pyrthei shuh "Siat seh, Bah," u ong biang sa shisien U Kolin u rah ia ka suloi bad u thew siat da ieng U Rolin u shong khop, u peit dngong sha ka skei Wa, katno katno ruh kata ka suloi kam man bthei shuh U Rolin u mied la ka khlieh ban peit ia u hynmen U iohi kitei ki tyrpeng haduh kti ki la khiih kap-kap !

"Shu shong, Bah, siat da shong," u kren pasiaw U Kolin u kohnguh, u shong kynrong ha khyndew, u pynshong ia ki tymbuit baroh ar halor ki khohsiew U Rolin u peit biang sha ka skei Katai ka la khiih ka khlieh, ka peit lung leng, i kumba ma ka ruh ka la salia ban ap Kata ka suloi pat shu jar jar hi U peit biang sha u hynmen Mynta pat u iohi ba u lah khynñiuh baroh shi ryenieng kum uba khynñiuh rih U la pisa ka jungmut Katai ka skei kan nym ap haduh ban da jem ka khynñiuh rih u hynmen Um lah shah shuh U la skuin ki kti Joit u ieng, u knieh bak ia ka suloi na ka kti u hynmen

"Men leh au, ieh " u Kolin um pat lap pynkut ia la ki ktien Dain ! lah da riev ka suloi

"Bthei ! Skei !" u pyrta u Rolin, da ka sur kaba kmen Baroh ar ngut ki ia-iohi lang ha kajuha ka por ba ka skei ka kyllon khop ha shen



U Kolin u la shaiong ngam La wan mih sa ka jing-bitar

“Kumno me nud ban knieh ia ka suloi na nga?” u kylli dom

“Ba phin siat pat da ka dngiem lashai te, Bah!” u jubab u Rolin bad ka wiat samrkhie artat U buh ia ka suloi hajan u Kolin, u mareh bak sha ka skei

“Peit, Mei ! Peit, Kong ! Kaei kane ngi wan siat !” Ki jingmut u Rolin ki la her biang sha ung katha u nang ktah bad peit kai ia ka mrad kaba kham heh ban ia ka rabit !

## Nga kyrteng u Skei. Sa lei?

Ka dei ka sngi ha kaba, bun na shnong, ki lah ialet sha Kiewhati ban leit peitkai ia kata ka Diamond Circus kaba la bna haw ba ka long kaba itynnat haduh ba ym nang shuh ban batai Ka shnong ruh ka da kynjah hi jar

Ha ka por noh-sngi, kumba saw baje, ka Nguh ka mih na ung, ka rah la u bilor ban leit thied umphniang-bam na dukan u khar-Shilot Naduh ung haduh dukan, kumba 200 kot ne, kam shym iohi iano iano ruh, la ha phyllaw ung ki briew ne ha surok, lait tang ia kawei ka miaw kaba mih na phalor i Men Thieh, bad kaba phet pynstet sha shiliang surok tang shu iohi ia ka Ynda la poi ha dukan, ka Nguh ka ong ia u khar-Shilot, "imat yin don briew shuh phi ha shuong"

"Kumno don u bru? Baro la leit Gauhati te," u ong u khar-dukan Ka Nguh ruh ka tip ia kata Kam kynthoh shuh Ka la dep thied ka umphniang bad ka la wan phai ban leit noh sha la ung, hynrei yn da la poi hajan pyr-shah ung ka Kong Sawon, ka iohi katai ka Kong Sawon ka ieng marwei ha baranda

"Phi lei, Kong?" ka kylli don akor ka Nguh, hynrei khlem da ap jubah ka kynthoh iaiaid artat 'phi ruh kum nga du, khlem leit peit Sarkos" Kam shym mut ban rung, namar ka lah thmu ban leit beit klor klor sha ung ban ioh pyndep ia ka shet ka tiaw dang shai shwa ba kin wan phai ki khun bad u kpa na sha Kiewhati hynrei ka Kong Sawon ka lah da pvrta

"Alle! Alle seh wa! Alle da rung, da bam kwai

Alle, ngan iathuh khana artat" Ka ungkhot ka Kong Sawon ka la long hi kum ka hukum Ka Nguh kam long

ka briew kaba smat ban ia-ai nua badno badno, hynrei la katta ruh ka sngew ha la mynsiem ba ka dei ban leit noh bran bran shá ung Kumta, ka rah ia u bilor umphniang sha jrong ban pyni .

"Nga wan thied . " ka pynkhih artat doi doi ia u bilor, ka da mut ban pynbud ter ter da ki ktien ban ong ba ka wan thied umphniang-bam ban leit shet jyntah noh sha ung, hynrei ki ktien ki la suki than eh ban mih na shyntur, la lap ba kloí noh ka Kong Sawon :

"Alle, phi. Allé, wat da bun ktien shuh." Ki rmiang shyntur ka Nguh ki la khih, i kumba ki la pynkreh ban iapyni-nia, hynrei ki kjat jong ka ki lah da íalam beít sha ung ka Kong Sawon, bad ka kti bat bilor umphniang ruh ka lah wan hiar noh na ba ka rah myntan.

"Nga kyrkieh te, Kong," ka íathuh pynstet ka Nguh ynda ka la pynieng ia u bilor umphniang ha syndah u rishot baranda, 'ei ei ruh ngam pat shet te," ka kren pynkut.

"To phi, nga ruh ngam pat shet hi. Shong ngan íathuh khana," ka ong ka Kong Sawon, ka tare la ka kti sha u shangkwaí ban íasong, bad ka da kham shong pynskhem artat íalade ban íathuh khana Hynrei shwa ba ka Kong Sawon kan sdang, ka Nguh ka lah iapur noh sha ka Sarkos .

"Ki ong, hana, u tyllai u shu íeng beít kthiang hapdeng lypung Sarkos khílem da bat ki briew bad iwei i khynnah kynthéi íba dang 5 ne 6 snem í leit kiew ía uta u tyllai kumba kiew ía u díeng, bad ynda ka khíeh í khynnah ka la íaryngkat bad u syrdoh uba ki telí haba kut u tyllai, uta u syrdoh u wan long noh kum ka íaíí spong ía ka khíeh í khynnah, bad hadíen kata uta u tyllai í sa shu pynhiar í ía íade suki íaí, bad u kyllain wain shí wain ía khyndew íaduh ía ín da wan íuh khyndew í khynnah. Kaba sngewphylla phi, mo ? Phi ruh

phi iohsngew, em, Kong, ia uta u tyllai ?” Ka kylli pynkut ka Nguh.

“Em,” ka ong ka Kong Sawon. Ym da shai ka ong “em” ba kam pat iohsngew, ne, ba kam long kaba sngewphylla. Ka jingren jong ka hadien ba ka la “em,” ka la iaaid pat ha la ka jong ka lynti

“Ha pyrthei, ki ong, don ar jait ki briew, kiba stad bad kiba bieit Hynrei don sa kawei pat ka jait, kiba stad-bieit ” Ka sangeh shwa shuphang, namar ka iohi kumba ka Nguh ka pyndem la u fiuhmat, “ioh phi sngewthuh bakla,” ka pynbud noh kloi kloi ka Kong Sawon, “ngam shym mut ia phi, nga mut ia ka Ke kein ”

“O, to kata, ia ka Ke ? Nga nang tharai phi mut ia nga kein,” ka ong ka Nguh

“Em,” ka ong ka Kong Sawon, “nga mut kumne Ka pyrthei, ki ong, ka pyllon kum u sohñiamtra, ym dei ? Ka tyllun ruh ha la ka jong ka lynti, ym dei ? Kumta kein nga iapule mynnor dang ia khynnah, hynrei liaba sngap pat ia ka Ke ba ka kren stad, sngew kumba dei ma ka kaba pyntyllun ia ka pyrthei kat sha ba mon ma ka Yoh phi sngewthuh bakla, ngan da batai ”

“To ieh phi Kong No,” ka kem ktien noh ka Nguh, “ynnai da batai shuh, nga lah sngewthuh hi ba phi mut ia ka Ke, ym dei ia nga”

“Em, phim sngewthuh,” ka ong biang ka Kong Sawon, “ka A ka dang bit, ka Bi ruh dang shi rukom, hynrei ka Ke te, kein noh. Phin kylli ki khun-miaw jong ka ki la bam ja ne em, ka Ke pat kan da leh mynkylli stad-bieit shwa, ‘mynno nga kha khun-miaw ?’ nangta pat kan sa poi sha Korkata, sha Japan, sha kylleng sawdong ka pyrthei, bad ynda ka la thait balia la u thyllieij ka sa iathuh ba ki khun-miaw ki lah iap noh baroh. Da sngew shisha kum ban shu patrong ia ka na u fiuh-khlieh te

phi, kan da khyrfiat artat haduh ba kan da pah miaw syndon. Balei ba kan da kren stad-biet? Balei ba kam shu iathuh beit naduh ba dang kylli? Ngi baroh te " ka la sdang ban nang pynlan shuh shuh ia la ka jing-batai, lehse kumno ban ot tukri tukra ia ka Ke, hynrei ka Nguh ka bsuh ktien noh, kumba bsuh dieng pyngkiang khlak ban pyndkut noh ia ka jingkren ka Kong Sawon, bad ban pynklet noh ia kaba ka dang mut ban kren.

"Kong No, nga iohsngew dang don sa kawei, mu, ka para kynthei kaba kyrteng ka D1, ym dei? A, B, K, D . kiba la nang sat ban pynkyrteng khun " kiak-kiak-kiak ka rkhié artat ba ka la sngew hina eh ia ki kyrteng

"Em, phum tip," ka la kren thei-iaw ka Kong Sawon, 'ki iadon shiphew ngut shi para "

"Wow ko mei! Ki la iabun sat!" ka kren kyndit ka Nguh.

"Em, yn leit bun lei? Ki iadon hynfiaw ki kynthei, lai ngut ki shynrang Ka A, ka B1, ka Ke, ka D1, ka E, u Ek, u Eng, ka H1, ka I, bad u Je Ia ka H1 ruh ki lah pyn-kyrteng mynnyngkong da ka Esh kein, hynrei i kmie-rad, iba pli i tymmen, im ju lait ban kynnoh beit ia ka kyrteng Esh." Ka sangeh shi-khyllipmat ar-khyllipmat, ba ka sam-rkhié noh "Phi tip i kynnoh kumno?" ka kylli bad ka rkhié artat Ynda la kham pyllait ka jingsamrkhié ka iathuh, ka ong, "i kmierad i kynnoh ia ka "Esh" kumba spel E-i-t," ka rkhié iap-ang noh, bad ka Nguh ruh ka la iarkhié iap-ang lang Ynda la jem ka jingrkhié, ka Kong Sawon ka iathuh shuh, "ki la ia ong, iapyni lem kein ia i kmierad, ki da iahukai artat kumno ban kynnoh 'Esh', bad ba im dei ban kynnoh kumba spel E-i-t. 'Kumno heit ngan kynnoh," i kylli. 'Ong 'Esh' ki ong. 'Nga ong kumta kein, E-i-t,' i ong. 'Em, ym dei kumta, ong 'Esh,' ki iapyrshang ban hikai ba in kynnoh beit, hynrei i pat, 'E-i-t, E-i-t,' i ong, 'nga nang hi, wat wan

iahikai stad ia nga,' i kren kyndam ba i la bitar 'Te ki shu iasngap noh Haba i iarain lei lei ia ka Esh mynba ka dang phra ne khyndai bnai, kat kiba iohsngew, la kiba wan kai ha ung ne kiba ialeit iawan ha surok, ki shu iabat la ki kpoh ki snier ba ym lah set shuh ia ka jingsamrkhie." Ka Kong Sawon ruh ka sangeh kren noh ba la kem kynsan ka jingsamrkhie Ka rkhie hun jai marwei, ka Nguh ruh ka la kwah ban iarkhie hun lang, hynrei ba kam pat iohsngew ia kata ka jingiarain i kmierad ka ong, "to iathuh noh, seh, kumno i iarain ksiew, wat shu rkhie tang marwei"

"Ani, ko Nguh!" ka kren thait ka Kong Sawon ba la rkhie than.

"Iathuh noh, seh," ka la nang lynga ka Nguh marwei marwei Ka Kong Sawon ka la pyrshang shisien arsien ban iathuh noh, hynrei mar ia-ang ka shyntur lah samrkhie noh Khatduh khatwai, bad ka rkhie artat, ka Kong Sawon ka ong, "haba i iarain ia ka Esh-ha-ha-ha- i da pynshad artat halor kholisiew, i ong, 'Ani, ka E-i-t i Mei, ha-ha-ha- ka E-i-t bhabriew, ka E-i-t iewbih jong nga, kynthun kynthun'" Ha-ha-ha, hi-hi-hi mynta te ki la iarkhie iap-ang lang baroh arngut, katno katno ruh kim ia sangeh shuh, ki shu iabat iakhynaiat iwei ia iwei haba shong Ynda la kham jah ka samrkhie ki la iafiad la ki ummat kiba mih ba la rkhie than, bad ka Kong Sawon ka sa kren pynkut noh, "Ani ko Nguh! la pang sa ka kpoh. Te, kumta kein, ka kmie ka Esh kam lah shah shuh ia ka kyrteng Esh, ki pynkyrteng noh da ka Hi, ki da tap lubri artat kein"

"I kmierad i leh kumno ba ki pynkylla kyrteng noh?" ka kylli ka Nguh.

"Em, im ju iarain shuh kum mynshwa i thum, i leh ieit hi kumjuh, tang ba im iarain shuh 'Kam shoh shuh ka jingiarain,' i ong, 'ban buh pli da ka Hi,'" ka iathuh ka Kong Sawon.

"Phi ruh iba la nang iohsngew sat, phi Kong No," ka kynthoh ka Nguh bad ka dang samrkhie sah. "Haba kumta, Kong No, hi-hi-hi haba ki iathoh la ki kyr-teng pat, ki iathoh kumno? Shu A, shu B, shu K, shu D beit kumto ne kumno?" ka kylli samrkhie ka Nguh. Ka, ka tip tang haduh ka D, ia kiba hadien kam da tip bha namar ba ka kmie ka A, bad la ki khun, ka lah leit shong noh sha Synteng, ba u kpa ka A u trei kum u muhori shata

"Ein, phum tip," ka la ong biang ka Kong Tip-lut, ia ka A ki jer ka Asimon, ia ka B Bisimon ka Kesimon ka Disimon, Esimon, u Engshon, ka Hisi "

"Wa!" ka la kem ktien noli ka Nguh "ia u G (Ek) pat phi lah klet noh du, Kong No" Ia ka Kong Sawon ki iasin leit ha shnong da ka 'Kong No,' namar ba ka la mlien eh ban 'em' shi 'em' man ba ka sdang ban kren Kum sin beit da ka Kong 'Em' ki shu pynwan dur noh sha ka Phareng da ka Kong 'No' Ka Kong Sawon ruh kam ju thut ne sngewsih ba ki sin ia ka kumta.

"Em, ngan leit klet lei? U Ekshon u Engshon, ka Hisimon, ka Isimon, bad u Jeshon," ka Kong Sawon ka pynksan ia lade

'Sngewsuk pynban, mu seh, ban pynkyrteng khun da ki dak-pule," ka kynthoh ka Nguh

"Em phi, kam suk," ka la jubab ka Kong Sawon, "kumno kan suk?" ka kylli, hynrei ka jubab hi noh "Yn shu ia - A, ia - B, ia - K lut baroh baroh te, nang khot A ki briew iano, nang thie pat mano? Shi ung shi sem te hooid, seh Phi da pynkyrteng haduh u Y ne te, sa lei?" ka pynkut artat ia la ka nia

"Shuh phi, Kong No, shu lah hi mo ban kha khun haduh u Y?" ka la pyni biang ka Nguh

"Em, balei ym lah ? L,M,N,O " Ka Kong Sawon ka la sdang spel ia ki dak-pule hadien u J, hynrei ka sangeh kynsan khek tang poi ha u O, namar ka poi kynmaw noh khliak ba don shisha haduh 23 tylli ki dak-pule

"Em, nga shu ong kein," ka la wad ban pynksan ia lade, "ngam shym mut kein ba ka briew kan da kha shisha haduh u Y"

Ka Nguh ka kynmaw pat ba kam shym iohsngew ba don u, ne, ka I, mynhynne, kumta ka kylli . "Ya u I pat ki klet kha ne Kong No ?

"Em, imat ki klet - hei - nga mut kim shym kha phi, ne-hei-kumno kumto shisha?" ka la sdang pyrkhath ka Kong Sawon. "Em," ka la kren biang, "ka kha noh ia u Je, tip balei noh kumto?" ka la pyrkhath biang, "O, hooid kein, imat ym pat don dak I phi ha kato ka por"

"Imat la dei shisha kumta mo?" ka kynthoh ka Nguh "Ioh u shu wan mih u I naei re naei lashibit, ngan da ieng noh shwa ma nga mo, Kong La iarkhie sngewbha katto hyune la biang hi, yn sa nang iashongkai pat," ka ong ka Nguh, ka la kám de shi kam ai kam ban poi sha jyngkhang, hynrei ngung ka wan poi ka Kong Tyngon ha kajuha ka por, ka ieng ha jyngkhang shabar

"Balei phi iaphuh samrkhie ki khmat kumne?" ka kylli ka Kong Tyngon Ka ung jong ka ka iasyndah bad ka ung ka Kong Sawon Ha ka rta ka la kham shwa ma ban ia ka Kong Sawon. Hapdeng jong ki lai ngut dei ka Nguh kaba dang kham khynnah, wat la ka la don lai ngut ki khun Ka Kong Sawon ka don saw ngut ki khun kiba la iasamla lut - arngut ki kynthoi bad arngut ki shynrang. Kim iadon ha ung namar ki ruh ki lah ialeit peit Sarkos sha Kiewhati

"Balei, phi iamat sngewbha kumne?" ka kylli biang ka Kong Tyngon.



“Em,” ka jubab ka Kong Sawon, “ngi iathuhkhana ia ki kyrteng khun ka Kha Apmon, phi Ngi iasngew-biria ia kita ki A, B, K, D, ter ter kein”

“Don ki kyrteng briew kiba da sngewbiria shisha,” ka ong ka Kong Tyngon, ka rung artat shapoh ung “Wat ia ka kyrteng jong nga ne te, kim iakren biria phi ki briew?” ka la pur iakren ka Kong Tyngon Ka ruh kaba pnah u thylliei ban iathuh khana “Phi ruh phi la ioh-sngew hi, wat leh kum ki hym tip Nga te nga shu ioh sngew pateng ba ki ia-ong, hana, ka briew kaba jabher kum u niut ba la kynton harud surok, ka kyrteng pat, hana, da ka Tyngon Phi ruh phi ia-iohsngew ia kata, ym dei?” ka kylli iakut artat ka Kong Tyngon, hynrei ka Kong Sawon bad ka Nguh kim shym jubab, ki shu iarkhie noli

“Tang ba na ki kyrteng baroh te, kaba kham biria te dei ka kyrteng u Shalait kein lada phi tin balei ki kyrteng Shalait ia u,” ka iathuh pyinkwah ka Kong Tyngon “Phi iatip, em?” ka kylli

“Em,” ka la jubab pyinkloi ka Kong Sawon

“Nga te nga la kyrkieh, ngan leit noh phi, mo Kong! To nang iashong, mo!” ka ong ka Nguh bad ka la thew ban jam noh sha baranda, hynrei ka Kong Tyngon ka bat bad ka pynbor ia ka ba kan shong sa tang shiphang Ka Nguh ka pyikhat ba, ban da ka la leit ung naduh myn-hynne tang shu dep thied umphniang, katta ka jyntah ka la thiam phlok shi phlok halor ding, bad lehse lah jan ih pynban Ka peit salit pat na ka Kong Tyngon sha u bilor umphniang ha syndah u rishot I kumba u ong, “Wat leit pyrkhath khuslai ia nga Nga suk kynjai hangne, ngam kyrkieh” “To,” ka ong, ka da pynhiar mynsiem jur artat, “ngan shong sa tang shiphang shisha, mo Kong,” ka da peit sha ki Kong baroh arigit

“Shong, shong,” ka la kren khroh ka Kong Tyngon, “nga ngam ju slem” La sngew shisha kum kito kiba

ieng iathuhkhana, kiba batai shwa shaphang ia lade, bad ki iathuh pat man la ka 10 minit, ba kim ju nang ban kren slem, hynrei haduh shukynta ruh kim pat lah ban pynkut ia ka jungiathuhkhana Ki iai ong ba kim ju nang ban kren slem

Ka Kong Sawon ka la tare biang sha u shangkwa  
 "To, kein, iathuh, ngan nang iasong"

"Kumne kein," ka la sdang ka Kong Tyngon. "Ioh phi ong ba iathuh pateng ki briew ym dei ho Nga da tip hi ba ha ka step ba kin jer ia u Shalait, ka la long ka tamasa bah ha shnong"

"Phi ruh phi iadon lang, Kong, ha kata ka tamasa?" ka kylli noh ka Nguh.

"Em, ngam shym don Nga sa tip pat hadien kein," ka la batai ka Kong Tyngon "La dang phyrngab, kiba ha ung u Shalait ki lah phah shaw ia u kpa ka Duh na Riat Laban ba un wan jer Phi la iatip hi kein ia u kpa ka Duh U kpa-shi-kpa ka Duh, ba ki iathuhkhana ki briew kat sha ba phi leit, uba shu buaid lynter khlem pyngngad, tang ba ki briew pat ki shu iabeh hi tang ia u baroh baroh, ba uba heh hok, ki ong Kiba pang kiba jhia ruh u tang la wan knia u kpa ka Duh shisien, ki lah iakoit hadien shi sngi ar sngi Kiba jer khyllung ruh ki ialmun hi ia u Ki kmie ki kpa u Shalait ki la nang pynkhreh lypa nadong shadong, naduh ka sla, naduh u klong uba don iad um, haduh i ryntieh bad ki khnam, haduh u pu-je Mar iapoi, u kpa ka Duh u kylli, "Shynrang ne kynthei?" Ki iathuh, ki ong u shynrang. "To," u ong, "Un da long rangbah man rangbah lashai mo!" u shong artat ha i jaka hapoh shyngkub, iba ki la kham pynkhuid, bad ha iba ki la buh ia kiba donkam baroh. Namar ba dang step eh, bad ba um pat ioh leit dii shano shano ruh, ki kti u kpa ka Duh ki dang kiuh bha niur niur U shim ia u klong, u kynruh kum ban antad don iad-um

haduh katno, u sa am ia u klong, u kjit 'iad-um sit shisyn-kjit, u nguid ar-sien nguid, ithuh na u tangkro ba u kiew u hiar ar-sien, bad ia iba sah salit ha shyntur u pyrsad phur kumba mih tдем um, kane ka long ka dak ba un sa sdang noh ia ka kam."

"Ki nongkñia te ki ong, 'kur-ri-iei' em Kong, haba ki sdang?" ka kylli knieh ktien noh ka Kong Sawon.

"Kurr-ri-iei te tang haba kñia syiar, shat-pylleng kein, haba jer khun te ki shu pyrsad phurr da ka iad-um," ka la batai stad ka Kong Tyngon, bad ka iathuh shuh

"Ynda u la pyrsad phur kumba nga ong myntan, u thnum bnum ha la mæwei shiphang, bad u sa pan ia ka hukum na u pablei Thawlang, bad na ka blei ka Iawbei. Nangta u sa ong 'To, phin ia-ai kyrteng da uei?' u kylli, u da phai artat sha kiba ha ung

Ki kmie ki kpa ki lah iapynap lypa lai saw tylli ki kyrteng, khnang ba lada ym soh ha kawei, yn soh ha kawei pat Ki la ai kawei ka kyrterg U kpa ka Duh u la thnum, u la kyrpad, bad da ka kti kñih u pynjaw na u klong, hynrei khlem da soh U kpa ka Duh i kumba u kyrngah khlieh, bad u thnum biang ban kylli daw, imat, balei ym soh "To," u la ong biang, "ai noh da kawei ka kyrteng" Ki la ai ka kyrteng kaba ar, ki la ai ka kyrteng kaba lai, hynrei man ba u pynjaw ym man soh satia Ki kmie ki kpa ki la pyrkhat khushai balei ka Iawbei ka thut kumne, imat don ka daw-ying auu te kaba pynsgewsih ia ka Iawbei U kpa u Shalait u kynmaw khliak ba kim pat ai kiad ia u kpa ka Duh ba un dih, lait tang ka iad-um ba u kjit na u klong hynne bad dei na kata ka daw, imat, ba ki kti u kpa ka Duh ki shu kñih sah Kumta kumta de u kpa u Shalait u rung sha-poh ung bad u wan rah i kiad ha i tyndong sieij, u ai ha u kpa ka Duh, U ruh u shim, u ang ka shyntur, bad da ka kti kñih u rah ia i tyndong sha shyntur, u theh

hak shisynteh, baroh shityndong, tang ba la jan hoit  
pynban shabar ba kiuhan than ka kti. Ia i tyndong u buh  
noh harud ha madan.

'To, to,' u la ong u kpa ka Duh, 'phin iakhot kyrteng  
da uei?' u kylli biang, u niad artat ia ka shyntur da ka  
lymmen kti. Ka khmat jong u, khuk khak, ka la kham i  
bynriew. U kpa u Shalait bad u kni, bad ki kmie, kmie-  
nah kmiesan, ki la shu don ka jingneit ba ynda ki la ai  
ka kyrteng kaba saw, yn sa ksaw artat Ki iakren mian  
mian ki iapyrkhat ia ka kyrteng U kpa u Shalait bad  
u kni ki shu iapait sah khaw ia ki kti u kpa ka Duh, ba  
u tare ne ktah kai kat haba kot ka kti Ki kti ki dang  
kiuh hi mynta ruh U kpa bad u kni ki la iapasiaw biang,  
bad mar iadep pasiaw, u kpa u tam ia i tyndong siei  
najan ba shong u kpa ka Duh, bad u rung shapoh ung  
Ynda u wan mih biang, u la wan rah kiad sa shityndong  
had shilyngkhot u dohnud sniang ba la sop khvliap da  
ka sla U ai ia kine ha u kpa ka Duh, u ruh u kner la ki  
kti kiuhan baroh ar ban slum Mar iashim ia i tyndong  
kiad, u theh biang krak shisynteh shapoh ryndang, u  
da peit bynnud ia i tyndong shwa ba un buh noh sharud,  
u shim pat sa ia u dohnud sniang, u dait jkap shisyndait,  
u bam, bad u buh noh ia iba tam halor sla ha madan  
U la niad biang ia ka shyntur da ka lymmen kti U kpa  
bad u kni u Shalait te ki shu iapait hi klaw tang ia ki kti  
u kpa ka Duh, bad suki suki ki iohi ba ki la nang jah  
ka jingkuhan Ki la kham sngew shngaiñ, bad ki la iapyr-  
khat ia ka kyrteng mynta, bad ki la shu khmih lynti ba  
ka lawbei kan pdiang sngewbha ia ka kyrteng mynta ka  
kynti.

'To, kein, ia-ai kyrteng biang, da uei phin iakhot?' u  
la kylli biang u kpa ka Duh Hamar kata hi ka por, u  
ksew na sha phyllaw u wan rung shapoh shyngkub, u  
da ryngkoh thor narud i jaka ba don ki tiar jer khun. Ka  
niakha u Shalait, hapdeng ba jur bha ka jingiapyrkhat ia

ka kyrteng kaba saw, ka iohi ia u ksew ba u wan rung, Ka kynhied. 'Shalait' ka ong, kumba ju beh ia ki ksew haba ki wan rung shapoh iing U kpa ka Duh u iohsngew 'Shalait' ba pyrta ka ŋiakha u Shalait, u la shu tharai ba dei ka kyrteng thymmai ba ka ai. Kumta kumta de, u thnum, u kyrpad u kyrpon ba ka blei ka ųawbei kan pdiang sngewbha ia ka kyrteng 'Shalait', u pynjaw artat na u klong Trait ka soh ha ka kyrteng 'Shalait' U pynbud sa ka dwai ka phirat ba ka blei ka ųawbei kan kyrkhu ia ka kyrteng 'Shalait', ba kan da long shisha ka kyrteng ka nam, ba u khyllung ruh un khie un san, un da long rangbah man rangbah, un eh la ka rŋiew bad un kit la ka bok ka rwiang U suit u shor, u pyndep de kat kaba dei ban leh kat kum ka niam ka rukom ba un ieng rangbah u Shalait

Ka kmie u Shalait ka la shu shoh bieit ngang lngang Kan ong ia u kpa ka Duh hynne ba shu beh 'shalait' ia u ksew, ba ym dei ka kyrteng ba ki ai ban jer, u kpa ka Duh pat, slem ka ktien, u lah da pynjaw pynsoh ha ka 'Shalait.' Ban ong pat mynta ba un loit noh ia ka kyrteng 'Shalait' hadien ba u la pynsoh, ka tieng ioh ka pynthut ia ka ųawbei Don ruh kiba iapasiaw ba haba dei na ka kŋiakha ba mih ka ktien 'Shalait' ka nang bha pynban ba long kumba ai kyrteng ka kŋiakha Ka kmie u Shalait kan leh kumno kumno ruh kam sngew nang shuh. Ka shir peit lyngngoh sha ki kmiesan, kmienah, ki ŋiakha ba kin ia-ai jingmut lem, hynrei i kumba ki iatyrkhong jingmut lut baroh. Ka phai sha ki, ka kylli beit noh, 'yn ialeh kumno haba shu beh ka kŋiakha 'shalait' ia u ksew, khlem da mut ban pynkyrteng kumta ia u khyllung, u Kpa ka Duh pat u lah shim ia ka kum ka kyrteng, u lah pynjaw pynsoh, u lah dwai u lah kyrpad ha ka kyrteng 'Shalait?' 'Yn ialeh pat ma ngi kumno?' ka ong ka kmiesan, 'haba la jer te la jer kein. Da u 'Maw', u 'Dieng', ne da uei uei ruh haba la jer kumta, la jer kumta. Ka kyrteng 'Shalait' ruh kaba bha bi, ba ai ki kŋiakha, Ka ųawbei

ruh ka la pdiang sngewbha, te ngi ruh ngi dei ban iahun hangta.' Ki sa iahun noh kumta ha ka kyrteng Shalait. Te kumta kein phi la iohsngew kumno ba ki jer kyrteng ia u Shalait U kpa ka Duh u da tap lubri kein," ka ong ka Kong tyngon, ka pynkut artat. Shiphang ka Kong Sawon bad ka Nguh ki shu iapeit khlem kren, hynrei ki sa iaphuh samrkhie ban pynpaw ba ki la iasngewtynnat eh ia u Shalait

Don ki briew, hangno hangno ruh, shynrang ne kyn-thei, haba ki iohsngew ia ka ktien thymmai ne ktien tymmen ba kren kiwei pat ki briew, ki lehmyneh kum kiba la tip bha ia ka jingmut jong kata ka ktien, tip ma khlem da tip, ne ki sngewthuh bakla Ka Nguh ka long kawei kaba kum kita ki briew Mynta ka sngi ka la iohsngew arsten ia ka ktien 'lubri' Ka Kong Tyngon ka iathuh myntan ba u kpa ka Duh u da 'tap lubri' Ka Kong Sawon ruh hynne ka pyndonkam ia kajuh ka ktien Ka Nguh ha la i jingpyrkhat jong ka, ka sngew ba ka la tip aui ka mut haba ong, 'u kpa ka Duh u da tap lubri' Ka la ju iohi ia u kpa ka Duh ba u shongkñia ha phyllaw iing ki briew Man ba ka iohi, u tap ha ka khlieh da ka tapmohi shaltuin kaba iong, kaba ki ju khot ka tapmoh Mawshai Hapdeng ba u tim kñia, u ju loit ia ka tapmoh, u pyntap halor khohsiew lajong, da ki kti pat u trud ia ka khlieh, imat ba la dait than eh, haduh ban da jah dait U sa shim ia ka tapmoh, u tap biang halor khlieh "Pleng, ia kato ka tapmoh," ka pyrkhat ka Nguh mynta, "ba ki khot ka lubri Imat ka dei ka dustur ba ki nong-kñia kin da tap da kato ka tapmoh haba ki kñia." Baroh shi katta kam pat ju tip kaba kum-ei kata ka 'tap lubri,' mynta te ka sngew ba ka la tip Dang ha kine ki sngi ka iohi ia u kpa ka Duh ba u dang tap hi da kajuh ka tapmoh kaba lah i lati jakhlia shaba palat Ka sngew ba kiba ha iing ki la dei ban pynthied noh da ka lubri thymmai ba un tap Shwa ba kan kam noh shabar ban leit noh, ka peit sha ka Kong Tyngon bad Kong Sawon,

ka ong, "Balei kim ia pynthied noh da ka lubri kaba thymmai ba un tap u kpa ka Duh uba pli, kato kaba u tap mynta la i lehraiñ ba ka la jakhlia lati than eh " hynrei shwa ba kan pynkut, ka Kong Tyngon ka kem ktien, ka da dumok artat "Kato kaba u tap u Kpa ka Duh, ka dei ka tapmoh Mawshai, ko bieit-anna. Haba ki briew ki ong 'tap lubri' kim mut ia ka tapmoh ba u tap, hynrei ia ka rukom lehniam hadien ba la jer kyrteng, khnang ba ki khyllung kin khiah krat, kin shait kin khlain Lashai, ia ka tap-rngiew ba ong ki briew ruh, ha kane ka briew te kan sa ong ba dei ka tapmoh aui re ba ki tap ha ka khlieh Shong biang, pha, ngan da iathuh khana shuh shaphang u Shalait ba phan khuid noh ka jingmut jingpyrkhat jong pha."

Hamar ba kut kren ka Kong Tyngon, ka Nguh ruh ka kám noh shi-kám, shaphang baranda, kum ban pyni ba mynta te kam sngap iathuh khana shuh, kan leit noh hak sha la iing.

"Em phi Kong," ka kren donburom, "mynta te ngam shong shuh," ka kám sa shikám, "tang ba ngan da tap bha noh ka tapmoh-khlieh, shwa ba ngan mih," ka ong ka Nguh

"Ha ka por ba dang khynnah u Shalait," ka Kong Tyngon ka la sdang ban iathuh khana shaphang u Shalait, hynrei ka Nguh haba la dep tap la ka tapmoh-khlieh, ka mih sha baranda, ka shim la u bilor umphniang bad ka phai sha ka Kong Tyngon, ka ong, "To, nang iathuh haduh ba un da rangbah u Shalait, mo Kong, nga te nga la leit To, ho, nang iashong," ka leit artat bran sha la iing.

## U Men Mali

Haba iohi ia u teng teng ha lynti, ngi kdat noh shawei, ngi phet pyustet, ba ngi tieng Wat na jngai ruh, tang shu la iohi, la syier rem ka met baroh shiryenieng, ba la kynrup la tieng

Ka ung jong u kam shvm jngai na ka ung jong ngi, kumba shipda maw tam khyndiat, hynrei ngim ju iohi ba don kiba leit kai wan kai ha ung jong u, te u ruh ngim ju iohi ba un leit rung ha ung jong kiwei pat Shipor--ka lah ban long shisnem ne ar snem--kawei ka khynnah (ngi tip pat hadien ba ka dei ka pyrsa jong u) ka wan shong bad u, hynrei ynda ka la samla ngim ju iohi shuh ia ka Naduh kata hi u la shu shong marwei, im marwei

Ia ka kyrteng jong u ngim ju tip, bad ngim ju tip ruh u wan na kano ka shnong Don kiba ong uba na Maram, don pat kiba ong uba na sha Lyngngam Ka ung kaba u shong ka long kaba rit, hynrei ka kper te kaba heh bha U la shong ha kane ka ung naduh shwa ban kha ia ngi baroh

Um ju kham don ha ung mynsngi U trei kum u mali ha ka bangla uwei u Sahep ha Sor, bad u la tymmen Dei na kata ka daw ba la shu iasin ia u baroh baroh, u Men Mali.

Balei ngi ki khynnah ngi leit tieng eh ia u Men Mali haduh katne katne? Kaba shitom ban ai ka daw kaba biang Ym don hi ruh ba lah ban ong shai balei nga tieng Shisien katba nang ia bam soh lyngngai halor ka rynsan sohbrap kaba pur rynjam halor u dieng-sohpha-reng ha kper u Men Mali, u wan byrngem ia ngi nang-thue na tra dieng, u thap tyndung da u sum Lai ngut



saw ngut katba iadon, ba la iatieng eh, la shu iaryngkoh matlah nador dieng kat sha ba lap, tang ban lait na u Men Mali. Hynrei-ym dei ba ngi tieng ia u na kata ka daw Ngi lah iatieng lypa ia u shwa ia kane ruh

Ka rukom im jong u jar jar, ka jingphong jaiñ, ka jungleit marwei, wan marwei, ka jingkyjah ka ung jong u, ka jingnew dong-dong ha ung jong u mynmied teng teng—kine baroh ki ia-ai daw lang ba ngin tieng ia u, hynrei don kaei re kaei hapoh mynsiem kaba ngum nang ban batai, kaba kham palat ia kine baroh, kaba pyntieng ia ngi thit thit

U tymmen uba lyngkot ka rymeng, uba phong ruh, man ba ngi iohi, kijuh shi kijuh ki sopti bad luur bad tlang, umat kumba um ju sait Ka soptilor bad ka patlun, ithuh kiba u la shu thied na ki dukan die sopti rim ha iew. Ka soptilor ka dei da ka jaiñ rben kaba iong, kaba lah phong mynshwa da u briew uba kham jrong, kham heh met shibun ban ia u Men Mali Ka poi haduh neng khohsiew. Ia ki kti pat u la shu kyndong sah ba ki jrong than eh Ka patlun ruh umat u la khap pynlyngkot shibun na sha kjat, hynrei la katta ruh u dang kyndong haduh neng khohwah Tip kan dei ka rong auu haba dang thymmai ym lah tip shuh, ba la bun than bad ba la rben than da ki jaiñ syrdep bun rong naduh khohsiew shaneng. Kaba da kham iathuh khana hi te dei ka jingsyrdep ha ka jingshong Ka jaiñspong kaba u spong ruh, lehse mynnor ka dei ka jaiñ lieh, hynrei la i jakhlia i lati bha. Ka jaiñkup halor ka, met kaba la kiew rong jakhlia la biang, tang ba um kup kumba iakup lem kiwei kiwei baroh U khyllap shwa lai dong, u sa kup tawah na shadien, ar tvlli ki tduh ki wan hap nador ki tyrpeng sha khmat bad u teh pynbat ha klmat shadem da ki sai tyllai kiba u la suh lypa ha ki tduh. Kawei ka tduh jaiñkup ka sah sha dien

Haba u iaed lyuti um ju peit sha kadiang ne sha kamon. U peit beit sha tbian surok ha khmat ki kjat la jong Ka shyntur pat i kumba u ktha sah iaed re iaed khlem bniat

Ka ung ka dei shisha ka ung saktab Ya ka tnum u sop da ki sador lyngkhot kiba u la shu ioh ei imat na bangla u Sahep Ya ka biar u lape hi da ka ktieh, tang ba don jaka jaka kiba u la tynsat da ki sador jot ban set ia kaba pei

Para khynnah ngi ju iapyrkhat balei une u tymmen u shu im marwei kuane, balei um ju kwah ia-ithuh ia ki para marjan Haleh uba ai-ksuid, u shah beh shnong? Haleh—namar ba um don tnga don khun—haleh u la pyniap noh ne, u sa phet na shnong? Haleh uba shang ka leit tuh mynmied mynmied? Kumno u bam u dii? Daei u shet jyntah? Da ki khnai ne da ki jakoid? U leh aiu marwei marwei hapoh ung haba dum mynmied, ba ia-iahngew teng teng tang ka jingriew dong-dong-dong na ung jong u? Ngim ju thait ban ia iakyli para lok kumne, hynrei ym ju don ba nang ban jubab

U tymmen te uba smat uba sting ka met La dang phyrngab u la khie, u la poi sha kper, u la trei khlem shong thait haduh ban da la poi ka por ba un leit trei pat kum u mali Ym pat ju don kper lehse kum ka jong une u tymmen ha shnong Ki dieng soh—kita ki dieng soh-krap kiba ngim ju kham tip—ki jait pa ki jait ki tnat kiba noh rynjam ba la khia ki soh kiba pynjawdud ia ngi haba iapait ha ka por ba ki la ih saw stem saw byrhuii Dei kane kein ka jingjawdud ikwah kaba la pynshoi ia ngi bunsien ban leit prong ia ki dieag-kper u Men Mali ban kheit tuh ia ki soh jong u.

Ki jhur ruh, tip ki jhur aiu rukom pa rukom, la shu jyrngam lut ka kper baroh kawei Ki ia-plung ibang jkur jkur, ka kper ruh kaba khuid la kumba sar da u synsar,

khlem ñiut, khlem kynbat I kumba u Men Mali u la pyn-leit lut ka jingmut jingpyrkhat baroh ha kane ka kper Ym iadei shuh pat bad ka jinglong ka ung, bad ngim ju lah ban sngewthuh kumno u hun ba ka ung jong u kan shu jot saktab; wat ka phyllaw ung ruh, ha ngi ju ia-khongoid, ka jakhlia, ka dap tang da ki saphit saphat, ki sla tyrkhong, ki kot jot kot pei

La don ki por ba ngi la iapyrkhat para khynnah ban leit ialok noh bad u Men Mali ha ka por ba u don ha ung. ym dei eh tang ba ngi kwah ban ioh pan soh haba la ih ki soh, ngi da sngew kwah shisha ban tip shaphang jong u, ban ia-ithuh ithaw, ba wan lap ka jingsngewsynei ia ka shong marwei sah marwei jong u—hynrei ha kaba khatduh jop hi ka tieng thiaw shi thiaw, ngim ianud leit Wow! Ka jingsngewphylla ban pyrkhat kumno ba ka jingmut ka trei kam ha ka por khynnah! Ki rangbah ki duh buit, kim nang pynshong nongrim ia ka rukom pyrkhat jong ngi ki khynnah ha ka mia Ngì kwah kein ban ialong lok bad u Men Mali, hynrei haba la dei pat ka por soh. ngi iateh song lut la ki buit khynnah baroh kat ha iadon kumno ban jop ia ki buit u Men Mali Uba pli um banse kein ban pyndonkam ki buit kiba pher ba pher, kiba lah ruh ban pynmysaw, haba la jur eh ka jingwan tuh soh na kper Hynrei, jop hi ka buit khynnah jong ngi la jan man ka por Lait noh tang ha kawei ka por

Te wat sngewphylla pat ba dei ha kaba leit tuh soli ba sa sdang ka jingia-ithuh lok jong ngi bad u Men Mali Nga la iathuh ia u dieng-sohphareng uba pur rynjan da ka sohbrap, bad ba u Men Mali u la wan lap teng ia ngi ha ka por ba ngi iashong "rynsan ki syiem" (ngi da sngew shisha kumta) halor ki jymì sohbrab kiba la thauñ rhen bha

Ha kawei ka sngi, haba la iasngewtynnai bha jai halor ka rynsan sohbrap, bad ka rwai bad ka iarkhie pashait katba mon, ngi iohsngew kynsan ia ka sur u Men Mali na

traí dieng "Ngan dung phan ía-íap lut," u ong, u thew artat da u sum sha ngí Kí para lok jong nga kíba íadon ha kí tnat kíba kham noh sha khap kper kí lah íaryngkoh bran thiaw sha kper kíwei pat kí bñew, kí lah íasuh wiaw kum ka íyer khlem íohí shuh Nga pat nga sahkut marwei ha u tnat uba noh sha kper u Men Mali. Ka jingtieng jong nga kaba ngam donkam shuh ban da bataí. "Híar í!" u ong Nga khynñíuh ríh ba la tieng eh, bad nga da í shyrkhei ba nga peit ía ka jingnep u sum "Híar í!" u ong biang "Íoh phi dung da u sum," nga ong, nga thap íam artat "Híar kloi kein me, íoh nga dung," u ong Ngam don lad shuh da kumwei Ym long shuh ban pyrkhát ban ryngkoh noh shawei ban phet íap Kane ka khmut sum ruh kaba shu ha doh hí Nga híar bad ka peit sah klíaw ía u sum Mar ía-íuh kíat ha khyndew, u bat skhak na ka kti Típ un leh au, nga la nang tieng nang tieng "Ngam wan tuh soh shuh," nga ong, "map noh mynta shísien" Nga peit sha u U pynkhih ía u sum Hapoh ka mynsiem nga la shu tharai ba un sa shu pyníap noh hí ha shen "Map ía ka mynsiem jong nga," nga ong Nga la ju íoh-sngew ba kí íathuh khana ía kí bñew kíba shah kem ha kí nongtuh kíba mut ban pyníap, bad ba kí láit ím pat da kaba ong, "Map ía ka mynsiem jong nga" U shu peit ía nga tlip, í kumba u wíar samrkhié shiliang ka shyntur "Tò, me íohí em ía une u sum?" u kylli "Hooí, nga íohí," nga íathuh pynkloi "Tò," u ong, u sngap de shíphang Kham shíbit u ong, "Shong," u kdew artat ha kynton kper, u phah shong, u ruh u shong artat hájan "Tò, me kvrteng ueí!" u kylli Nga íathuh "Tò, me nang pule kot?" u kylli biang Nga ong nga nang "Tò," u ong, bad ynda u la kylli sa kíwei kíwei kí jingkylli u ong, "Me, wat wan tuh soh shuh, me íohsngew? Íoh nga sum da une u sum," u ktah ía u sum, u peit sha í khmut sum íba nep, "men shu íap eí Tò, me, wan man ka janmied, ngan aí hí ma nga u soh ba men bam, me íohsngew?" u pynkut artat Nga ruh nga ong hooí, ba nga

syier sah ia u sum, tang ba nga ong ngan iawan lang bad u P— u para lok, (ba nga sngew tieng ban wan marwei, tang ba ngam shym ong kein ia u ba nga tieng marwei) U ruh u kohnguh, "To, to, wan, wan," u ong.

Te kumta, naduh ka sngi kaba bud ka sa sdang ka jungialong lok bad u Men Mali. Nga leit la jan man ka janmied. Nyngkong ka long shisha ba bang ki soh kiba u ai ia ngi ban bam katba mon, hynrei hadien hadien pat ba la bang ka jungiashong kai bad u tymmen, ba u nang ban iathuh khana. Kaba kham pynsmat ia ngi ban leit khah khah sha iing jong u ka dei ka duitara ba u shait tem bad ka kynud iathuh khana artat. Bunsien ngi iajaw ummat brip shi brip haba la myllung bha ka jingiathuh khana bad ka jingkyndud Dei ka jingsawa ka duitara kaba ngi ju iohsngew dong shi dong mynshwa na jngai, bad ngi nang tharai pynban ba u pynshad thlen. Ngim poi pyrkhat ba un tem duitara

Ka jingmut jingpyrkhat jong ngi ia u Men Mali ka kylla khongpong bak lybak naduh ba ngi leit rung ha i iing jong u I iing iba tang shi kamra hi beit, hynrei ka jingkhuid pat, ani ko mei' la kum ba siang da ka ut Ki khiew ki phiang kim shym da bun, hynrei ki khuid phir phir Ka ding ka meh pynsyaid ha dpei, hynrei ym shym pashait dpei kylleng U khiewphiang-um u don ha iwei i kyndong ha kjat jynthuah Ng i nang kham sngew phylla shuh shuh haba ngi lap ba um shym phong ki sopti saktui rynjain kiba u ju phong mynsngi U la phong da kiwei pat ki sopti kiba kham khuid kham bha Ka pyrthai shabar iing ka lah ban phuh tit halor ka jakhlia, hynrei hapoh i iing iba u shong, ka jingkhuid kaba kum ka dohnud i khunlung

Na ki jingrwai myllung ba u iathuh khana ia la ka jingum bad ka jingshem jong u, ngi la lah ban tip khyndiat khyensoit shaphang une u tymmen, hynrei ia ka shnong um ju iathuh bad ia la ka kyrteng ruh um ju pynpaw Katba

sngewthuh na ka jingathuh khana duitara jong u, u long u kñi rangbah ha la shnong bad u la peit la sumar ia ki bri ki khyndew kur bun bun snem. Ka wan jia ka kyrduh ha kawei ka por Ki kur ki kwah ban die noh ia ka khlaw kaba dap da ki diengblei suda U Men Mali, kum u kñi rangbah, u pyni ia ka jingduh ei haba die duh noh ia ka khlaw kaba pynmih tyngka man ka snem U khang pyrshah Ka bha ban shu ai wai, u ong, san snem shuphew snem, hynrei u para jong u u la pynshoi ia ki kur da kumne da kumtai, u ong ba u Men Mali u thap ban shun ei sha lade Khatduh khatwai ki kur ki iangeit ia ka jingpynshoi u para, bad ki la sngew dei ban die noh ban kham ioh bun tyngka, ban ia kaba shu ai wai, lane ban shu buh bynda, ba ioh tang khyndiat Haba u iohi ba ki kur kum sngap shuh ia ka ktien jong u, u sngew rem sngew jem rngiew la ka jinglong kñi rangbah, u pait ka dohnud bad u mih thiaw na shnong khlem da leit shuh artat Kaba u shait pyngkut haba u iathuh khana ia kane ka bynta, ka long syriem kumne, katba nga kynmaw

“Phi la hun kein mo, ko para, ko pyrsa,  
 Ba phi la die la ka mynsiem?  
 Ka ktien jong nga, te mo, ko para, ko pyrsa,  
 La kum ka khyndew ba phi iuh ha pohjat,  
 Khubilei, khubilei, lehnohei ka long kiñi

Bad kumta, u rwai u kynud.

Haba u la rwai ia kane ka bynta, ki ummat tylli, jrup jrup, ki jaw na ki khmat jong u U khroh pat ia ka duitara ba kan kynud marwei haduh ba kan da iam sngewsih pat sa ma ka, ki ummat jong ngi pat ki la nang tud kumba theli na ki ktang

“To, to,” un ong, “to, katto shwa, ngan sa iathuh khana pat,” u wah artat ia ka duitara ha u prek ha u rishot. Ngi pat, la jawkhaid ki khmat, ban kren ruh ngim nang

shuh, ba dap ka mynsiem, ngi shu kohuguh tang ka khlieh. Kumta ki iaid ki sngi bad u Men Mah.

Ynda la poi noh ka por ba ngin leit shong skul sha Korkata, nga leit iakhublei ia u "To," u ong, "khue wallam kot sada bad u khulom" Nga leit shim na ung, nga wallam. "To, thoh," u ong, "ong kane ka ung bad ka kper jong nga, me sngewthuh?" u ong, u kylli artat. Nga kohnguh "To, thoh kumta," u ong Nga pynthoh kumba u ong "Kane ka ung bad ka kper jong nga" U peit ia kaba nga la thoh, u phuh samrkhie "To, pule, me thoh kumno," u phah pule Nga pule "Kane ka ung bad ka kper jong nga" Na ba phuh samrkhie, u ong kynsan, "Em me, kumno kumta me thoh? Ym dei ka jong me, ong ka jong nga" Nga ong, "hooid keu nga thoh ba dei ka jong phi" "Ha pule biang," u phah Nga rih nga pule biang suki suki, "KANE KA IING BAD KA KPER JONG NGA" Um phuh samrkhie shuh "Ka jong me shi jong me, haba ong ka jong nga, me thoh pynban ka jong me," u kren sngewsih, i kumba u la suba sniew pynban ia nga. Nga batai ba un sngewthuh ba haba nga thoh "jong nga" ka mut ia u, kumba u ong, hynrei um kohnguh "Kata, thoh noh syndon bad ka kyrteng jong phi, ba kan shai," nga pynong "Em, ngam kwah ba kan iatip," u ong, "To, ha pule biang, me thoh kumno?" Nga pule sa shisien, "Kane ka ung bad ka kper jong nga" "Kein noh, me," u ong, "me dang ong hi ka jong me A1 noh kato ka kot, ngan thang noh ha ding" Shu kut noh kumta. U thang noh ha ding "To," u ong, "men leit sha Korkata? To, to, ynda me la wan na sha Korkata men sa stad, mynta te mem pat stad To, to," u ong, u tur artat sha ba don ka jynthiah. Ynda u phai biang sha nga, u pynkham ki tyngka shikti. "To, to," u ong, "sa wan iathuh khana ia ka Korkata." Ynda nga la mih noh shabar nga fiiew san tylli ka tyngka rupa kiba phyrnai ha ka kti U tymmen, pleng, uba kylluid mynsiem, uba sbun !!

Hadien shiphew bnai nga iawan shuti luur Nga iohi ha kper u Men Mali ki dieng soh baroh ki la khuid phar, ym don shuh, lait noh sa tang ar lai tylli kiba hajan ung Ynda nga leit iakynduh ia u, u lah pynbuh lypa ki soh kumba u ju leh mynshwa, ba dei ka por soh "To, to, me la wan?" u kylli, da i kumba u da kmen shisha ba nga la wan biang "Shano ki dieng soh?" nga kylli "To, to, nga la pom lut," u ong Ka jingbynnud kaba ym nang shuh ban batai "Te balei phu leit pom ia ki dieng soh?" nga kylli, nga da sngew dom artat wat la kim dei ki jong nga "To, mynta nga dang im, kam ju iawan wad wan kylli, lashai ynda nga la iap kan sa iawan iam briew kan sa iakam ei khoit Bak, ngan sa leit sha ba kim iatip shuh, ngan kit lut, ia ki shyieng jong nga ruh kim nym iohi," u ong Ithuh ba u da mut shisha Hynrei nga pat nga dang sngew'bynnud hi ia ki dieng soh Nga sugew ba u la shu leh dukhi khait ia la ki kur Hadien hadien ynda haba nga la pyrkhat bha nga sngew pat ba ka long shisha kaba ym shong hok ba ki kur kiba ym ju wad ju kylli shuh ia uba pli u tymmen, ku shu wan tang ban ioh kam ia ka ung ka sem, ka kper ka phrah, kat kaba don, hadien ba u la iap

Baroh shilynter ka shuti, nga leit teng teng kumba ju leit mynshwa, janmied, ban iashong kai bad u Men Mali U phah iathuh khana ia ka Korkata Nga iathuh ia ka rel ia ka jingheh ka shnong Korkata, ia ki ung paki ung dulan, ia ki kali tram, ia ka College kaba ngi ialeit, bad bun kiwei kiwei de katba nga kynmaw "To, to, mynta te me la kham stad," u ong Nga la khmih lynti ba un phah shim kot sada biang ban phah thoh kum mynshem snem, hynrei shikyntien ruh um shym kren shuh shaphang kato Nga shem ruh ba haba u tem duitara mynta, u rwai kynud tang ia kaba un sa leit noh, syriem kumne



Nga wan marwei, ngan leit marwei,  
 Ngan leit shaba ym don shuh ba tip,  
 Ngan leit shaba ym don shuh ban wad,  
 Ngan sa leit, ngan sa leit,  
 Khu-bi-lei ko jingim,  
 Khu-bi-lei, ngan sa leit, "

ha kata ka rukom, bad nga ruh nga iajaw ummat lang

Sngewsynei sat ia uba pli u tymmen, hynrei ngam sngewnang ban pyntngen pyushngaiñ ia u da kumno kumno ruh Ka dohnud jong u ka la kylla pyrdet naduh ba ki kur ki la ñuew bein ia ka jinglong kñi jong u Nga kylli ia u shano u mut ban leit "Ngan sa leit shaba ym don ba tip," u jubab, bad um ju pyntam palat shikyntien ruh

Shwa ba ngan leit phai biang sha Korkata, nga leit iakhublei ia u "To, to," u ong, "me ruh men sa leit sha Korkata, nga ruh ngan sa leit," u ong u phuh samrkhie artat Nga kylli biang shano un leit, hynrei kumba u ju ong, kumto, um iathuh palat Shwa ba ngan mih noh na ung u pvnkham tyngka biang shikti "To, to," u ong, "men da wan sa shisien na Korkata, men sa nang stad shuh shuh," u ong, hynrei mynta ka kynti um shym ong shuh ha ngan wan iathuh khana biang ia ka Korkata

Kane ka long ka kynti kaba khatduh eh ba nga iakren bad u Men Mali Ynda nga leit phai noh sha Korkata, hadien lai saw bnai nga iohsngew ba u la die la ka iing bad ka kper ha kiba mar khap ung, bad mar iadep die u shu jah de jak khlem don ba tip shano u leit Ha shnong ha thaw ki la iawad ia ki wah, ki khlaw, ia ki thlew, ia ki kharai, ia ki trai sieij kat haba don, ki la iatohkit kylleng sawdong hajan bad sha jngai, hynrei ym lap. U Men Mali u la leit Ha i kamra iba nga shong, ki khmat ki shu peit sah ia kawei ka kyndong Nga iohi ia ka jynthiah u Men Mali. Nga kynmaw ia kito ki janmied ba ngi iashong kai bad u Nga iohsngew ia ka jingkynting

lynga mynsiem ka duitara. Nga kynmaw ia ki jingkynud kiba mih na krem ka dohnud jong u, ia ki jingiathuh khana ba u iathuh ia la ka jingshem sngewsih. Ka la wan urlong kumba u kwah—"ngan sa leit shaba ym don ba tip ngan kit lut, ia ki shyieng jong nga ruh kin nyin ioh."

Ym shym don tyngka ha ung jong u, bad ka duitara ruh kam don, ki ong Kato ka duitara kan shu sngap noh jar? Lehse, hangno hangno, kat ha ba u don, u dang tem, dang kynud sur hi ban iathuh khana pat ia kiei kiei kiba sngewbha, kiba pynsngewtynnat ia ka dohnud jong u, bad lehse u la sumar ia kawei pat ka kper soh ha kaba ym don shuh kiba wan tuh soh

## Wat ai nishan ia kiwei

"Blom, blom, blom      wap pynthia      ia nga  
bnum, bnum      bnom, bnom      bnum, bnum  
phet      em"

U Worsing u iohsngew ia kane ka jingkrei, lane ngin  
ong ka jingpyrshang ban kren, kum ka sur kynthei, katba  
u dang iaid ha surok hapteng Ingshari bad Nanpalok  
Ki kthen kim da shai bha shuh U sngew kumba kren ka  
briew kaba pang, ne kum kaba la buaid U iohsngew ruh,  
hateng hateng, kum ka sur shyurang de, bnum, bnum,  
na kajuh hi ka jaka.

U Worsing u wan na sha Laitumkhrah ha kane ka  
por, kumba 10 baje mynmied U lyngngoh ban iohsngew  
sur briew na shaphang Nanpalok katne por mynmied I  
jaka na iba wan sawa kane ka jingkrei im shym da jingai  
eh na surok, lehse kumba 50 phut ei ei Ka mied te kaba  
dum, bad kaba khriat bha. Ka sharak na u dieng elektrik  
uba hajan eh ruh kam lah pashat jingshai shuh shaduh  
me i jaka, sa ba don artat ki dieng phyrngop hajan, kiba  
kah syrngiew noh

Kato ka sur myntan! Bad kato ka rukom kren! Balei  
kumto? U khan u puson bha. Em, ym sngewmat dei ka  
briew kaba pang. Ka briew kaba pang kan leit poi lei  
shaduh shathie sha pynnoh Nanpalok mynmied? Em, ka  
la dei hi ka nongbuaid U iaid suki noh U sngap, u  
pynshah bha la ki shkor

"Ngam treh      ieh      bnom, bnom      bnum,  
bnum      " ka la wan sawa biang kata ka sur kren na  
juh i jaka, Balei kein kumta? u pyrkhat U kwah ban tip.  
U skuin han tip kiei kita kiba wan iakren ha Nanpalok

katne por mynmied Ki ialeh aii? Jham! u jyrhoh shwa  
 "Mano?" u kylli, u ieng artat, u sngap

"Ka We mem tip?        blok, blok        ka We  
 Kata ka sur ka la wan sawa sa shisien kumba jubab ia ka  
 jingkylli jong u, tang ba u sngew kumba ka nongkren ka  
 da shitom ban kren Ynda u poi pyrkhath pat ia ka sur kren.  
 u sngew kumba u la ju iohsngew ia kato ka sur briew  
 haei re haei. Ka jongno kumto? U pyrshang ban kynmaw  
 "Ka We — mem tip?" ka kylli myntan Hynne mynstep  
 ruh—! Hooiid kein! U la kynmaw! Ka dei ka sur jong ka  
 Berina, ka khun u Ringson, tang ba sngewmat kumba ka  
 la buaid. Kam lait shuh ban ong, "Be," ia la ka kyrteng  
 ka la shu ong noh "We," ba la teh u thylliej bad ki rmiang  
 shyntur

"Mano kumta ba kren?" u kylli biang U da kwah ban  
 pynshisha shuh shuh ia ka sur Hynnei jar jar, ym don ba  
 jubab shuh

"Mano ba don shato?" u pyrta biang, u la sngew kwah  
 ban leit peit hi noh da lade haduh hajan, hynnei um sngew  
 nud pat Jar jar, mynta ruh ym don ba jubab U shu ioh-  
 sngew tang ia ka **bnom, bnom, bnum, bnum**, malu mala  
 "Ka We," ka ong myntan ka iathuh kyrteng ia lade Ka  
 la dei hi ka Berina u pyrkhath, ym dei shuh da kawei pat  
 Namar ba ka la sngewthuh ia ka sur jong u, imat, kam nud  
 shuh ban kren, ka la shu sngap noh jar

U kynmaw ba hynne mynstep u iohi ia ka ha Stan  
 Bos, hangtai ha Iewduh, bad ba ka da riam bha U kyn-  
 maw ba u iohi ruh ha kajuha ka por ia kawei ka Bos kaba  
 ap, kaba ki la pynpur baroh kawei ka Bos nuduh bonet,  
 haduh dien, shalor tnum, bad sha ki krung ruh baroh ar  
 hang, da ki lama kot bun rong, ki da pynspain pat sa da  
 u mañ khla bad da ki dart-namlang ia ki rud ki dong  
 baroh kat haba ioh ban teh Ka Bos ka ap, imat, ban  
 kit ia ki nongleit bamkhana snem thymmai shaei re

shaei U kylli ia ka hynne ha Stan Bos shano kan leit Ka iathuh ka ong, hana, kan leit shim dawai. Haba leit shim dawai, yn da riam haduh katto katto? Em, u kyrngah, ka la shu iathuh thok ba kam kwah ba un tip ba kan leit bamkhana snem thymmai sha Lum Shillong, ne tip shaei. Ka ieng kynthab kumto ruh, ba ka ap ban sa kiew ha kato ka Bos kein ynda la dei ka por ban leit Pleng! Ka jingbun buit! Ka lehmynele pat kum kaba lui lui! Ka jingarsap ki samla, pleng! Mynta pat ka la wan kyllon ne wan thiah buaid hangne ha Nanpalok!

U la sngewkwah biang ban leit haduh hajan ban da peit ki ialeh aiu, ka buaid ne ka pyngngad, hynrei katne baje mynmied u sngew ba ka long kaba mynsaw ba un leit tur shajan, ioh ba uto u shynrang uba iadon lang, uba kren bnum shi bnum hynne u shu pduh ei, ne u shu dung ei da ka tiar aiu re Em, ym bit ban leit tur shajin, u pynkohnguh ia lade Kaba bha eh, u pyrkhat, ka long ban shu leit noh bran bran sha iing u Ringson, ban pyniathuh lem ba ka Berina, tip ba ka lei, ka don hangne ha Nanpalok. Ynnai da bun ktien eh, ynnai da iathuh ba ka la buaid, hynrei yn shu ong ba ka la kren kumba thlun Mar iakut ine i jingpyrkhat, ki kti ki kjat jong u ki la skuin kumba siatkaiñ. U la kwah ban shu mareh mardor sha iing u Ringson, ban leit iathuh, bad ban peit artat ia ka khmat u Ringson kan kylla rong kumno ynda u la ioh-sngew ia ka khubor. Kan blad ne kan jngem?

Thiaw u iaid. Ka jingiaid stet kaba da kyrpang phylla hi kein. Ha ba pynnoh lei lei ka surok, u la shu mareh noh ba ki kjat ki la kyrkieh sha ba palat. U pyrkhat artat la artat. Ha kawei ka liang, u sngew ba ka dei ka kamram jong u kum u para briew shiban, kum u para lok shiban ban pyniathuh lem ia kaei kaba u lap bad u shem, wat la ka long kaba pynsngewsih ruh. Ha kawei pat ka liang, u sngew kumba u lah da hun lypa jai ka mynsiem ba u la ioh kat kane ka kabu mynta ban pyntian ia u Ringson shi-shyntur ka khubor thad-rong jah-burom.

"Kumto kein!" u la nang kyrkok hapoh mynsiem, "ba u la lehmyneh riewbha riewhok than eh ia lade, uto u Ringson! Uha leh kum uba ym bit shuh ban ioh kjat ha kane ka pyrthet jong ngi Mynta te un sa peitmat artat ha kane ka khun buaid Un sa shu par syndon bad ktu bad kjat kum u sew-dem-tdong Kato ka kmie ka Berina lei lei, kaba shu lehmynkren phuh samrkhe lut kat ia uba don Shu ngai ngai hi kein ki ktien kiba tuid na ka shyntur jong ka, kumba tuid da ka ngap Baroh shi-ung hi kaba ialeh riewhok suda Mynta te la paw u pen ryngkew Shu thiang tang ka ktien shabar, shapoh dohnud pat ka iabor da u ksain suda!" Ka jinghun ka mynsien jong u ba u ioh ban kyrkok, u sngew kumba u da tar lyngkhot lyngkhai ia ka jingim jong ki baroh shi-ung

U kynmaw ruh de, bad ka sngew bitar artat, katba u nang pynstet la ka jugiad, ia ki por khynnah ha shnong, ba u Ringson n shait pynot thoi shithoi ia ki kut-kudi jong u. Ym dei ba u mynja u Ringson u kham bha ne kham ot, hynrei ba u leit ioh ka buit-tuh au re na ki khar-Shilot U kynmaw shuh, u da sngew dom de, ba ki shait iama bunsien haba ki iapuh latom, ba u Ringson u kynmoh ia u ba u leh thok Ar sien lai sien ki da ialympat, shisien lei lei u da baiong ngit lyngit ka khlieh, u da iapler shiphang, ba u shah lyngngit ha u Ringson.

U kynmaw ba ki iawan poi Laban lang ha kajuha ka por, tang shu mar iapas ia ka Middle English na Sohra Ki iaring lang ruh ha kajuha ka skul, ha Government ha Mawkhar U kynmaw, bad ka sngew bishni artat, ba ha skul ruh u Ringson u shait pas sha khmat sha khmat, hynrei ym dei kein ba u Ringson u kham stad ban ia u U Ringson u pas bha kumto ba um ju thiah shuh mynmied haba la poi ka por eksamin Ban da u ruh u la khreh minot kumba khreh u Ringson, un leit lah shano u Ringson ban jop ia u? U kynmaw pat ba u Ringson ("u khun ka mrad") u shoh ia u shisien, hana ba u leh

bein ia uwei pat u khynnah uba dang poh rta Shisien pat ruh u la beh ban shoh ia u bad ar ngut kiwei pat ki khynnah, hana ba ki iasiat bein ia ka ñiangbshiah thar shi thar da ka batur haduh ba kan da lko ka met jain Ym siat te yn shu peit heit, haba ka wan mareh kynsan sha ba don ma ki? Ban da ka puh ym la shu shitom ei? U shu lehmynteh kum uba la isynei ñiangbshiah eh, uto u Ringson! Ha kawei pat ka por ruh u kynmaw ba u Ringson ("u khun ka kob-pia"), u kynhied, u mai ia u Shar uba lah kham shwa ka rta shubun, ba u kawang ia u ksew uba iad ha surok U ksew ruh um shym dei u jong u Ringson U Shar, ba uba tiengpu, u shu sngap Ban da dei kiwei pat ki briew te, ki la shu sympat lyngkhuit ia u Ringson haba un da suwan ba u la lehmyntam ktien eh shlein shlein ia kiba la kham hclh kham san

U la kynmaw pat ruh, bad ka sngew ingnud artat, ba ma u bad u Ringson ki iarung kam lang ha Secretariat ha kajuha ka snem, hadien ba ki la pas ia ka I A U kynmaw ba ki thung shwa ia u Ringson ba u pas ha ka First Division U pat ia lade namar ba um shym ioh khreh kot bha, u pas noh tang ha ka Third Division, bad na kata ka daw u ioh rung kam san ne hynriew bnai hadien La 20 snem tam ki la iatrei ha Secretariat U Ringson u la ioh long Superintendent naduh mynno hynrei u pat u dang shu kiew upper division dang ar snem mynta U Worsing u kynmaw bha kumno ba u leit sha u Registrar ban ujur balei ba kim ai lad lem ia u ruh ban kiew sha ka Upper Division ha ka por ba ki pynkiew ia u Ringson, bad kumno ba u Registrar pat, ba la pynshoi u Ringson bad u Superintendent, imat, u ong pynban ba ka jingtrei jong u (Worsing) kam pat long kaba pynhun, namar kata, um pat lah ban kiew kam I kumba ka jingtrei u Ringson te ka la bha eh! Ha ka jingshisha kam shym iapher khyndiat ruh na ka jingtrei kam jong u Ban iathoh **note**, ban iathoh **draft** ruh, u Ringson um shym da kham nang palat ban ia u U Worsing u sngew ba u Registrar bad u

Superintendent ha kato ka por ki la iashah shiliang than eh ia u Ringson. Kum ban pyningnud shuh shuh, u kynmaw ba u Registrar u da transfer khnang ia u sha ka department u Ringson hadien ba u Ringson u la ioh long Superintendent. La dei hi u Ringson uba thoh sniew khak shi khak ia ka jingtrei kam jong u

U Worsing u kynmaw lut phar ia kine baroh ha kane ka por, bad ynda u la rung ha ka lynti Polis Bajar u poi pyrkhathang ia ka Berina Tip naduh mynno kein ba ka la sdang ia ki kam shang mied shang iong kumno? Naduh mynno pat ba ka la sdang ban dii sa ka kiad? Kine ki 'theisamla mynta kiba buhrieh buit bha, pleng! Tip ka long kumno ka khmat jong ka Berina haba ka la buaid? U Worsing u la ju lap teng ia ki shynrang, kine lyngkrang ha khap kper ki briew, ne hapoh hewnur surok, ha ba ki kyllon buaid, ban khuh ban ksar ruh kim nang shuh, hynrei ki pynheh la ka tyngam kren-buaid-teh-thyllieij marwei marwei haduh ban da boi sa u skaiñ, haduh ban da par sa u dkhiew ia ka khmut ka khmat ruh kim tip shuh, hynrei um pat ju iakynduh da lade hi ia ka kynthei Khasi kaba buaid, ne ka ban da kren teh thyllieij ba ka la buaid than eh. U la ju iohsngew ba ki iathuh khana ki briew ia ki samla mynta, bad kynthei bad shynrang, kiba smat bad kiba kmen ban iadih buaid haduh ba kim tip shuh la ka raiñ ka rem U la ju iohsngew ruh ba haba ki ialeit bamkhana sha Lum Shillong, sha Dam Khwan, ne shawei shawei ruh, don kiba da iabam iadih sha ba palat khlem da tyngkai shuh ia la ka akor, ne la ka burom briew, ha lynti ha syngkien Haba ki la wan phau janmied, ki iashad kynthuit shi kynthuit artat la artat ka lynti, bad la ka put ka tem—ki 'thei samla lei lei ki da tur ha khmat ha khmat ba la pynshlur ka kiad, bad ba la sngew shngaiñ ha ba dum. U Worsing da lade hi um pat ju iohi. U kynmaw pat shisien, uwei u ophisar militari u kylli ia u balei ba ki briew ki kwah ban da dii pynbuaid ia lade haduh ba ym i shuh ia ki kum ki



briew ne kum ki mrad ruh Ki mrad lei lei kaba pli kim ju tip hi ia kata ka dih kiad Une u ophisar u ong ruh ba ki Khasi, imat, kim nang ban dih kiad, bad haba kim nang, kaba bha eh ka long ban nym dih U Worsing um sngew don nia ban iada ia la ka jait ka kynja, hynrei u kynmaw sngewrem ba da lade hi u la ju iohi bunsien ia ki samla shynrang, ne ki rang-iaw ruh ba ki thadrong ia la ka longbriew ha lynti ha syngkien ba la shah shong kulai ha ka kiad

Hapdeng saw bad shiphew ki khyllipmat, ki jingpyrkhat u Worsing ki lah poi shaduh shata! Mynta u pynphai biang ia ki jingpyrkhat sha u Ringson

"Ko Ringson," u pyrta hapoh mynsiem, 'lashubit te men sa ioh jingsueng kaba men nym klet shuh lano lano ruh Wiut! Wiaw!" u da siaw artat ba u la sngew kmen eh marwei marwei U la kham pynstet de ia ka jingkam lynti Poi ha khlieh ki kyndon Dreamland Ba la pynnoh bha ka lynti, u la shu mareh noh, kumba ryngkang ia ki mawkyndon Mar ia-ruh kjat ha jingkieng Umsohsun, u la siaw biang, "Wiut! wiaw!" Na shatei sha khlieh kyndon pat u iohsngew kumba put wissil, 'Phruut!" Balei kumta? Ka wissil auu kata? Ba ki iaput kai ki klynnah, ne balei? u pyrkhat, bad ka mareh artat

Ki pulit iaid patrol. kiba dang shu wan kiew na sha them Bijoi (Grand Hotel), shwa ba kin poi ha khlieh ki mawkyndon Dreamland, ki iohi ngut nget, bad ki ioh-sugew, ia u briew uba mareh arsut shathie sha phang jingkieng Umsohsun Ki la suba ba u dei hi u briew uba smew, u nongtuh, ne tip uel, lym kumta, balei un shu mareh pynstet kumto ha kane ka por mynmied? Ki pulit ruh ki iamareh pynkloi, hynrei kat ba kin da poi ha khlieh ki mawkyndon, ym iohi shuh lano lano ruh Ki shu put noh da ka wissil ba kin iohsngew lem ki pulit iaid patrol sha ki thain Umsohsun-Mawkhar, ne shawei shawei ruh kat sha ba ki iadon, ba kin iakhang kdong lem.

Dei kane ka jingput wissil kaba u Worsing u iohsngew  
 hamar ba u poi ha Jyngkieng Umsohsun Phriut shu  
 phriiit, la sawa ka jingput wissil kylleng sawdong U  
 Worsing u la lyngngoh. Um sngew nang siaw shuh Ha  
 ka jaka ba un iaid suki, u la shu mareh noh ha lynti  
 Umsohsun ban poi sha Ri Khasi Press Um pat da mareh  
 jngai, shibit na shatei sha khmat ruh, na shaphang Ri  
 Khasi Press, u iohsngew la sawa biang ka wissil, "Phriut!"  
 U pynsuki noh ka jingmareh, u pyrkhath Imat ki pulit ki  
 iabeh nongtuh! U la sdang ban ma khlieng ia lade, ioh  
 ki shu lap ia u ngong, ioh ki shu kem nongtuh ei ia u  
 khamakha ha surok. Ym dei ban pyniakynduh bad kita  
 ki nongput wissil U kdat noh sha ka lynti kaba pom sha  
 kadiang U mareh Ynda u la mareh kumba 200 phut  
 ne, u phai noh sha ka lad kaba phai sha kamon, u kiew  
 bran bran shatei shaneng, u wan mih bluit hajan Skul  
 Government U la thait hob, tang ba ka ung u Ringson  
 kam shym da jngai shuh mynta U pynaram ia lade, bad  
 u shu iaid noh ban kham jah thait. Ha kato ka huri hura  
 pynking khlieh na kato ka wissil myntan u lah klet sha-  
 phang u Ringson Mynta pat, katba nang kham jan sha  
 iing u Ringson, u la sdang pyrkhath biang kumno un  
 sdang ia ka jingiakren bad u Ringson lashibit U la  
 sngew palei biang ka mynsiem U la phuh samrkhie mar-  
 wei marwei ba u pyrkhath ia ka jinglehraiñ jah burom u  
 Ringson ynda u la iohsngew lashibit shaphang ka khun  
 buaid jong u "Phriut!" Diet khunka! la wan sawa  
 biang ka wissil, mynta pat na shadien, na sha phang  
 Skul Government U da jynthut ka jingiaid lynti ba u la  
 kyndit eh. Shish, kane te kaba ym long shuh! U tieng,  
 u syier ioh ki shu kem nongtuh ia u U shu rypsied noh  
 bad thong bad thong, ia ki khyndiat phut kiba dang sah  
 sha khmat, bad khlem da lap ba tip, une u lah wan ieng  
 kneng ha khmat jyngkhang ung u Ringson Ka ung ki lah  
 khang, ba la mied, hynrei dang shai sharak hapoh ung.  
 U tied tok, tok, ia ka jyngkhang, u pyrta artat, "Bah Ring!"

Ko Bah Ring!" Ym don ba thie, bad ym pat don ba wan ban plie ia ka jyngkhang. Haleh kum iohsngew ba u pyrta Haleh-ki lah iathiah! U la lynga, u la syier, ioh ki lap ba wan poi ki pulit put wissil Ban shu ieng sah hajuh ruh ym long. U la pyrkhath ban tied biang ia ka jyngkhang bad ban pyrta biang. Tok, tok, u la tied biang, hynrei shwa ba un khot biang, la wan riew biang ka wissil kham najan. Yn phet noh ruh ym long Yn phet shadien ung ruh ym i don jaka U la shu trud ruma ia ka jyngkhang, u pyrta artat, "Bah Ring! Bah Ring!" u tied ia ka jyngkhang khlem sangeh U iohsngew kumba iaid ki briew hapoh ung Balei ki iapynslem kumne ban plie ia ka ung? U la khih ki kti ki kjat, u la nang kyrkieh, um nang ieng shuh shi jaka "Bah Ring!" u pyrta kyrkieh biang, kham jam "Mano?" ki kylli napoh ung Balei ki ialeh mynthu kumne ban plie ia ka ung? Mynshwa, man ba u wan kai mynmied, mad iatied ia ka jyngkhang, mar iakhoh ki lah plie

"Ma nga te, u Worsing Plie seh," u jubab ia ka jingkylli, da kumba khroh artat

"Balei, Bah Wor?" ki kylli pynban Ba ki lei kine ki briew mynta ka mied? U pyrkhath Hym? Kato ka sur myntan napoh ung, ka jongno?

"Kaba donkam eh te, plie seh, ngan sa iathuh ynda nga la rung hapoh ung Plie seh" Wow, ka jingsngew synei ka sur khroh jong u!

U la pyrkhath biang Kato ka sur myntan sngew kum ka sur jong ka Berna, ym dei? Tang ba ka te shatai sha Nanpalok kein. La dei hi ka kmie Shikmie shikhun, ki iasyriem bha ka sur kren, u pynkut hangta

"Phruut!" ka la riew biang ka wissil, sngew kumba ka lah wan poi haduh jan ung, da pah nangkyngjah sa ki shkor!

"Plie seh, plie seh," u la kynjut ia ka jyngkhang na u jingbat. Mynta u iohsngew ki la pynkhih ia u huk jyngkhang na shapoh ung Kiiid-koid-khruk-kduk! ka Jyngkhang ka la sdang plie suki, hynrei ha kajuha por ka wissil ruh ka wan riew, ngiang! kumba da wan put khnang ha ka dyngkor jong u. Jluk! u rung jyndat shapoh, khlem da peit ia ka nongplie ung. Ynda haba ka nongplie ung ka la khyrdep biang ia ka jyngkhang, ba wan beh ka lyer khriat shapoh ung, u sa phai sha ka ban kren Hynrei shwa ban lait ka ktien na shyntur, u ring mynsiem kynsan pynban he! kumba her syrngew, ba u la kyndit than eh Ki khmat ki la shu peit seh ia ka nongplie ung Kneng u shu ieng khlem khiih, kumba la sah prek ia ki kjat ha ka lyntang, namar ba kaba wan plie ia ka ung ka dei da ka Berina hi! Ka Berina ruh ka la i lyngngoh ia ka jingleh kyndit jong u. Kam lah ban sngewthuh balei u leh kyndit kumne.

"O !!!" u ong tang ita i kyntien shi-dak kumba shu lait khlem da mut, bad u sngap noh jar, khlem kren shuh U iohi ngai ne balei? U la king baiong ka khlieh U la teh u thyllieij Ki khmat ki la shu peit seh pyllieñ kum u bieit Ka shyntur u la ang sah kum u muid ang-bneng Ka dur ka la kylla bak lybak. Ka khmat baroh kawei ka la blad phlar Kumno kumne? Balei kumne? Hynne u dang iohsngew ia ka sur jong ka Berina hangtai ha Nanpalok Mynta pat kane ka ieng ha khmat jong u Ba wan rah u ksuid ia ka, ne ba la pynshad u ksuid aiu re ia lade? U la kulmar ka khlieh Um sngew nang pyrkhat shuh Ka Berina ruh, kam pat sngew nang ban kren kumno kumno ruh, ba ka la i phylla eh ia ka jingleh jong u Um pat ju set shyntur kumne mynshwa

Hadien san ne hynriew khyllipmat, u pynkhih ki rmiang shyntur kum ban kren "I kpa?" u kylli, kumba da ialeh dohiap ba kin mih ki ktien

"I thiah, Bah Wor, tang ba i kham shitom mynta," ka iathuh Ka la shu tharai ba u la tip hi ba i pang i kpa.

"Ngan shu leit noh," u ong, "ngan sa wan pat." U leh kum u briew uba kem pang kynsan. Ka Berina ka la nang lyngngoh shuh shuh ia u

"Ap, Bah Wor, ngan da leit khot ia i Mei," ka ong, namar ba ka poi kynmaw ia kato kaba donkam eh kaba u ong ba u kwah ban iathuh mynhynne ha ka por ba u phah plie ung

"Ieh," u khang, "ngan sa wan pat"

"Phim da shong shuh, kata?" ka kylli

"Em," u ong, u mih noh artat ynda ka la pynplie ia ka jyngkhang Kat ba u wan kai ha ung mynshwa kam ju kynmaw ba un leh phylla kumba u leh mynta ka mied. Ka la shu sah ha ka lyngngoh Kaei ka daw ba u long kumto?

Ynda u la poi biang sha surok, u ieng noh shiphang kum ban pynkyndit bynriew noh ia lade U da kyrngah ngang ngang ka khlieh, u da pynkhih ki tyrpeng, u da kynther ki kti ki kjat Ba nga phohsmiew ne ba nga lei? u kylli ia lade hapoh mynsiem, u sdang iaid artat ban leit noh sha la ung. Ki jingpyrkhat kiba bun jait ki ialympat thim shi thim hapoh dohnud Shi rukom u sngew kum ba u la lait na ka jinglehraiñ iap ka ban pynshitom sah ia ka mynsiem jong u Hynne, ban da la wan plie ung hi da u Ringson, ne da ka kmie, bad u iathuh ijer thyl-lieij ba ka Berina ka kren thlun hangtai ha Nanpalok, haba ka Berina pat ka nang don ha ung, um la shu iap lehraiñ ei ia lade ha shen? Shish! u bein ia lade Balei ba nga shu leit ngeit kyrkieh ia kato ka "We"? Kaba naei kato ka mrad-lakia kaba kren da ka sur jong ka Berina? Ka dei kaei? Ka jingiatiplem jong u ka la kyn-

thah tak shi tak kumba kynthah da u narsaw Balei me shu leit ngeit ba kato ka "We," ne kaei, hangtai ha Nanpalok, ka dei ka Berina? Hynne mynstep ruh ba me iohi ia ka bos snem thymmai ha Stan Bos, bad me iohi ruh ia ka Berina ba ka ieng hajan, balei me shu pynngeit noh ia lade ba ka Berina ka ap ban kiew ha kato ka Bos? Balei me shu leit tharai dih kiad ia ka khun ki brieve? Kane baroh ka wan jia ba me la pun shakpoh tang da ka jingbishi suda ia u Ringson Me lehmyntleh paralok ia u, me leh kumba me sngewbha\*eh haba me leit kai sha ung jong u, hynrei hapoh mynsiem pat me tip ba me ing da ka jingbishi ia u bad ia kiba ha ung jong u Me ap kmang khleh la ka sngi ban iohsngew, ne ban iohi ba la jia kaei re kaei kaba sniew ne kaba sngewsih ia u Ringson bad ia ka ung jong u Me kmen ban ioh ki lad ban kynnoh, ban thad rong pynjah burom sha lyndet lyndet. Dei kane ka mynsiem bishi kaba la pynkyrkieh ia me ban ngeit ruma ba ka "We" ka dei ka Berina Dei ka mynsiem bishi kaba la pynngeit kloi lan ia me ba ka Berina ka leit iabamkhana snem thymmai hynne mynstep, bad ba ka wan thiah buaid pat mynmied ha Nanpalok.

Ka mynsiem ka pynrem ia u khlem da aih shuh Um sngew don jaka ban iada ia lade da kumno kumno ruh, ne ban rieh tngen ban lait noh na kine ki jingpynrem. U kynmaw - bad kane ka nang kham pynrem shuh shuh ia u - u kynmaw ba dang shen, haba iashong kai paralok, ki dang iapyni baroh baroh ba, haba u brieve u la don ka jingieit kaba nylla ia la ki paralok, ka mynsiem bishi kam lah shuh ban ioh jaka ha ka dohnud jong u. U kynmaw ba dei ma u uba kyrshan bha ia kata, bad u da phla ruh ba ha lade hi shumet u sngew ba ka jingbishi kam don jaka shuh ha ka jingim jong u. Um sngew rem ba u kren kumta, hynrei u sngew rem ba kata ka jingngeit kam shym long kaba iaine. Ki para lok kiba iapyni ia kajuha ka jingsngew ha kato ka por ki iasngew

kumno mynta? Ki dang ia-ieng skhem, ne ki la iakylla dien noh? Don kiba iathuh ba u Srobin u lah da kren bishni biang ia u Kurton Imat u Srobin ruh u la .  
 "Shi, me!" ka jingiatuplem ka la kynteit noh ia u, "Me, pyrkhat tang ia la ka met. Wat ai nishan ia ka met kiwei pat."

U iaid noh tuiñ tuiñ ba la khua jur ki jungpynrem, bad ba u la sngew bukhoh ia lade Um sngew nang pyrkhat pat da kumno un pynksan biang la ka rngiew. U iaid pyndem la ka khlieh, ba la jem ka rngiew, ba la jem ka ryndang.

Hamar ba u phai sha ka lad han noh sha Riatsam-thuah, ki pulit iaid patrol, kiba rich pynsyndah ia lade ha ka jungker kper ki briew, ki kynhied jrain, "Me uei?" ki tur artat sha u U Worsing, na kaba u pyrkhat diaw mynsiem u kyndit rangbah briew kat lah kat lai, i mynsiem jong u da kum ba in her noh thiaw Um nang kren shuh ba la kyndit kynsan, u shu ieng, u shu peit kum uba la shoh tyndep. Shikyntien ruh um kren Namar ba um kren, ki pulit ruh ki la shu ngeit suk mynsiem ba u la dei hi u riawnsiew, u nongwad-tuh, ne uba shang ia-khalai Ki shim na ka kti u Worsing, ki bat trait Nangta u sa kynmaw bynriew Wow, la sang, la ma, ban shah bat ha u pulit! Kumta kumta de u kyrhuh kum u pyrthat rkhiang, u byrthen ia ki pulit "Balei me iabat ia nga? Pyllait me, shour dew, me iamut au ba me iabat ia nga kumne? Pyllait?" u kynhied kylla pat sa ma u ia ki pulit Hynrei kam long kaba suk ba u pulit un pyllait noh tang shu phah pyllait, wat la phu byrthen katno katno ruh U pulit u nang pynskhem pynban ka jungbat, ioh u Worsing u kynjrait kynsan, ioh u shu lait noh. "Pyllait," u la ong biang u Worsing, "mem tip nga uba trei ophis? I am Government servant," u la kren sa da ka Phareng, "I will report to Government. Ei-thu bhut sarom hei, shour dew. Ham shour hei, tum hamku pakra?"

U la kren, u la kyrbleh bad Khasi bad dkhar bad phareng Hynrei ki pulit kim pyllait Ki lah don la ka jingsuba, bad ka jungbatai jong u ia lade, kam pynjem ia ki U briew uba iad mied haduh katne, u lah ban dei u briew uba bha, u lah ruh ban dei uba sniew, la uta u shakri Sorkar ne te

"Me uei? Kaei ka kyrteng jong me?" bad kunta ter, kumba ju dei ban kylli, ki pulit ki la kylli tohkit ia u Hynrei u Worsing pat ba u sngew rem ba ki pulit kin da tohkit shaphang jong u kumba kylli jingkylli ia u nongtuh u khue dom pynban bad um jubab ia kaba ki kylli

"Pyllait me," u kren bitar, "balei men da wan kylli kyrteng ia nga? Ngam iathuh Pyllait," u kyvhied, bad u ksud artat ban lait, hynrei ki pulit baroh arngit ki iabat pynskhem bha ia u U Worsing pat ruh u ialeh hi khui ban lait noh La poi haduh ba u pulit, vnda u iohi ba u Worsing u pyneh ban lait noh, u la thew ban tangon sa da u dieng na ka klibeh, shu donbok noh ba kiba iashong harud surok, haba ki iohsngew ia ka jingakapia ki wan iapoi noh ngong U pulit u pynhiar noh ia u dieng, bad u Worsing ruh u sa sngew shngaiñ ka mynsiem hur vnda u iohi ia ki

"Peit seh," u iathuh pynkloi ha kita kiba wan, "kane ka pulit khun ka mrad ka shu iabat ia nga hangne, nga nang mut ban leit sha ung Pyllait me," u kyvhied ia ki pulit ba u la kham sngew shlur, bad u da pynjam artat ka sur, jait ba la don lem ki briew hajan Hynrei ki pulit pat, ba ki la sngew svier ioh ba kita ki briew ki wan iarap pynban ia u Worsing, ki nang bat skhem shuh shuh "Ia," ki ong da ka dkhar, "ngin ialeit noh sha Thanat, sa kren katba me mon hangta," ki ong, bad ki ring na ki kti kum ban ialam noh ia u.

"Pynkren lem ma phi seh, Bah Hor, ba kan iapyllait Nga wan na sha ung i Mei te, na sha Laitumkbrah, "



bad kumta ter ter u la iathuh khana ha u Bah Hordon  
bad kiwei kiwei de kiba iadon lang hangta, tang ba um  
shym iathuh ia ka hynta kaba dei shaphang ka Berina.  
"Pynkren seh, Bah Hor," u la khroh biang, ka sur ruh da  
kumba thap iam artat ba u la sngew synei eh ia lade

Une u bah Hordon u la trei kum u Inspector Pulit  
mynshwa Mynta u la shim pension U ithuh bha ia u  
Worsing, bad u tip ruh ba u long u briew uba kumno.  
U ruh u lyngngoh na kanò ka daw ba ki pulit ki iakem  
ia u Jait ba uba la bam ia ka kam pulit, u kylli jing-  
kylli ia ki pulit Ynda ki pulit ki iohsngew ia ka rukom  
kylli jong u ki ieng noh, ki iapait sha u Ki jubab ia 'i  
jingkylli

"Mc iakem ia une u Babu ba u iaid marwei myn-  
med?" u kylli biang

"Em," ki ong ki pulit, ki iada ia lade, bad ki sdang  
ban iathuh ba naduh 10 baje mynhynne la khynwin ki  
wissil kylleng sawdong Ki ruh ba ki iaid pahara sha  
kane ka thairi, ki iapait bha shane shatai ioh don mano  
mano ba leh ia ka kam sniew Ki lap ia une u Babu ba u  
wan marwei, bad haba ki kylli, u dei uei, u wan naei,  
un leit shaei, um iathuh, u sngap jar jar Na kata ka  
daw ki iabat ia u ban kylli ban tohkit bha, hynrei um  
iathuh ei ei ruh, u ialeh pynban ban lait noh ban phet

"Une u Babu uba nga ithuli bha," u ong u Bah  
Hordon, "uba shong ruh hajan ung jong nga Um jubab  
ba me iakylli jingkylli hynne namar ba u la kyndit than  
eh ba me iabat, bad ba u la sngew lehrari than eh.  
Pyllait noh, um dei u briew uba sniew" Ynda ki la sdang  
ithuh ia ka khmat jong u Bah Hordon, namar ba u la trei  
teng ha Shillong ruh, ki pulit ki sa pyllait noh ia u  
Worsing.

Ka jingjia kaba kumno kumno, ne kaba katno katno ruh, ka dei ban poi ha kaba kut U Worsing u la lait na ki pulit ban leit noh sha la ung Na i jaka ba ki bat ki pulit hynne haduh ung kam shym jngai shuh Mynhynne na lingshari haduh Skul Government tang jingjang u lah poi Ki kjat jong u ki stet sha ba palat Slem ka ktien Hynrei mynta pat u Worsing u sngew khia ka met, u sngew khia ka mynsiem Ki kjat jong u ruh ki leh kumba la khia than ka jingkit U bun jingpyrkhat katba u nang iaid, ka khmat jong u ka la blad phlar, bad ynda u wan poi ha ung—hamar ka por ba i kmie ki khun i lah khreh ban mih ban leit shata sha ba bat ki pulit ia u—une ia i biert jem rngiew phar jalwep, la kum u syiar uba shah phyrnop ha ka um

“Balei?” i kylli i kmie ki khun Ka jingkyll jong i kaba kit ar jingmut, imat Balei, ba jia au hynne? lane, balei i jem rngiew kumne?

U Worsing um jubab U shu iam pynban bhe kum u khyllung Balei u iam? Ba la kmen eh ba la poi ung? Ne, ba u la sngewsynei sangsot ia lade ba u shah bat ha ki pulit? Ne, ba ka mynsiem jong u ka pynrem lade ba la sngew shon palat, ha na kaba u wad ban ioh pynjah burom ia kiwei, ka wan kyrtoh pynban da dien sha lade?

## Phim Ngeit ? (I)

Ki jong u Rison ki khot pakhynnah ia u Bah Lari Haba u wan kai sha ung, shwa ba un shong ki la phah iathuh khana U Bah Lari uba bun bha ki jingiathuh khana Kiba da long, da ja shisha ruh kito, kiba u shu thaw hi napoh jabieng ruh kito, phim ju lah ban tip, ba u la pnah eh u thylliej.

"Iathuh khana biang, pakhynnah," ki iarop lut baroh baroh

"He?" un ong, "ngan iathuh khana ia kaei?"

Kumta ka ju sdang man ba u wan kai. Ha kawei ka janmied, ynda u la shong, bad ynda la dep lut kito ki jingjakren sdang, u peit sha u Rison, bad suki suki u kylli, "Me la ju iohsngew ba u rwai u shrieh?" U Rison u sngew biria ia ka jingkylli, bad ka rkhié artat u ong, "Em"

"Nga te nga la iohsngew," u ong u Bah Lari "Pleng, haba la rwai hi u shrieh, ban ia u briew ruh jam ryndang u shrieh"

"U rwai kumno, pakhynnah?" u kylli u Rison.

"Me tharai nga u shrieh, ba ngan rwai pynbud kum u shrieh?" u dumok u Bah Lari.

"Em, shu iathuh kein ha kano ka rukom u rwai," u khroh u Rison.

"Ha-ha-ha!" u rkhié u Bah Lari. U Rison bad ki para ki shu iapait dngong, ki ia-ap Ki la tip ba haba u la rkhié, un sa sdang

"Ha-ha-ha!" u rkhe biang Ki jong u Rison ki la nang skuin ban iohsngew noh ia ka jingrwai u shriei

"Nga leit lap ryngkhat shisien," u sdang u Bah Lari, "ba nga leit jah marwei hapoh khlaw Kumno ba nga lait im pat na kato ka khlaw, ngam nang shuh ban pyrkhat mynta Phin phah mynta ba ngan batai hangno ka don kato ka khlaw ngam nang batai ngam tip shuh La kum ba poi sha rngai," u pyinkut U Rison bad ki para ki ap hi ban iohsngew ia u shriei uba rwai

"Pakhynnah, uta u shriei uba rwai te?" ki pyinkyn-maw.

"Sngap kein me, ngan sa poi shata," u kyntet u Bah Lari "Dei ha ka por ba nga leit bud sorbe sha Hukong—"

"Kaba shano kata ka Hukong, pakhynnah?" u kem ktien ban kylli

"Sha Borma kein me, mem iatip tang ia kata ruh?" u la ioh lad pat u Bah Lari ban beim "Ani ka khlaw!" u ong, "kum shatai sha Hukong ngam pat ju lap Shwa ban jam shikjat da hap mait lynti shwa bad lor bad poh, hynrei te ym long khui Lai jam sha khmat, un don u khla, ne u hati, ne u iakjakor, ne uei uei ruh ym tip, ba ym iohi Haduh katta ka jingrben ka khlaw Shitawew ngi iaiad, tang shipawa mail ruh ym don, me tip? Haduh katta ka jingshitom "

"Kaei kata kaba shitom haduh katta, Bah Lari?" u kylli kem ktien u Bah Sami mar iapoi, u rung artat hapoh kamra Kine ar ngut, haba ki la iakynduh, ki dang tang ka iakob Ka jingiathuh khana iakob hapdeng jong kine ar ngut kaba la bina sha ba palat ia kaba iohsngew La kum ba iakob ki kharjadu, uwei u ialeh ban pynbieit, pynrem ia uwei.

"Ka khlaw shatai sha Hukong, phi," u iathuh u Bah Lari "Phi te phin leit bna shano?" u kren siat artat Ki kme ki kpa u Rison ruh ki la wan iashong kai lang.

"I pakhyannah i ong in iathuh khana ia u shneh uba rwai," u iathuh u Rison, u peit sha u Bah Sami, "i dang poi tang ha Hukong ba shitom eh ka lynti, phi wan rung noh ma phi"

"Me leit ngeit ia une u pakhyannah jong me," u ong u Bah Sami. "U mut ia ka huleng kein me, kata ka iongpali kaba lynnar pynkhywin ha khlaw, hukku shi hukku, u ong hana ba rwai u shneh. U wan pynbiert ia me da ka Hukong ban iathuh khana ia ka huleng Uba tang ia ka huleng ruh um ithuh," u kynthah u Bah Sami bad tak bad tak, khlem aih shuh, u peit matdong puh samrkhie artat sha u Bah Lari.

"Kum—no—phi—ong?" u kylli suki u Bah Lari, u peit sha u Bah Sami, "ngam ithuh ia ka huleng? Tang shu peit ia ka khmat jong phi la ithuh, ym da donkam ban leit sha khlaw," u kynthah pat sa u Bah Lari, u peit matdong kylla sha u Bah Sami, u rkhe artat U Bah Sami u kham iong ka snieh doh, bad ki ju sin teng teng ia da u Sami-iong, tang ba ki kynnoh Sam-iong

U Bah Sami ruh u iarkhie biria lang "Phi ialap ia ka khlaw," u rkhe biang, "phi kynmaw ba phi tieng iap ha kato shisien ha khlaw Umrar," u rkhe biang, "phi siat kulmar sa ia ka dieng dyngkhong, phi ong ka dngiem?" u kylli, u rkhe hun, "Ha-ha-ha-ha," u da ang sha bneng Ki jong u Rison ruh ki iarkhie lang noh

"Hynnin, shisha," u kren pynklet noh u Bah Lari, "nga leit poi shatai sha Pynthor Umkhrar, nga peit kai ba u siat simpuhwieh uwei u Sahep. Adie phi! ka jingbeit siat suloi kum uto u Sahep ngam pat ju iohi Thur ki mih shi-

synmih ki simpuhwieh saw tylli na pynthor, dain ! shiktang u siat, ki hap ar tylli, dain ! sa shiktang ki hap sa ar Ew' ka siat suloi kum kato te da 1 hun hi jai, da 1 syrtok."

"U Sahep jong phi uba siat shwa shiktang, u sa pynbud pat sa shiktang ym dei? Nga pat nga la lap ia u briew uba pynbthei syndon baroh ar ktang ha kajuh ka por, phin ong kumno? Nga leit iasiat mrad bad uto u Kyrshon kein sha Bhoi, Khlem iakynduh ei ei ruh baroh shisngi, ngi iawan phai noh sha Umling ba la sdang kem iongrein. Ng iaiaid iathuh khana artat la artat. Kynsan kynsan u Kyrshon u shu sangeh, u thew ka suloi sha khmat Nga nadien, nga shu peit. Ym iohi ei ei ruh, iohi tang kiba phyrnai ar tylli mar syndah kum ki khmat u mrad. Jling' riew ka suloi u Kyrshon Kito kiba phyrnai ar tylli ki lah jah 'Nga thew syndon baroh ar,' u ong u Kyrshon. U mut kumno, ngam pat da perphang Ngim ianud khuh shuphang Ynda la kham shibit, ynda ngim iohsngew shuh ba khuh shane shatai, ngi iaiaid sor sor, bad ka pynap lypa ki suloi ioh shu mih kynsan kaei kaei Ynda ngi poi ha kato ka jaka ba ngi iohi ia kito kiba phyrnai ar tylli hynne, ngi lap une u khla u lah iap lyter, khlem khuh shuh. Bad ka tieng artat, bad ka sngew phylla artat, nga shu sngap. 'Dei ne ym shym dei ha ba nga thew? Shuh ngan da peit bha,' u ong u Kyrshon. Ng iapeit. Lah dei phlak na ki khmat baroh ar tylli ! 'Baroh ar ktang,' u ong u Kyrshon, ba nga leh lyngngoh, u khein artat ka suloi, u pyni Kum kato ka siat suloi te ngam pat ju lap hangno hangno ruh. Baroh ar ktang u thew syndon ia ki khmat ar tylli, bad u da dei artat ! Ban da ngam shym la iohi hi da lade, ban shu iathuh ki briew ngan nym ngeit," u ong u Bah Sami, u pynkut artat.

"Te, ngi ruh ba khlem da iohi hi da la ki khmat te, ngin leit ngeit shano ba shu iathuh ma phi," u kren batip u Bah Lari, u wiat samrkhie artat Kine baroh ar ngut ki iatip bha ia ki rukom kren, ia ki jingmut, uwei ia uwei.

"Wa, i Bah Lari, da kumta phi kren! Kato ka khnai ba ngi ia-iohi ma ngi mynnor ha dukan u khar-pusari phin sa ong noh kaba ym shusha, ba kawei kiwei pat ki briew kim shym iohi?" u kylli u Bah Sami, u da peit pyneh artat ia u Bah Lari.

Ka jingiakren hapdeng kine ar ngut ka la sdarg sngewtynn timer U Rison u kwah ban tip ia kata ka khnai u Bah Sami

"Ka leh au kata ka khnai, Ma?" u kylli

"O! Mem pat iohsngew?" u kylli sa u Bah Sami. U Rison u ong, Em

"Ka ai jadu ia ka miaw," u iathuh

"Iathuh lem seh, Ma," u khroh u Rison, ba u la sngew phylla eh ia kata ka khnai kaba ai jadu ia ka miaw

"Mynnym-ar," u la sdang iathuh u Bah Sami, "nga lap ia u pakhyannah jong me u bam shana hajan jyangkieng Laban, la don ar snem mynta, mo Bah Lari?" U Bah Lari u kohnguh "Ngi iapoi sha iewduh. Ha dukan pusari u dkhar ngi iohi ufai u trai dukan lbing kat ka byrni khaw ar-mon, u iohthiah ha ka jaka kaba u ju shong, bad ka kynskhok artat Ka miaw ruh ka don hajan jyangkhang, i kumba ka nang pynap dukan Ngi iapeit kai shiphang ba ithamula ia ka kpoh u khar-pusari ba ka kiew ka hiar. Katba nang iapeit, ka wan mih kawei ka khnai na kyn-dong, ka iaid la ka iaid na khmat ka miaw, ka pynkhih la u tdong da pynieng Ka phai, ka iaid biang na khmat, kumta shi kumta, ka wan ka leit, ka wan ka leit, nangta ka sa ieng ha khmat ka miaw, i kumba ka jyllud la ki tmain da ki kti, ka peit pyrshah ia ka miaw. Ngi shu ia-lyngngoh baroh ar ngut ba ka miaw kam kynrup satia ia ka khnai Ka shu shri pynban, aw shi aw, i kumba kam nang pynkhih shuh ia ki kti ki kijat Ka khnai pat kumta kumta hi ka kynthuh halor ka byrni khaw, ka bam khaw

thrap shi thrap. Ma nga bad u Bah Lari ngi la shu ia-ang, khlem nang kren. Hamar ba ngin sa iaiaid noh, u wan u khun u trai dukan, ne tip uei, u iohi ia ka khnai ba ka bam khaw khlem tieng U peit sha ka miaw. Ka miaw ka shu shri, aw shi aw, kum kaba bieit U thab kti lai sien Ka miaw ka leh kyndit, ka leh smat, ka peit shane shatai, ka kynthuh ha byrni khaw, hynrei ka khnai ka lah phet naduh hynne ba u thab kti Da ka dkhar ngi sngewthuh u ong ba la ai jadu biang ka khnai ia ka miaw Te, kumta kein, phin sa ong ngam ngeit?" u kylli u Bah Sami, u peit lut ia ki baroh.

"Tip haleh kaba ym ju kem khnai hi ne, kata ka miaw?" u kylli u Rison, "don te, Ma, ki miaw kiba tieng ia ki khnai"

"Em, me, ba da ithuh te me ba la shoh ka jadu ia kaba pli," u kyrshan u Bah Lari "Em, kaba dei," u pynskhem shuh shuh u Bah Lari "Nga ruh nga la lap ki jingjia kiba phi shem shitom ban pynngeit ia ki brew ba ki long kiba da jia shisha. Kum mynnor kein shatai sha Hukong" Ki jong u Rison ki la iakhih ki kti ki kjat tang shu iohsngew biang ia ka Hukong U pakhynnah un dang iaiaid pam lynti suki suki ne kumno, ki pyrkhat

"Ka jingjia kaba nga iohi ruh dei harud ka wah Hukong. Naduh kata ka sngi nga ruh nga sa ngeit ba ym dei tang u brew, hynrei u mrad ruh, um ju iap thala Na ka shyntur u khla ruh ki mrad ki lait im bran bran haba ym pat poi la ka sngi ban iap," u kren tymmen u Bah Lari.

"Kaba jia kumno, pakhynnah?" u kylli u Rison, ba um sdang shuh u Bah Lari ban iathuh ia kata ka jingjia

"Ha-ha-ha", u rkhe shwa "Mynnor kein me, ba nga leit bud sorbe sha Hukong, kato kaba nga iathuh myn-hynne," u la sdang u Bah Lari



"Pakhynnah, mynhynne phi leit poi sha Hukong ba phi ong ban iathuh khana ia u shrieh uba rwai, mynta pat"

"Hooïd keiñ me," u kem ktien noh u Bah Lari, "nangto na ba nga iathuh mynhynne, nga dang hap iard sa kumba ar taew ne " u la sdang batai u Bah Lari, lynrei u Rison u kem ktien biang

"To, pakhynnah, ynnai da mait lynti shuh mo, shu poi beit noh ha ka jaka ba phi lap ia kata ka jingjia," u ong u Rison U Bah Sami u rkhuie iap-ang ba u la sngew muja eh ia ka jingnang kynthah u Rison.

"Me la kren ia kaba dei," u ong, u da dung kura artat ia ka lyntang "Me la kren ia kaba dei," u ong biang "Nga kynmaw ia uwei u khar-Shilot "

"Men iasngap ia uta u khar-Shilot, ne men iasngap ba ngan iathuh ia kata ka jingjia?" u kylli u Bah Lari, u peit sha u Rison bad kiwei kiwei

"Em, uta u khar-Shilot kein u ban hikai ia phi shibit. Ap ynda phi la iohsngew," u kren pyneh u Bah Sami, bad u sdang noh ma u ban iathuh. "Une u khar-Shilot u wan pan mohkhiew kylliang na iing jong ngi shisien. Da ki taew ruh um pynphai shuh I mei i phah ia nga ban leit pan noh Nga leit mynstep, bad nga iohi u khrud phyllaw da u mohkhiew jong ngi Ynda nga rung ha phyllaw, u tang shu iohi ia nga u lehmyshong dwai blei noh. Nga ap. Katno katno ruh um man kut shuh ka dwai blei. Tip u da dwai blei shisha, ne u shu lehmyshong ba ngan phet noh ruh ngam tip. Nga ap la ka ap hi sia Ynda la slem bha, ba um banse shuh, u peit sha nga, u ong, "O ma phi la wan?" bad khlem da ai lad ba ngan jubab u balaiñ u balia bad kti bad thyllieij, ha la ka ktien khasi-dkhar, ia ka pyrthei baroh kawei haduh ba nga khlem da tip

shuh ba ka por ka la mareh thiaw shi thiaw Nga kyndit thret ynda u kylli hi ma u, "Ma phu leit i-skul?" Ba ioh slem sha skul, nga shu phet noh bran, khlem da kynmaw shuh ban pan ia u mohkhiew Ynda nga iathuh ha i Mei, i ong, "Me lashai wat sngap iathuh khana shuh, u da kren kumno kumno ruh shu ong ai shi ai noh u mohkhiew" Kum lashai nga leit biang U khrud phyllaw hi kum mynhynnin Ioh u dwai blei biang tang shu iohi ia nga, nga pyrta pynkloi noh, 'Ai mohkhiew' U phai, u peit, bad ynda nga poi hajan, u la sdang biang ban balia kum mynhynnin, hynrei nga leh kumba ym iohsngew, nga pan kumba bthah i Mei, 'ai mohkhiew, ai mohkhiew' U la pynkhih la ki kti, u la kylla matheh la ki khmat, u thylliej ruh u la blap shi blap khlem sangeh, hynrei ngam pynsngew, nga pan—ai mohkhiew shi ai mohkhiew Ba um lah pynsngap shuh ia nga, u ruh u pyrthuh noh ia nga, 'ai ma-khiw, ai ma-khiw,' u ong Ngam pynsngew Ngi iapyrta lang ha kajuh ka por Suki suki ngi sa iabud uwei hadien uwei, 'ai mohkhiew, ai makhiw, ai mohkhiew ai makhiw' kumta shi kumta. Ynda la shoh lei lei ka jing-iapyrta, u sdang sa ka thab kti pynban ban pyniahap tar Ngam rem Nga ruh nga iathab kti lang, la kum ba iaphawar pynban Ki khun rit jong u ruh ki iawan peit kai noh ia ngi, ba la long kumba leh tamasa shisha. Katba nang iathab kti, ai mohkhiew, ai makhiw, nga kum peit liak ia ka shyntur jong u, tip balei nga shu ithamula kynsan, nga rkhiie kak U ruh u rkhiie lang Hangta lei lei la kumba kti, ym nang set shuh Ngi da iabat sa ka kpoh Tang tang shu la ias dang, 'ai mohkhiew, ai makhiw, la iarkhie iap-ang noh. Nga lah klet ba ngan wan pan mohkhiew, tat haduh ba kan da wan ka babuni, imat ba ka la i ia ngi kum ki bieit ka shu shim ia u mohkhiew na thian, ka ai ia nga, "Lo, ja, ja," ka ong Kumba peitmat pher na ba shohbieit, nga ieng joit nga rah la u mohkhiew, nga mareh pynkloi sha ung Te, kumta kein, phi da iasumar bha ia une u pakhynnah ioh u shu ialam kulmar sha

khlaw sha btaþ," u pynkut noh ba u la that artat, u peit sha u Rison. U Rison u shu phuh samrkhie. Hapoh dohnud u la tip hi iano yn sumar bad kumno

"I Ma i iathuh khana noh shawei," u ong u Rison. Ynda u iohi kumba u Bah Sami u thut, u ong pynkloi noh, 'tang ba kaba sngewtynnat. To kein, pakhynnah, iathuh noh ia ka jingia jong phi," u peit sha u Bah Lari

"Katba dang don hi une u Ma Sami jong me hajan, um ai lad te me ia kiwei ban kren," u thnum u Bah Lari. U Bah Sami u rkhie noh, "To, kata, iathuh sa ma phi" u ong, "tang ba haba phi iathuh khana ia u maw, iathuh ia u maw, wat leit poi pynlut por sha u dieng. Ym dei kumta, Rison?" u Rison u leh kumba ym iohsngew

"To kein, pakhynnah," u khroh biang u Rison

"Kumto kein me, kumba nga iathuh hynne, ynda la ialait na kato ka lawbah lawsan " u la sdang u Bah Lari hynrei u lap ba kem ktien noh u Bah Sami

"Ei, Rison," u ong, "me iohsngew? U la thap ialam biang ia me sha khlaw"

"Shish, da sngap bha ia kaba kren ki briew seh, wat shu laplah than," u kren suki jai u Bah Lari, ba u la ioh i mat ban pynrem ia u Bah Sami "Nga ong ynda la ialait na kato ka khlaw, phi iohsngew? Ngam shym ong ynda la ialait sha kato ka khlaw" U nang ai shuh u Bah Lari. Ki jong u Rison ki shu iaphuh samrkhie noh U Bah Sami ruh kumjuh.

"Ynda la ialait na kato ka khlaw," u la sdang biang u Bah Lari u da peit pyneh artat sha u Bah Sami, "la kham pynggad ki lum ki wah, ba la jan ki shnong, bad ba dei artat ka por synrai. Ka sngi ka shit, hynrei ka lyer kaba shu hir hir ka jingpynggad. Ki niangkongwieng, rukom

rukom, la la ka jong ka tyngam ki iapynkhywin ngiang, ki sim pat ruh shu thir, thir, ki her pynsmat, ki iapah sngewtynnat. Ha ka por shiteng sngi, haba la iashong bam ja-sngi lut baroh, nga nga leit kiew marwei sha khar i lum kynthoit iba don hajan ban ioh peit kai ia ka pyrthei ka mariang. Wow, ka jingsngewtynnat! Ani, ka jungtynnat! Nga sngew kumba don ha la ri Khasi. Kathue ka wah Hukong, i kum ban shu kner ruh la ioh ban ktah Ka jingsngur ka um khliir khliir, la kum ka ut ba iohi pat ia ka syrngiew ki dieng, ki lum, ka suin ruh, ha ka um Ki dohkha ruh phlop shi phlop ki iakem jymbam ha ka thwei. Ka jingsma wah! Ka jingsma dohkha! Ka jingsma ki phlang, ki sla dieng! Ka jingkwah khwai kaba da khiih sa u dohnud, tang ba yn leh kumno khlem ksai, khlem khwai! Nga plied noh la i ja-song ban bam, hynrei ki khmat ki shang sawdong ba la itynnat than Ban shu bam tang da ka lyer pyngngad ruh la sngew kdang hi Ynda la dep bam ja-song, sa ba ngan ieng ban wan noh sha ba iatrei, nga iohi shatai sha shiliang wah kumba khiih ki sla dieng ha iwei i jaka harud khlaw Ym dei ba pynkhiih ka lyer Narud um haduh rud khlaw tang u shyiap suda, bad ka pyngkiang kan don kumba 100 phut Nga peit sah ha ito i jaka iba nga iohi ba khiih ki sla dieng Ya lade ruh ngam khiih shuh, ki khmat ruh ngam pynkhiih shuh Ynda kham shibit, ani ko mei kynrad! ka mih shwa ka khleh u khla kaba la jan kat u khiewphiang shisha U peit sha kamon sha kadiang, bad ynda u la hun ba yn don ei ei, u mih suki suki ter lyter baroh shirynieng Pleng ka jingtynnat ka met u khla haba ioh peit na ngai! Ka jingkhiih ki dohksah hapoh ka snep kumba khiih u kba lung ha pynthor ba wan beh i lyer jemnud Rip-rip-rip ka shu par ka jingkhiih ki dohksah naduh tyrpeng shaduh ki lbong haba u iaid Ani ka jingheh u khla! Na ba nga itynnat wan kem sa ka tieng. U wan suki suki sha rud um, lai jam saw jam u la ieng, u la peit sawdong Shisien ar sien nga i kumba u da peit sha ba don ma nga

Tip haleh u lah iohi ia nga naduh ba u dang don hapoh khlaw hynne ? Tip haleh u wan mynta sha rud wah ba u mut ban jngi ia ka wah ban wan kynrup ban bam ia nga ne ? Nga la tieng shisha, nga da mih syep shaid, hynrei ngam nud khiih. Nga shu peit, haduh ba un da poi ha tmier um Ynda u la peit biang kadiang kamon, u pyndem la ka khlieh ha sla um, u sa dih um kumba dih dut ka miaw Ynda u la dep dih um, u phai suki suki ban leit rung biang sha khlaw kein Hynrei ha ka jaka ba un iaid, u dem pynban ha u shyiap kumba dem ka miaw haba ka thap kem khnai Nga la 1 phylla, balei ba u dem noh ? Hamar kata ka por nga iohi katai ka skei ka dang shu lah mih imat na rud khlaw, ka sdang wan sha ka wah bad ka ruh ka leh kumba leh u khla hi, ka ia-ieng ia-ieng, iapeit iapeit, kadiang kamon, ia-iaid ia-iaid Pleng, u sa dem noh u khla ba u la iohi ia ka skei ba ka thap wan sha rud um ! Ka skei te ithuh ba kam pat shym iohi ia u khla, ba u la dem syndah halor shyiap Suki suki ka nang wan sha rud wah Balei kam iohi noh ia u khla haba dang jngai ? Nga la nang skuin pynban ma nga, ba nga kwah ba kan iohi noh kloi, ba kan phet noh Ka jingngai naduh khlaw haduh um, nga la ong, ka long kumba 100 phut. Mynta la sah sa kumba 60 phut Ka skei ka la nang wan suki suki Sanphewsan phut, kam pat iohi hi ia u khla Ba ka matlah ne ba ka lei ? Sanphew phut, 1 kumba ka sma auu re auu ha u syiap Imat ka la sma khla, kan sa phet artat bran Em. Ka la nang wan kham pynjan pynban U khla ruh u la nang pynsyndah shuh shuh ha u syiap, bad u tdong u la sar sharum shaneng ha sla um, 1 kumba u la pynkhreh ban rynsied noh ban kynrup ia ka skei Ka skei matlah kum katai ka mat ia-iaip noh ! Nga la sngew dom ha lade ba kam iohi shuh katno katno ruh ia ka jngiap kaba ap ia ka Ngan kynsho noh ba kan phet ruh, nga tieng pat ia lade. U tdong khla u la nang pynkhiih shuh shuh ia ka um, 1 kumba u la thew mynta ia ka jingngai Ka skei katai ruh mynta sa tang laiphew

phut ei ei na u khla. Hamar kane ka khyllipmat, ka mih ka khlieh u kurattia na um, u ang heb, u kynrup ia u tdong khla, u ring artat shapoh um U khla u kyrhuh, u kyrshan, u pyneh, hynrei ba dei halor u shyiap um ioh snoh haei haei ruh, u shu syntuid surrr shapoh um jliang Ani ! ka jingkyrhuh u khla kaba la sngew tieng shisha hynrei tang shiphang Jak ka jah ynda u la shah ring shapoh um, shu mih sa tang ki thnam um phlok shi phlok Ka sla um ruh ka khui kumba ki dang ialeh shapoh, tang ba tang shiphang, kynjah artat jar. Ka skei bieit pat, ba kyrhuh u khla hynne, ka phai pynban shadien, sha khlaw, ka peit dngang, ka pynieng la ki shkor Ynda kam iohi ei ei, bad kam iohsngew jingkyrhuh shuh, ka sa wan biang pjang pjang sha tmier um, ka dili la ka um ha ban da hun ka sa leit phai pynstet pat sha khlaw, ban thiah suk jai ha trai dieng aui re, ban tngen na ba shit kyrang ka sngi Dei na kane ka jingja kaba nga iohi kein, ba nga sa ong, u briew u mrad um ju iap thala Kato ka skei ka la wan kum ban shu pyntian shisha ia lade ha shyntur u khla, hynrei ba ym dei hi ka sngi jong ka, u shah bam pynban u khla ha u kurattia " U pynkut artat u Bah Lari

Baroh baroh ki la shu iasngap jar shiphang khlem kren

"Adie ! La mied du," u kren hi u Bah Lari, u ieng artat ban leit noh

"Wa, shong seh," u pynbor u Bah Sami, "sngap ngan iathuh pat sa manga ba u briew ne u mrad ubi ym pat dei ban iap ruh, hynrei ha ka buit bad da ka leh bor jong kiwei, u shu iap ei, phim ngeit ?" u kylli artat.

Ki jong u Rison bad ki para, bad ki kmie ki kpa ki dang iakwah sngap shuh. Kim pat samthiah, ba dang sngewtynnat ka iathuh khana.

"Yoh phi slem," u ong u Bah Lari

"Em, ngam ju slem, nga uba tbiak tbiak tang ia kaba dei ban iathuh. Ngam leit bam lyer pyngngad shwa sha Hukong kum phi," u ong u Bah Sami, u rkhe artat Kiwei kiwei ruh ki iaphuh samrkhe lem. U Bah Lari u shong biang.

"Peit kum ia kane," u ong u Bah Sami, Uwei u khar-khmih kti u leit sha uwei u syiem, u ong, 'nga iohi ka dak au re ha ka shyllangmat jong phi, syiem kynrad, tang ba ngam lah ban ong kaba bha ne kaba sniew khlem da peit ia ka kti jong phi' U syiem u peit sha ki myntri, ki myntri ki peit sha u syiem Ki iakohnguh khlieh 'To, shim peit,' u ong u syiem, u ai la ka kti Tang shu peit liak, u nong-khmih kti u kynjik kynjak, u kyrngah la ka khlieh. U shim sa ka kti kamon, u peit, u nang pynjur shuh shuh ka kynjik kynjak, ki ummat ruh iwei ar ki da jaw 'Balei, me kynjik kynjak? Ia kaei?' u kylli u syiem 'Ngam shym poi pyr-khat ba ka jingim jong phi kan lyngkot haduh katne katne, ko syiem kynrad,' u kren u nongkhmih kti 'Ba ka ong kumno ka kti jong nga? Iathuh, pyni,' u hukum u syiem U nongkhmih kti u bat ia ka kti kadiang u syiem, 'nga sngew pang ka dohnud ban iathuh,' u kren kumba thap iam, u niad ki ummat, 'ba hapdeng shitaiew phin sa duh la ka mynsiem, ko syiem kynrad,' u ong U syiem bad ki myntri ki da kyndit kat lah kat lai 'Tang ba wat khuslai, phi kiba khraw ba tri,' u kren pynshngaiñ pat, 'ka don ka lad ban lait, ban pynrong ia ka rta jong phi, ko syiem Peit ia kane,' u ong, u kdew ia ka nur ha ka kti kadiang u syiem 'Kane ka nur ka dei ka lynti ka jingim jong phi, hynrei peit ia une uba pom pyngkiang noh hangne Une u kdew ba ka jingim jong phi kan kut noh tang hangne, bad kine pat tir tir kiba rit ria ria kumba pruid da u thyrnia ki iathuh san ne hynriew ki sngi kiba don ha khmat jong phi. Phi don bok, syiem kynrad, ba nga wan poi ma nga ban iohi ia kane kawei pat ka lynti

kaba phai nangne,' u ong, u kdew ia kawei pat ka nur 'Tang ba nga dei ban da leh shitom,' u ong, 'ban pynkheĩn pynthoh bha ba ka lynti jingim jong phi kan phai noh shane.' U syiem u pyrkhat, 'Khlem da pynkhein ma me,' u ong, 'kane ka lynti kam nang ban phai hi da lade ynda ka poi ha kane ka lad kaba me ong?' u kylli u syiem 'Em, syiem kynrad, ka lynti jingim kan iaid beit kumba dei ban iaid, bad kan dkut haba dei ban dkut. Tang ka jingpynkhein jong nga, kaba phin deng kum ka mulot ha ka ksangti, kaba lah ban pynphai noh sha kane kawei pat ka lad,' u ong u nongkhami kti. 'To, pynkhein noh mynta, u phah u syiem 'Ym long, syiem kynrad,' u ong, 'kane kaba nga dei ban da leit wad shibun ki kot ki sla kiba biang, ba ngan ioh pule Hangne hi mynta ngam lah Ka jinglut ruh kaba bun, syiem kynrad,' u ong 'Katno?' u kylli u syiem 'Kaba duna eh, tang ban ioh ktah ia ki kot ba ngan pule, kan long san spah tyngka Ynda nga la pynkhein halor i snep rynsun, ngan thep ia ita ha i mulot ksiar ba phin deng ha ksangti Kan poi hi shihajar tyngka, syiem kynrad,' u ong 'Me pynshong dor ia ka jingim jong nga tang shihajar tyngka?' u kylli u syiem 'Em, ko syiem kynrad, haduh ba ngan da wallam ia ka mulot sha phi ka lah ban poi sha ka ar hajar tyngka Ka tyngka kaba kat u shiyap harud wah ruh kam pat lah ban kot sha ka dor ka jingim jong phi,' u la batai u nongkhami kti U syiem bad ki myntri ki iasngap shiphang, ki iakren pasiaw para ma ki Ynda ki la iakohnguh khlieh biang, u syiem u phah ia u nongkhami kti ba un pynpeit lem ia ki kti ki myntri ruh, ba lada donkam, ki ruh kin iadeng mulot noh naduh mynta Ynda u la peit, ia uwei u ai rta sa shisnem, ia uwei phra bnai, ia uwei pat arsuem shiteng 'Ka kti jong me pat ka ai rta ia me katno?' u kylli u syiem. U nongkhami kti u plied la ka kti u ong, 'peit, ka lynti jingim jong nga ka wan theh shaduh shane, bad ym don jingpom pyngkiang hangno hangno ruh. La buh ia nga ba ngan shong prah shong shang, ba ngan ioh iathuh nusip ia ki briew lynter



tat,' u ong 'Kata, nga hapdeng shitaew nga la iap, kumba ong ma me,' u sdang kren u syiem, hynrei u nongkhmih kti u kem ktien noh, 'ym dei ba ong ma nga, syiem kynrad, ka ong ka kti jong phi, ka nusib jong phi,' u ong 'Ym bakla shuh?' u kylli u syiem 'Ym bakla shuh, ngam ju pule bakla,' u iathuh u nongkhmih kti 'Ka jong me ruh kam bakla shuh?' u kylli biang u syiem 'Kam bakla shuh, syiem kynrad,' u iathuh

Ha kata ka khyllipmat, u syiem u sei ka waitlam, u pyniap ia u nongkhmih kti 'Uto uba ong ba un im shong prah shong shang, u la leit Yn sa iapet lashai lashisngi sa ia ka jong ngi kan long kumno,' u ong u syiem 'U Bah Sami u pynkut noh ia ka jingiathuh khana

'Te kumta kein, mano ban pyrkhat ba uto u nongkhmih kti un iap noh tang hapoh sluteng kynta, ban da u syiem um shvm la shim jubor ia ka mynsiem jong u da ka wait?" u kylli u Bah Sami "Na kata ka daw, nga sa ong ba u briew ne u mrad uba ym pat dei ban iap ruh, u shu iap ei noh ha ka buit bad da ka jingleh bor kiwei pat," u pynkut artat

"Em, phi bakla," u ong u Bah Lari 'Uto u nongkhmih kti u iap noh kumto ba la buh ia ka sngi jong u ba un iap kumto Mano ban pyrkhat ba uto u khla ba nga iathuh hynne un iap kumto ha u kurattia? La buh ia ka sngi jong u ba un iap kumto, te u sa iap kumto ha kato ka khyllipmat ha u kurattia," u ai pat u Bah Lari la ka jong ka nia

"Yn sa iashong kai pat," u ong u Bah Lari, u ieng, u khreh ban leit noh

"Pakhynnah," u khot u Rison, "lano pat phin wan iathuh ia u shrieh uba rwai?" u kylli, i kumba u da wiat samrkhie artat.

"Me mut ia ka huleng ne ka Hukong?" u kylli u Bah Sami, "ha-ha-ha-ha," u rkhie artat. U ruh u ieng ban ialeit lang noh bad u Bah Lari.

"Ngan sa wan iathuh ha ka sngi kaba nga tip ba u Ma Sami jong me um wan," u jubab u Bah Lari ia u Rison, u phuh samrkhie muin sha u Bah Sami

# Ki mad 'ia ka Shillong

## I.

"Mem puh shuh kathie ka kper?" ka kylli ka kmie ia u Kyrhai, u khun, ynda u la wan phai na sha skul, ka khmat jong ka ka da i sngewsih, i dom artat "La shita-iew mynta," ka thnum, "to shi to, me ong, tang ka ktien suda Tang ha u kpa men shu ieh bad kper bad lyngkha, un lah shuh lu u tyvmen ban talai marwei, uba pli? Pha pat," ka phai sa sha ka Rimai, ka khun, kaba dang shu wan rung ha ung, "mynhyn,un ruh khlem dieng, mynshisngi ruh em, mynta ruh em, ka um ruh hynne pha wan kit tang shikhiew, yn shet yn tiaw daei? Yn sait yn khlieng daei? Balei pha ialeh kumne? Nga nang ong katta pha ialeit skul ba phan iasting iasmat, em? Naduh ba pha ialeit skul i pynhan kumba pha la iasang ban trei ban ktah ha ung Naduh lashai wat ialeit skul shuh, ym myntoi," ka kien pynkut da ka jingbitar, ka mih shabar bad ka thnum artat ka shum la ka khoh, bran ka leit sha lyngkha U kpa u lah leit naduh mynstep

U Kyrhai u la don 16 snem ka rta ha kane ka por, bad ka Rimai pat 14 snem Kane ka rukom sneng khun ha ung ka kmie u Kyrhai kam dei kaba tang myn'a ka sngi La katto katne bnai mynta ka jingtrei jingktah na ki khun kam ju biang shuh Ka kmie bad u kpa ki iai sneng iai pyni man ka sngi hvvrai ka mon jong ki khun ka la kylla Mynshwa, khlem da kynto, ki lah kynrup hi la ki kam ki lah tip hi la i jong i jong i bvnta Mynta pat, wat haba da kynto ruh ki leh kumba kim iohsngew Ym dei tang ha kane ka ung Ha kiwei kiwei ki iing ruh ki kmie ki kpa ki ia-ud kumjuh Balei ka leit long kumne? Ki kmie ki kpa ki iadiaw jingmut Ki kwah ban tip ia ka daw.

Shisien, ha ka por ba ki iashong kai ha ung mynmied, u Kyrhai u iathuh khana u ong ba u nonghikai u kwah ia ki khyannah ban minot bha ka pule kot ban lait na ka bah mohkhiew. "Ban lait na ka kit khoh ruh," ka kem ktien sa ka Rumai "U babu u ong," ka iathuh shuh, "phi iakwah ban puh lyngkha ne phi iakwah ban thoh kot ha ophis? U babu u ong phim ialehrain ban shu bah mohkhiew sah, ban shu kit khoh-pei sah?" Kumta ki iathuh khana kine ki khun leit-skul ar ngut, ha kiwei kiwei ki ung ruh ki khun leit-skul ki iathuh khana hi kumjuh, ba u nonghikai u pynsmat ia ki ban minot ka pule kot ban lait na ka bah mohkhiew, na ka kit khoh Pleng, ka pyrkhat ka kmie u Kyrhai, hangne nga la lap ia ka daw Pleng, nangne na u nonghikai ki ioh jingmut ba haba la nang ban pule kot ym bit shuh ban ktah mohkhiew, ban kit khoh Ka kynmaw ba mynshwa ki tang la wan na sha skul, ki la shim hi la u mohkhiew, la ka wait, la u star, la ka khoh, ban leit puh leit dain ia ka khyndew ha kper ne ha lyngkha, ban leit thoh dieng sha khlaw, ne ban leit kit sboh sha lyngkha. Mynta pat, kine ki khun ki la sugew lehrañ ba ki briew kin iohi ia ki ba ki bat mohkhiew ne ba ki kit khoh

Ka shnong jong ki kaba khiah krat Ka um kaba ki dih ki bam ka wan hap shyngiar na svrtap u mawsiang Ka khuid, ka pjah, bad ka shngiam, ka lyer pyngngad ruh kaba shu wan beh hir shi hir na sha phud wah Ki briew ha shnong, naduh ki tymmen ki kro haduh ki khyannah ki khyllung, ki phuhmut phuhmat ba ki suk ki hun ka myn-siem, ba ki khlain ki shait ka met Ka jingkhiah krat ka pynsmat pynsting ia ki briew, bad kim ju pynlehnohei ia la ka por. Ki imsngi la ka rep ka riang halor ka khyndew kaba ym ju bynnud ban sei la u soh arphew laiphew shah ban siewspah ia ka jingtrei minot u briew Ki ioh pahuh la ka bam ka dih, ka kup ka sem, ki im suk im sain

Ki khynnah ruh, bad kynthei bad shynrang, kumba ju long lem ha kiwei kiwei ki shnong sha kyndong, naduh kiba 7-8 snem ki la mlien bad ki la nang ban trei ki kam iing kam sem baroh. Kiba la 12 snem lei lei ynnai da ia-ong shuh Ki la nang, ki la thit lut ha ki kam baroh ha iing ne ha lyngkha, naduh ka shet ka tiew, ka tong um tong wah, ka thoh dieng thoh sieij, haduh ka puh ka dam, haduh ka thung ka tep Ki kawut naphang, ki trei naphang, kat ha ba shah ka kam Ym donkam ban da kynto ia ki. Ki la peit hi kaei kaba donkam ban leh bad ia kata ki shim ki trei, namar ki fiwew ba ka dei ka kam jong ki hi la ka jong, bad ki hun ka mynsiem haba ki la ioh ban trei pyndep ia ka

U Kyrhai bad ka Rimai ruh ki la pynthit ia lade ha ki kam iing baroh Ki stuug ki smat kum ki para khynnah ha shnong Lano yn prat, lano yn thang bun, lano yn puh, lano u san-bnai, lano yn bet, lano yn thung ki sym-bai ki shyieng ha la ki jong ki jong ki aiom, ki la nang ban khein, ban kynmaw.

Hynrei naduh ba wan u Babu Rishon, u nonghikai thymmai ha shnong, ym tang u Kyrhai bad ka Rimai, hynrei lajan baroh ki khynnah kiba la kham san, ki la sngew lelrain noh ban pynder la ka kti ha u mohkhiew, ki la sngew lehraiñ ban kieng star ne ban kit khoh Ki la sngew ba kum kita ki kam kim iadei kyrdan shuh bad kiba la nang pule kot Kum u nonghikai, u Rishon u la dei ban iohi ba ka jingsngewthuh ki khynnah ha kane ka phang ka long kaba bakla, hynrei um iohi, u iai kyntu pynban ia ki khynnah ban minot bha ka pule kot ban lait na u mohkhiew, na ka khoh, na u star U da kham ban ia kata. Ki khynnah ruh katba ki nang roi ha ka jingpule, katta ki nang kham jur ka jingkyndiah na ki kam iing kam sem kiba ki ju smat ban leh mynshwa.

Ki snem ki la nang iaïd . . hynñiew, phra, shi-phew U soh ka jinghikai u Babu Rishon ruh u la nang paw shabar suki pa suki. Ka shnong kam long shuh kumba ka ju long mynshwa. Ka junglong jingum ki briew ka la nang kylla khongpong, ne khongdeh, ym ithuh ithaw shuh Na ka phraphew ung ei ei ba ju don mynshwa mynta la sah sa tang kumba sawphew ung ne. Ka jingbun briew ka la stait hi iar. Shano ki briew ki jah? Shano ki phet? Ym dei ba wan shoh kynsan ka khlam ia ka shnong, ba ka pynthylli ia ki iing ki sem Ym dei ba duna ka bam ka dii, ym dei ba ka khyndew kam treh shuh ban sei la u soh, ba ki briew ki la dei ban leit wad jaka rep noh shawei pat, ban da phet shnong artat Ha ki phra, shuphew snem kiba la leit, kata ka mut, haba ñiew naduh lai saw snem hadien ba u Babu Rishon u la wan hikai ha shnong, man ka snem ym duna ia ka 6-8 ngut ki samla shynrang bad kynthei kiba la mih noh na la shnong ban leit wad pyrthet thymmai sha sor Shillong Ki la nang ban pule kot, ki sngew ba ki dei ban wad noh da kiwei pat ki jait jingtrei kiba ym dei shuh ka puh mohkhiew ne ka kit khoh Ka shnong kaba ki ju sngew sarong ba ka dei la ka jong, ka shnong kaba ki juh ban shong, ka ung kaba ki ju leit, ryngkat kiba leit ba thoin, kiba ha ung ha sem, ki khlaw bad ki wah sha kiba ki ju sngewtynnat ban leit iaïd sngewbha, ka jingsawa ki ñiangkongwieng, ka jingpah ki ñiangsam-sngi ha ka por synrai, ka jingitynnat bad ka jingiewbii u kba haba u la stem bad u la sdang ban ih ha ki lyngkha bad ki pynthor—kine baroh kim don jingmut shuh, kim don shuh ka bor kaba lah ban bat ia ki ha shnong Ki la nang ban pule kot. Ka pyrthet jong ki ka la dei shawei pat mynta, bad ia kata ki leit ban wad

\* \* \*

Ki rangbah ki tymmen ha shnong haba ki ioi ia ka jingma kaba byrngem ban pvnjot pynduh ia ka shnong, ki wad ki tohkit ia ka daw balei. Ki shem ba, kumba ka kmie

u Kyrhai ka la pyrkhath, dei naduh ba wan hikai u Babu Rishon ba ka rukom pyrkhath ki khynnah skul ka la sdang ban kylla suki suki da khongpong haduh ba la kulmar hi thlum ka imlang ka sahleng ha shnong. U Babu Rishon um shym hikai shuh, ka shnong ka la ioh da uwei pat u nong-hikai uba nang ban hikai kot, uba nang ruh ban pyn-sngewthuh ia ki khynnah ba u briew um ju pynhiar kyr-dan ia la ka longbriew haba u pyntrei kam ia la ki kti ki kjat haba donkam ban trei. U tei ia ka jinglong ki khyn-nah ha ki ar tylli ki maw-nongrim—ka jabieng kaba nep, bad ki kti kiba tbit. Hynrei ka lyer bih kaba la phriang na ka jingsngewthuh bakla ha ka jinghikai kaba mynshwa kam pat khuid lut.

Na kito ki khynnah samla, shynrang bad kynthei, kiba la mih na shnong ha kine ki shiphew snem ei ei, don tang lai saw ngut kiba da ioh ki kam kiba dang long ban iathuh khana. Kiba bun hi ki la shu jah lngaid sha ki thlew bad ki krem hapoh sor Shillong, bad shawei shawei de Ki trei aiu, ki kam aiu, ym don ba tip thikna, ym don ruh kiba kwah ban tip Ki krem nongtuh, ki iing-dakaid, ki ung-die-pyrsi, ki iing-khalai, ki bun ki jyllei ha sor Shillong, bad ka lynti jong kine ki samla shynrang bad kynthei, ha kaba khatduh, ka wan kut ha kine ki jaka. Dei na kine ki jaka ba kine ki 'langmatlah, ki mih mynsngi, ki nam la kum ba dambit sbak ki jam ha ka met, ki iaid sha ki iew ki hat, ki kloh tuh ia ka pla ki briew, ki pajut ia ki kynjri ksiar na ka ryndang ki nongthied kwai, ki sloit ia ki khaila na ki shkor jong ki nongleat iew, ki thok ki shu-kor ia kiba lului, ia kiba shida mynsiem. Dei na kine ki jaka ruh ba haba ka jingdum ka la sdang ban tap lup ia ka sor Shillong, ki 'silud kyllut-ka-jingmut ki sdang ban kamai da ki kam jong ka jingdum hi bad ia ka burom ka jinglong kynthei ki bret sha ki 'liewnur kit jakhlia jong ka sor.

## II.

Lai snem ki la laid khlem lap ba tip, naduh ba u Kyrhai u la mih na shnong ban leit wad jingim thymmai sha sor Mynta u wan kai sha shnong, u wan peit ia ki kmie ki kpa, u ong Ka kmie bad u kpa ki kmen ban iohi biang ia la u khun Ki lung ka mynsiem, ki sngew leit sngew sarong la u khun Ki peit lyngngoh ia ka riain ka beit jong u, bad ki shu sngap dhong ba u iathuh khana ia ka jingkhraw kamai jong u ha sor Shillong U trei ha kawei ka karkhana, u ong Haba ka kmie ka lai kylli, ba kam peiphang ia kata ka karkhana, u ong ba u long manejar ha kawei ka karkhana thoh-team Ba kin dup ngeit ba u la khraw shisha ka kamai u sei ka pla tyngka u phut ki lut, u ai ia ka kmie arphew tyngka, bad ia u kpa, pat khatsan "Iawan shong noh bad nga," u ong Ka kmie bad u kpa ki shu peit, kim jubab Hapoh la mynsiem ki iapyrkhat kumno kin shu iehnoh katne ki bri ki khyndew ha shnong? Ki nang la ju pyrkhat pynban ba haba ki la nang iatymmen, sa tang katno hi ki la dei ban aiti noh ha ki khun ia ki bri ki khyndew, ia ka rep ka riang, ba kim lah bor shuh da lade kum mynshwa Ki la sngew kwah ba ki khun jong ki, bad kynthei bad shynrang, kin iadon noh hajan. Haba jia ba pang ba jhia ruh ban shngaiñ ba don ki khun hajan Wat ha kane, dang lai saw bnai, ba ka wan ka Deribon bad ba ka iakhroh ban leit ialam noh ia ka Rimai sha Shillong, 'ban shong skul shuh, balei kan shu pyut ha shnong,' ka long kaba phylla da kumno ba ka kmie ka kohnguh ban pyllait ia ka Rimai ba kan leit Ka Rimai te, ia lade shimet naduh ba ka la iohsngew ia ki jingiathuh khana na ka Deribon, i kumba kam nang thiah nang dem shuh Haba ka peit ka peit ia ka Deribon lei lei, ha la kum ba sop shisha da ka ksar baroh shirynieng, ka la shu ang, ka la shu leh kum ka bieit Na ki jingiathuh khana jong ka Deribon ka sngew ba ka Shillong ka la dei shisha ka paradais ba iathuh khana pateng ki briew, kaba dap tang da ka jingsuk, ka



jingkmien suda, bad ba la shu kheit ia ka ksiar kumba kheit soh nalar dieng.

Ka Deribon ka long kawer na kito ki samla kiba la leit wad pyrthei thymmai sha sor Shillong, hynrei ka kmie u Kyrhai kam tip kein, kaba pli, ba ka Deribon ka la poi sha Korkata ruh bad ka la sah shato ar snem ei ei. Ha kane ba ka wan poi sha shnong ruh, ka kmie u Kyrhai kam shym tip ba ka dang shu lah wan na sha Korkata

Ha ka sngi ba u wan poi, u Kyrhai u lyngngoh kein ba um iohi ia la ka para Um tip ba ka ruh ka lah poi sha Shillong !

"I Bih pat shano kumie?" um banse ban kylli ynda u la shong kham katto katne

"O," ka ong ka kmie, ka jingkyng-o ruh kum ba da sei lut ia ka jinglyngngoh baroh napoh shadem, "inem shym iakynduh ia ka Rimai ha Shillong?" ka kylli.

"Em," u ong, u iathuh hok, 'Mynno i leit?' u kylli pat sa ma u, mar ialyngngoh kylla

Ka kmie ka sdang ban iathuh, "Ka wan kato ka Deribon kein me ", hynrei mar iamih ka kyrteng Deribon, u kem ktien kysan noh u Kyrhai kumba kyndit.

"Ka Deribon? Mynno?" u kylli, u da phuh svep phuh syar haduh ba la pyrshieh sa ka shyllang

"Yn sa don saw bnai," ka iathuh. "Kata, ia ka Deribon ruh mem ju iakynduh?" ka kylli lyngngoh biang ka kmie Ka sngew ba haba ki iashong ha Shillong ki dei kein ban iakynduh man ka sngi kumba iakynduh briew ha la shnong

"Em," u ong, u ksaid artat ha ba shong. Ka syep ruh ka la sdang tuid na sha ki moi-moi baroh ar liang. "Ngam ju iakynduh—ngam tip ", um nang pynkut, u la shu teh-teh kum uba ym lait kren. Ki kmie ki kpa ki la i lyngngoh ia ka rukom kren jong u, hynrei kaba kham pynlyngngoh ia ki ka dei ka jingphuh syep, namar um shym bam kwai ba kin ioh kynnoh ba u buaid kwai

"Me shit, ne ? Khue dih noh da ka um," ka phah ka kmie ba ka la i lynga eh ia ka jingphuh syep jong u. Ka hi ruh ka la sdang pisa jingmut pat na ka bynta ka Rimai Naduh ba ka la leit bad ka Deribon kam shym ioh ktien shikyntien ruh ka long kumno. Balei ka shu sngap kumne? Ong te ka ong ha ka por ba ka leit ba kan wan shuti sha shnong ha ka por tlang Mynta ka por tlang ka lah poi mar shiteng Ban da u Kyrhai um shym la wan, kan nym da la pisa jingmut than eh, hynrei haba u uba wan na Shillong u khlem da iakynduh ia la ka para, ne ia kata ka Deribon, kam sngew lah tem shuh ia ka jingkluslai Ka sdang ban iathuh biang kumno bad mynno ka Deribon ka wan, bad kumno ba ka wan khroh ia ka ba kan phah ia ka Rimai ban leit shong skul ha Shillong. Ka la habe kylla balei ka phah la ka khun Ynda ka wan shuti, kumba ka ong, ngam phah shuh, ka pyrkhat ha lade Ka Rimai ka dei ka khun khatduh, bad ym don khun kynthei shuh ha shnong. Ka khun nyngkong ka la leit iashong noh sha shnong u poikha jong ka.

Une u khun pat ruh, naduh ba ka iathuh shaphang ka Deribon, u la shu sngap jar jar, um bun kyntien shuh kum haba u dang wan Hynrei u ruh u la bun ki jingpyrkhat mynta namar ba u tip ia ka rukom im jong ka Deribon. U khuslai jingmut ia la ka para Tip shaei ka don mynta ? Tip shano ka Deribon ka la leit pynshong ia ka ? Tang ia kane u tip shai, ba kam shym don ha ung ka Deribon ha ka mied kaba u leit, shwa ba un wan sha shnong. Ia kane

um kwah bad um nud ban iathuh mynta ha ka kmie, nama: hynne u lah da iathuh ba um ju iakynduh ia ka Deribon.

Ha ka sngi ba u poi, baroh shisngi u shu shong khop ha ung. Wat sha ung ki para lok kiba u ju smat bau leit shong kai mynshwa ruh um shym leit pyni khmat Ynda lashai mynstep, u ong ia ka kmie ba un leit phai noh sha Shillong. Wa! ka kyndit ka kmie, kumno kumta? balei? ka kylli. Ba bun kam, ba kumne, ba kumtai, u iathuh Ka kmie ka pynbor ba un sah sa shimied ar mied, hynrei um kohnguh.

"Sa kawei pat ruh," u ong, "nga sngew khuslai ia i Bih Ngan da leit wad, leit kylli noh, i don hangno, i long kumno," u ong Uba pli u khun, ka pyrkhat To, yn leh kumno ba u la khuslai eh ia la ka para, ieh un mat leit, un sa pyntip pat sha nga, ka pynkut la i jingpyrkhat.

"Lada don ba wan kylli ia nga shu ong ngam tip, mo Mei, ong ba ngam shym wan," u bthah, da kum ba hukum Ka kmie ka shu kohnguh, hynrei ka ruh ka la sngew phylla balei u da bthah kumne, balei ba u kwah ban set ia kaba u wan sha la shnong

"To, mo Pa, nga la leit," u khublei ia u kpa

"Phin sa iohsngew i Bih i long kumno, Mei," u kren khatduh ia la ka kmie, u leit de bak

Ynda u la leit, ka kmie ka sngew kumba shu phoh-sniwew. Baroh shisngi ka shu shong noh ha ung Kam sngew nang leit sha lyngkha, kam sngew nang leit shano shano ruh Ka jingkynjah kaba la sngew kumba sah marwei ha krem pubon. Bad haba ka pyrkhat lei lei ia ka Rumai, ba shu jar jar khlem ktien, khlem kot, tip ka long kumno, ka im kumno, bad sa ia u Kyrhai de ba u i kumba

u don ha ka jinglynga mynsiem kaba jur, wat la u leh-mynleh kumba palei eh Ka wan sa ka jingklusai, ka jingsngewsih bad ka jingsngewbynñiaw kaba ym nang batai shuh Ha ka jaka ban sngewtynnat ba ka la iohi ia la u khun, wat la ka long tang shimied ruh, ka nang sngew dukha pynban ka mynsiem kham palat ban ia kaba mynno mynno Mynshwa, kam shym da khuslai eh ba um don u Kyrhai ha iing, ne ba ka la leit sa ka Rimai Ka sngewkynjah ba kim don ki khun, hynrei kam da khuslai than namar ka shu tharai ba ki iabha iamiat hi kat ha ba ki don Mynta te ka jingpisa, ka jingklusai ka mynsiem kam ai thiah ai dem shuh Kan long kumno ia ki khun? Kan jia aiu lashai? Kam sngew nang shuh ban pyrkhat Kata ka jingsyier ha ka mynsiem kaba shu har har hi kein

### III

Lai snem ei ei, la palat pynban, ba u Kyrhai u la shong ha Shillong. U trei aiu, u ktah aiu? Ha kane ba u leit sha shnong u ai ia ka kmie arphew tyngka, ia u kpa pat khatsan tyngka. Nangno u ioh tyngka? Kumno u kamai? Kaba kumno kata ka karkhana ha kaba u ong ba u trei? Ngin iabud dien ia ka jingim jong u naduh ka sngi ba u mih na shnong ban wan sha Shillong

Ha ka sngi ba u mih na shnong u dang long shisha u khynnah nongkyndong uba shujingmut. Um pat nang ban pyrkhat ki jingpyrkhat kiba dor lane kiba kynriang. Ym pat don ba hikai Baroh shilynter ka lynti u pyrkhat beit tang ban leit wad kam, ba u la nang ban pule kot Teng teng haba wan ka jingkynmaw iing, u sngew kum ban leit phai noh sha shnong na lynti Ynda u poi ha Mawngap u iakynduh ia u Ken u para shnong uba la mih na shnong la lai saw snem kham mynshwa. Ki iawan ryngkat na Mawngap, bad ynda poi ha Shillong, u Kyrhai u kulmar thlim ka khlieh Mar ia-fuh kjat ha sor Shillong—hapdeng

syndon hi trait—u sngew kumba u wan iuh ha ka skum dkhiew. Wow, u briew aiu katne katne?! Nangno u iawan? Ka jinghun uba iaid ba ieng, sharum shaneng, shadien shakhmat, lwoi shu lwoi, i kumba hajuh shi hajuh, ujuh shi ujuh, ka jingmareh ki bos, ki taksi, ki trok bad kiwei kiwei de ki kali, la kum ba phet iap ba beh u ksuid, ka jungleh kyrkieh kiba leit ha wan, ka jingkhynwin—u i ia kine baroh thik kum ki dkhiew ba ki iamareh kulmar kat sha ba lap ban wad ia uba wan khura ia ka skum. Ia lade hi u la barong ngit ka khlieh U la shu leh kum u bieit U peit ia u Ken U i kumba une ruh u ialeh dkhiew lang Ynda ki la ia-iaid katto katne ki iarung ha ka basa die ja-doh ha Yewduh ban iabam ba la thngan. U Kyrhai u iohi ba u Ken, jait ba uba la shong ha Shillong, u la leh la kum u trai shnong hi U pan ia kane, u pan ia katai, khala khala pat u la bein u la kynnoh ia ka jynbam Ka trai basa pat ruh kaba ym shym duna Phim bang? ka kylli, wat bam, ka ong, ka knier artat la ka kti ban shim noh ia ka phiang ja u Ken U Ken u kynrip pynkloi, u bat ia la ka phiang Yn shu siew ei ka bai-ja? u kylliang ktien Em, ka ong, phi siew ia kaba iabam lem kine baroh, haba phim bang, ba la rben la u thyllieij la jong wat bam, ka ong biang, khie leit noh, wat pynwit ia kiwei kiwei pat kiba bam U Ken u shu rkhe noh Ban kham bang ka jymbam te, Kong, nga thua khnang ia phi, u ong, u tian artat shikham ka ja-doh ha shyntur U Kyrhai u iohsngew ia kine ki jingiakren, um shemphang. Ki iamai ne ki iakren biria? U pynleit jingmut noh ha la ka ja-doh, u ham, u ktha, u nguud ha ban da riew syndon kduk.

Ynda ki la iamih na iew, U Kyrhai u bud ia u Ken ha kti ha kjat haduh ban da poi ha ka iing kaba shong u Ken. Haba u Ken u iohi ba u Kyrhai u shu peit lyngngoh ia ka iing, u iathuh, u ong, Ka iing jong nga Adie-die! u ong u Kyrhai, shihajar te phim la lut ba phi shna kat kane ka iing? Arphew hajar, u iathuh u Ken, shihajar nga pynlut tang hangthie, u ong, u kdew artat sha ka paikhana. U

Kyrhai u la sngew noh ia u Ken kum u briew uba la dei ban burom; um sngew nang shuh ban leh para lok than eh Phi ioh nangno katta hajar ka tyngka? u kylli biang u Kyrhai uba pli. Nga kamai kein me, me tharai nga shu leit tuh? u jubab kynteit u Ken, u da dom artat. U Kyrhai u sngap noh, um nud kylli jingkylli shuh, wat la um tip shisha u Ken u kamai kumno. Hadien, saw san bnai hadien, u sa tip ba u Ken u khai kiad-tuh bad u pyniathoh-team. Dei ma u uba pynpoi kiad na sha Soh-iong bad na shawei shawei, u sam pat ha ki nongdie-pyrsi ha sor Shillong.

Shisngi ar sngi u Kyrhai u dang shu peit sawdong ia ka shnong ka thaw, ia ki briew kiba iaaid ba ieng. U pyrshang ban pynjuh pynmlien ia lade ha ki jingthymmai baroh kiba u iohi. Mynta u la sdang sngewtuh hangno ka mihngi bad shano ka sepngi. Ha ka step kaba nyngkong u iohi ba ka sngi ka mih na sha jyngkhang khmat. Janmied pat, ba u iabud ia u Ken sha ka iing ki briew, u iohi hangne pat ka sngi ka sep na ka jingkhang khmat. Kaba kulmar kane ka sor, u pyrkhath.

Hadien shitaiew u Ken u ong ka long kaba i briet, i khlem akor ia u shynrang briew ban shu leh ngaptung hangne ha sor. Leit shane shatai, wad noh la ka kam, u ong. Shisngi ar sngi u leit pynialam lem sha ki jaka kiba u tharai yn ioh jingtrei, hynrei ym ioh. Hadien kata u Kyrhai u leit hi man ka sngi ban wad ka kam kaba iader kyrdan bad ka jingnang pule kot jong u. Kaba kumno kata ka kam, da lade hi um da tip. Ha kaba u wad kam kat shaba u leit, u shem ba u samla uba tang ia ka klass IV ruh um pat pass, kum ma u, um shym iapher khyndiat ruh na kito kiba ym nang ban pule kot. Ki sngi ki la nang iaaid, ka kam um pat ioh, hynrei u la nang ban thoh-team. Ka pisa kaba u wan rah na sha shnong ruh ka la nang lut,

la sah sa tang khyndiat. Shisien ar sien u la pom ha ka thoh-team, hynrei kata ruh ka ngam biang ha ka thoh-team.

Ha kawei ka janmied, u Ken u ong, Wat khulai, tang ban ioh ka bam ar sien shusngi, trei kat kaba ioh, kam pher. Dei ha kine ki sngi, katba u dang wad kam 'kat kaba ioh' ba u iakynduh ia kiwei pat ki samla shynrang kiba iathuh ia u ba ki ruh ki wad kat kaba ioh, ki shum ruh kat kaba ioh. Ynda u la ialang lok bad ki, u mih noh na iing u Ken, u leit iasah noh bad ki, tip shaei ym da tip bha. Kine ki lok thymmai ki pynlut lham bun ka por ha ki krem Iewmawlong, ki hikai ki pyni ia u kumno ba un nang ban shim 'kat kaba ioh'. U iabud noh kat sha ba ki leit, sha iew sha hat, sha jaka sangeh bos, sangeh taksi, sha cinema, sha lynti polis bajar, bad shawei shawei. U peit-thuh bha ia ka rukom wad jong ki, ia ka rukom shim jong ki. Teng teng mynmied, teng teng mynsngi, ki ialeit sha iing ki briew, ki iaswait shwa na sha surok, bad ynda haba la long ban rung, ki rung shapoh iing, bad tang jing jang ki la wan rah ki jait pa ki jait ki tiar napoh iing, ki jingdeng ksiar auu, ki radio auu, ki kor suhjaiñ, ki tyngka bad kiwei kiwei de ki mar kiba don dor

Kumta, ki sngi u Kyrhai ki iaid ha Shillong. Teng teng haba u thuah mynmied u kynmaw ia la ka shnong, ia la ka kmie u kpa, ia ka jingim suk kynjai ha la shnong. Shisien ar sien ba u sngew iamrem ia ka rukom im ha Shillong u la kut jingmut ba un leit noh sha shnong, hynrei ynda la step pat u tang la iakynduh bad ki para lok, u la klet noh, u la pynleit biang ki jingmut baroh ha kaba iawad lang bad ki para lok 'kat kaba ioh'. U ruh u la nang ban kamai khyndiat khyonsoit 'kat kaba ioh' da kaba u kloh ia ka pla ki briew ne da kaba u shu shim klep na ki dukan ha ka por ba u lehmynthied jingthied. Shisien, ha Iewduh, u lah bsuh la ka kti ban kloh ia ka pla uwei

u dkhar, hynrei sahkut noh ka kti hamar ba u sei, bad u hap ban da pynkhih ia ka kti kumne kumtai ba kan lait U dkhar u iohngew noh, u phai kynsan, u kynrup trait na ka kti, bad ynda u la bat, u pyrtia briew, u halla, 'chor! chor!' hynrei kat ban da wan iaboi ki briew, u Kyrhai u kynjrait kynsan katba lah ia la ka kti, u lait bran, u suh wiaw kumba suh u kbeit, bad katba kin da iakylli "hangno" ne "kahan" u lah jah jak, ki khlem da iohi shuh shano u poi. Ynda u iakynduh ia ki para lok kham hadien u iathuh khana kumno ba u shu lait sa i said! Dit! khun ka bier, ki ong, me leit tyrsuh kti hi kumto te me, men sa shu rap ei 'Leh kumne kein me,' ki pyni artat kumno ban tyrsuh ia ka kti haba ieng tyngkhap, bad kumno ban sei ban nym sahkut "Me bakla ba me pyndonkam da ka 'dui nombor' haba u briew u ieng kumto," u la batai uwei uba leh nongialam "Haba u briew u ieng kumto bad me pat me ieng na shane, me la dei ban pyndonkam da ka 'char nombor'," u ong "Me dei ban da praktis bha ia ka 'char nombor,'" u pynkut artat u nongialam Ki da don la ki rukom kloh pla, pleng! bad ki da don la ki nombor!

Haduh ynda la jan dap snem syndon, u Kyrhai u sa tip ba une u nongialam' u dei u dkhai, tang ba u la kren bha ia ka ktien Khasi kum u Khasi hi Uwei u khynnah Kharkhali ruh u don ha kane ka Kang. Ia u ki khot u 'Miaw-wa' Baroh khoit ki iadon hynriew ngut ha kane ka Kang U nongialam, uba ki iakhot u Neta, u la shong phatok kham hunsien ban ia kiba u ialam, hynrei kiba shah ialam ruh kim shym duna shuh ka leit bam-ja-dai Ki pyrshang ban bud hi ha tdong ha tdong ia la u nongialam, la kum ba ki bishni ba un shu leit rung bam pahuh tang marwei. Wat u Kyrhai uba dang wan iasoh dang mynno ruh u la shah set phatok lai sien, hynriew hynriew bnai ar sien bad kaba khatduh pat lai bnai shisien Para ma ki hapoh ka Kang kim ju iakhot da ki kyrteng la jong. Uwei pa uwei u don da kawei pat ka kyrteng sin. Ia u



Kyrhai ki khot da u Shyntum, tip balei, namar um shym da shyntum ka shyntur U Miaw-wa ruh u kyrteng u Kharka Bahadur. Ki khot Miaw-wa ia u namar ba u don ki khmat kiba i kum ki mat-miaw

U tang shu lait na phatok ha kane kaba khatduh, u Kyrhai u leit wad shwa ia la ka Kang, kumba u ju leh mynshwa ruh, hynrei kim pain shuh ia u, ki byringem pynban ba kin shoh kin pynap namar ba u leit phla pynngat lang ia u Miaw-wa ha ki pulit, bad une u Miaw-wa u dang sah hi ha phatok, um pat lait Ynda haba ka Kang ka la kyntait lok noh, u Kyrhai u la poi ha ka klum Shano un leit? Badno pat un iatrei lang? U shong u pyrkhath marwei ha ka 'krem' Yewmawlong ha ba u sah mynta Ia ka bam hi um da khuslai eh Un ioh hi ia ka bam da kaba u shang tuh, hynrei u sngew rem ba u la shah beh na ka Kang U sngew tieng ruh ioh ki shu lap ia u haba marwei, ioh ki shu pynap ei Dei hamar ba u pyrkhath marwei kumne ha ba dum ba ka wan ka jingkvnmaw ia la ka shnong U kynmaw ia ka jingkhud ka mariang, ka jingsngew kylluid sha la shnong, ym dei hapdeng ka jakhlia kaba iap-op kum hangne ha ba u sah u kynmaw ia ka jingkhud sngur ka wah bad ka jingewbih ka rudwah hajan shnong, ym dei kum ka Umsohsun, ne ka Umkhras, ne ki Umshyrpi ha sor, u kynmaw ia ka jingshngaii ka iaid ka ieng ha la shnong kat sha ba leit, khlem tieng, khlem syier, mynta pat haba u iaid shane shatai ki khmat jong u ki shad sawdong da ka jingtieng bad ka jingsyier suda Ka wan pat sa ka jingkwah, ka da shyit hi tdan ia u dohnud, ka jingkwah ban leit phai noli sha shnong ban shong biang ha la iing ka kmie, ban im biang kum mynshwa ha ka suk mynsiem U jaw ki ummat, jrup, jrup, haba u pyrkhath haduh katno ba u lah da pynthohbria ia la ka jingim naduh ba u wan sha Shillong. Ban da u la shu sah ei mynhakato ha la shnong .? Ka wan pat ka jingpyrkhat hato u dang lah ma ban pynmlien

biang ia lade ha ka rukom im khuid mynsiem, khuid jinglong, ha shnong? U ngeit ba ki briew baroh ha shnong ki lah iatip lut ia ka jingim jong u ha Shillong, bad kin sa shu peit ia u baroh baroh da ka 'mat kynriang suda. U sngew ba kn sa shu iakiar lut ia u baroh baroh kumba kiar ia u nongaiksud. Ew! u pyrkhat, ban ia ka jah burom kat kata la kham bha hi ban shu pynum noh syndon ia la ka jingim ha sor Shillong, ieh kan tuid kat sha ba ka tuid U noh pat ka mynsiem jrut haba u pyrkhat ia ka kmie bad u kpa, ia ka iing kaba u la ieit naduh ba u dang khynnah khyllung Um pat sngew lah ban bthat pyndkut syndon ia u ksai ka jingieit uba teh ia ka dohnud jong u ha ka shnong kaba la pynsan pynrangbah ia u U pisa, u lynga ka mynsiem, u ksaid sha kamon sha kadiang ha i kyndong ba u thiah, haduh ban da jan shai syndon, u sa iohthuah jar kum ba iap.

Ha kawei ka mied, wan tied jyngkhang mano re mano ha kane ka 'krem' kaba u sah. U Kyrhai u lah dem, u lah kli ia lade kum ban thiah noh ha kane ka por, tang ba um pat iohthiah. Namar ba u dang shu lah wan pynshaw kiad-pyrsi ia ka trai iing hynne janmied na sha Mawngap, bad ba u la mlien artat tang ha ka tieng ka syier suda, mar ia-iohsngew ia ka tok, tok, kaba nyngkong, u Kyrhai u lah khie shong noh. U sngap. La riew biang, tok, tok, tok . . . tip katno sien um lap ba fiiew, tang ba kata ka jingtied kaba sngewmat kumba da fiiew ia ki tok tok, bad kumba da thew ia ka jingjingai jong kawei ka tok na kawei pat. Ka trai iing ruh, u iohi, katai ka la shu peit dngang na dpei. Kam kren, kam khih. Hadien kumba lai sien pynhiar mynsiem uta u briew na shabar u khot, "Abik", tang shisien, u sngap noh. U Kyrhai u la shu tharai ba lehse ka trai iing ka kyrteng ka "Abik", bad ka ruh ynda haba ka iohsngew ba khot kumne ka la ieng na ba shong. Mar kumta de u iohsngew ba uba na shabar u la khot biang, tang ba da kumwei pat. U sngew

kumba u ong, "Bika", bad ynda ka iohsngew ia kane, ka trai iing ka wan sha jyngkhang. Khatduh khatwai u iohsngew kumba khot pat, "Kabi". Ka trai iing ruh ka thie, ka ong "Oi", ka plie artat ia ka jyngkhang. Ynda la plie, u nongtied jyngkhang u rung shapoh iing. "La shibit .," u la sdang ban ong aiü re aiü, u iohi noh ia u Kyrhai, u sngap noh. U peit ia u Kyrhai, u Kyrhai ruh u peit seh ia u, u la tieng bha ioh dei u briew uba phah ka Kang ban wan "shna" ia u Naduh ba ka Kang ka la byrngem shoh pyniap ia u, u la shu rah sah ha ka met kawei ka waitsum kaba shitda tam ka jingjrong Wat haba thiah ruh u tynsat hapoh ka syngkhien, bad mynta ka kti jong u ka lah da twad sha ba don kane ka waitsum.

"Une pat, mano?" u kylli noh u nongtied jyngkhang, u peit artat sha u Kyrhai

"Em, ym lei lei, u Shyntum," ka iathuh ka trai iing

"Ym lei lei, ngan iathuh?" u kylli.

"Ym lei lei," ka ong "iathuh."

Une u nongwan-tied-jyngkhang u sa iathuh ia ka trai iing ba ki Eksais kin sa wan khura ia ka iing jong ka lashibit shwa ban kynih syiar. Tang shu dep iathuh de u ong un leit noh, hynrei ka trai iing ka bat ba un iarap lem ban iasei ia ki tin kiad napoh iing ban leit buhriei noh shawei. U Kyrhai ruh u iarap lang hangta, bad dei nangta ba u sa tip ba ia une u nongwan-tied-jyngkhang ki khot u Risang, ynda u iohsngew ba ka trai iing ka khot ia u kumta Tang shu la iakren shukyntien ar kyntien, para ba la iamad hi ia kajuh ka kam, ki lah da 'iasma', kumba iasma ki ksew, ki lah da iasngewthuh. U Risang u sa iathuh ba u dei na kawei pat ka Kang, ka jong u Kartus, bad u ong ia u Kyrhai ba un wan iasoh noh ha ka Kang jong u. U bein u kynnoh ia ka Kang u Netai

"Nga ruh nga iatrei nyingkong bad u Neta" u ong, "tang ba ym myntoi. Kat kiba iatrei bad u Neta," u iathuh shuh "bun kaba ki iashong la phatok ban ia kaba ki sah shabar Ki la sngew ia ka phatok kum la ka iing kur," u ong "Naduh ba nga la wan noh sha u Kartus, la lai snem palat," u iathuh biang, "tang shusien nga dang shah set, wat kata ruh tang namar ba nga leit ai bakla ia ka tyngka Ha ka jaka ba ngan ai ia u S I uba ha ungshari nga leit ai pynban ia u S. I uba kem ia nga Wan noh sha u Kartus," u khroh biang. "Nga leit ialam ma nga," u ong. "Man ka sngi naduh hynnew baje janmied nga don hangtai ha taksi stan ha Khyndai Lad, sa wan," u pynkut bad u leit noh artat Ynda u la iashong kai bad ka trai ung sluphang, u Kyrhai u tip shuh shuh ba u Risang u don la ki lok ha Eksais bad ha ki pulit hi ruh U wallam khubor sha ki nongdie kiad-tuh kiba u iadei lok, bad u leit ai khubor pat pyrshah ia kito kiba um iadei lok Ia ki para nongtuh nongthiem ruh wei kiba um iadei lok, u leit iathuh bran bran sha ki pulit, bad haba u tip pat ba ki pulit kin sa leit kem ia kiba u iadei lok, u la leit maham lypa ia ki bad ki la shu jah jak kumto haduh ba ki pulit kin da thait svndon ka wad

#### IV

Ka jingashong 'dorbar' ka Kang u Kartus ka la wai Ki la iapynbeit ba ka Kang baroh kawei, lashisngi, kan leit shang shnong sha Laitumkhras naduh 6 baje janmied. Ki Kang kin iaiaid ar ar ngut ha la ka jong ka jong ka por bad sha la ki jong ki jong ki kyntoit, tang ba shisien ar sien ki dei ban da pyniohi khnang ha ki pulit kiba ha ka Beat hangto. Kin iaiaid bad ka kyrtiang dien khah khah, kin iaiaid kumba peit briew, kin lehmyneleh kum kiba mut ban leh aui re aui haei re haei Haduh 11 baje kin iaiah bun kam ha Laitumkhras, bad hadien kata u Shyntum (u Kyrhai) bad u Risang kin shu jah la ka jah, kin leit noh

sha Iewduh. Shwa ban kynih syiar pat kun hiar sha Umsohsun, kin iaswait ia kawei ka iing haduh ban da kynih u syiar nyngkong. Hadien kata u Risang un leit prong ia kata ka iing, u Shyntum pat un nang ap pahara na surok. Ynda la lait ban rung shapoh ung u Risang un bsiat kti 'thlap' shisien, bad u Shyntum un sa leit, un iarung lang hapoh ung. Ka jing-"plan" kaba da thik pa thik. U' Kartus u la 'hukum' ruh ia u Risang bad u Shyntum, u da han ar sien ia kajuh, ba kim bit ban shim ia kiwei kiwei pat ki tar napoh ung lait na ka ksiar, ki baje kti, bad ki mar heh-dor, bad ka tyngka.

Ynda la poi ka sngi, ki ialeh thik kumba la "plan" Ki pulit ha Laitumkhrach ki iohi ia ki ba ki iaid sharum shaneng, bad ki ruh ki la shu don ka jingsuba ba kine ki khynnah-tuh ki mut ban leh au re au ha Laitumkhrach. Ki la pynjur bha ka iaid patrol, bad na Thanat ruh ki la nang phah pulit shuh sha Laitumkhrach. Dei kata hi ka jingthmu ki Kang, ban kham duna pulit sha Umsohsun

Ynda la biang ka por, u Risang bad u Shyntum ki iahiar sha Umsohsun, bad dei tang ynda ki la poi ha Umsohsun ba u Risang u sa iathuh ia u Shyntum ba ka iing kaba kin leit ban tuh ka dei ka iing kaba shong ka Deribon. Ynda la kynih u syiar—bad kumba da iabuh khnang, u kynih ruh na iing ka Deribon hi—u Risang u leit par sor na shadien sha ka kamra kaba thiah ka Deribon. U Risang u la ju wan mynshwa sha iing ka Deribon bad u tip bha hangno ka thiah. Ka iing ruh kaba don tang ar kamra. Ka shet ha kawei, ka thiah ha kawei. Da kumno u Risang u ia-ithuh bad ka Deribon? Haba ka kynthei samla ka la im ka jingim lyngkar kum ka Deribon, ym donkam shuh ban da batai. U kynja skaiñ baroh u poi lut sha ba don ka pyut.

Tang jing jang u Risang u lah dep prong ia ka biar iing, bad u la bsiat kti—'thlap'. Wan sa u Shyntum, bad u ruh u rung lang nadien u Risang. Hapoh kamra, u Shyntum u nang pynba torch-lait uba shu shai tang malu mala. Mar kumta de u Risang u kner la ki kti, u rah suki suki ia kawei ka synduk nar kaba rit kaba don ha khlieh-thiah ka Deribon, u leit buh hajan ka thliw kaba u prong. U shum pat ia ka kti bat-torch u Shyntum, u pynba ha ka khmat ka Deribon. Ka ka ioththiah ngai ngai. U Risang u la iohi ia kaba u kwah ban tip—u kynjri ksiar ha rynchang ka Deribon. U tur shajan bad suki jai, mian mian katba lah, u pyrshang ban sloit ia u kynjri na sha khlieh, hynrei woh noh ha u fiuhkhlieh, bad ka Deribon ka kyndit thret, ka sdang ban lynfiar. Mar iamih "waw" na shyntur ka Deribon, u Risang u thab sbak, u set artat ia ka shyntur. Ka ksaid, ka ialeh, hynrei kam lah bad jar ka sngap. Katba u dang set ia ka shyntur, u Risang u phah ia u Shyntum ba un law ia u kynjri bran bran. U Shyntum u buh ia u torch-lait ha khlieh-thiah, u pyrshang ban law, hynrei katno katno ruh um lah. U sei noh da ka waitsum u ot tbak ia u ksai, u sa ring ter lyter ia u kynjri. U Risang u phah ia u Shyntum ba un nang mih shwa ma u, un rah artat ia ka synduk. Ynda la mih u Shyntum shabar bran u Risang u sa mih pynkloi, ia lade.

Ka Deribon pat balei ka shu sngap? Ka la tieng eh? U Risang u la lyngngoh, tang ba um ong ei ei. Thiaw ki ia-phet sha u lum uba ha pyrshah ka them metor, bad ki lap ba u Kartus bad kiwei kiwei ki lah iadon lypa. Ki iapynpait ia, ka synduk, ki ia-ioh ka ksiar bad san hajar tam tang ka tyngka kot suda. Ynda ki la iapynshong dōr ar hajar, ia ka ksiar ki ai lut baroh ha u Kartus, namār dei tang ma u uba tip hangno ban leit die ia ka. Na ka tyngka san hajar ki ai mar mar shihajar shīteng ia u Risang bad u Shyntum. Ia kaba tam ar hajar, bad ia kaba yn dang ioh ynda la die ia ka ksiar kin iasam hapdeng ki

saw ngut. Ynda ki la iasam bad ki la iasngewthuh katno katno kin ia-ioh, shwa ba kin iapra noh, u Shyntum u iathuh ba u la kum klet noh ia u torch ha ung ka Deribon. "Haba me la klet, la dep," u ong u Kartus, "lada me dei ban iap lashai ruh men iap marwei, me sngewthuh em ia kata?" u kylli artat ia u Shyntum U Shyntum u ong hooid, hynrei hapoh mynsiem u la khuslai tyngch ba u klet noh ia u torch-lait Khlem pep kane ka jingklet bieit jong u kan sa pynngat ia u ha ka ruh. U lah sngew lypa kumta U Risang pat u don la ka jong ka jingkhuslai, tang ba u dang shu pun shwa ha lade mynta Um pat iathuh iano iano ruh, wat ia u Shyntum ruh ba u i kumba ka Deribon kam shym pynhar mynsiem shuh ynda u la weng noh la ka kti na ka shyntur jong ka Tang khyndiat ruh ka khlem da kkih shuh Hynrei ha kane ka khyllip-mat hi kaba ki iakhuslai baroh baroh ka long ia u torch-lait U dei u jong u Kartus, u wallam u Risang u pyn-donkam khatduh eh u Shyntum Ha une u torch-lait khlem artatien ki dak-kti kin don bad kiba kham paw tyngkrein kin dei hi ki jong u Shyntum namar ba dei ma u uba bat khatduh Hynrei ki dak-kti jong u Kartus bad u Risang ruh ki lah ban paw, bad na kine ki dak ki pulit kin sa tip dei mano, bad kin sa kem ia ki, rvngkat ia kiwei kiwei ruh kiba iatrei lang ha kajuh ka Kang

"Me," u ong u Kartus ia u Shyntum, "phet noh na Shillong shisyndon, me iohsngew? Leit sha la shnong lada me don shnong, lada mem don, leit rieh shawei shawei pat saw san bnai, me sngewthuh?"

Dei na kane ka daw ba u Kyrhai (Shyntum) u wan poi sha shnong ban wan "peit ia ki kmie ki kpa," kumba u ong Ban da ka kmie u Kyrhai kam shym la pynmih ia ka kyrteng ka Deribon ha ka sngi kaba u poi, u Kyrhai un dang sah ha la shnong sa katto katne sngi, hynrei u sah tang shimied, kum lashai mynstep u lah leit noh Jan-

mied, ha kawei pat ka sngi, ki pulit ki lah da wan poi ha shnong u Kyrhai, ki wan wad ia u Shyntum, ki ong Baroh baroh ha shnong ki iathuh hok, ki ong ym ju don u briew uba kyrteng kuinta ha shnong Ban da don ruh, kaba artatien ba kin iathuh, hynrei haba ym da don shisha uba kyrteng Shyntum ki sngew khuid ka dohnud phir phir Ki pulit ki iathuh ba uta u Shyntum u leit tuh na ung ka briew kaba kyrteng ka Deribon kaba shong ha Umsohsun bad u da pyniap artat ia ka. Tang shu iohsngew ia kane ki kur ki jait jong ka Deribon—kata kaba iap ka dei ka Deribon jong ki, ne ka kur jong kiwei pat, kim don por ban da ap jingtip—brun bran ki khreh ki khrum ban leit noh hi bak bak sha Shillong

## V

U Kyrhai u wan sha shnong ban rieh na ki pulit U mih na Shillong dang step phyrngab hadien ka mied leit-tuh Um pat tip ba ka Deribon ka la iap Namar ba ki pulit ki shait don ha Stan Bos, um leit da ka bos, u iaid da ka kjat haduh Saw Mer, u sa ap ban kiew bos nangta Ha la shnong u sngew shngaiñ ba ki pulit kin nym ioh ban kem suk ia u Un jah sha khlaw lada ki wan Lada ki shu ap sah ha shnong ruh un sah ha kiwei kiwei pat ki shnong kiba hajan, un rieh Kumta, u lah pynkhreh ra lade, hynrei ynda u iohsngew noh na ka kmie ba ka Deribon ka la leit ialam ia ka Rimai sha Shillong, u kylla lut ki jungmut jingpyrkhat baroh Kan myntoi au ia u ba un sah mynta ha shnong ban ri ia lade haba ka Deribon pat ka la nang hikai ia ka para ban iaid ha ki lynti ka jingjah burom? Wat la, ia lade, u la iaid mynta ha ki kam tuh kam thiem, u sngew ba ka para khatduh hi ka dei kaba bat, kaba ri kyndong ia ka burom jong ka ung. La kumno kumno ruh tang ban lait na ka jah burom U sngew ba ka dei ka kamram jong u mynta ban leit wad ia la ka para, ban pyllait noh ia ka shisyndon na ki kti jong ka Deribon. U la shu neit beit ba ka Deribon kan sa pyn-



kylla kynthei dakaid ia ka para, lehse ka lah da ialam ruh ia ka sha kata ka lynti Ka briew kaba la im ia lade ha ka kam awria kum ka Deribon kan nym don da kawei pat ka jingthmu Katba u nang pyrkhath ia kane lei lei, u nang kwah ban poi noh kloi kloi sha Shillong Ha kato ka mied u pyrkhath biang hapoh mynsiem, ban da nga la tip ba ka Deribon ka la wan ialam ia i Bih sha Shillong, nga lah shu khfiot pyniap syndon hangto hangto hi, khun ki dakaid, khun ka poi-ei, khun ka u byrthen u kyriat bmat, u da khfiot artat da ki kti ia ka lyer, ba u la dom than eh Mynta ruh u pyrkhath ban shu leit beit beit sha ung ka Deribon, un kylli shano ka la leit buh ia ka Rumai, bad lada kam iathuh un shu ksh syndon na ryndang Hynrei lada ka iathuh hek bad vnda u la shem la ka para, un sa shu ai jungsngeng ia ka da kumwei pat laba kan da jah kwah Un sa wan ialam noh artat ia ka para sha shnong

Ha ka sngi ba u mih na shnong, um wan beit sha Shillong U sah ar mied ha kawei ka shnong, u sa wan ; bad vnda poi ha Lai Mer u hiar noh na ka bos, u iaid da ka kjat ba u tieng ioh don ki pulit kiba ap ha Umshyrpi ne ha Stan bos Ha Shillong u sa iohsngew ba ka Deribon ka lah iap ha kato lu ka mied shah-tuh U kyndit hynrei um da sngew tieng ia la ka met Kat kum kaba u tip, u sngew shngaiñ ba ym dei ma u uba pyniap, bad ba um shym iadon kti ei ei ruh ha kaba pyniap U pyrkhath marwei hato kiei kem kiba leit pyniap? Hynrei kaba u khuslai mynta ka long mano pat ban iathuh ia u hangno ka Rumai ka don? Kum lashai, la dang step u mih ban leit wad ungtip na kawei ka briew kaba ju mlien ka shang shnong. U iohi noh ia u Ken hajan Stan Bos. U ieng iakren noh bad u shiphang U Ken u nang iathuh ba u mut ban leit sha shnong ha katai ka bos (u kdew artat) kaba la kyrbuh ka enjin. Hamar kata ka por ki wan mih ki pulit na ba rieñ, ki kem trait ia u Kyrhai (Shyntum) Um iapyneh bad um kylli ruh balei ki kem U shu phai sha u Ken,

u ong, "Sa pyniathuh lem ia i Mei ba ngam pat lap ia i Bih, nga la shah kem noh ha ki pulit." Ba la bun eh ki kam tuh jong u shane shatai, u Kyrhai u la shu tharai ba dei hi ia ka kam tuh hangno re hangno ba ki pulit ki kem ia u.

Ar sngi hadien, u kpa u Kyrhai u lah da wan poi sha Shillong Na ba sangeh ki bos u leit beit beit shata sha Thanat ban leit peit ia u Kyrhai Imat la don kiba la pynbatai lem ia ka lyuti ban poi sha Thanat, hynrei ynda u la rung bad u la iaid ha Polis Bajar u kulmar noh, um tip shuh shano ka lyuti, ne hangno u don Ban tur sha Khyndai Lad ruh u sheptieng, u shu ieng noh kynthab ha kawei ka jaka hajan Bijou U peit kai, u lyngugoh shaer u briew u ialeit iawan haduh katne katne haduh ba la khapngiah sa ka surok Ki briew pat ruh um ithuli khmat shuh kino ki Khasi, kino ki dkhar Ban shu ieng sah hangne ruh ym long U la sdang iaid noh, hamar kumta de riew kynsan ka motor na shadien, u kyndit, u rynsied kynsan sharud, u ialymbub bad uwei u briew, ki jan iakyllon baroh ar ngut "Phi matlah ne phi lei?" u kylli dom une uba shah lymbub U kpa u Kyrhai u kmen pynban ha kawei ka rukom ba une u briew u dei u Khasi "Map, Bah," u ong, 'ba nga kyndit ia kato ka put-put,' bad nangta de u sa iathuh balei u wan poi sha Polis Bajar bad shano u mut ban leit 'Shano, Bah, ka lyuti Thanat?' u kylli Une uba shah lymbub ruh ynda u la peit ia u kpa u Kyrhai na khlieh ha kjat, u la ithuh ba u dei uba na sha nongkyndong aiu re, u isynei kylla noh ia u tymmeri uba phi, u ialam ia u haduh ka lad kaba leit sha Thanat "Khie leit nangne," u ong, "iaid beit beit phin sa iohi hi ia ka ung Thanat kaba saw ka tnium, phin sa iohi ruh ki pulit saw-khlieh kiba ia-iaid ia-ieng ha phyllaw." Ka mynsiem u kpa u Kyrhai ka sa wan biang de kluk Namar ba u la sngewbha eh, u iasong kwai noh shikyntien. "Huh, Bah," u ai u kwai, "ban iakhiah krat, ban ia-ithuh ithaw lashai lashisngi."

Ynda u la iaid shibit ar bit ha kane ka lynti, u kwai ruh um pat dep ktha pynlwet lut, u iohi pynban katai ka Rimai ka shong ha baranda ha kawei ka ung harud surok Mar ia-iohi de, "Rimai Rimai" u pyrta, ka jingkmien jong u kaba ym nang shuh ban batai Hynrei ka Rimai pat, tip ba ka la lehraiñ eh ba u kpa u iohi ia ka ba ka la riam khvllah, ne ba ka la sngew shon hapoh mynsiem ba u kpa u wan lap ia ka hangne, ne tip balei, ha ka jaka ba kan wan iakynduh ia la u kpa ka phet pynban jluk shapoh ung Wa, balei kumto? u la lyngngoh u kpa Haleh ka ngai ne, u pyrkhath, u kyrjud artat la ki khmat, la ki shkor Em, ka da dei hi ka Rimai, ngam shym iohi ngai, u pynskhem ia lade, bad u leit rung la ka leit rung shapoh ung "Rimai, Rimai, ko Rimai, shano pha don, ko khun, mih pha ong shane, nga u kpa te ei," u pyrta la ka pyrta hapoh ung Wan mih pynban da u dkhar, "kia halla karta, halla mat karo, jao," u ong, u kynhied, u 'byrthen U kpa ka Rimai um sngewtluh ia ka bneug ka khyndew, tang ba u ithuh ba une u dkhar u la dom "Babu," u ong, "nga wad ia ka Rimai, ka khun jong nga, ka rung hangne myntan, pynkhot lem seh babu," u ong, u leit artat shajan u 'babu" U dkhar pat u nang pynjur ka halla, u kynrup trait ia ka kti u kpa ka Rimai "Ieh, babu, ieh, pyllait, wat bat" u ong Hynrei um aili, u bat skhem hi triang U kpa ka Rimai ruh u la sngew dom, u iakhun ban lait noh na une u dkhar, hynrei ki iawan sa ar ngut kiwei pat ki dkhar, ki iabat lut ia u tymmen uba pli Rimai shi Rimai, u pyrta, "alle pha ong, peit une u dkhar u la iabat ia nga, alle pha ong, pham ithuh shuh la u kpa, ko Rimai, alle pha ong," u pyrta, u la bitar, u la thait hi ian, um lah iakhun shuh. Hynrei kata ka Rimai pat jar jar. Sa shi-sien u kpa u iaksaid tynggeh ban lait noh. "Ngan leit noh te me," u ong, "pyllait ngan leit noh shatai sha surok." Hamar kata ka por ki wan poi ki pulit ar ngut, imat la don ba leit khot. Balei, balei, ki kylli ki pulit da ka dkhar. Uba na ung u iathuh u ong, "Une u briew (u kpa u Kyr-

hai) u wan rung shapoh iing, u thap rung sha ki kamra, u mut ban tuh, nga lap noh ma ngi, u lehmyntleh noh kum u bieit." Ki pulit ki shim ia u kpa u Kyrhai na k kti, ki bat. "Kum me u tymmen ruh me dang wad tuh hi?" u kylli u pulit da ka dkhar ia u kpa u Kyrhai. U kpa u Kyrhai um sngewthuh, u la shu baiong ngit ka jing pyrkhath baroh Kat uba don, i kumba u ia-imsngi tang bar bat briew, u pyrkhath "Ko babu," u kren ia u pulit, "nga wan wad ia ka Rimai, ka khun, te, babu, nga iohi ka don hangne; u khun jong nga u Kyrhai ruh u don hangta ha Thanat, nga ong ngan leit shata sha Thanat te, babu hangno ka don?" u kylli artat. U pulit u rapet dom pyn ban "Ha, ha," u ong uwei u pulit, "Thana, ha, ha, mint leit thana," u kohnguh khlieh, u lehmyntkren da ka Khasi u ialam artat ia u kpa u Kyrhai shabar Ynda poi ha surok ki pulit ki khreh ban teh ia ki kti u tymmen da u tyllai "Ieh babu, ieh, wat teh," u ong u kpa u Kyrhai, u ring noh kynsan ia ki kti. Ki pulit pat ki khynfiat, ki shop ia u, ki thew tied pynban da u dieng Wa, ka pyrthei leh mon aiu eh kum kane, u pyrkhath Ki pulit baroh ar ngut ki iabat ia ki kti, ki iateh artat da u tyllai Dei ha kane ka por ba u kpa u Kyrhai u jaw ki ummat tylli, jrur, jrur Ka pyrthei aiu kum kane? Hato kaei ka pap ba nga leh ba ngan hap shah haduh katne? Naduh ba kha ka kmie ngam pat ju mad kat kane ka shem pap. Ko Blei, ko Trai Kynrad, to iabishar lem! Kumta, u dwai ha la mynsiem katba ki kjat ki nang jam pynjan sha Thanat

Haduh ban da poi ha Thanat u khlem da kren briew shuh. Yn kren iano? Uba iaset kyllut lut, Ynda la poi ha Thanat ki pynrung ia u ha kawei ka kamra kaba ki la ker da ki nar pynieng suda na sha khmat; ki phah shong ha kyndong, u shong, hynrei ka bneng bad ka khyndew ka la dum ngain. Um iohi shuh iaei iaei ruh. Um iohi ba ha kata ka kamra don sa lai ngut kiwei pat kaba iathiah lpen kum ki 'niang-set-rúh. Hapoh dohnud u sngew kumba ki jingpyrkhat ki iakynthih, ki ialymbub, ki iatyl-

lun, ki iaknieh ban mih shabar. U sngew kumba ki thied jabeng kin sa bthei U sngew kumba un sa lamwir. Ka khlieh ka baiong, ka mynsiem ka la pang, bad u pynhiar mynsiem jylliew, u da ud Baroh shimied u shu shong, u khlem thiah. Ynda la kynjat shai u khyllie la ka khlieh, u peit shabar. Utai u lum u iohi sha jngai, u jyrngam, jar jar, u i kumba um iadon bynta ei ei ruh ha kane ka pyrthei shem pap Ryngkat ka jingshai ka sngi ka wan ka jingkyrmen kaba pynsyaid ia ka dohnud jong u Dang don ka hok ha kitai ki lum kiba ieng skhem, ym don hukum ba u briew un shu shah shong kulai mon ha ka pap bad ka jingsniew. Kumta u sngew ha kane ka khyllipmat U kynmaw ia ka kmie u Kyrhai sha shnong, u sngew myllung ka mynsiem, ka shadem u sngew kumba kan pdang, u dohnud u kyndeh, ki ummat ki kyrsoi bad ki tuid sha ki ngab Uwei na ki lai ngut kiba iathiah lpen ha ka kamra u iohsngew kumba riew ksuk shi ksuk na kyndong U phai, u peit bad u iohi ia u briew uba shong bad la ka jaiñspong kynthrong, bad la ka jaiñkup U peit, u sngap shiphang Ka jingriew ksuk ksuk ka nang kham jur kham jur pynban Ia lade um nang thiah shuh, u khie noh, u leit peit balei ksuk shi ksuk u'ai u briew ha kyndong, u iam ne u leh au Shisien peit, um pat lap ba ithuh bha ia ka dur ba kah ka jaiñspong, ba u dem artat ka khlieh U iaid noh na shawei, u peit shin biang sa shisien U i kumba u la ithuh mynta U leit tur shajan, u dem, u peit shin bha Hooið kein, um shym bakla shuh "Pa," u ong, "balei hangne?" u kylli Mar ia-iohsngew ia ka ktien "Pa," u kpa u Kyrhai u lah sngewthuh ia ka sur u nongkren, bad u mied sha jrong "Wa!" u ong, ba u la kyndit eh, "Kyrhai, me hangne, nga la lap," u ong, u kner la ka kti, u dap ka mynsiem mam haduh ryndang. Um nang kren shuh, tuid sa tang ki ummat. Um shym poi pyrkhat ba un iakynduh ia u Kyrhai kumae, bad hangne Wat la ka jingiakynduh ka long hapoh along, ka jingkmien jong u ka la pynklet noh shibit ar bit

ia ka jingsngewsih kthang kaba mih na ki jingjia baroh kiba la wan jia shen. U Kyrhai ruh, haba u iohu ia ki ummat u Kpa, u iajaw ummat lang noh. U sngewsynei ia la u kpa ha ka jingtymmen jong u. U sngew pangnud ia la ka jong ka jingim. Ka wan shon khia ha ka dohnud jong u ba dei ma u, dei ki kam jong u, kiba la wallam ia kine ki jingjia baroh

## VI

Baroh shimied, hynne mynmied, ka Rimai kam shym ioh thiah hok, ba la bun eh ki jingpyrkhat. Ka poi pyrkhat ia u kpa bad ka kmie, ka pyrkhat ia lade ba ha ka jaka ba kan shong skul, ka wan shong pynban hangne ha ba ka don mynta. Ka pyrkhat ia kito, katto katne ngut, ki para samla, kiba ka la iohi ba ki iaher kynriang kumba her ki thapbalieh khoi-sner. Ka pyrkhat, tip kumno lashai pat ia ka hi

Ka khie ruh ynda la sngi bha. Kam pat ioh por ban riam ban beit, lane ban tah rong tah rup Rynjain kum kaei, u shñiuh ruh rangai kum ka men-iap-lok, ka shong syiad sngi ha baranda. Kynsan kynsan ka iohsngew, "Rimai, Rimai," na sha surok. Ka sur kaba ka ju iohsngew, ka sur kaba ka sngewthuh bha. Ka peit lieb, wa da u kpa shisha. Ka kyndit kat lah kat lai. Ka jingleh-raiñ ka wan tyllap ia ka baroh shi rymeng. Bran ka phet, ka rung jluk shapoh ung ban buhrieh ia lade. Da kumno ba u kpa u tip ba ka don hangne? Mano ba la leit iathuh ia u? Ka phuh sa ka syep ba ka la lehraiñ eh. Ynda ka lah rieh hapoh ung ruh uta u kpa u dang pyrta hi Rimai shi Rimai, sngew kumba un sa shu rung noh hi hapoh ka kamra ba ka rieh. Ka iohsngew u ong, alle shi alle, hynrei kam nud mih. Ka leit bthah pynban na shadien iing ia u trai iing ba un leit iathuh ia uta u briew uba pyrta ba kam don hangne. Ka la shu pyrkhat bieit ba suki suki lehse u kpa un sa shu salia noh, bad un sa shu leit noh

la ka leit kumto Kam shym poi pyrkhat ba kan jia pyn-ban kumba ka la jia Kam shym poi pyrkhat ba u trai ung un phah khot sa da ki pulit ban wan kem ia u kpa jong ka Kam shym phohsniew mynno mynno ruh ba kan iohi ia la u kpa ba u shah teh, shah khum ha ki pulit. U dohnud jong ka u kylla khluk Ka sngewsynei pangnud ia la u kpa. Balei ba kin da kem ia uba pli? U leh aii? U rung hapoh ung, u pyrta ia ka, hynrei um shym leh kaei kaei ruh kaba sniew Balei u trai ung un shu iathuh ia u kpa jong ka kumba ka la bthah, ba kam don hangne? Balei ba kin da leh bein leh tohm t ia u kpa haduh katto katto? Ka sngew rem kylla ba kam shym mih da lade Ka jingsngewsynei ia u kpa ka dait tdan sh, tdan ia u dohnud jong ka, kam ai shong shuh Ka la khreh mar mar ban mih la ka mih shabar ban leit ong ia ki pulit ba kin pyllait noh ba u dei u kpa jong ka, hynrei ki kjat kim treh khuh Ka jinglehran ka lah khum rnyieng ia ka Ka shu pwtngen noh ia lade da kaba tharai ba lehse kin sa shu pyllait noh hi kumto ia u kpa uba pli Haleh pat kin pyllait? La kumno kumno ruh ka la kut ka jingmut ba kan mih noh na kane ka ung Baroh shimied ka iohi sah ia ka dur u kpa Baroh shimied ka iohsngew sah ia ka jingkhoh jong u

Ka leit jia ryngkhat ba kum lashai mynstep, u trai ung u leit sha Kiewhati Ka ruh ha kata ka step hi ka mih bran na ung, ka leit beit beit sha Thanat ban phah pyllait noh ia u kpa Hynrei ki pulit kim kohnguh "Pha kaei?" ki kyli "Kumno ngin pyllait? Ia pha ruh ngim ithuh," ki ong. "Em" ka ong, ka sasai, "u dei shisha u kpa jong nga te, uba pli iakem hangtei mynhynnin." "U lah ban dei u kpa jong pha," ki ong, "pha ruh pha lah ban dei ka khun, hynrei ngim tip Pha kaba trei aii, kaba ktah aii, ngim tip Kumno, da ma pha, phan wan

bah jamin ia ki briew?" ki ong. "Khie phet, pha," ki kynhied, "ngim pyllait."

Ka la shu klun lut ia ka jinglehraiñ, ia ka jingsngew rem baroh. Ym don lad da kumwei pat, ka wan noh na Thanat da ka jingpang dohnud bad da ka jingiamrem. Ka khmat jong ka ka la tyrkhong hi rat. Ha surok, katba ka nang iaid pyrkhat sngewsih marwei kumno pat kan leh ban pyllait ia u kpa, ka iohi liak ia u Ken ba u iaid sha khmat. Ka ju ithuh bha ia u ha shnong, hynrei naduh ba ka la wan sha Shillong, shisien ruh kam pat ju iakynduh ia u Kan leh kumno? Kan leit iathuh ha u ia kaba la jia baroh? Lada ka iathuh ka la dei ban iathuh lut sha-phang ia lade ruh. Ka saw kyrang haiñ. Ka jinglehraiñ ka khang lynti noh. Hynrei lada kam iathuh kum ha u, hano pat kan iathuh? Kam ithuh briew iano iano ruh ki ban sngewlem ia ka jingshem jong ka, lane ki ban don ka maiñ ka burom, kiba lah ban iarap ia ka kum ha kane ka khim. Kam nud ban leit biang sha ung ito i tymmen iba khot ung ia ka hadien ba ka la phet noh na ung ka Deribon. Ka sngew lehraiñ iap ban leit pat sha ung i kmie u Bah Modring, namar ba ka la shu phet lyndet na ki kum ka nongtuh. Ka Deribon ruh, ka iohsngew, ka la shah pynap noh ha ki nongtuh. Wat lada ka dang im ruh ki pulit kin nym da fiw briew eh kum ia ka. Ka la poi shisha ha ka shyngkhan! Ka khan shiphang. Ka jingim ha sor, pleng! kam shym dap tang da ka jingkmen bad ka jingsngewbha suda kumba la pynsngewthuh ia ka mynshwa! Mynta ka la poi ha ka kut lad kut lynti. Hynrei u Ken? Ka wan biang khyndiat ka jingshngaiñ hapoh mynsiem, jait ba u dei u para shnong. Sa tang ma u uba lah ban iarap lem ia ka Ia kaba la lehraiñ lypa, yn lehraiñ pat sa katno? Ka iaid pynstet katba lah ban lap ia u Ken. "Bah Ken!" ka khot, ynda ka la lap. U ruh u kyndit. "Wa!" u ong, "shano kumne? Nangno phi wan?" u kyli. Shiphang kam nang jubab. Ka jinglehraiñ ka la wan tyллеp biang. U Ken u shu peit, hynrei u ruh



u la ithuh na ka khmat jong ka ba don kaei re kaei kaba wit hapoh dohnud jong ka. U kren ia ka kum uba ha ung, kum u hynmen. Ka sa klet noh ia ka jinglehrañ, bad ka sa iathuh lut phar khlem tyngkai shuh ia kaba la jia baroh.

"Shuh, ngan da leit donkam ha me i dukan jing jang. Nang ap," u ong. Ynda u la dep la i kam, u Ken u sa ialeit lang noh bad ka Rimai sha Thanat Ki pulit ki shah ia u Ken ban bah jamin ia u kpa u Kyrhai, hynrei u da hap ban iapyni nia shaid shi shaid haduh kumba shikynta ei ei shwa ba ki pulit kin kohnguh Ki sa pynmih ia u kpa u Kyrhai na hajot U tymmen uba pli u dang pang sah ka dohnud, u dang leh bieit jaugur Mynta ba u la lait um don jingpyrkhat shuh da kumwei pat lait tang ban leit noh hi bak bak sha la shnong Katba u Ken bad ka Rimai ki nang iathoh ia ki kot ki sla ha ka miej u daroka kumba dei ka rukom, u kpa u Kyrhai pat u lah nang iaid la ka iaid marwei Um kwah shong shuh ha sor Shillong. La-shubit, ynda u Ken bad ka Rimai ki la iamih na Thanat, u tymmen um don shuh! Uwei u pulit Khasi u iathuh ba u tymmen u lah leit naduh mynhynne U Ken bad ka Rimai ki iabeh pynstet nadien bad ki lap ia u ha Mot Phran, une u wad bos ban leit noh sha shnong!

## VII

Ka jingshah kem u kpa ka la pynkylla ia ka jingmut jingpyrkhat jong ka Rimai Lai bnai ka la ioh mad ia ka rukom im ha Shillong. Ka la ioh ruh da la ki khmat ia ka rukom im, ka iaid ka ieng, jong ki katto katne ngut ki para samla kiba na sha nongkyndong, bad kynthet bad shynrang

Naduh ba ka wan ialam ia ka Rimai sha Shillong, ka Deribon, da ki buit pah jong ka, ka la sdang ban pynshoi ia ka Rimai da kumne bad da kumtai, da ki khadu ksiar

aiu, ki baje kti aiu, ki jut aiu, bad da kiwei kiwei ki buit ruh ban "pynshong skul" ia ka Rimai, ym ha ka skul pule kot, hynrei ha ka skul kaba hikai ia ki khynnah samla kiba lului ban die tat ia la ka burom kynthei Hynrei ka Rimai kam kohnguh. Ynda ka iohi khlieh-la-ka sngi ba ka Deribon kam shym thimu ban leit ialam ia ka sha ka skul pule kot, ba ka iai khroh pynban ban pynliat ia ki ha ka kam kaba ka da sngewji haduh katta katta kum ban prie, bad ka da triem ruh ka met baroh shirynieng ka phet noh bran na iing ka Derbon, ka leit sah ha iing iwei i tymmen iba najan shnong jong ka, tang ba i la shong ha Shillong la slem. Ine i tymmen i kyndit bad i lyngngoh haba i iohsngew ba dei ka Deribon kaba wan ialam ia ka Rimai sha Shillong Im sngew nang pyrkhath kumno ba ki kmie ki kpa ki shah pynbieit kum ha ka Deribon, bad i sngewsynei ia ka Rimai I kyntu ia ka Rimai man ka sngi ba kan leit wan noli sha la shnong, namar ha ym don shuh ki skul ki ban dang pdiang khynnah thymmai, ba la palat ia ka shiteng snem, hynrei ka Rimai ka la sngew lehraiñ noh ban leit phai kylla, ioh ki iarkhie bein ki briew ha shnong. Khnang ban ioh la ka jong ka bam, ka Rimai ka khroh ia i tymmen ba in pynwad jingtrei ba kan trei, kat ha ba ioh Ine i tymmen i leit pynshong ia ka ha ka iing ki para Khasi kiba la phah pynwad nongtrei ha i Ka dei ka iing i kmie u Modring

Hynrei ka Rimai kam shym neh slem ha kane ka iing Wat la ka sngewji shisha ia ka rukom im kum ka jong ka Deribon, kam tip pat ba don bun kiwei kiwei pat ki jingriam ha kiba ki khynnah kynthei samla ki ngat doi ldoi khlem da pyrkhath, lynda ki long kiba skhem jingmut bad kiba rangbah ka jingpyrkhat

Uwei u dkhar u ju wan kai teng teng ha iing i kmie u Modring ba u ia-ithuh dei kam bad u Bah Modring Ha kawei ka sngi une u dkhar u lap ia ka Rimai ha surok ba ka mut ban leit iew. U ia-iaid ryngkat noh bad ka,

bad shwa ban rung ha iew u khot dih sha ia ka ha kawei ka restoran. Kam treh ba ka lehrañ, hynrei ynda u la khroh hor ka iabud ia u shata U iathuh khana ia ka pyrthei baroh kawei, hynrei kam shym da pynleit jingmut than eh ba dang sngew kulmar ka khlieh. Ynda la dep ka dih sha, shwa ba kan mih noh ban leit thied dohkha ia ki trai ung une u dkhar u iawer leit cinema "Em phi, mynta te ym long," ka ong "Lashai pat?" u kylli "Em phi, lashai ruh ym long, ba ngam lat" Shu kut noh kumta Hynrei saw sngi hadien, u lap biang ia ka hajan iew, bad ki ialeit dih sha biang ha kajuh ka restoran Ynda u la khroh la khroh, ka kohnguh ban ialeit cinema bad u kum lashai ka sngi Ha kata ka mied ka Rimai ka lah ong lypa ia ki trai ung ba lashai ka kwah ban leit iashem ia ki para lok kiba dang shu wan na sha shuong, tang ba ki iasah ha Laitunkhrah, ban kylli khubor shaphang ka kmie bad u kpa Kum lashai ha ka jaka ba kan leit sha Laitunkhrah kumba ka ong, ka leit ap pynban ha Khyndai Lad ha ka por khat-ar shiteng mynsngi, ka ieng hajan ka dukan die kot khubor, kumba la iakut bad uto u dkhar Kam shym ap slem Uto u dkhar ruh uha kyr-teng u Robin Das, u lah da mar iapoi U ialam shwa ia ka sha ka restoran ha pyrshah Kelvin ban iadih sha Ka Rimai ka sngew sarong shirukom, ka i phuhmut pluimbat ba ka la ioh leit bam restoran khah khah, ki jymbam ruh ki jait pa ki jait Ynda la poi ka por cinema ki iarung baroh ar ngut, ki iashong first class Ka jingkmien, ka jingsngew-tynnai khleh sarong jong ka Rimai kaba ym nang ong shuh Ynda la wai cinema, u ialam ia ka sha ki dukan, u thied kine kitai, ki umphniang sleh-khlieh aui, ki sabon aui, ki jingiewbih aui, u ai ia ka Ka lehrañ ban shim, hynrei u bat ia ka kti, u khroh Ka shim, bad haba la shim, la ngat ha ka shangkhiawiah!

U leit on ia ka haduh pdeng Mawkhar. Ka jinglehrañ jong ka ka la nang duna nang duna. Ka la sdang leh khyllew pynban, ka peit pynjrang ryndang! Shwa ban

ia khlad noh, ki iapynbeit ba kin ialeit cinema biang ha ka Sngi-saitjaifi ynda la wan ka film thymmai kaba itynnai

Ynnai da iabun ktien shuh Ha kaba lai sien ba ka leit iapait cinema lang bad u Robin Das, ka khlem da leit shuh artat sha ung i kmie u Modring Kiba iohi bad kiba tip ki ong ha ka la iashong bad u Robin Das ha Polis Bazar Shitaiew hadien ha ka la iashong bad unc u dkhar, katba ka nang syaid sngi ha baranda, ka iohsngew ia ka sir u kpa ba u pyrta ia ka ha kato ka step

### VIII

Ka Rimai ruh ka ialeit ryngkat noli bad u kpa sha shnong Naduh Shillong haduh shnong u kpa u Kyrhai um shym kren shikyntien ruh Ki jingjua kvusan kiba khyllah khyllah, ha sor Shillong, ki la set sbak ia ka shyntur jong u U lyngugoh tymmen ha ki khun jong u, pleng' kumto ki lah ban kylla ka jinglong bad kum kato pleng' ka jingim jong ki ha sor Shillong Ki jingsugewsih ka jingpangnud, ka jingsngew jah burom kaba um sngew don thylliej shuh ban batai Ka akor ki khun, pleng'

Ka Rimai ka ialeh katba lah ban klet noh ia kito ki lai bnai ba ka sah ha Shillong, hynrei kam lah shuh da lei lei ruh ban wallam pat ia ka jinglong shida mynsiem ia ka jingluilu, bad kam lah shuh ban syrdep pat ia ka jinglong sotti kaba la jot jah burom Kum ka dieng kaba la sah prek Lah ban sei lut ia ki prek, hynrei ki dak-prek ki sah sah! Saw snem hadien ba ka la wan phai na Shillong ka sa iapoikha bad uwei u para shnong

Ia u Kyrhai ki tian-bishar ba u leit tuh na ung ka Deribon bad ba u pyniap artat ia ka Haduh kaba kut um shym phla ba u ialeit lang bad u Risang sha ung ka Deribon Ki pulit ki la leh bun ki buit ban pynkren ia u, hynrei u sngap jar jar ia kane ka bynta Ia kaba rung ha

ung ka Deribon, nga rung, u ong, ia kaba tuh ruh nga tuh, u ong, ia kaba pyniap te, em, ngam shym pyniap, bad ngam tip mano ba pyniap, u ong U iathuh hok ba um shym pyniap ia ka Deribon Ki pulit kim ioh sabut nangno nangno ruh han pynngat ia u Risang ne ia kiwei kiwei pat kiba ha ka Kang u Kyrhai

U nonghishar u rai phatok ia u Kyrhai ar snem tang ia kaba u leit tuh Shaphang kaba pyniap ia ka Deribon, u ong ba ym don ka sakhi kaba biang bad kaba shai ba dei u Kyrhai uba pyniap ia ka Deribon Kumta um shym rai ei ei ruh halor u Kyrhai ia ka jingpyniap briew

U Kyrhai, ka Rimai bad u kpa ki la mad ia ka Shillong!

## Phim Ngeit ? (II)

"Haba la jrong than eh u thylliej briew, ka thma ruh ka lah ban khie, phim ngeit?" ka kylli ka Kong Lohi, ka la dom bha, da thnam sa ka shyntur

"Wa, balei ngam ngeit?" ka jubab ka Kong Marti Ki iashong kai ha ung ka Kong Marti Ka Kong Lohi ka la dom tyngeh ia ka Senli, ka para shnong, ba ka leit iathuh hana, sha ka Kong Lisa ba ka Kong Lohi ka ong ba ka Kong Lisa ka dei ka shynreh

"Nga ngeit kein," ka ban biang ka Kong Marti "Uto ei u kharkhronh ha iew mynshemsnem, uba khlem thylliej, phim kynmaw " ka kylli Ka Kong Lohi ba dang sngew dom eh, ka shu kohnguh khlem kren

"Uto u dkhar em," ka pur biang ka Kong Marti, "u wan na sha Panjab, ne na ka shnong au nga la klet noh Ha kawet ka sngi ki shnong ki shum ki ot tbak ia u thylliej jong u "

'Wow ko mei ' Balei?" ka la sngew shykhei ka Kong Lohi

"Ban loh shong suk ka kynthei khvnnah ha shnong ha thaw" ka iathuh ka Kong Marti

"Iiw eh ! Shi eh ! Sngew tieng phi !" ka ong ka Kong Lohi

"U khar-shatei u ialeh kumta kein phi," ka la kren batip ka Kong Marti "Katba u dang don ha shnong," ka bteng biang, "shu mih tang ka iakaja majia ha shnong, ki ong, ba u la lir lir than eh u thylliej une u dkhar, ka iashoh ka iadat ruh na u thylliej jong u, wat haduh ka thang ung thang sem ruh, na u thylliej jong u hi. Mynta

u la shu shang khrong kylleng Sha la shnong um ju leit shuh. Hana, u lah smai ha ka por ba u mih na shnong ba un nym wan phai shuh katba ym pat mih thylliej biang da uba thymmai "

"U ju mih biang u thylliej haba la ot ?" ka kylli ka Kong Lohi, ba ka sngew la kumba ot ia ka lakait ban mih biang da kaba thymmai

"Yoh u dang iapynsah kein khyndiat khyonsoit ba un mih biang," ka lehmynbatai ka Kong Marti

"Haba kren ruh um nang shuh, shu tang ka 'be-be-be' suda, kumno pat un dang nang smai, Kong Marti ?" ka kynmaw khliak ka Kong Lohi, ka kylli.

"O, shisha kein, mu ?" ka kyndit ka Kong Marti, ba la kum lait la ka ktien "Ngam shym da kylli kumno u smai," ka ong, kam banse ba la poi ha ka shyngkhan

"Phin kylli ne te, un nang hi ban jubab, uba pli ?" ka woh khak ka Kong Lohi.

Ka Kong Marti ka la shu sngap noh shwa Ynda kham shibit, haba la wan biang ka jingdom ia ka Senli, ka Kong Lohi ka ong "Em, kaba sngew dei Ban da ot noh ia u thylliej ka Senli ruh kan bha," ka da sngew hun artat kumba la roh ot shisha

Kane ka Senli kaba dang samla bad ka kham poh rta shibun ban ia ka Kong Marti bad ka Kong Lohi.

"Shuh phi ! Ban da bitar briew eh haduh katta te, leit long mo ?" ka la pynsneng noh ka Kong Marti. "Tip haleh u tam hi u thylliej jong phi ne, mano ban tip ?" ka kren pyni Ka Kong Lohi pat, khlem da mut, imat, ka sei la u thylliej lir lir ka jliah ia ka rud shyntur la jong "Ym ju bit ho ban lir lir than u thylliej," ka kynthoh ka Kong Marti, ka peit artat sha ka Kong Lohi, "mano mano ruh kein," ka kren hynmen noh pat

Ka Kong Lohi ka pyrkhath shiphang Dei ban don ka kynja jingthaw, hynrei kumno phin tip uno u thyllieij uba jrong, uno uba lyngkot? Tang shu jlah shyntur ruh yn ong noh ba jrong thyllieij? Em, dei ban da don ka jungthaw, ka pyrkhath

"Kum ia kano, Kong Marti, phin ong kaba jrong thyllieij?" ka kylli kai ka Kong Lohi, imat ba ka sngew shon ha ka jungmut la jong "Ma nga ruh, ma phi ruh, kein mo, kaba iohsngew ia kaei kaei, ngi iathuh lem, kein mo, ha ki lok ki jor, kein mo, shu lah hi ban set?" ka la kylli pat. "Haba iathuh lem, phin sa ong noh kaba jrong thyllieij?" ka pynkut artat

Ka Kong Marti ka iahap jungmut, hynrei jait ba la kylli ia ka, ka sngew ba ka dei ban leh rangbah ban batai

"Haba tam u thyllieij kein, ki ong kaba jrong thyllieij, ka iathuh, ka bam kwai artat ia lade ynda ka la iasong ia ka Kong Lohi de Ka Kong Lohi ruh ka la sngew iadei ia kata ka jungbatai, hynrei ynda ka la pyrkhath biang kata ka tam thyllieij pat ruh kaba ym da shai Kaba kumno?"

"Haba kumno pat phin ong kaba tam thyllieij?" ka kylli.

"Wa! Ia kata ruh phim sngewthuh?" ka kylli kylla pat ka Kong Marti "Ka long kumne kein hi-hi-hi" ka samrkhie noh, ba la sngew eh ban pynshai! "Haba tam u hei, haba jrong u thyllieij, phi tam u thyllieij, ym dei? La ia-ong kumta hynne, ym dei? Haba tam pat u thyllieij te ka mut hi-hi-hi" ka la rkhié noh biang, "hi-hi-hi haba tam u thyllieij te phi jrong u thyllieij kein, ym dei?" ka pynkut noh, ba shano shano ruh kam poi shuh, ka rkhié artat.

"Shisha kein, kumba ong ma phi hi-hi-hi" sa



ka Kong Lohi ruh ka la iarkhie lang noh Ew! ka jing-sngew bina!

"Ka shu long tang kumne kem, Kong Lohi kaba snuew ka wan mih tang haba tang haba "

"Kaba snuew ka wan mih tang haba la jrong thylliej kum ka Senli kem," ka knieh ktien noh ka Kong Lohi hi ka Kong Marti ka la shu teh teh hajuh shi hajuh

"Nga lah mut lu ban ong kem tang ba tang ba " ka khlem ioh kren pyngkut, ba ka wan rung noh hi da ka Senli ha ba ki iashong

"Kong Marti!" ka khot, kam pat lap ba iohi ia ka Kong Lohi ba ka shong ha ba kham dum "O!" ka ong vuda ka la iohi pat, "i Kong Lohi ruh i dou du, ka la bha," ka ong "Ko Kong Marti!" ka khot biang, "peit, seh, ki iakynnoh bein ki biew ia nga, nga la sngew lehraiñ haduh ba ngan peit khmat ia ki biew ruh ngam nud shuh," ka iathuh

"Balei, ka iakynnoh kumno?" ka kylli ka Kong Marti

Hooið kem kaet kaba kynnoh? Kumno ka iakynnoh?" ka pynbud sa ka Kong Lohi

"I Kong Lisa kem" ka iathuh ka Senli Ka Kong Marti bad ka Kong Lohi ki iapait lynggoh lang baroh ar ngut "I Kong Lisa i kynnoli ia nga da ki ktien kiba nga lehraiñ ban pynmih ha khmat jong phi"

"To iathuh kem pha kumno? Kata ka kong Lisa kan shu kynnoh ia pha khlem daw?" ka la pyneh ryndang ka Kong Marti

"Hooið kem, mano ban shu kynnoh khlem daw," ka la pynbud lem sa ka Kong Lohi

"Ki ong, hana, i leit iathuh i Kong Lohi ha i Kong Lisa " ka la sdang iathuh biang ka Senli hynrei lap ba bthei noh shwa na ka Kong Lohi.

"Ya kaei nga iathuh ma nga ? Kaba khlem raiñ kata ka briew kaba kren kumta " ka byrthen ka Kong Lohi.

"To ieh kan da iathuh shwa seh, Kong Lohi" ka dumok ka Kong Marti. "Kut ruh ym pat kut phi lah da kyrhuh noh ma phi," ka kynteit artat. "Iathuh, Senli, iathuh Yn iasngap shwa ia pha," ka la kren tymmen ka Kong Marti

"Hana, i leit iathuh i Kong Lohi ha i Kong Lisa," ka iathuh ka Senli, "i ong ba nga khot ia i Kong Lisa ka shynreh I Kong Lohi i kylli ia nga shisien balei ka briew ka iashum jait na ka shynreh ? Hynrei nga nga shu rkhe noh khlem da ong ei ei Mynta pat, hana, i Kong Lisa i kren bein ia nga, i ong balei ka wan rkhe bein ia ka jait ki briew Ka ka dei kaei eh, i ong, ka jait ki mrad ? Kam dei ka jait ki briew ?"

"Phi leit ong kumno, Kong Lohi ?" ka kylli biang ka Kong Marti

"Ngan leit ong aui ma nga ia kata ka Kong Lisa ? Tang iakynduh ruh ngam ju iakynduh "

"Pha pat," ka kylli ia ka Senli, "mynno pha iakynduh ia ka Kong Lisa ?"

"Nga ruh ngam shym iakynduh," ka iathuh ka Senli

"Pha ruh pham shym iakynduh, ka Kong Lohi ruh kam shym iakynduh, te pha ong du ba ka Kong Lisa ka kren bein ia pha ha ban da biang ?" ka kylli ka Kong Marti la kumba swar u plidar

"Ya nga ka iathuh ka Riti," ka ong ka Senli.

"Kato hi, pleng, ka jrong thylliei !" ka ong ka Kong Lohi, ka ieng artat jort, ka iaid sha jyngkhang kum ban muh noh.

"Wa! Ko Kong Lohi, shano phin leit?" ka kyli ka Kong Marti

"Ngan leit ot ia u thylliej ka Riti," ka jubab ka Kong Lohi, shiliang ka kjat ka la kam sha khvndew

"Alle phi, shong, wat kren kum kaba lamwir," ka dumok ka Kong Marti, ka ieng artat ka ring noh ia ka Kong Lohi shapoh ung "Phin leit ot uta u thylliej, phi la ong ia ka Riti ba kan sei lypa u thylliej?" ka kyli

"Em"

'Shong shong Ynda iaphah khot shwa ia ka Riti, ynda iakylhi kem," ka ong ka Kong Marti

"Em, ngam kwah peit ia ka khmat jong ka, ka pyneli ka Kong Lohi

"Ioh ka phut pynban ka Riti ia u thylliej jong phu ho, lashai," ka pyntieng ka Kong Marti

"Balei kan phut? Ym dei ma nga kaba jler," ka ia-ai nia ka Kong Lohi Ka Kong Marti ka rung sha ungsbet-ja jing jang, ka sa wan biang

"To shong phi, nga la phah khot, kan sa wan hi kumne kumne Ynda ka la wan yn sa iatip yn ia-ot ia u thylliej jongno," ka ong ka Kong Marti

Ym shym slem Katai ka Riti ka la wan, lkheng met-bah kat kaei Bad ka jrong bad ka heli

"Balei Kong?" ka kyli ia ka Kong Marti, tang shu rung, ka peit ka puh samrkhie artat sha ka Kong Lohi bad ka Senli

"Ko Riti," ka la leh nongbishar ka Kong Marti, "pha leit iathuh aui sha ka Kong Lisa?" ka kyli.

"Mynno? Ia kaei?" ka samrkhie artat

"Mynno mynno ruh kam pher Pha leit iathuh ne em ba ka ong ka Kong Lohi?" ka la buh jingkyli biang ka

Kong Marti. Ka la ju leit sngap kai haba bishar briew ha iingshari Ym ju bit ban kylli shai eh haba swar, u ong uwei u plidar Ka bud ia kata

"Ba i ong kumno i Kong Lohi?" ka kylli ka Riti, kam pat sngewthuh ia ka jingkylli

"Ia kata kein pha, nga kwah ban tip Ka ong au ka Kong Lohi ha pha ba pha leit iathuh pat sha ka Kong Lisa?"

Ka Riti ka dang shu peit lyngngoh hi Balei ka Kong Marti kam shu kylli beit kumta naduh mynhynne? Ka peit sha ka Kong Lohi Ka Kong Lohi pat kam lah kun shuh

"Ia kato te pha, ba iakren ha kato ia ka jait shynreh," ka pyniathuh

"O! Ia kato?" ka ong ka Riti "Ha kato shisien ba iakren kai, i Kong Lohi i ong ka Senli ka rkhe iap-ang ba i iathuh ba ka Kong Lisa ka dei ka shynreh"

"Em pha, nga ong ka jait shynreh, pha," ka la knieh ktien noh ka Kong Lohi, hynrei ka Riti kam kylla, ka leh kumba ym iohsngew ia ka Kong Lohi, ka iathuh shuh

" hana, ka Senli ka ong, sngew phylla ba ki briew ki iashim jait na ka mrad" Ka Riti ka iohi ba ka Kong Lohi ka kohnguh khlieh Ka Senli pat ka la knieh ktien noh

"Pha iathuh ia nga da kumwei," ka ong

"Ba la slem kein pha, pham kynmaw shuh pha iohsngew da ka shkor kamon, ne da ka shkor kadiang," ka ong ka Riti

"Ba la slem kein pha, ma pha ruh kajuh Ha kato u thylliej jong pha u kren da kumwei, mynta pat u la kren da kumwei," ka kren pyneh ka Senli

"Pha iajrong thylliej hi ia lade, pha wan kynnoh pat ia kiwei," ka la kren bitar sa ka Riti "Ha kato ruh ba

nga iathuh ha pha bad ha 1 Kong Lohi shaphang u khun bsein, pha pha leit iathuh sha ki briew da kumwei, i Kong Lohi pat 1 leit iathuh da kumwei," ka kynnoh ka Riti bad trait bad trait

"U khun bsein?" ka la kylli lyngngoh ka Kong Marti.  
"U khun bsein auu pat uta?"

"O, phum pat iohsngew?" ka la kylli shwa ka Kong Lohi "Ka pyrthei baroh kawei ka lah iatip, kumno phi pat phum tip? Ka kha ka briew da u khun bsein" Ka iathuh pynkloi ka Kong Lohi ioh lap ba iathuh noh kiwei.

Wan rung sa 1 Kong Sidon I sngew lehraiñ ban iathuh hok ba 1 wan ban ialorni ia u khun bsein, 1 ong noh ba 1 wan wad pylleng

"Wow ! KO Sidon ! Mynno pha ju tip ba nga die pylleng ma nga?" ka kylli ka Kong Marti

"Nga ong nga wan wad pylleng ym dei kein na phi," ka jubah ka Kong Sidon Ka sian "Nga leit wad pylleng na ung ka Khaimon kein, nga khlem ioh, ka iathuh khana noh ia u khun bsein Tang shu kha u lah par kumba par u bsein, hana, auu ! ka jingsngew triem!" ka ong, ka da pynkhih ki tyrpeng "Ka kmie kaba pli kam banse, bad ka sngewrem, bad ka sngew lehraiñ ka shim ka klum khop shi khop"

Wan rung sa u Bah Melo, u dang wan na shaei re shaei

"Ko kpa ka Ril," ka khot ka Kong Marti, "phi ioh-sngew ia uta u khun bsein?" ka kylli Ka Kong Marti ka dei ka kmie ka Ril

"Em, ba u lei, haei?" u kylli, u shong artat

Ka iathuh biang ka Kong Marti kumba iathuh ka Kong Sidon.

"U kpa te, hana, tang ban kren briew ruh um treh shuh, ba u la sngew jem rngiew la ka longkpa. Wow !

Ka pyrthei khyllah au kum kane mynta, ka iakha khun sa da u khun bsein," ka nang pur shuh ka Kong Sidon "Lashai lashisng, sa ki khun khla, khun dngiem ter shi ter Dang mynno kumto, shisien, kim la iathuh khana ba ka briew ka kha iba kum i khun blang?"

Ka Kong Lohi, ka Riti bad ka Senli ki iapeit kawei ia kawei, ki shu iasamrkhie kynsan, ki iarkhie kak baroh lai ngut U Bah Melo bad ka Kong Marti ki iapeit lyngngoh Ka Kong Sidon ruh ka la sngew lehraui ba i kumba ki iarkhie ia ka.

"Balei ka iarkhie kumne?" ka kylli ka Kong Marti, kumba thut

"Iathuh ma pha," ka ong ka Kong Lohi ia ka Riti

Ka Riti pat ka kyntu ia ka Senli, ka Senli pat ka kynshuit ia ka Kong Lohi Ka Kong Lohi ka sa pynbor ia ka Riti ba kan iathuh

"Nga ruh nga iohsngew kein ia uta u khun bsein," ka iathuh ka Riti "Kumba nga iohsngew, iba tang shikhup, nga iathuh ha ka Senli Ka Senli pat, ba ka iohsngew na nga ka leit iathuh sha ki briew da kaba shitda I Kong Lohi ruh, i leit iathuh pat haduh shipruh," ka rkhe artat "Mynta pat sa u khun bsein i Kong Sidon Kano kaba shisha ngam nang ong shuh Ia kata kein, ngi iasngew samrkhie"

"Pha pat pha iohsngew kumno?" ka kylli ka Kong Marti.

"Nga nga iathuh ha ka Senli ba ka briew ka kha khun bsein, bad tang shu kha i thap puh pynban ia ka kmie," ka iathuh ka Riti.

"Em pha, pha da ong ba ka khlieh ruh ka khlieh briew," ka pynbeit ka Senli "Nga nga iathuh sha ki briew kumta."

"K1 briew pat kiba iohsngew na pha k1 iathuh da kumwei du," ka ong ka Kong Lohi ia ka Senli

"Phi pat phi leit iathuh kumno sha k1 briew?" ka kylli ka Kong Marti ia ka Kong Lohi

"Nga te kumto hi kein kumba nga iohsngew Nga ong na syngkai shaneng kum u khun briew, na syngkai sharum te da u bsein, tang ba dkut noh i tdong khyndiat ha ka por ba kha, ym dei, Riti?" ka kylli

"Mynno nga ong dkut i tdong? Nga ong i don iba kum i tdong khyndiat, phi," ka ong ka Riti

Ka Kong Lisa ka dang long shynreh ne ka la kylla langbadur ne ka jait mrad au pat, kim salia shuh, k1 la ioh ka jingiakren mynta kaba kham ioh lad ban iabsut la i jong i jong bad ban ia-ong "hana" shi "hana te phi" U Bah Melo u la shu sngap khlem kren U ruh uba la mad ia ka 'tienbriew Ka mih na ka shyntur uwei u briew da kumwei, ka rung ha ka shkor k1 nongsngap da kumwei, ka mih pat na ka shyntur jong k1 da kumwei Yn ong u thylliei jongno uba kham stet padiah? U jong k1 kynthei ne k1 shynrang?

"K1 la shu iathuh khana puriskam phi ia uta u khun bsein," u ong Na k1 saw ngut kiba la iathuh um pat sngewthuh kaei ka dur uta u bsein

"Wa, i Bah! K1 iathuh baroh baroh te! Kiba da ialet peit ruh bun, k1 ong," ka iathuh ka Kong Sidon Ka Kong Lohi ruh ka nang pynskhem shuh shuh kumba ka da iohi

"Ka da kha shisha kein Bah Melo, ngin shu kren kai eh kat ia kane ka kam ngi leit nud shano?" ka ianoh jungtip lem ka Kong Lohi

Ka jingiakren ka la shu thnam shaid tang ia uta u khun bsein Ia kaju shu kaju shiphew sien ne. Katba kin da iapra noh sha la ung la ung, u khun bsein ruh u

la nang kham sngaud, ka dur ruh ithuh te ym pat da ithuh, hynrei u la kylla na kaba iathuh nyngkong ka Riti Ba ki shu iashongshit kynthei ban pynkhray pynshoh ia ka lorn ne ba ka da kha shisha kata ka briew da u khun bsein? U Bah Melo u pyrkhat Ynda u leit sha sor un sa nang ioh jingtip shuh Ban da leit kylli khnang te kaba ym bit Paw bieit noh u rangbah briew Ioh kim iathuh pat un leh kumno? Kaba dei ban da ioh jingtip shuh shuh Ka long ka jingphylla kaba khraw, lada ka long kaba shisha O! Dei kata kein! Ka jingshisha! Dei ban wad ia ka jingshisha Balei yn lehrañ haba wad ia ka jingshisha? Tang ba dei ban ri ia ka jinglong rangbah Kumta, u Bah Melo u pynhun pynsngaiñ ia la i jingpyrkhat

Ar sngi hadien, ha ka sngi Lyngka, u Bah Melo u leit wad dieng sawdong na ung i Kong Ledi ha Jaiaw U la pyrkhat lypa kumno un leh, ne kumno un kren, ban lam ia ka jingmut i Kong Ledi sha u khun bsein, lada i hi im sdang ban iathuh

I Kong Ledi im don ha ung, i leit kai sha ki para marjan, in sa wan, ka iathuh kaba shong ha ung Ka phah shong Tip kan dei kaba ha ung ne kaba trei ruh, um ithuh

"Phi la shong la slem, Hep, hangne?" u kylli Suki suki u la shu khmih lynti ba kane ka khynnah (kaba la 12-13 snem) kan sa iathuh khana ia u khun bsein Ka shu ong, 'Hooi'

"Phi ju leit sha iew?" u kylli biang "Hooi," ka ong biang Kaba tang shikyntien tbut tbut!

"Ki iakren au, Hep, ha iew?" u kylli sa shisien

"Tip," ka ong. Imat kane ka khynnah kaba bieit ne kaba ym pynshah shkor ia ka jingiakren ki briew. Na ka wei ka ung kaba hajan, wan sawa ka radio. Mar ia-



sngewthuh ia i sur, kane ka khynnah ruh ka pynkluh la ka khlieh, la ki tyrpeng, ka padiah artat da ki kjat U Bah Melo u la shu peit lyngngoh noh shiphang Ym i don lad bai ioh iapur sha u khun bsein U la pyrkhat bai shu pyntrei kam noh da ka buit kaba u la pynklreh lypa naduh ung

"U bsein!" u pyrta kynsan kumba kyndit, u peit sha ka khynnah u kdew artat sha phyllaw sha ka jungker kper Ka pat kam kyndit Ka pynkluh khlieh hi kum mynhynne, ka peit sha ba u kdew

"U tyllai," ka ong, khlem sangeh ki pynkluh khlieh

"Nga i kum u khun bsein," u ong lehraun pynban, hynrei u da ngeit pat ba tang shu iohsngew ia ka kyrteng khun bsein, kan sangeh ka pynkluh tyrpeng, kan iathuh khana noh ia uta u khun bsein Hynrei kam pynsngap U Bah Melo u la shu peit sha ka Ynda u peit u peit u thap pynkluh tyrpeng pynban ia lade U phai noh shawei Hynrei ynda u la peit biang sha ka u kum pynkluh biang ki tyrpeng

"Em," ka ong, ka peit ia u, ka nang kham pynkluh shuh la ki jong ki tyrpeng "Peit, kumne" ka ong, U ruh u peit U la sdang pynkluh ki tyrpeng hynrei lap ba wan noh ka Kong Ledi

"Wa! I Bah Melo! Phu la wan la slem?" ka kylli

"Em," u ong, bad ka sugew lehraun artat ioh ka la iohi ia u ba u pynkluh tyrpeng "Nga iohi kum u khun bsein"

"Hanguo?" ka Kong Ledi te ka da kyndit shisha

"Hangtai ha dieng-kper, tang ba ine i Hep i ong dei u tyllai," u sdang iathuh

"Ani! nga lah da jan her sa ka syrngew," ka ong, "nga nang pyrkhat ia uto u khun bsein kein, ba ki la ia-thuh khana ki briew ter shi ter"

Ka buet jong u ka la trei kam

"U khun bsein au pat uta, Kong Ledı ?" u kyllı kloı lan, ıoh ka pur noh shaweı shaweı.

"O, phim pat ıa-ıohsngew ?" ka kyllı "Anı ! ka jung-sngewı, te phı ! Kata ka jıngkha khun bsein ka bırew ! Khıe leit shım u shangkwaı, Lına," ka phah ıa ka khınnah pınkhiı-khıeh

"İne ı meısan te," ka khııum ka Lına, "hamar ba la sngewtyınnat bha ka radio" Haba khııum te ımat kham mıh bun kı ktıen ! Ka leit shım u shangkwaı, ka wan au Bad ka ıasong kwaı artat, ka Kong Ledı ka la sdang ban ıathuh khana ıa u khun bsein

"Hana, na syıgkaı sharum sop da ka snep bsein kum u bsein İ tđong te kum ı tđong dohkha, kı ong. Ka met pat da ka met bırew, tang ba ka khıeh kaba heh kat u shang Kı ktı, kı ong, kum kı ktı mıaw mo kumto ?" ı kyllı ı Kong Ledı ıa lade

"Khun blang," ka ong ka Lına

"O, hooid, kum kı ktı khun blang Ka kham kınnaw kateı te," ı ong.

Ka dur u khun bsein ka la nang pher U Bah Melo ruh u la nang kyrkıeh mynta ban wad bad ban tıp ıa ka jıng-shısha.

"Phı tıp kha hangno, Kong ?" u kyllı

"İa kata te ngam lap ba ıohsngew "

"Cıvıl," ka la pınnıathuh noh ka Lına.

"İa nga ruh ı ıathuh ı Kong Sıdon jong phı na shateı keın, hınnı ha ıew Hana, u kpa u tang shu ıohı ıa u khun bsein, u ong, 'Map, Bleı, baleı kumne ?' u phet artat khlem leit shuh, kı ong"

U Bah Melo u la shu sngap jar. Kumba tyllun u mawpyllun ha ka por slap halor ka madan kaba dang shu lah tih, u nang kut khyndew, u nang sngaid, u nang heh, u nang kylla ka dur

Ynda la dep ka iakren dieng sawdong bad ka Kong Ledi, u Bah Melo u wan noh sha ung U iathuh khana pat ha ka Kong Marti ia kaba u la nang iohsngew na Jaiaw

"Sa tang u thlen kein uba kylla dur katba mon," ka ong ka Kong Marti

"Tip phi katba nang iohsngew nang sngew pynban kum kaba shisha te phi," u ong Um banse, haba u la kut jingmut ban wad ia ka jingshisha ha ban da shem

Kum lashai u Beh Melo u leit wad maw khnang sha Nongthymmai U leit ha ung i Kong Kynti, ba u ju shum maw na i

"Kumno, Kong?" u ong ynda u poi ha ung "Phi iashait, em?" u kylli, kumba ju dei akor

"O! I Bah Melo Iashait hi phi, tang ba baroh baroh ki la shu iathuh khana tang ia uta u khun bsein," i jubab i Kong Kynti, ka jingmut jingpyrkhat ka la shu phalang noh sha u khun bsein "Ki briew ki la ialeit peit kai lin shi lin te phi, ki da iathied tiket shi-shisuka, ki ong." Um da donkam shuh ban pyndonkam la ki buit ban pynkren shaphang u khun bsein!

"Phi ruh phi la leit peit, Kong?" u kylli

"Em, phi, nga te ngam pat leit," i ong, "kiwei kiwei te bun kiba la ialeit"

"Uba kumno uta u khun bsein? Kha mano?" u leh-mynkylli

"Tip ki ong, hana, ka khlieh te ka khlieh briew, u thylliej pat lir shi lir kum u thylliej bsein Na syngkai

sharum te da u bsein khlem da iapher Tip phi, ka iathuh kumta te phi, kaba ialeit peit Ki kti pat syriem ia ki kti jakoid, hana. Kha mano te ngam tip phi Bah," i la leh pat kum ba ym tip

"Em, nga mut kha ka bsein, ne kha ka briew?" u kyll biang

"O!" i ong, (halei in nym tip kum ia kata?) "kha ka briew phi, ki ong Nga sngew kumba ki ong ka kha ka briew kaba na sha nongkyndong U kpa te, hana, u ong ka bha ba un iap noh O! Kane ka Kiti ka la wan," i ong, ka wan rung artat ka Kiti "Ya nga ruh ka wan iathuh kane kein," i ong, "uta u khun bsein te pha," i peit artat sha ka Kiti Ka Kiti ruh ka la peit khmat kum kaba la tip lut naduh shwa ban kha ia uta u khun bsein! Ka Kiti kaba dang khyannah samla bha, kaba subam ka riam ka beit "Jhiam!" ka jyrhoh bhabriew shwa shisien kumba jyrhoh ki aktres

"Mynta," jhiam! ka jyrhoh biang "ki la pynthiah ha iwei i kamra Ki la ker da ka ut kaba heh katne " ka la sdang iathuh ka Kiti, ka kner artat ki kti baroh ar ban pyni ia ka jingheh ka ut, kumjuh ruh ba kin ia-iohi ia ki khadu ksiar ba ka deng

"Pha khlem da iathuh lem du ia nga," i la thap kren bishni i Kong Kynti Ka Kiti kam pat pynsngew

"Ki ker da ka ut ba kin ioh peit ki briew," ka bteng ka Kiti, ka peit jylheb de khyndiat, ban leh bhabriew kein

"Hangno ki pynthiah, Hep?" u kyll u Bah Melo u pyrkhat ia u khun bsein

"Hangno kumto?" ka la kyll ia lade, "hi-hi-hi," dei ban da rkhe noh khyndiat, "ki la iathuh ki briew, tang ba nga la klet noh, hi-hi-hi ,Ya kaba kha te nga tip Kha hangthie ha Welfare," ka iathuh.

"Uba kum u bsein am, mo?" u kylli biang, u kwah ban sngapthuh ha kano ka dur pat un wan mih u khun bsein na ka shyntur ine i thei-bhabriew

"Na syngkai shaneng dei u briew, tang ba ka khlieh ka la shim ia ka dur khlieh hsein, da don sa kiba kum ki reng ar tylli kiba dang shylluit, hi-hi-hi "

'fa kata ruh pha khlem da iathuh du ha nga myu'ne mynstep," i la khñium biang i Kong kynti

"Nga dang iohsngew pat myntan te shwa ban wan shaue, hi-hi-hi" ka batai ka Kiti bad ka rkhe bhabriew artat U Bah Melo u la nang sngew phylla ia ka bor une u khun bsein uba kylla dur la jan man ka sugi, ha man la ka shyntur ki briew

'Na syngkai shatun te thik da u bsein Ban shu peit kumto tang sha trai hi-hi-hi ba u kyllaam kum u bsein la shu tharai beit hi ba u dei u bsein," ka la nang batai shuh ka Kiti

Phi da iohi, Hep?" u kylli

'Em, ki iathuh kito kiba da iohi kem hi-hi-hi U kpa u ong, bha ba shu pyniap noh ba la sngew jah burom than eh, hynrei u khun bsein u kren te phi hi-hi-hi u ong phin da pyniap ruh ngam iap"

'Ya kata ruh pha khlem iathuh, pha, ei," i la kren dom i Kong Kynti, hynrei shwa ba ka Kiti kan batai u la kem ktien noh u Bah Melo

"Phi ong kha hangthie ha Welfare mu Hep?" u kylli

"Em phi, kha ha Civil Hei, hi-hi-hi hangno kumto shisha? Hi-hi-hi! O, hooid kem hi-hi-hi ka mut ban leit sha Welfare, ka iabud leit shim dawai noh shwa sha Civil ia ka paralok Katba nang ia-ap dawai ka kem suh kynsan, ka shong noh ha madan, ka lynñiar kliang. Ki sa iawan ki briew, ki pynrah noh sha ki ward, hynrei kat

ban da wan u doktor ka lah da kha da u khun bsein Mynta te ka la don ha Lawmali "

U Bah Melo u la king ka khlieh. Hynne ka da ong ba kha ha Welfare Mynta pat ka la pynkha noh shawei. Ki jungkah dum ia ka jungshisha ki dang don Em, u ong ha lade, ngan da shang sa shawei shawei de ban sngap ban iohsngew shuh shuh au ki iakren ki briew shaphang u khun bsein Nga dei ban lap ia ka jungshisha, u ong ia lade

Ynda u la dep ka iakren kam maw bad i Kong Kynti, u wan noh sha khlieh Nongthymmai Na iwei i dukan harud surok u leit ban thied sikret Hajan i dukan lai ngut ki samla, bha dur, bha met, ki iakren pynleit jungmut bha Ka riam jong ki te la kumba khleng hi jlut na ki cinema, la ki sopti snieh, la ki patlun biri, la ki juti phyrnai-nep-khmut shliir shliir.

"Hooid kein me," u ong uba nyngkong, u peit artat sha u Bah Melo, "u siaw kum u bsein, ban kren briew pat ruh u nang "

"Nga pat, ba nga leit peit myn'ne mynstep," u ong sa uba ar, u da kham pynjam artat ban iohsngew u Bah Melo, "nga iohsngew u kren sah khlem sangeh, kum ka sur rangbah "

U Bah Melo u la lyngngoh, bad u la nang kwah tip shuh shuh ki iakren au kine ki briew. Siaw kum u bsein, kren pat kum u briew ! U tur kham pynjan shuh shuh sha kine ki lai ngut, u kynthah sikret Ki ruh ki iapeit ia u

"Ba la bun than eh ki briew kiba ialeit sha Lawmali hynne mynstep, la kulmar thlim ka hospital baroh kawei," u ong uba ar, "mynta ki la buh noh ia uto u khun bsein shabar ha iwei i dara "

Mar ia-iohsngew ia ka ktien "khun bsein," u Bah Melo um nang sngap shuh. U sngew ba u la nang jan nang jan mynta sha ka jungshisha.

"U khun bsein au phi iakren?" u kylli.

"Uto kein u khun bsein ba la bna ka pyrthei baroh kawei Phim pat iohsngew?" u kylli uba nyngkong

U Bah Melo u ong khnang "em," ba u kwah ban iohsngew au pat kine kin iathuh shaphang u khun bsein

"Ka kha khun ka briew te, hangtai ha Lawmali, da u bsein, phim tip?" u la sdang iathuh uba ar

"Tang ba u nang ban kren briew," u ong uba nyngkong

"U kpa u la mut ban pyniap noh ba u i tieng, hynrei u khun bsein u ong wat pyniap ngan sa iap hi," u ong uba lai

"Ngan sa iap hi ynda la kiew ka dor u khaw san tyngka shikilo, u ong," u iathuh uba nyngkong

"Hynnun ki dang shum shi-shisuka shitiket," u ong uba lai.

"Naduh lashubit kin shum noh shi-shityngka ba la bun eh uba leit," u ong uba nyngkong

Lah uwei sa uwei, khlem sangeh ka jingathuh La thait sa ka ryndang u Bah Melo uba pli ba u phai na uwei sha uwei ban sngap

"Lai sngi mynta tang ka bai tiket ruh ka la poi haduh 10,000 tyngka," u iathuh uba ar kum uba da wan niew.

"Em me, 30,000," u ong uba nyngkong Tang 20,000 u bakla uba ar!

Ka jingskun u Bah Melo kaba ym nang shuh ban batai U la kwah ban shu leit noh hi bak bak, ban iohi da la ki khmat ia u khun bsein.

"Mynta ruh u dang don hi, em?" u kylli. Shu don hi i jingsyier ioh um don shuh

"U dang don kein, phim iohsngew ba lashibit kin die noh shi-shutyngka shitiket? Balei? Phi ruh phi kwah leit?" u la nang pyinkwah uba ar.

Hoo'id kein, u kwah. Kat kane ka kabu ! Dei ban kyn-rup haba dang ioh Wat san tyngka shitiket ruh um bynnud ban siew Kumta ki iaid ki jingpyrkhat hapoh dohnud u Bah Melo.

"Tip ei, katta te phim ioh tiket shuh phi na shatai," u ong uba nyngkong U Bah Melo u la sngew diaw noh khyndiat.

"U Beli u la die lut?" u kylli uba ar ia uba nyngkong Kine ki samla kiba pyrkhat lem, pleng ! ia ka jingkwah jong u, u pyrkhat u Bah Melo.

"Kawei ar dang lah hi lehse ban ioh, lada leit kloi Kumto ba nga wan ma nga hynne ruh ki briew ki dang iabun kiba ap tiket," u iathuh uba nyngkong. U la syier biang u Bah Melo Balei kim ialeit noh kloi kloi kita kiba ap tiket ?

"Nga nga shu rung nadien iing hynnin," u ong uba lai, "ba nga leit pynthied san tylli ki tiket ia ki lok Na khmat phim lait rung. Wat na shadien ruh, shu leit dei ba nga ithuh bha ia u Beli bad kiba ha iing jong u, nga sa ioh rung" Ka jingkyrmen kam ju iehnoh ia kiba leh shitom ! U Bah Melo u peit ia une u samla da ki khmat kiba jaw tylli da ka jingsngewnguh.

"Hangno ka iing uta u Beli?" u kylli u Bah Melo, tang ka sur kylli ruh ka la dei hi ban pynum ia ka dohnud jongno jongno

"Jngai te kam shym jngai phi, Bah, hynrei ban lap ia ka iing te kaba shitom," u ong uba lai "Lada phi kwah tiket, ieh ngan shu leit pynmareh ma nga jing jang," u tyrwa sbun artat. Uba nyngkong bad uba ar ki iamynjur, bad ki kyntu ia uba lai ba un leh shitom khyndiat na ka



bynta 1 Bah. Dap ka mynsiem u Bah Melo shapoh mam Kham ñiar ban lap ki bñiew kiba pyrkhat na ka bynta kiwei U sei ka pla pisa. Don tang ki lut shiphew. Ban da ai shiphew ruh la syrtok, katne ki iapynleh shitom! Tang ba dei hi ban iapein ban don ki pisa rit ruh U leit ha 1 dukan sikret Im don pisa rit U la mut ban leit sa ha kawei pat ka dukan.

"To shu ai kumto phi, Bah, ba ioh slem Ngan sa wallam ma nga ia kaba tam baroh bad ka tiket. Ne phi kwah katno tylli?" u kylli uba lai U Bah Melo u ong tang kawei, u ai artat ka lut shiphew kawei U la mut ban ong to shim de ia lade shityngka ban thied jymbam, hynrei ki ktien kim man mih satia. U samla uba lai u lah mareh thiaw

U Bah Melo u ap, u shong kai hajan 1 dukan. Uba ar u iakren kai bad u shiphang, hynrei tang shiphang, u la leit donkam noh ha kawei ka ung Uba nyngkong ruh myntan myntan u dang don hajan dukan, hynrei imat u ruh u la leit donkam noli shano re shano Ka tñem sikret ka la mih pum shi pum na ka shyntur bad na ki hiew-khmut u Bah Melo U kwai ruh u la shu kum bam khait shi khait San minit, shiphew minit, shiteng kynta, ka por ka la shu nang iaid Uba nyngkong bad uba ar ruh kito ki la shu jah syndon

U Bah Melo u leit ha iba die sikret, u kylli hangno ka ung uta u Beli, ka jngai ne ka jan? "U Beli aiu uta, Bah, uba kumno, u jait jongno, uba shong shano?" i kylli ma 1 ruh, namar im ju iohsngew ha don kum uta u bñiew ha ka thain jong 1 Wan thued dumasla sa iwei 1 trai shnong, 1 ruh i ong im ju tip ia uta u Beli bad ym don mano mano sha ka thain jong ki uba die kum kata ka tiket.

"Ka tiket ban leit peit khun bsein sha Lawmali te, Kong," u batai pynshai shuh shuh. "Kito kein lai ngut hynne kiba ia-ieng hangne. Ma ki kein kiba iathuh ia nga," u ong.

"Ki briew te ki iathuh khana kein ia uta u khun bsein, kaba die tiket shanè te ngm tip phi," i ong i trai dukan

"Ia kito lai ngut hynne phi ithuh, Kong?" u kylli, u la sdang ma khlieng. Ka la bha, u pyrkhat, ba um shym ai palat ia ka shiphew tyngka.

"Ngim ju iohi phi, Bah, shane ia kito Nga nang tharai ki iawan ryngkat bad phi kein," i ong

Shikynta la shu ap lehnohei. Pleng, ki nongtuh ! U Bah Melo um pat ju shah thok kumne. U da kyndit tynggeh ba u la shah thok. Um da bynnud eh mynta ia ka shiphew tyngka, hynrei u sngew rem ba u la shah thok rangbah briew khamakha ha madan. To, u mat iabam ei u thngan-pisa khun ka mrad, katno sngi un kdang, u ong ha lade, u pynhun noh hangta, yn leh shuh kumno ? Shano pat yn leit wad ia kito ki thok ki shukor ?

Ioh ne ym ioh tiket, kam pher. U la kut jingmut ban wad ia ka jingshisha Un wad, wat lada shah thok sa san-phew tyngka ruh. Un leit la ka leit sha Lawmali

Ynda u poi ha Laitumkhrah u iohi ki briew ki ialum lwoi, bad kynthei bad shynrang, ha khmat iwei i dukan rud surok. U peit bniah ioh shu don kito ki thok khlem-kyrteng lai ngut. Don hi uwei ar uba iaphong sopti bthuh kysit syngkai bad la ki patlun biri, lam syriem ia kito ki lai ngut, tang ba kim dei Ynda u la poi hajan dukan u iohsngew hangne ruh ki iabun ktien hi ia uta u khun bsein. Ka khlieh briew, ka tdong bsein, u kren briew, san tyngka u khaw shikilo, Civil, Welfare, Lawmali, kijuh shi kijuh ki wan sawa ha ki shkor jong u. O, shisha kein, Civil Welfare u la kynmaw ! Ba dang jan, ka bha ban leit shwa sha Civil bad sha Welfare ban lap hangno ka rieha ka jingshisha

Ar baje nohsngi u poi ha Civil. Ym don briew, kynjah jar jar, tang uwei ar uba ia-iaid bun kam. U ap khyndiat por. Hadien katto katne u iohi iwei i nors i wan ieng ha

khmat hospital. Bad ka lehraifi artat, u leit. La kumno kumno ruh 1 nors in iathuh ia kaba shisha. U kyrmen kumta

"Ko Kong! Ka long kaba shisha, Kong, ba kha khun bsein ki briew hangne?" u kyli I nors 1 leh kumba kyndit bad 1 peit dom kynsan. U ruh u la babe ba u la kum kyli "Wat sngewsih, Kong, ba nga wan kyli. " u la pyrshang ban pynhem, hynrei shano!

"Naduh mynno phi la sdang kren bieit kumne?" i kyli dom pynban, 1 peit ki khmat kiba kum ka ding. 'Ngam shym tharai," i kynthah shuh shuh, "ba u rangbah briew kum phi un dang kren ka ktien bieit, ktien khyllung Lada phi kwah peit khun khla, khun dngiem, khun bsein, leit sha Kiewhati, ka don ka Ju. Phi tip em ia ka Ju?" i kyli U Bah Melo, ynda u la peit ia ki khmat meh ding jong 1, um nang ong shuh da kumwei, u ong, "Hooi, nga tip." "Khie leit kyli hangto, kha khun bsein ne em, phi iohsngew? Kane ka dei ka hospital briew, ym dei ka hospital bsein," 1 pynkut, 1 phai, 1 leit noh artat sha la ka kam

U Bah Melo u la sngew lehraifi sha ba palat Ito i nors 1 khlem da ai lad shuh ia u ha un kren Ba i lei ito i briew? u pyrkhut. To, kam lei lei, u pyntngan ia lade Haba wad ia ka jingshisha, dei hi ban iakynduh bad ban shah ki jinghren bein kiba kum kine teng teng hangne hangtai.

Na Civil sha Welfare kam shym jngai shuh. Tang shu kynthuh ruh la poi U leit Ha Welfare ruh ym don briew hi, tang kito kiba ia-iaid ia-iaeng hapoh iing. U iohi ia ki nors. Ioh ki iathuh khana biang ia ka Ju ha Kiewhati, um shlan ban leit shajan Ew! Kiba ai dar dar, pleng! U la tieng ia kine ki jait briew. Sa kham shibit u iohi ia iwei iba khlem riam nors. Iba i jemnud ka khmat. U sngew shngaiifi ka mynsiem, u leit sha i.

"Phi kwah aiu?" i kylli shwa pynban ma i bad ka phuh samrkhie artat.

"Ko Kong," u sdang da i sur iba jem hin hin. U ruh u la sngew nud ban wiat samrkhie, "ki ia-ong, hana, kha khun bsein..."

I tang shu iohsngew hi ia ka ktien 'khun bsein,' jrain kumba pom u pyrthat, u khlem da ioh pynkut ia kaba u mut ban kylli, i byrthen, i dumok, haduh ba u la dum lut ka buit ka stad, u da thangiong hi ngain Shano kato ka khmat jemnud hynne? Shano kito ki ktien jali ja-um ki jah? Ka jingkylla, pleng, ha ka shikhyllipmat! Kata ka sur jong i ka la nang heh, nang jam!

"Tang ki briew kiba don jingbakla ha ka khlieh, hangne, " i kdew artat sha la ka khlieh, "kiba poi sha kane ka kyrdan. Ba la khongpong la ka jong ka jingmut jingpyrkhat ki sngew ba baroh ki briew ki la kylla puit kylla khñiang, ki iakha khun da ki bsein. Ka sniang ha shnong jong phi ka kha khun miaw?" i kylli. U Bah Melo u ong, Em. "Ka ksew ha shnong jong phi ka kha khun blang?" i kylli biang i da peit dom artat U ong hi, Em. "Phi la don jingbakla ha ka khlieh," i ong "Ap, ngan ai ka kot ba phin ioh leit sha iing ki lamwir ha Tespur

"Kong, nga la bakla. .. " u sdang ban ong.

"Nga ruh nga ong kumta kein, phi la bakla hangne," i kdew da i tikdew ha ka moimoi khlieh la jong. "Ap ngan ai noh ka kot."

"Map, Kong, map Kong, nga la bak . " u sangeh noh, um nud ong shuh 'nga la bakla'. "Ynnai kata ka kot, Kong, ngan leit noh, khublei Kong. " u phai, khlem da ap shuh ba in jubab, thiaw u mareh, dui dui dui, khlem kyrtiang dien shuh.

"Ap!" i pyrta, "wat phet!" ba u la phet pynstet bran. "Alle!" i khot biang, hynrei u Bah Melo u la shu mareh

khlem sangeh haduh ban da khyllait hi bran sha ba im ioh shuh. U peit sha dien ioh shu don ba wan beh mano mano, namar um sngew lah kyrda shuh, ka mynsiem kata la kum ban bthei ka shadem. Wow! Ka bok! Ym don ba beh! U pynhiar mynsiem jrut, u shong thait artat harud surok, ba la thait tynggeh, ba um ju mlien mareh shuh la slem.

Shish! Ka ban iap kane ka kam! Ngan leit lamwir lei ma nga? u kylli ia lade. Nga nga wad ia ka jingshisha. Dei ma ki kein kiba bakla hangne, u ruh u da kdew sha la ka khleh. Ki tharai bieit tharai lamwir pynban ia kiwei!

La kham suk ka pynhiar mynsiem, u ieng ban iaid noh. Ka jingshisha ka long kaba im bad kaba iaineh. U iaid pyrkhath artat la artat haduh ban da poi ha Polis Bajar. U rung ha dukan sha. U pynjaijai shwa ia lade shipor. Ka sngi ruh kam pat kut, u lah da iakynduh ki jingjia kiba pher ba pher! Ynda u la dih sha, la kham tngen ka mynsiem, la eh biang i dohnud. U pyrkhath. Yn leit ne ynnai leit shuh sha Lawmali? Na Civil ki phah pynban sha ba shong ki mrad ki mreng. Na Welfare ki byrngem ban phah sha Tespur Tip ha Lawmali pat kin phah sa shano? Lada um leit pat sha Lawmali ruh ki briew kin ong. haba me la poi haduh phyllaw ruh balei mem da rung syndon hapoh ban iohi ia ka jingshisha? Em, u kut biang la ka jingmut, u dei ban leit. Un leit, un shu peit shwa na rud na kiar, ynnai tur than ioh ki tharai ki briew da kumwei kum-ar. Don ne ym don kata ka iingdara? Bun ne ym bun u briew uba iawan peit kai khun bsein? Ban leit kylli biang phrak phrak hano hano te, em. Ioh ki shu khum syndon bad kti bad kjat khlem da kren shuh.

Ynda u la poi ha Wah Umkhrach, u Bah Melo u ieng shiphang ban peit na shano kan kham suk ka lynti ban leit, ba ki briew ruh kin nym da iohi eh ia u. Hadien ba

u la jied ia ka lain ba un iaaid, u iaaid kumba par shisha, suki suki, ki khmat ki phai sha kamom sha kadiang, sha khmat sha dien ban peit don mano, ki ialeh aiu ? Ki shkor ruh u pynshah bha la kum u kulai ban kem lut ia ki jingsawa, ki jingkren, ki jinghalla kat ha ba don. Suki suki Um kyrkieh Um bud shuh ia ka surok. Na khlaw na khlaw u iaaid, u lehmyndem teng teng sha khyndew, kumba kheit tit ne kheit kynbat.

I don i 'jaka hangtei hajan iing ka doktor, iba da hit bha ban shong ban ioh peit katba mon sha hospital Lawmali, ia u pat kin nym iohi lynda ki da wan syndon ha ita hi i jaka. Hynrei na iing ka doktor pat ka lah ban iohi ia u kyndiang. U la shong ha ine i jaka shipor ar por Man ba iaaid ki briew hangtai ha phyllaw ka doktor, i kumba ki iapeit ia u, i kumba ki iapyrkhat balei u wan shong hangne marwei kumba rieh. Um sngew shngaii shuh, u la sngew syier noh. Ban hiar biang sharum ban kylla dien noh, ki briew kin nang suba shuh shuh ia ka jingthmu jong u. U leh shlur noh U mih la ka mih bluit sha phyllaw hospital, la kum ba prong ia ka kper

Um iohi patbah hangno hangno ruh Ka iingdara buh khun bsein kata ruh um iohi. Ka lah ban don sha lyndet Teng teng u iohsngew kumba khynwin haba iakren bun ki briew Ka lah ban long ka jingsawa na sha Iewduh U iaaid suki suki kum ka mattah. U iohi uwei u rangbah, na jngai i kum u Khasi, u dang wan, imat, ban leit sha hospital. Kam pher ban shu iakren don akor. Ynnai kylli khun bsein "Shano phin leit, Bah?" u kylli. Ban shu peit u la kham shwa rta ban ia u Bah Melo. "Ngan leit peit ia kiba ha iing kiba ioh khyllung hangne," u iathuh Hamar kane ka por u Bah Melo u kum peit liak sha i jaka ba u rieh mynhynne, bad u iohi ia uto u briew uba peit shin khah khah ia u na iing ka doktor, ba u wan beit beit sha ba u iakren bad iae i Bah. Ba u la i shrai i bitar eh ia une u briew, u Bah Melo ruh u ong ha i Bah ba u ruh

u wan peit ia kiba kha khyllung. Um banse ban shu phlan, bad u iabud lang noh ia i Bah shapoh hospital.

Ine i Bah i la rung sha ba don kiba ha ung U Bah Melo pat un rung shano? Lada ym don ba kylli, kam pher, un sa shu mih noh tang shu la ioh peit lung leng shane shatai, hynrei utai u briew na ung ka doktor u lah da wan bud. Imat u la don ka jingsuba aiu re aiu. U Bah Melo u phuh syep shaid. Hapoh dohnud pat ki jungpyrkhat ki la iamareh stet kumno un jubab lada une u briew ka doktor un kylli me wan leh aiu hangne Imat ba u phuh syep, bad ba u la leh ruh kumba teng ka khmat, une u briew ka doktor ruh u la i shankhmat shisha ia u "Me wan leh aiu?" u kylli da ka dkhar "Kaba ha ung jong nga, ka pyrsa, ka wan ioh khyllung hangne, nga wan peit ia ka," u ong u Bah Melo "Ka kyrteng kaei?" u kylli une u dkhar Balei u da thlia kumne? Ban leh ba ym tip te la iap "Ka-ka-ka Melobon," u iathuh thlun ba um shym ioh pyrkhat lypa ia ka kyrteng, hynrei ynda u la iathuh u la sngew shngaii pat ba u la ai da ka kyrteng la jong, ka kyrteng shynrang-"Melo," pynlong kynthei pat da ka "bon" Une u dkhar u ong "Ap," u leit ia lade shapoh ban kylli. Ym rat da don kynthei hi ki ban kyrteng Melobon! U Bah Melo u la don i jngmut ha kane ka khyllipmat ban shu phet noh bran katba u dkhar u dang rung shapoh, hynrei katba un da kut ka jingmut une u dkhar u lah da wan noh. "Hoooid, ka don ka Melobon," u wan iathuh, "alle rung" u ong U Bah Melo u jan kylla lyndang shisha ba u kyndit! U la nang mut katto te la lait ba u la ai la ka kyrteng, hynrei mynta pat? Da kumno pat un lait? Yn shu phet noh? Ym long! Ban phet noh khlem rung, ka lynti pat baa mih noh shabar um da tip bha Ki briew pat ruh kin nang tharai sniew shuh shuh. U iarung lang noh. Une u dkhar u pyni ia ka jynthiah. U Bah Melo u la shu peit pyneh ia iab thiah, ba um ju ithuh. Un kren ba ithuh ruh um sngew nud, ioh i shu lynfiar ne i leh tieng. Ym ju lah ban tip

ia ka jungmut ki kynthei. Ynda u la peit biang, u ong noh, "O nga la bakla, nga wad ia i Melobon." "Ma nga kein," i ong. "Phi i jait au, Hep?" u kylli don akor noh. "Ryndia," i iathuh "Map mo, Hep, i pyrsa jong nga ruh i kyrteng kum phi hi. Imat i la leit kha shawei pat. Wat sngewsih ba nga wan pynthut ia phi," u ong, bad u mih noh artat. La shu lait sa i said, shisha ! u pyrkhat ha lade Ki kynthei mynta, pleng, ki la iakyrteng da ka kyrteng shynrang baroh ! Kumno pat yn tip ka kynthei ne u shynrang ?

Ynda u la mih shabar, u wad da ki khmat shane shatai ioh shu don kata ka dara hangno hangno. Um iohi U la mut ban iaid sawdong ia ka hospital, ban da pynhun syndon ia ka jingwan Lawmah, hynrei u iohi noh ia uto ujuh hi u dkhar, i kumba u da wan swait khnang ia u nadien nadien. To, katto la iohi ruh la biang, ynnai da iaid sawdong shuh, u pynkohnguh kloï lan ia lade. U kdat noh lam sha kadiang ban shu hiar beit shathie sha Wah Umkhrah. U la iaid arphew laiphew jam ne, "EI !" u iohsngew pynban kumba kynhied u briew na sha dien. U tharai, imat, u iabeh masi u briew. U iaid la ka iaid, sa shiphew jam ei ei. "EI !" u la iohsngew biang, la kham jur ka kynhied. U phai noh ban peit. Uto hi u dkhar hynne, mynta pat u la iadon sa bad uwei de uba riam pulit ! Kane te imat u la iamut ban thaw kam shisha. Khlem artatien un sa iateh iakhum artat. U suh wia kumba suh u khnam ! Nangtei na Lawmah ha Wah Umkhrah, slem ka ktien, u lah da poi khlem da tip. Na Wah Umkhrah pat haduh khlieh Wah-iingdoh uto u thiep u lah shu madan. Khlem poi pyrkhat, khlem jingshitom, thiaw u lah poi sha khlieh.

Kumno u lah ban mareh haduh katne, ha kajuh ka sngi, haba la khatsan arphew snem mynta um ju mareh shuh ? U Bah Melo hi da lade um nang shuh ban batai. Sa tang ka tieng kaba nang ban batai. Ynda u poi ha



Iewduh u rung noh ha i dukan sha. La shit, la syep, la thait. U la shong ban dih sha hun ba la thangrang, ban da bam bad ka jymbam de ba la pyrhut ka snier La kut katto ka wad jingshisha. Um shym iohi ba ka don hangno hangno ruh ! Un sa leit iathuh kumta ha i kmie ka Ril Ka jingbang ka sha, ka jymbam ! U ktha pukhleĩn shi-shyntur, u peit kai suk mynsiem artat ia ka iew na jyng-khang Kiba ialeit iawan la ka die ka thied shaid shi shaid, khlem sangeh. Mano kumto ? Liak u iohi kumba iaid u pulit uba syriem ia uto hynne ha Lawmali. Balei kine ki dkhar ki iabuh sni ia nga, nga leh au eh ? u pyr-khat ha lade. Hynrei u tieng that that ioh ki shu wan bat ki pulit ha iewbah iewsan. Ka junglehraiĩ kat kata ! Un pyneh makna haba ki la bat ki pulit kan myntoi au shuh ? Ka pyrthei hi kan sa iathuh khana ba u Bah Melo u la shah kem ha ki pulit ha iew.

Khlem da bam lut ia ka jymbam kaba u la phriang pahuh halor miej, u ai pisa noh kloi lan ia ki nongdie sha, u mih noh bran Ki briew ki ong haba la ngam ha iew la jah artat, phin wad ruh la shutom U Bah Melo pat u shem ba ka long da khongpong ! Kat sha ba u pashat ki khmat u iohi tang ki sawkhlieh suda kum ki syntiew saw Ba ki iathwet ia u, ne ba ki ialei haduh katne katne ? Um pat ju jynjar ka mynsiem kumba jynjar mynta haba u iaid lyngba ka iew ban mih sha Drengkaifi. Ka da pang shisha ka mynsiem. Ynda u la lait na Diengkaifi ruh um shym don jingshngaiĩ shuh khyndiat ruh. Shisien ar sien ba u phai dien ban peit, u iohi kumba paw teng teng kaba saw kum ka tupia pulit. Ka wan iing jynjar mynsiem kum kane um pat ju mad !

"Balei kumne ?" i kylli i kmie ka Ril ynda u la poi ha iing, ba u la i thait ian lyian sha ba palat, ka khmat ruh kane la khlang, la blad hi phlar.

"Nga thait phi. Ngan bam noh phi kmie, ngan leit thiah noh ban jah thait ka met," u ong.

I kmie ka Ril im da bun ktien shuh, i pynkhreh ka bam, bad ynda u la bam u leit thiah noh.

Ka jynjar kam ju kut ia kito kiba ym wad ia ka. Uto u dkhar na Lawmali bad ki pulit, ki lap ia ka iing u Bah Melo, bad ki leit lam ia u sha iingsari mynstep. Ynda u la poi ha iingshari u iohi ia ka Kong Sidon, ka Kong Lohi, ka Senli, ka Riti, kine ki lah iadon lypa. U khlem da tip ba ha kajuh ka step ki pulit ki lah da wan ring ia ki ruh. Ynda u peit sawdong u iohi sa ia ka Kong Ledi, ka Lina pynkhih-khlieh, ka Kong Kynti, ka Kiti bad bun kiwei kiwei de kiba um ithuh. Ki pulit ki la pynieng lain ia ki shrak ha phyllaw ungshari. Nangta wan poi sa kawei ka trok bad halor ka trok don kaei re kaei kaba ki la tap noh da ka tarpolin. U briew ruh uba ia-ieng sharud, bad kynthei bad shynrang, uba ym ithuh itliaw shuh. "Pleng dei kane kein, mo?" u iohsngew ki iakylli kiba ia-ieng sharud.

U Bah Melo hi ha lade u sngew skhem ba um shym palat hukum ia ka sorkar ne iano iano, hangno hangno ruh. Lada long kumno kumno ruh u la shu pharep klop uto u dkhar na Lawmali ia u. Kiwei kiwei pat kiba ia-ieng lain lang, ki kynthei khamtam, bun kiba ia-iam Khala khala pat ki la iakajia noh para ma ki hi. "Ma pha kein pha, kaba sdang," la kawei ruh, la kawei ruh, ka kynnoh ia kawei pat. Ynda la kham katto katne por ki-thie ki pulit, ki la wallam sa saw san ngut ki briew. Ynda ki poi hajan, u Bah Melo u iohi kito lai ngut ki thok khlem-kyrteng ruh ki la iashah teh hatkari lang. Da kumno ki pulit ki tip ba kine lai ngut ki thok ia u haba u um shym leit mudul?

U Daroka u wan mih ha baranda iingshari: "U nongbishar un sa wan kumne kumne," u ong, "ban shim bishar ia phi baroh ba phi ia ialeh ka kam kaba la sniew palat, kaba la pynkulmar jingmut bad kaba la pynkhi-

win ia ka shnong ka thaw baroh Shahmudui baroh!" u pyrta, "u nongbishar u la wan."

U nongbishar u wan bad u shong ha ka shuki ha baranda. U rah la ka kti ban pynsngap ia ki brieve baroh sawdong

"Phi ki shnong ki thaw! Phi iatip baroh ba ha kine ki sngi la kulinar jingmut lut naduh u tymmen u san, haduh ka kynthei ka khynnah, ba don kiba pynpar ia ka khubor khlem nongrim ba kawei ka brieve ka kha da u khun bsein." Jar ki iasngap lut ki brieve baroh katba don.

"Ynda haba la tohkit bha ban lap ia ka tynrai jong kane ka khubor, la shem ba dei ka Rolti kaba la sdang nyngkong eh ia kane ka khubor Daroka!" u khot, "wallam ia ka Rolti sha khmat ba kin ia-iohi lut baroh." U Daroka u wallam ia ka sha khmat Ka la tap lut la ka khmat, hynrei u Daroka u weng noh ia ka tapmohkhlieh. Ka iam, ka lynfiar, ba ka la sngew lehrafi than eh.

"Phi la iohi ia ka Rolti kaba sdang ia kane ka khubor," u ong u nongbishar, "mynta pat phin iohi sa ia ka " (ter shi ter u iathuh ia ki kyrteng, bad ki pulit ki wallam ia ki sha khmat. Ki jong ka Sidon ka Kong Lohi ruh ki la iawan mih Ka kyrteng u Bah Melo kam pat mih. U pat u nang pisa ka mynsiem)

"Kine ki la iatrei bor bah," u ong u nongbishar, "ban pynphrang ia kane ka khubor kaba ym shisha, bad ki la nang pynheh, ki la nang thaw shuh shuh da la u jong u thyllieij, haduh ba khatduh khatwai u khun bsein u la ioh ia ka dur kaba kum katai kaba la pynshong mynta ha ka trok," u kdew sha ka trok, bad ki pulit ki weng noh bran ia ka tarpolin

"Wow ko mei!" "Wow ko pa!" "Ani wow!" "Phuit! phet sha ba sep ka sngi!" ki iapyrta baroh ba ki la itieng ishyrkhei ia kaba ki iohi. Ka dur u khun bsein

kaba la i shyrkhei shisha, hynrei ym ithuh u dei u bsein ne uei, ban peit ruh la tieng ba ioh phohsniew kynsha Ka khlieh kaba kham heh ban ia ka khlieh masi, bad ki pyndem ia ka halor ka tnum ha ba shong u draibar. Ia ka met pat wain lywain ki pyngyllan hapoh ka trok.

U nongbushar u la kren biang. "Phi kiba la iadon bynta ha kaba phriang ia kane ka khubor, phi la iohi ia u jingthaw uba la mih na ki thylliej jong phi. Kaba phriang bad pynheh ia ka khubor kaba sniew ka kham sniew ban ia ka khubor hi. Ka jingpynshitom kaba nga don ka bor ban pynhap halor jong phi ka long kane Kumba phi la iathaw hi ma phi ia une u khun bsein, phin pynduh ruh ma phi hi Yakiew mynta ma phi halor ka trok." Ki pulit ki ialam ia ki sha ka trok Kiba pyneh kito, kiba tieng kito, kiba iam kito, kiba pan map ruh kito, hynrei ki pulit kim pynsngap, ki thep lut baroh hapoh trok.

"Don pat ki riawnsniew, ki samla khamtam, kiba la pynjah burom ia la ki kmie nongkha, ba ki da wad khnang ban pynmyntoi ia lade na kane ka khubor bsein, da kaba thok, da kaba shukor ia kiwei pat ki para briew Wallam ia kine sha khmat," u hukum u nongbushar ia ki pulit. U Bah Melo u iohi ia ki lai ngut khlem-kyrteng bad kiwei de ba ki iawan sha khmat.

"Ia ka tyngka baroh kaba kine ki 'riawnsniew ki la shum thok, shum klop na kiwei ngan sa pynpha: noh sha ki trai Kine ki 'riawnsniew ruh kin ialeit lang ha ka trok ban leit pynduh ia u khun bsein. Tang shu dep, ki pulit kin wallam biang ia ki ba kin shong koidi ha phatok shu-snem shisnem," u ong u nongbushar.

"Don kiwei pat ki briew kiba, wat la ki thmu ia kaba bha, ki la pyndonkam ia ki lad ki lynti, ki la leh ki kam kiba la pyngkulmar ia ki nongshong shnong ha ki bun rukom, haduh ba la tharai pynban ia ki ba ki dei ki nongtuh nongshohnoh. Kine kin wan mynta sha khmat."

Ki pulit ki wan ialam ia U Bah Melo bad lai ngut kiwei de "Phi ruh phin ialeit lang ha kane ka trok. Ka long ka kamram jong phi ban peit ba kitei kiwei pat ki pyn-duh jait syndon ia une u khun bsein. Ki kin sei bad kin rah ia u khun bsein na ka trok bad kin bret ia u hangthie ha Dam Khwan haba jylliew eh Ynda phi la wan phai, sa wan shum noh ki pisa jong phi. Phi la ia-iohsngew baroh. Kata ka long ka hukum jong nga Ym bit ban bakla."

U nongbishar u la ieng ban leit noh Saw ngut ki pulit ki la iakiew lang ha ka trok khun bsein bad ki jong u Bah Melo. Sa kawei de ka kali pulit kaba dap mam da ki pulit bah suloi ka la ap lypa Ka trok khun bsein ka iaid sha khmat Ka trok pulit ka bud nadien

Ha Dam, ki pulit ki lah jied lypa ia ka jaka ban bret ia u khun bsein Ki jong u Bah Melo ki la iahiar shwa bad ki ia-ieng harud.

"Shum iarah, iasei shabar ia u khun bsein ma phi kiba ha ka trok," ki ai hukum ki pulit.

Ba ki iabun, tang jingjang ki la iasei na ka trok. Hamar ba kin sa iabret rymeng shapoh um, uto uba lai na ki thok khlem-kyrteng, kynsan kynsan u wan ring ia u Bah Melo na ka kti, u thew ban khynñiat lang ia u shapoh um.

"Wow, rap! Wow, rap!" u lynñiar u Bah Melo kat lah kat iai

"Kpa ka Ril! KO KPA ka Ril! Balei? Phi ruma ne?" i kynteit i kmie ka Ril, i khyrñiat artat ia u Bah Melo ba un kyndit noh na ba iohthiah

"Ani wow! Ani! Ani!" u ong, u da ring mynsiem jur,

"u thap iabret ia nga ruh shapoh um, phi," u iathuh.

"Mano?" i kylli.

"Ieh, ngan sa iathuh pat," u ong, u sdang thiah biang.

Haba wad ia ka jingshisha dei ban shah!

# Ka Jingiathuh khana Khrismas

## (I)

Ka Sngi Khrismas ka pynkmen ia u khnn Khristan shityllup ka pyrthei Ka wallam ka jungkmen jingsngewbha kaba kham kyrpang ia ki khynnah Katba nang jan ka Sngi, ka mynsiem Khrismas ka pynskuun pynkyrkieh ia ka jingmut jingpyrkhat jong ki. Naduh katno sngi mynshwa ki la sdang ban fiew man ka sngi sa katno sngi dang sah ba kan poi noh ka Sngi Khrismas Mynstep ki la kwah ba ka mied kan wan noh kloi kloi. Mynmied pat ki la kwah ba kan shai noh kloi kloi Ki la pynkhreh ia lade bun bun sngi da ki jingrwai, ki jingspel bad ki-wei kiwei de ki jingpynkhreh ban pyndonburom ia ka Sngi Khrismas, ka sngi kaba khraw tam ha ka jingim jong ki Hadien ba la pyndonburom da kaba ainguh ia u Blei, ban bteng pat da kaba leh kmen leh sngewbha katba lah, naba ha kane ka sngi la kha ia u Jisu, u Khrist bad u Nongpynim, u Lok uba bha tam bad uba iet tam u jong ki khynnah. Baroh baroh ki iashongshit, ka khmat jong ki ka phuh sah da ka jingsamrkhie; baroh baroh ki iabun kam shane shatai da ka jungkmen jingsngewbha suda, baroh baroh ki la ias dang ban rwai ban kynud ia ki jingrwai Khrismas ba ki ialmun sngewtynnat. Ka mynsiem Khrismas ka kyrsoi khuid buk buk na ka shadem ki khynnah kumba kyrsoi ka umpohlew um singur kaba shngiam bad kaba ai jingim

Ha ka 23 tarik u December, ha Nongkie, hajan Upper Shillong, i Daplin, iba la khat-ar snem, i khun marwei i kmie, i thiah lyngsnap ha jynthiah ba i pang. La jan dap lai bnai naduh ba i kem pang. I kpa jong i, i la iap naduh ba i dang ar snem. I kmie iba pli i la poi ha ka jingthu-lai jingjynjar kaba im nang shuh ban batai, hynei i

sngap, i kan marwei, i pynher tang ki jingdwai sha u Blei. Im ioh por shuh ban trei hok ia ka kper, ka lyngkha ban muh ka kamai. Ka bai-dawai bai-doktor ka la rem palat, im sngew lah kyrda shuh. I la hap die noh kawei ar ki lyngkha, ban ioh siew ia ki dawai bad ia u doktor. Katba nang iaid ki sngi i kumba ki doktor ki nang artatien, kum ban ong, "sa tang ka mon u Blei." Kim iathuh kein kumta ia i kmie, hynrei i la shu don kata ka jingsngew hapoh mynsiem. I jaw ki ummat brip shi brip haba marwei, sha ba ym iohu i Daplin.

Ha ka por shiteng sngi, ha kane ka 23 tarik, i Daplin i khot, "Mei!" da i sur iba tlot ngai ngai. "Oi, khun," i kmie i thie pynkloi. Ka sur i Daplin ka pynkhie im ia ka jingkyrmen i kmie, namar la kumba shitaiew i Daplin im shym kren briew shuh ba ka jingpang ka la nang shoh bad ba i la jur eh ka jingtlot. "Phi kwah au, khun?" i kylli, i leit shong artat ha syndah, ha khlieh jynthiah "Ngan koit, Mei, ha ka Sngi Khrismas?" i kylli. I kmie iba pli im shym poi pyrkhat ba in kylli kumta. Ka mynsiem jong i ka shu wan dap kynsan mam ha ryndang ba i isynei ia la ka khun. Shiphang im lait kren, hynrei i pyneh ia lade. "Hooit, khun, phin sa koit," i ong, ban pynsngewbha ia i. I ruh i da kyrmen kumta ba in koit noh ha kawei ka sngi. I Daplin i sngap shiphang. Nangta, bad ka shri iam artat, i phai ktien sha i kmie, i ong, "Mei imat .. u Jisu um leit shuh ia nga namar ba. nga la leh runar shisten. ba nga pynjah noh ia ka. bai-skul," i iam artat. I kmie iba pli i iajaw ummat lang ba ym banse, hynrei i ong, "Em, khun, u Jisu u dang leit ia phi. Phim shym leh runar ba ka jah kato ka bai-skul ha lynti. Wat iam, khun, u Jisu u leit ia phi, bad un kynmaw ia phi ha ka Sngi Khrismas," i pynfiad artat ia ki ummat, i pynsyrypud ia ka khlieh. I Daplin i la sngap. Ynda la kham shibit i kmie i iohsngew ba i khot, "Jisu!" tang ita shikyntien, bad hadien kata i iohthiah jar.

Ha ka 24 tarik December pat, ha Nongar, hajan Happy Valley, i Aihun, i khun kiba loh ba kot, iba la khat-ar snem shiteng, i bun ki jingpyrkhat marwei marwei hapoh la ka mynsiem. I iashong klas ryngkat bad i Daplin ha Skul Kynthei ha Mawkhar, bad ki ia-iet para lok bha baroh ar ngut. I Aihun i la ju kwah bunsien ban leit jngoh ia i Daplin naduh ba i iohsngew ba i pang, bad ba im shym wan skul shuh la slem, hynrei im ioh lad satia da kumno kumno ruh ban leit, ba jngai bad ba ym don ba ialet lang.

Ha shnong i Aihun ruh ki para khynnah ki la ia-skuun ialynga hi kumjuh ba kan poi noh ka Sngi Khriemas Hynrei ki jingmut jingpyrkhat i Aihun ha kane ka sngi ki her lut sha i Daplin. "Kumno ngan leh kmen Khriemas marwei lashai, haba i Daplin iba pli, i para lok bareit jong nga, i thiah pang ha jynthiah?" i kylli ia lade bad i pyrkhat khuslai hapoh dohmud "Nga dei ban leit sha i Daplin lashai. Ngan iakmen Khriemas lang bad i," i pynkut artat la ka jingmut hangta.

Ha ka 24 tark mynsngi i Aihun i ialet iew bad i kmie Da ki pisa kiba i la kynshew minot bun bnai (namar i kpa i shait ai bai-rneng ar lai tyngka man ka taiew) i thied na iewduh kawei ka phrok naiton kaba saw-jemnud, kaba thoh syntiew saw bad ki sla jyrngam kiba rit ria, kaba itynnai bha, i thied u sohnamtra bad ka kait-syiem shinat I thied pat na dukan i Bah Shondri, uwei u cake Khriemas, ki mixed cake, bad ki switmit. I kmie i la shu tharai ba i thied hi ia lade. Ynda poi ha iing ruh, im shym da kylli shuh.

Ha ka 25 tarik, ka Sngi Khriemas, i Aihun i ialet bad la ki para lok sha ka jingiaseng Khriemas ha shnong. Tang shu wai ka jingiaseng, baroh baroh ki la iahiar sha madan phutbol ban ialet kmen, ban iadih sha, bad ynda la noh ka sngi ban iabam sa ka ja ka doh kumba ju lei. I Aihun pat, khlem don ba tip, i leit phai beif sha la iing. Kloi lan i shim kito ki tiar kiba i thied hynnin, i song bha



khop, i thep ba ka shang plastik. Nangta pat i shim ka Kot Jingrwai la jong. Ha lyndet ka jingsop kaba halor i thoh ia kane ka jingdwai jong i. "Jisu baiet, ngan leit sha ung i Daplan ban iakmen lang bad i ha kane ka sngi kha jong Me. Wat bitar Jisu baiet, ba ngam don ha shnong. Sumar ia nga na ki briew kiba sniew ha lynti, ha ka kyrteng jong Me Amen" Ynda la dep thoh, i khylliap ia ka Kot Jingrwai, i buh noh khop I sa mih na ung, i leit bak.

Ynda i poi ha Upper Shullong, ba im pat ju wan, i kylli na ki briew ia ka ung i Daplin. Da ka jingbatai, jingkdew jong ki, i wan poi ha phyllaw ung i Daplin hamar ba i pat i dang lynga bha ba shitom. I kmie i Daplin, napoh ung, i iohi ia i khynnah phylla iba ieng ha phyllaw, iba rah la ka shang plastik. I wan sha jyng-khang, bad i kylli mian mian, "Phi wad iano, Hep?" "Nga i Aihun, nga iadei para lok bad i Daplin Nga wan ban iakmen Khrrisnas lang bad i ba i pang Kane ka dei, em, ka iing jong i?" i iathuh bad i kylli artat. Shwa ba i kmie in kren, i Daplin napoh kamra i lah iohsngew ia ka kyrteng Aihun bad ia ka sur jong i "A! A!" i pyrta da i sur iba tlot ngai ngai hynrei iba sngew kmen "Alle shane, A!, nga don hangne," i ong I kmie i la ialam beir noh ia i Aihun shapoh khlem da kren ei ei shuh, bad ka lyngngoh artat ban iohsngew ia ka jing-pyrta kmen i Daplin. I Daplin i la ju iathuh khana shaphang ita i Aihun I tang shu rung hapoh kamra, i Aihun i leit i kdup, i piam ia i Daplin. Baroh ar ngut ki la shu ia-iam sah shipor khlem kren shikyntien ruh. Ka jungkmen ba la iakynduh biang para ba ia-leit, ka pyntuid sah ia ki ummat na ki khmat, bad ka mynsiem ka lung. Ynda la kham shubit i Aihun i pynniad ia ki ummat i Daplin, i niad la ki jong ruh, bad i ong, "Dap, nga kymaw ia phi te, haduh ba ngam nang shoug shuh ha iing. Nga wan ban iakmen Khrrisnas lang bad phi. Nga wan rah ine i phrok ia phi, phi itynnat? Kine de ki jymban

khyndiat. Ma nga bad phi," i peit sha i kmie i Daplin. "bad i meisan, ngin iapyndonburom lang ia ka sngi-kha u Trai jong ngi, mo?" I Daplin i la kmen haduh ba ym nang ong shuh. I peit lieb ki khmat sha i Aihun, i ong, "Ai, khublei shibun eh ba phi wan ai kine, kiba itynnat, kiba bha suda. I Mei ruh i ai sopti ia nga kawei myn'ne mynstep," i sei artat ia ka sopti na syrtap syng-khlieh, i pyni, "kane ruh kaba itynnat, ym dei? Nga kwah ban ialeh kmen bad phi, Ai, hynrei ngam lah te Ai, ban khie na jynthiah. Ngan shu leh kmen da thiah, mo?" i pynkut artat ia ka jingki-an. I kmie i Daplin i jaw ki ummat ba i sngewsynei, bad i shu lyngngoh sah ba i Daplin i lah ban kren haduh katne. I Aihun im shym poi pyrkhath ba i Daplin in da pang haduh ba im lah ban khie na jynthiah. I sngap shiphang, ka khmat ka i sngewsih. "Dap," i ong, "ngin iadwai ba U Jisu Un pynkoit noh ia phi," i dwai. "Jisu baieit, i Daplin iba pli i pang ha kane ka sngi-kha jong Me, im lah tang ban khie ruh. Isynei ia i, Jisu baieit, pynkoit noh ia i, i long i khynnah iba tipsngi iba ieit ia Me, i kham tipsngi ban ia nga. Pynkoit noh ia i, Jisu baieit, ba ngin pyndonburom ia Me ha kane ka sngi, ba ngin ialeh kmen ha ka kyrteng jong Me, Amen!" Ka jingdwai khynnah kaba mih beit na ka dohnud! Mar iakut ka jingdwai, i Daplin i lah shong "Mei, nga la khie shong, peit!" i ong. Ka khmat ka la puh itynnat. Hadien, khyndai sngi hadien, i kmie i Daplin i iathuh ba shwa ban kut ka jingdwai i iohi ia i Daplin ba i khie shong kumba pynkhie mano re mano. Haba peit pat ia ka khmat jong i ruh ka lah kylla, ka la pher. Ym dei shuh ka khmat ito iba thiah pang lyngsnap.

Ka jingthrang sngur mynsiem na ka dohnud i Aihun ba i Daplin in koit noh khnang ba kin ioh iakmen lang ha ka sngi-kha u Trai, ka jingdwai kaba khuid, kaba beit soifi sha U Jisu na ka dohnud jong i, ka jingngeit khlem thoh-bria ba U Jisu Un sngap ia ka jingdwai bad ba U

don ka bor ban pynkoit ia i Daplin hangto hangto hi, kme ki la trei ka kambah ha ka rukom kaba kuwei pat, kba rit ka jingngeit, ki la shu sah ha ka lyngngoh. Kine ki khynnah ar ngut, ha kane ka sngi, ki la ioh ia ka mynsiem Khrismas, kaba long ka mynsiem ka jingsngewnguh ia U Blei ba U la phah ia la U Khun sha ka pyrthei, ka mynsiem kaba kynmaw burom ia kata ka sngi-kha jong U, bad ka mynsiem kaba dap shoin da ka jungkmen ba U la wan, khnang ba ngi ngin im.

Te, kumta kein, ka mynsiem Khrismas ka la rung ha ka ung i kme i Daplin. I Aihun ha syndah jynthiah, i Daplin ha jynthiah, i kme i iaid bun kam sharum shaneng da ka jungkmen jingphuh samrkhie, ki iakren, ki iarkhie, ki iakren, ki iarkhie. I Aihun bad i Daplin ki iarwai ki jingrwai Khrismas ar ngut ar ngut khlem sangeh shuh. I kme i Daplin i phla hadien ba im nang shuh ban batai ia kane ka jingphylla, lait tang ban ong ha ka la dei hi ka kti U Blei Ka jungkmen Khrismas ka la rung bad ka la shong neh ha ung i kme i Daplin. Ki jinggyjar, ki jingklusai jong i ki la shu um kysan kumba um ka makhon haba thang ka sngi

Khatduh khatwai i Aihun i la dei ban leit noh sha la shnong "Shong suk, thiah suk, Dap, shong suk, thiah suk, meisan, koit noh kloi kloi mo, Dap, ngin sa iakynduh pat ha skul." I kme i Daplin i shum, i kdup, i doh ia i Aihun, bad da ki ummat ka jingsngewnguh i ong, "U Blei Un kyrkhu baroh shulynter ka jingim jong phi, ko Aihun i Phi la wallam pat ia ka jingsngewbha ha ka iing jong nga" I Daplin, na jynthiah, i ong, "Ai, phi la wallam ia U Jisu bad U la pynkoit ia nga. Ngam sngew shuh kum kaba pang. Leit suk, Ai, U Jisu Un iaid ryngkat bad phi"

Kawei ka Sngi Khrismas ka la kut. Kawei pat kan sa wan ban wallam ia ka jungkmen bad ka jingsuk ha ki ung jong ngi, khamtam eh ia kata kaba kham kordor—ka jingsuk ha ki dohnud jong ngi.

# Ka Jingiathuh khana Khrismas

## (II)

U Kyuiñ Ka kyrteŋ kaba pynsamrkhie, lehse, ia ki briew haba ki iohsngew, hynrei ka long ka kyrteŋ kaba da sngew Khasi haduh ki shyieng hi kein, bad ka long ruh kaba sngewtynnāt, wat la kam shym kit jingmut ei ei Kaba kulmar ka long tang haba kynnoh. Kito ki bym pat ju iohsngew, lane kiba iohi ia ka kyrteŋ tang haba thoh, ki lah ban kynnoh pynsawa bakla ia ki dak sawa 'ui' kiba don ha ka kyrteŋ Ka jingkynnoh kaba beit, kumba la jer, ka lōng ban kynnoh ia ki dak sawa 'ui' kumba kynnoh ha ka ktien luiñ, lane khuid, ym kumba kynnoh ha ka ktien suin, lane krum.

U kpa u Kyuiñ, u Myllon, u long u samla uba da i shynrang bha, 25 snem ka rta, uba met khlain, bad uba bha ka jinglong Naduh ba u dang khynnah u la mlien ha ka rep bad u smat u sting. Haba u trei jingtrei ruh u stet kum ka lyer.

Ka Irhon, ka kmie u Kyuiñ ruh, ka long kaba smat kaba beh wut wut sha la ka kam. Ka la don 22 snem, bad ka ruh kaba sngewtynnāt la ka rep, bad ka bym ju byrŋia ban pynlut kai ia ka por ha kaba iajrong thylliey badno badno.

Ka Irbon ka don artylli ki lyngkha lum, bad kawei ka pynthor ha Umjaram. Naduh ba ka la iapoikha bad u Myllon, ki la iapynbha pynheh ia ka pynthor, bad ki ia- ioh pahuh u kba, u phan, u sohriew, bad ki shur ki jhep ha la ki por ki por. Ha kane ka snem tang na ka pynthor hi ki ia ioh lai thiar u kba. Kawei kawei ka thiar ka heh lajan arpiam rangbah.

Ki ia-im suk im saifi, da ka jingiaieit. Shi snem hadien ba ki la iapoikha, ka Irbon ka kha ia u Kyuiñ. Katba nang mih ki bnai, u nang heh, nang san, bad nang bhabriew. Kat shaba ki peit da ka jingsngewbha suda. Hynrei ka jingim u briew ka sdien ha ki kti Uba najrong, U Blei Nongthaw Ha kawei ka tlang, haba la dep lum thiar ia u kba, bad haba u Kyuiñ u la dap lai snem tam, u Myllon u leit iabeh mrad sha Bhoi bad ki para samla na shnong. Kumba lai taiew hadien ba u la wan phai, u kem pang kynsan kynsan, bad kaba pynsngewsih pynpait dohnud ia ka Irbon bad ia kiba ha shnong ha thaw ka long ba tang hapteng hynriew sngi u la iap noh Ka Irbon ka don hapteng ka jinglong armet ha kane ka por bad ka la long kum kaba lamwir Ka iam ka lynfiar bad ka khñum balei ba wan leh bein leh sat ia ka haduh katne. Da ka jingsneng jingkraw jong kiba ha ung ha sem, bad ki lok ki jor, ka pyrshang ban pynpalei ia la ka mynsiem, bad suki suki, da kaba ka leit sha lum sha pynthor ka la lah ban pyrkat ia kiei kiei kiba don sha khmat jong ka. Arbnai hadien ba la iap noh u Myllon, ka ioh khyllung biang da i kynthei Kane ka la nang pynsngewbha ia ka mynsiem jong ka. Hynrei ki jingjynjar bad jingsngewsih kim ju wan marwei ne tang shisien Ine i khun kynthei ruh mar iadap shisnem i ioh pang niunionia bad i iap noh. U dohnud jong ka Irbon u la pdang biang, bad ka la sngew ia lade kum ka rakot aiu re. Hato kan dang myntoi aiu pat ia ka ban im ha pyrthei, ka pyrkat kut lad ha la mynsiem Mar kumta de ka iohsngew, "Mei!" ba u pyrta u Kyuiñ na shabar, bad ka kyndit bynriew thret "Hei! Map Blei ia nga kaba bieit bad kaba lamwir. Map, Kynrad!" ka kren marwei kumba dwai artat, bad ka iohi ia u Kyuiñ. Ka mynsiem jong ka ka rhem biang da ka jingieit ia la u khun bad ka sngew shngaiñ ba ka dang don la u khun phrangsngi ban im, ban pynsan pynrangbah ia u haduh ba un da longbriew manbriew.

Haba u Kyuiñ u la dap hynriew snem tam, ka kmie ka phah skul ia u ha ka skul shnong kaba don hajan iing hu. U Kyuiñ ruh u smat bad u sngewtynnat bha. To slap to lyer, um ju pep skul. Ka skul ka long tang shiteng sngi ia ki khynnah rit, hynrei namar ba ka kmie ka leit lum leit lyngkha lajan man ka sngi, ka pynbuh ja-sngi, ba un bam, ha iing ki para marjan. Ha ka sngi Khrismas kaba nyngkong eh ba u Kyuiñ u ioh ha skul, ki nonghikai, haba ki iohi ia ka jingtbrit jingnep jong u, ki ai ia u ruh ba un rwai bad ban iadon bynta lem ha ki jingialehkai ruh. Hadien shisnem u Kyuiñ u la kiew sha Klas I. Dei kine ki por, lehse, ba u Kyuiñ u sngewtynnat eh, bad ka jingroi jong u ha ka jingpule bad jingsngewthuh ka la pynpyrkhat ia ki nonghikai shisien ban pynkiew noh ar klas syndon, hynrei u Headmaster um sngew dei ban pynkyrkieh than eh ia ka jingroi jong u.

Dei ruh ha kane ka por haba u Kyuiñ u la pule ha Klas I, ba uwei u samla uba la don 30 snem ei ei, u wan iapmat ia ka Irbon, ka kmie u Kyuiñ Une u samla uba kyrteng u Sorju, u shong ha Madan, bad u trei mistri dieng; u kamai ar tyngka shusngi, ka kamai kaba la heh bha ha kito ki por. La hynriew bnai kynthih u la dem leit kai sha iing ka Irbon, bad u la iajuh bha bad u Kyuiñ. Teng teng u pyniarap ia u Kyuiñ ha ka Jingkhein.

Arsien laisien ruh u Sorju u la leit bud lyngkha lang ia ka Irbon, tang ba um nang, um tip ei ei ruh ia ka trei lyngkha. Ka Irbon ka iohi ia kine bad shisien ka ong ia u, "phi te, Bah Sorju, umat phum lah, phi, ban trei lyngkha kumba trei ma ngi ki nongrep."

"Balei ngam lah?" u jubab, "ka shu long tang ba ngam pat ju mlien kein" u pynkut, hynrei hapoh dohnud pat u lah da rai ba u um dei u jait briew u ban wan ia-puh ktieh ne prat synrum kum kine ki nongkyndong. U, u la hikai, bad u la nang ia ka kam mistri, bad dei tang da kata ka kam ba un kamai.

Man ba u wan kai u leh don akor, bad ka Irbon kam pat ju iohi shisien ruh ka dak ka shin ban ong ba u long uba dih uba bam. Lada u dih pat hadien ba u la mih ban leit noh sha la iing, kam lah ban tip.

Ym slem shuh hadien kane, ba u Sorju u la wan shong ban ia long ung long sem noh bad ka Irbon U Kyuiñ ruh u la khot 'panah' ia u naduh kata ka por. U Sorju u leit trei la ka kam mistri sha Sor, bad ka Irbon pat ka minot hi la ka trei lyngkha. Kumba shibnai hadien ba ki la iashong lang, u Sorju u ong ha ka Irbon ba ka kham myntoi hi ka kam mistri shibun shah ban ia ka kam rep. Lada don lei lei sa ka seng khyndiat khyonsoit, u ong, u lah ban wai bun ki jingtrei ha Sor, kum kaba pynshna ung ia ki briew, bad tang katno u lah kamai bad ik bad ik ban long Kontraktor ha P.W D Kum ban pynsakhi ba kham ioh pisa da kaba trei mistri, u wan ai shisha hynriew hynñiew tyngka man ka taiew ha ka Irbon, bad ka ruh ka kmen ba ka ioh pisa haduh katne man ka taiew. Ka sngew ba kam shym la bakla ba ka kohnguh ban iapoikha bad u Sorju Hynrei kine ki taiew pynkmen ia ka Irbon ki long sa tang khyndiat eh hadien kane. Katba nang wan mih ki taiew, ki tyngka ba u wallam sha ung ruh ki la nang duna nang duna. Ym tang kata, teng teng ruh u la wan poi ung haduh ban da la mied bha bad ka buaid kiad artat. Ka Irbon kam lah ban tip la kane ka jingdih kiad jong u ka long kaba u dang sdang naduh ba u la wan shong bad ka, ne, kaba la shong kyrni lypa ha ka jinglong jong u naduh shwa ba un wan.

Ha kawei ka step, hadien ba u la wan buaid mynmied, ka Irbon ka kren ia u da kaba shai ba kam sngew-tynnat khyndiat ruh ia kane ka jingwan buaid jong u mynmied. Ka kylli ruh balei ba mynta u wan ai pisa sa tang khyndiat khyndiat.

"Wat khuslai," u kren pynshngaiñ, "nga ngam dei u briew uba dih kiad. Nga la shu ngat ha ka jingpynbor ki para lok ya ki pisa ruh, ym dei ba nga shu pynlut kai hangne hangtai. Nga wan ai duna kumto namar ba nga hap siew bainong ia ki nongtrei ba nga wai kawei ka iing ha Laitumkhrah." Ka jingiathuh jong u sngew kum kaba dei suda. Ka Irbon ka shu sngap noh. Kam pat lah ban bishar kut ia ka jinglong jong u. U Kyuiñ u don ha phyllaw ha ka por ba ki iakren. U iohsngew ba ka kmie ka ong ba u kpanah u wan ai duna ki pisa, u iohsngew ba ka kmie kam sngewtynnai ia ka jingdih buaid jong u. U iohsngew ruh ai u kpanah u kren, hynrei u sngew ba dei tang ka kmie hi kaba kren ia kaba dei. Naduh kata ka sngi u Kyuiñ um ju leh sngewtynnai shuh ia u Sorju, wat la u Sorju u la khroh ban pynjuh biang ia u.

Kumba ar lai bnai hadien, u Sorju u la wan buaid biang mynmied. Ka Irbon ka kren dom ia u, bad la mih ka jingiamai hapdeng jong ki U Kyuiñ u peit na pajih, u syer ioh u Sorju, ha ka jingbuaid, un ktah kti ia ka kmie, bad u lah bat lypa uwei u dieng ban iarap ia ka kmie lada donkam. Kum lashai mynstep, u Sorju u la leh pat kumba ym shym jia ei ei mynmied. U kren bha kren tip briew ia ka kmie u Kyuiñ, bad ynda la iaid bha ka jing-iakren, bad u la iohi ba ka Irbon kam shym leh dom shuh, u pan tyngka na ka.

"Nang ia-ai phi hynnewphew tyngka ba ngan ioh siew bainong ia ki nongtrei lashibit ka iewduh." Ka Irbon ka kylli nangno kan ioh tyngka haduh katta ban ai ia u. Um jubab nangno kan ioh tyngka hynrei u ia pyni ba lada um siew bainong ia ki nongtrei lashibit, ka jingtrei jong u kaba palat san hajar tyngka kan sa shu duh ei noh, bad ka tyngka kaba u la pynlut baroh kan shu duh ei khat. Ka jingiathuh jong u, bad ka jingpyni



nia, kaba ym i don dong shuh hangno hangno ruh ban woh. Ka Irbon ka rung shapoh bad ka sei hynriewphew tyngka na ki tyngka kiba ka la kynshew naduh ba u la wan rah pisa sha iing Na ki tyngka baroh kiba la wan poi ha ki kti jong ka, ka Irbon ka dang pynlut dang tang kumba khathynriew tyngka, bad ia kita ruh tang namar ba ka phah suh sopti-kut ia u Sorju kawei, bad shiphong ki sopti ia u Kyuiñ. Kam shym pynlut ei ei ruh ha ka bam. U kba lah don la u jong Ha ka jyntah jynber ruh, haba ka thied doh thied dohkha ka thied na la ki pisa kiba ka don khyndiat U jhur u jhep, u phan, ka shriew ruh ki pahuh na la kper, na la lyngkha. Kaba pynkyndit ia ka Irbon, bad kumjuh ruh ia u Sorju, ha ka por ba ka Irbon ka ai ia ki hynriewphew tyngka ha u Sorju, ka long ka jingleh bitar u Kyuiñ ba u khang ia ka kmie. "Wat ai, Mei," u ong u da hynnud haduh katta katta bad u da bat noh ia ka kti ka kmie kaba kner ban ai ia ki tyngka Dei tang ynda ka kmie ka la khroh ka la kfor ba u sa pyllait ia ka kti ka kmie ban ai ki tyngka ha u Sorju.

Te ki bnai ki la nang iaid, hynrei ym i don jingkylla ei ei ruh ha ka dih ka bam u Sorju. Na kata kaba u wai iing ha Laitumkhrah ruh, katno u iohngong, ne katno u duh, um ju pahuh ia ka Irbon Tip u da wai, ne khlem da wai ia kata ka ung ruh kam don lad ban tip.

Haba la dap biang ki bnai ka Irbon ka la ioh khyl-lung biang da u shynrang. Ia une u khyllung ka pyn-kyrteng hi ma ka da u Kshuiñ ban iasyruem bad u hyn-men, u Kyuiñ. Ym ju don ka kmie ka ban byrfiaw ia la ki khun haba ka kha ia ki. Ka Irbon ka sngewbha ba la don sa u Kshuiñ ban iashngaiñ shipara lashai ynda u la nang san, hynrei haba ka pyrkhath pat ia ka rukom im u Sorju, ia ki pisa ba ki nang duna shi nang duna na ka

kti jong u, ia ki lyngkha, ka pynthor, ba kam shym da ioh treï hok shuh naduh ba ka la iashong bad u Sorju, ka noh ka mynsiem, bad ka khuslai. Ka la iohi ba ym long ban shu shaniah ha ka jingioh pisa na u Sorju. Lada shaniah tang ha u Sorju, kin sa shu iap thngan lut baroh Ka sngew shykhei ban pyrkhat ba ki khun kin iap thngan lashai. Katba ka dang lung khun ka pyrkhat khuslai bad mied bad sngi ia kane. "Nga dei ban rep tynggeh noh ha kane ka snem. Dei tang da ka rep ba nga lah ban bsa ia ki khun," ka pyrkhat ha lade, hynrei ka sngewthuh pat ba kam lah ban treï lyngkha bad ka bah khyllung artat ha ka met. Yn leh kumno ia u Kshuiñ ? Ban buh da ka khyannah ban bah khun ruh, ym lah ioh pisa ban siew bainong ia ka. Ban siew bainong da u kba ruh ka bynnud ioh ym dap bam ki khun, namar kam shym ioh bun u kba mynta ka snem Kam shym lah ban treï bha ia ka lyngkha ka pynthor, namar ka jinglong ka met jong ka ruh shwa ban kha ia u Kshuiñ kam ai lad ia ka ban treï shitom. Nalor kata, u phria ruh u wan shoh pynjutor khyndiat shwa ban ih u kba. Ynda la ih pat u kba ruh, katba ym pat ioh ban ot, ki sim ki phreit ki wan pynluksan katto katne ba ym don brieve ban ap ia ka pynthor. Ki thiar ki la duna rhew. Ynda ka la pyrkhat lut phar ia ki jingeh baroh kiba don sha khmat ka iohi ba don sa tang kawei ka lad mynta lada ka dem hi khui ban rep, bad kata ka long ban pynpep skul noh ia u Kyuiñ ba un bah bad sumar para noh ha iing, katba ka pat kan nang rep la ka lyngkha, bad pynthor. Ka poi ha kane ka jingmut mynstep bad ka dohnud jong ka ka pang haba ka iohi pat ha kata ka por hi ia u Kyuiñ ba u khreh, u lum la ki kot, ban leit skul noh bad la ka rwai, da ka jing-sngewbha suda, ia ki jingrwai Khrismas kiba ki la iahikai shaid shi shaid ha skul. Ka jaw ki ummat, hynrei ka aiad noh kloi lan haba u Kyuiñ u wan shajan jong ka.

Ki ummat kim don shuh, hynrei ka khmat sngewsih jong ka ka paw, bad u Kyuifi, wat la u dang khynnah ruh u ithuh, tang shu peit, ba ka kmie ka don ha ka jing-sngewsih wat la um tip balei ka sngewsih. La bun bun-sien u shem ba dei u kpanah uba pynsngewsih ia ka bad ka mynsiem khynnah jong u ka khie bitar. U ielit thep mynsiem ia la ka kmie, bad u diaw u sngewsih lang haba u iohi ia ka khmat sngewsih jong ka. U kylli ia ka kmie "Balei phi sngewsih, Mei?" hynrei kam iathuh balei. Ka shu pynklet noh da kumne kumtai. Ka kmie hi kam pat sngew nud ban iathuh ia u Kyuifi ba ka la kut jingmut ban pynpep skul noh ia u tang shu la poi ka por ban puh ia ka pynthor. Ia ka lum ban rep phan, rep sohriew, kan sa shu ai nong ha u kpa ka Brin ba un pynprat bad ban lum bun. Ka don i pisa khyndiat ba ka la buh kyrpang na ka bynta kane.

Ha skul u Kyuifi, ki la pynbeit ban don ka jingpyn-khreh kaba kyrpang ban pynsngewbha ia ki khynnah na ka bynta ka Khriemas Ki ju leh ia kane kumba ar sngi shwa ban pyntip ia ka result eksamin bad ban sa pyllait shuti tlang artat Ia u Kyuifi ki la buh ba un rwai marwei ia kawei ka jingrwai

"Ha shyngoid sem kulai, ban thiah bym don kriah,  
U Khunlung Trai Jisu, hangta kein u thiah,  
Ki khlur kiba phymai, na bneng ki nang ap,  
Kynjai u iohthiah suk halor u 'lang-iap." &c., &c.

bad ba un iarwai lang bad ki para khynnah katto katne kiwei pat ki jingrwai, bad kawei na ki ka long kane :

"Jar (Jar) ka Mied ! Mied (ba) Kyntang !  
Dum tiw tiw, wan shai kyrpang

Tang ba ka Kmie bad i Khun ba dang kha,  
 Khun ba bhabriew thep jingreit da shusha,  
 Ngai ngai i thiah suk kynjai,  
 Ngai ngai i thuah suk kynjai. &c., &c.,

Ha ung ne ha phyllaw, haba shong ne haba iaid shane shatai, u Kyuiñ u kynud sah ia kitei ki jingrwai bad ia kiwei kiwei ruh kumjuh Ka sur jong u ka long kaba syiang jem, kaba sngur bad kaba da sngewieit shishia Dei na kata ka daw ba ki nonghikai ki jied ia u ba un rwai tang marwei ia kawei ka jingrwai Ka kmie ka la iohsngew ia kine ki sur jingrwai la shu man ka sngi hi kein, bad ka la lah ban kern ia ka sur bad ki ktien jong ki katto katne

Shwa ban long kane ka sngi rwai Khrismas, u Kyuiñ u la ong lypa ia ka kmie ba ka ruh kan wan sngap, namar ki nonghikai ki la bthah ia ki khynnah baroh ba kin wan ialam ia la ki kmie ki kpa ruh. U Kyuiñ u sngew eh ban khot ia u kpanah, namar la katto katne taiew um ju ia-kren shuh bad u, hynrei ka kmie ka pyni ba kan paw hieit shibun lada un bad noh ia u kpanah khlem da khot "Khot la ka khot," ka ong, "haba la khot, lada um wan ruh kam pher, tang ba la khot" Jait ba la ong ka kmie, u Kyuiñ u leit sha u Sorju ha kawei ka step bad u ong ia u ba un wan sha ka jingiarwai Khrismas ka ban sa long, hynrei u Sorju u ong pynban : "Ngan wan sngap ma nga ba men iapah myrsiang ma me ha skul ? Em, ngam wan " Shu kut noh hangta.

Haba la poi ka sngi, u Kyuiñ u la nang leit kloī ban iapynbeit pynbiang bad ki nonghikai ia la ka jong ka bynta, Ka Irbon ka wan poi kham hadien, ka bah ia u Kshuiñ, uba la, don phra ne khyndai bnai ha kane ka por Ka poi shwa ba kin iasdang, bad ka iohi ia u Kyuiñ ba

u iamareh shane shatai, bad u ialeh bun kam lang bad ki para khynnah Dap tang da ka jingiarkhie, jingkmén, jingsngewbha suda.

"Mynta ngin iasdang noh," u la pynbna uwei u nong-hikai nalar Stage Ynda u la iathuh lyngkot ba ka sngi Khrismas ka kham long kyrpang na ka bynta ki khynnah, bad dei na kata ka daw ha ki pynlong kum kane ka jing-iarwai Khrismas ba ki khynnah kin kmen bad sugewbha, u pynbna artat ba ka jingrwai kaba nvngkong da ki khynnah rit ka long, "To wan phi ki riwngiet," bad ha yn ialam ia kane ka jingrwai da u Kyuiñ Shar ki la ring ia ka pyrda, bad ka Irbon ka iohi ia u khun la jong ba u ieng ha khmat Ka mynsiem jong ka ka dap da ka jingkmén bad jingsngew sarong, bad ynda haba ki la iarwai ruh ka iohsngew tang ia ka ryndang u Kyuiñ Ka mynsiem jong ka kum ban shlei ba ka la dap than Ter shi ter, kawei ka jingrwai hadien kawei Don kiba u Kyuiñ u iadon lang bad don kiba um don "Mynta pat phin iohsngew ia ka jingrwai Solo da u Kyuiñ, Klas I," la pynbna biang na ka Stage, bad haba la ring ia ka pyrda, ka Irbon ka iohi utai u khun phrangsngi jong ka u ieng marwei ha khmat ka Stage, u phuh samrkhie artat Ha ki khmat jong ka hi ka i kumba u da bhabriew palat ha kata ka por Ka mynsiem jong ka ka la sdang ban kynthih, bad haba u la sdang lei lei ban rwai, "Ha shyngoid sem kulai ." ka sur jong u ka wan ktah syndon ia ka kut shadem jong ka, bad kam lah shuh ban set ia ka jingshlei ka mynsiem. Ki ummat jong ka ki tuid kum ka wah, bad khlem tip leh-raiñ shuh ka iam ksok-shi-ksok. U Kshuiñ, uba ka la shu thum sha khmat naduh kham mynhynne, haba u iohsngew ia ka jingleh ksok, ksok jong ka kmie, u khmied bad u peit ia ka khmat jong ka. Wat la u dang long tang u khyllung ruh, u ithuh ba ka kmie ka iam, u ruh u ia iam lang, tang ba u te u da jam artat. Ka Irbon ka kyndit bynriew ynda la iam u Kshuiñ. Ka klun noh kloï lan ia ka jingshlei ka mynsiem, bad ka ialeh katba lah ban

pyn-en noh shwa ia u, bad ka ruh ka sngap bha noh ia ka jingrwai u Kyuiñ shwa ba un kut. Katno ka jingsngew sarong jong ka ia la u khun! Au pat kan dang bynnud na ka bynta jong u!

Ka jingiam u Kshuiñ ka la pynthut khyndiat ia ka jingrwai u Kyuiñ na ka liang kiba sngap. Kiba iashong marjan ki shu peit ia ka Irbon. Kim lah ban sngewthuh balei ka iam. Kim lah ban iohi shapoh dohnud jong ka ia ka jingialeh kaba jur hapoh ka shadem jong ka, ka jing-kmen bad jingsngew sarong ia la u khun ka pynkyrsol ia ki ummat ka jingkmén, hynrei ki ummat kiba kham bun bad kham kthang ki dei kito kiba mih na ka jingsngewsih bad jingsngewsinei jong ka ia la u khun ba ka la dei ban pynpep skul noh sa tang katno.

Ynda la wai, u Kyuiñ u wan bran bran sha ba shong ka kmie ban peit ia ka khmat jong ka— ka i-sngewbha ne i-sngewsih?— bad u la kmen haba ka khmat jong ka ka i-sngewbha wat la kam shym da phuh haduh katta katta. Ka la ialeh katba lah ban nym pynpaw ia ka 'mat-sngewsih. Ki nonghikai ruh hadien ki iakynduh bad ia-khublei ia ka ha ka por ba ka mih ban leit noh U Headmaster u iakren bad ka, bad u ong ba ka dei ban sngew sarong ba ka ioh khun uba stad kum u Kyuiñ Mar kumta de ka Irbon ka lung mynsiem biang kynsan kynsan. Ka tap ia la ka khmat da ka tapmohkhlieh, bad ka iam hapoh tapmohkhlieh. U Headmaster u la lyng-ngoh. "Balei, Kong?" u kylli, hynrei kam nang ban jubab "Lada don kano kano kaba la pynsngewsih ia phi, sngewbha ban iathuh," u ong, hynrei ka shu tap sah la ka khmat bad nang jur pynban ka iam. "Don kaei kaei kaba pynsngewsih ia phi, Kong?" u kylli biang. Ka shu koh-nguh la ka khlieh. "To, khie ialeit noh shwa bad ki khun sha iing, ngan sa wan kai," u ong, namar um kwah ban kylli shuh ba dang iabun eh ki briew hajan.

Ar sngi hadien ki pynbna ia ka Result eksamin ha skul. U Kyuiñ u la leit sha skul naduh dang step, bad

kum kiwei kiwei ki para khynnah, u ruh u khuh u dohnud ba u kwah ban tip noh klo! u lait ne u shah bat.

Haba u Headmaster u iathuh ba un pyntip noh ia ka Result jong ka Klas I mynta, baroh ki khynnah Klas I ki la shu iasngap jar kum ki khnai, shu khih tang ka shyllipnud dik shi dik.

"Kine ki khynnah ki la pass bad la pynkiew ia ki sha ka Klas II." U pule ter ter ia ki kyrte ng uwei-pa-uwei, kumba thoh ha ka Register. Don ki kyrte ng hangne hangtai kiba khlem da mih Ka kyrte ng u Kyuiñ ka wan mih kham hadien hynrei u la kmen ba u la pass

"Na kito kiba la pass," u kren biang u Headmaster, "uba wan nyngkong eh dei u Kyuiñ, uba ar " bad kumta ter ter. U Kyuiñ um sngew nang shong shuh, u la kwah ban leit iathuh noh bran bran sha ka kmie, hynrei um nud mih katba ym pat pynwai.

Tang shu wai, u mareh khlem sangeh ban poi iing noh. "Mei," u pyrta, shwa ban rung ha iing, "nga la kiew sha Klas II, bad nga long nyngkong ha ka Klas." U khmih lynti ba ka kmie kan kmen, kan sngewbha, bad kan puh samrkhue, hynrei ka shu peit seh shiphang. Ynda ka la ang la ka shyntur ban kren, ka shu ong tang katne. "To, khun jong nga," bad ka sngap noh jar ba kam lait kren shuh, shu khuh tang ki rmiang shyntur kumba pyrshang ban puh samrkhue hynrei ba dang sngew myllung eh hapoh mynsiem long pynban kumba khfi iam. Hapdeng kane ka jingialeh hapoh mynsiem jong ka, ki ummat tylli ki kyrsoi bad ki tyllun na ki ngab jong ka sha ki khohsiew jong ka. U Kyuiñ u la dum ka jingpyrkhat khynnah jong u. Mynshisngi ruh ha skul ka kmie ka iam. Mynta ruh ka jaw sah ki ummat! Balei? U ithuh ba ka don ka jingsngewsih, hynrei um lah ban shemphang ia ka daw.

Ka Irbon ka da kwah shisha ba u Kyuiñ un shong skul haduh ba un da pass ia ki eksamin kiba kham shalor, hynrei haba ka pyrkhat ia la ka longung kumba ka long mynta hi, kam iohi ba dang don da kawei pat ka lad ban pyllait ia ki khun na ka thngan Lada long kumno kumno ruh, tang ban ioh bam ki khun, kan leh kumba ka la kut jingmut.

U Sorju u la nang ngop nang ngop ha ka diñ. Ym don shuh kawei ruh ka mied, ha ki taiew kiba la dep, ba un wan iing khlem buaid. Ha ka step 24 tarik December, u kren khroh ia ka Irbon, u batai ia ka jingtrei kam jong u, bad u iathuh ba u la iapynbeit ban shim wai ia kawei ka jingtrei ha Sor tang ba u trai iing u kwah ban da tip shwa la u long ne em u briew uba don la ka seng ka dang. U ong ba u la iathuh ia u trai iing ba ka tnga jong u (kata ka mut ka Irbon) ka don ka pynthor kaba shong dor sanspah tyngka, bad ki lyngkha lum ruh ar tylli kiba shong dor hi sanspah tyngka. U ong ba u trai-iing u kwah ban da ioh da ka jingthoh "Ban kloï ka kam," u ong, "kane, nga la nang pynthoh lypa ma nga," u sei ia ka kot na ka pla sopti, "sa tang ba phin shon-kti hangne," u pyni artat ia i jaka hangno ban shon-kti Ka Irbon kam nang pule kot, bad kam pat ju mlien ia kine ki kam iathoh iatar Ka sngew artatien bad sngew syier kumno-re-kumno, bad kam sngew nud ban shu leit shon-kti ruma ia kaba ka khlem da tip. Katba ka dang pyrkhat, u Sorju u lah da wallam ka phuiong, kaba u leit khrud na u khiew shet-jyntah. "To, kein, ai ka ti-kmie jong phi," u ong, ba un pyntah phu-iong.

"To, nangbuh shwa phi," ka ong, "ngan sa shon pat kham shibit."

"Em, shon noh mynta, seh, ba ngan ioh leit rah noh artat sha jingtrei," u pynbor ia ka, hynrei kam kohnguh. Ka ong hi ba kan sa peit pat ynda la kylluid kam lashibit. U Sorju um banse ban iehnoh ha ka ia ka kot iathoh, tang



ba u ong ia ka ba kan da buh bha khop. U ruh u leit noh sha Sor.

Hadien shibit arbit ka Irbon ka wad ia u Kyuñ, ka pyrta ba u don-sha kper. Ynda u la wan, ka ai ia ka kot u Sorju bad ka phah pule. "Ha pule, khun, kane ka kot, ki iathoh aiu, ki ia-ong aiu" U Kyuñ u shim bad u pule jar jar. "Pule jam," ka ong, "ba ngan iohsngew ki ia-ong aiu." U Kyuñ u pule jam Katba u nang pule jam suki jai, ka Irbon ka la nang pynieng bha ki shkor, namar ka iohsngew mynta ba ka kot ka kren pynban da kumwei, ym dei kumba batai u Sorju hynne "Nga ka Irbon, jait Myrdoh," ka iohsngew ba u pule, "nga shim tyngka phraspah na phi u Kaluram Mahajon , nga kular ban siew dep bad trai bad sut hapoh hynriew bnei Lada ngam lah ban siew kumba la kular, phi lah ban shim noh ma phi ia ka pynthor bad ki lyngkha kiba nga buh bynda ha phi.

"Mynno, Mei, phi leit shim tyngka?" u kylli u Kyuñ, u ruh u la lyngngoh bad sngewsih na ka hynta ka kmie.

"Wow, ko khun!" ka ong, "ka tyngka aiu kata ngan leit shim ma nga Kane te la dei hi ka kam ki briew kiba thew ban kyt syndon ia ka mynsiem jong nga. Wow! U nongshohnoh, pleng!" ka pynkut artat

"Mano, Mei?" u kylli u Kyuñ, namar u ruh uba tieng uongshohnoh bha, hynrei ka kmie kam iathuh mano. Ka shu shim noh ia ka kot na u Kyuñ, ka pyrkhat shiphang, bad hadien kata ka tar lyngkhot lyngkhai ia ka kot u Sorju, ka lum ia ki lyngkhot, ka leit bret hajan ka sem dieng kaba don harud ung. U Kyuñ u la shu peit lyngngoh, tang ba u la shu suba hi ba dei u kpanah uba leh ia kane.

Ha ka por janmied ha kajuh hi ka sngi, ki nongfald-rwai Khrismas, kiba iarah la ki lynten bad ki dongmusa, ki iawan shaphang iing ka Irbon. Ki dang iarung ha

phyllaw jong ka iing kaba marjan. U Kyuiñ u tip ba dei kiba na skul jong u, u mareh ban leit iarwai lang. Ynda ki la iadep rwai ha kane ka iing, ki iawan rung sa ha phyllaw iing ka Irbon. Ka Irbon kam shym khmih lynti ia kane, Ka shu ieng ha jyngkhang, bad hangta ki iawan ki nongrwai.

“Khublei Khrimas ia phi bad ia ka iing jong phi, Kong!” u kren uwei u samla uba ialam ia ka kynhun nongrwai. “Ngi wan ban iarwai mynta ki jingrwai jong ka jingkmén bad jingsuk, ba U Trai Jisu Un wan ban kyrkhu ia phi bad ia ka iing jong phi Ngi pyndon burom ia ka sngi Khrimas namar ha kata ka sngi la kha ia U Jisu Khrist ban long U Nongpynim ia ka pyrthei. Ha kito kiba pdiang ia U da ka jingngeit Un wan da shisha bad ka jingsuk jong U kan synshar ha kata ka iing”

Ka Irbon kam shym pynphai ktien Ka shu puh samrkhie, hynrei hapoh dohnud ka sngew ba kito ki jingiathuh khana ba u Kyuiñ u shait wan iathuh ia ka shaphang u Jisu Khrist ki kyntu ia ka mynsiem jong ka ban pdiang ia kata ka jingsuk kaba U Jisu Khrist U wallam Ki khynnah nongrwai ki la sdang biang ban iarwai da ka mynsiem kaba shlei da ka jingkmén suda Ki la iarwai saw tylli bad ha ka por ba ki dang iarwai pat ia ka jingrwai kaba sdang, “Ei uta”, ki iohsngew na shaphang phalor, ka jingpah, lane ka jingpyrshang ban pah, kum u myrsiang, “O-O-O-O, kia - kia - kia - huwa, kiak - kiak - kiak - huwa &c., &c” Ki nongrwai ki la iaphai lut sha phalor ban tip dei mano uta uba pah myrsiang. Ka Irbon ka lah tip ba dei u Sorju. U Kyuiñ ruh mar iapeit sha phalor u lah ithuh ba dei u kpanah U Sorju u la kám ia ka phalor, u jan ur artat, bad u wan iaid shen-shen shapoh phyllaw. U lah buaid phar jawshéh.

“Ei uta, ei uta, me iakylli myntan, dei ma nga, Ho-oid kein, dei ma nga, uba nang ban pah myrsing, me iasia mem ianang re kum nga,” u kren buaid shatweh, bad

u pah myrsiang biang, "kia - kia - kia - huwa, nga pat nga ong, nei janta, nei janta," u rkhie buaid artat marwei marwei. Ka Irbon ka la saw kyrang laiñ ba ka la lehraiñ, bad ka la dom artat Ka wan sia sia sha ba u ieng, ka shum ia u na ka kti bad ka patom ia u. U pyrshang ban iapyneh hynrei ba u la buaid um lah kyrshan. Ka Irbon ka shu ring heit toiñ-toiñ shapoh iing, ka pynshong ia u da ka bor, ka mih shabar ia lade, bad ka khang lyndet tdam ia ka jyngkhang

U Kyuiñ ruh u la lehraiñ bha ha khmat ki para khynnah, hynrei ki pat ha la ka rukom khynnah, ki nang i thamula pvnban ia u nongbuaid Ynda ki la iarwai biang, ki iohsngew uta u nongbuaid u dang pah myrsiang hi napoh ung

Haba la dep ki jingiarwai ki la iakhublei ia ka Irbon, bad ki la ialeit noh ban leit rwai sa shawei shawei de. Ynda ki la leit, ka Irbon ka plie ia ka iing, ka rung bad ka iohi u Sorju u la shu thuah lter ha madan (tbian) bad la ka thnum buaid blok shi blok. Ka ieh la ka ieh ia u haba u thuah, ka shu pyntap jauñ halor met ba ioh u iap khriat.

Lashai mynstep, ka sngi Khrismas, u Kyuiñ u lah khie la dang step bad u la leit bran sha iing ki paralok ban iapynbeit ia kiei kiba kin ialeh mynsngi. Ka Irbon ruh, bad u Kshuiñ, ki la iakhie. Ka, ka la sdang la ka shet ka tiw, u Kshuiñ pat u nang par kai kat sha ba u mon. U leit poi sha ba th'ah u kpa, u tare la ki kti sha ka khmat u Sorju, bad u bat na ka khmut trait U Sorju u phai noh shawei, hynrei u Kshuiñ u par u wad hi ia ka khmat, bad ynda u la lap u bat biang trait na ka khmut. U Sorju u kyndit noh, u iohi ia ka Irbon, u khie joit, u mih bran sha khyndew, tip ba u lehraiñ, ne ba u la salia than ia u Kshuiñ, ym lah ban ong. Ka Irbon ka la dep la ka shet ka tiw bad ka la weng noh ia u khiew jyntah nator ding. Ka ap haduh ba un da wan u Sorju. Ynda u la wan phai,

kumba shi kynta palat hadien, um kren shi kyntien ruh. Imat u dang sngew lehraiñ ba u kynmaw ia ka jingkren buaid hynne mynmied. Ka Irbon ruh kam kren. Ka shu kner la ka kti kamon sha ba buh pliang, bad ka sei ar tylli ki pliang, ka buh ha khmat. Ka ieng pat joit ban leit shim bad wan rah ia u Kshuiñ sha dpei ban iabam ja noh. Ka Irbon ka la khat ja khat jyntah ha kawei ka pliang na ka bynta ia lade bad u Kshuiñ, namar ia u Kshuiñ ka dang hap hi ban shu pyntian. Shikmie shikhun ki la iabam U Sorju u shu peit na pajuh Ynda la sngew kwah bam, u wan shong hajan dpei "To, khat ja lem noh ia nga de, phi" Ka Irbon ka pynkhat bad ka a i ka pliang sha u U shim bad u la bam Ynda u la dep bam, u thet la ki kti bad u rah biang ia ka lyngknot kham sharud, ban dih duma (smuk) U la dih pum shi pum, ym pat don ba kren mano mano ruh, lait tang u Kshuiñ, la ka kren khyl-lung marwei. Hadien shibit arbit ka Irbon ka phai sha u, ka kren! "Sngap shane," ka ong, la kumba ai hukum, "ma nga bad phi ngi dei ban iakren da kaba shai mynta ka sngi. Nga la iohi shai kdar mynta phi long u brieve uba kumno Hynne mynmied phi la pynlehraiñ jahburom ia ka ung jong nga. Katba nang mih ki sngi phi la nang ngop ha ka dih. Ym don shuh kawei ruh ka mied ba phin wan ung khlem buaid. Phi uba sngewbha lyngngai la ka dih ka bam. Ha iing ngi ioh ja ne ngi bam shiteng kpoh, phim ju khuslai. Phi la leh bein la biang ia nga. Shu tang da ka phlan duman suda ia nga. La katno bnai mynta tang kawei ka damli paif ruh phim shym wan ai shuh ia nga. Ia ki pisa kiba nga buh khyndiat khyensoit ruh phi khlung lut pynban. . .," hangne u Sorju u la kem ktien noh : "Nga nang lah mut kein hynnin tang ba phim pat shon-kti ia ka'o ka kot. Phi la dep shon mynta?" u kylli, u klet ba hynnin u batai da kumwei ia kato ka kot. Mar kumta de u sngewthuh ba u la lait la u jong u thyllieij, bad u pyrshang ban tap eit miaw noh : "Phi i, ka

long kumne kein ,” hynrei kam myntoi. Ka Irbon ka lah ioh kem ia ka jingarsap jong u.

“Wat batai shuh,” ka ong, “phi lah mut hi ban shu kjit lut katha nga don, bad pisa pilain, bad iing bad sem, bad lyngkha bad pynthor. Dei ka pynthor bad ki lyngkha kiba la pynum ja ia nga bad ki khun, ym dei ma phi. Hynrei mynta phi thew ban die syndon ia ka mynsiem jong nga ha u dkhar u lyngkien. Nga la shu ngeit baroh kito ki bnai kiba mynshwa ia ka phlan duman jong phi: Phi ruh phi la shu tharai ba ngan shu bieit sah baroh shilynter haduh ba phun da ioh kjit lut ia ka mynsiem jong nga bad ki khun jong nga, hynrei U Blei Nongbuh Nongthaw shano. U leit shah kum ia kata . ” U Sorju u la shu ksaid kaba shong, u leh kumba u kwah ban kren, hynrei u shu ong :

“Ai noh kato ka kot, ai noh,” um don ktien da kumwei pat ban kren Ka Irbon kam pat pynsgew ia kane ka jingpan. Ka bteng biang ia la ka jingkren :

“Ia nga ka kynthei briew phi la shu pynbieit tang da ka thok ka shukor suda Phi phah shon-kti ia kato ka kot, hana te ban ong ba nga don ki lyngkha bad ka pynthor, hynrei phi phah shon-kti ha ka kot ki nongtuh bad ki nongshohnoh, ban duh ei ki lyngkha bad ka pynthor jong nga, ban sa pynlong nongkhong ia nga bad ki khun jong nga. Khie leit shim nangtai na kyndong semdieng ia kato ka kot jong phi, nga lah tar lyngkhot lyngkhai. Khie leit khar ia ki lyngkhot lyngkhai jong phi, leit thaw iing thaw sem shawei pat. Kum ia nga phi nud ban wan thok wan shukor, khie,” ka ong, ka da pynjam la ka ryndang, ba la khie ka jingbitar, “mih noh nangne na iing. Naduh mynta ka sngi wat wan kiew tyngkong shuh ha iing jong nga.” Ka sangeh shiphang, ka peit sha u, “To,” ka ong, “Kren sa ma phi,” ka peit da ka kumat kaba pynpaw lut ia ka jingthang bad jingiat ka mynsiem jong ka kumtuh

ruh. ia ka jingsngewskhem jong ka ba ym don da kumwei pat ia ka ban leh.

U Sorju um don ktien shikyntien ruh ban ong. Ki ktien ka Irbon ki la kynthah jur ia ka jingsngew briew jong. U dang sat syllang sah. Hapoh mynsiem la jong, u kubur ba u la thmu shisha ban leh ia ka kam kaba da lade hi un nym lah ban siewspah pat lano lano ruh. Lada ka Irbon ka la bieit bad la shu shon-kti beit ia kato ka kot kumba u kwah, u tip ba ka tyngka kaba un roh kan leit sha kijuh ki kam ha kiba u la pynlut ia ki tyngka baroh mynshwa — ha ka iakhalai bad ha ka dih. Te kum iba la shah pynrem da la ka jong ka jingiatiplem u Sorju u ieng joit na ba shong, i kumba u kwah. U shong ei ei, hynrei um kren, u shu phai sha jyngkhang ba u nih bran na iing ka Irbon ban leit wad pyrthei thymmai shawei pat. Ka Irbon ka shu peit ia ka ingdong jong u haduh ba un da la kam ia ka phalor bad jah artat jak sha ba ym iohi shuh. Ka shong pyrkhath marwei ia ki jingfia baroh. Ka sngew kumba ka la lait na ki jingsuhsat kiba pynjynjar ia ka, hynrei ka kynmaw pat ia u Kyuifi. Kane kawei ka jingpyrkhat kaba dang pynkhusai ia ka. Ban da um don u Kyuifi ban pynpule ia kato ka kot u Sorju. kumno kan tip ia ka jingthmu u Sorju? Ka dap da ka jingsngewieit ia la u khun ba u la nang la stad ha la i kyrdan rit, hynrei ka dei ban pynpep skul noh...

"Mei," u pyrta u Kyuifi, na sha phyllaw, "i Headmaster i ong in sa wan kumne kumne. Ngi iawan lang tang ba i dang rung ha iing u Korti."

San ne hynriew minit hadien, utai u Headmaster u la wan rung ha phyllaw, bad u wan beit beit sha ba ieng ka Irbon :

"Khuhlei, Kong," u ong, "aga da kwah eh ba kane ka Sugi Khrismas kan long kaba dap da ka jingkmen bad jingngewbha suda ha phi bad kiba ha iing baroh."